



N. med. 331

Friccius

<36618667340015

<36618667340015

S

Bayer. Staatsbibliothek

Mat. med. 331

16 42 99

Med.

Mat. med. 331

Ferri

90.

MELCHIORIS FRICCHII
MEDICI ULMENSIS
Tractatus Medicus
DE
VIR TUTE
VENENORUM
MEDICA

In quo

Paradoxologicè & contra
communem Medicorum opinionem
experimentis, rationibus, & celeberrimo-
rum in arte medicâ Virorum autho-
ritatibus probatur, venena internè & ex-
ternè usurpata non esse noxia, sed præ-
stantissima remedia, & in morbis despe-
ratis, ut lue venereâ, leprâ, maniâ, epile-
psiâ, febribus quartanis, &c. ultimum
Medicorum & ægrotorum refugium,
& eorum correctiones & præparatio-
nes ut plurimum esse superfluas & in-
utiles, simulque cujusque veneni
antidotum ostenditur.


ULMÆ

Impensis Authoris


Anno 1701.

NON TIMIDE NEC TEMERE.

**Bayerische
Staatsbibliothek
München**



Procemium.

uod Johannes Barclaius in suo Icon. animor. de Typographiâ & pulvere nitrato judicat, illud etiâ de venenis verum est. Eorum inventum, inquit, Orbis Germanorum ingeniis debet, ambiguo prorsus beneficio, & quo tam perniciës mortalium, quâm utilitas humanis rebus se ulterius insinuavit. Similiter dubium est, an major venenorum vis in nocendo, an major utilitas in juvando sit, prout scilicet ea utentem vel abutentem invenerint.

Sed de venenorum naturâ deleteriâ & nocendi modo multi Medicorum scripserunt, qui verò de eorum virtute salutarî, medicâ, juvandi modo, & quomodo ex iis egregius remediorum apparatus comparari possit, docuerit, nullum scio. Rationem credo esse sinistram de vene-

A

nis

nis opinionem. Nam omnes ferè statuerunt, à veneno re noxiosissimâ, & quæ quasi internocivum & irreconciliabile odium cum humanâ naturâ gerit, cujusque solum nomen terrorem incutit, nihil boni ad sanitatem hominis impetrari posse, quæ opinio tam alte hominum animis insedit, ut eam vix dimissuros esse spes sit. Unde ad damnandum & rejiciendum aliquod remedium, sine ulteriore rei indagatione, uti fieri solet, si animus opinione quadam præoccupatus est, fatis erat, si in suam compositionem aliquod venenum admitteret. D. Georg. Welschium olim Medicum Augustanum hanc materiam tractare voluisse accepi, verum vel difficultate rei absterritus, vel fato præventus in hac re nihil effecit.

Quapropter ut eruditos viros materiâ quadam novâ delectarer, simulque utili & ad praxin medicam necessariâ iis prodessem, vel ad minimum ad rem diligentius inquirendam iis occasionem præberem, eo avidius iterum calamus strinxi, atque de venenorum virtute medicâ scribere constitui.

Posset

Possit tamen hic meus conatus in malam partem accipi, mihiq; exprobrari, me laudando istiusmodi periculosa remedia audaculis quibusdam & temerariis occasionem miseris ægrotis nocendi præbere, & si Leonhardus Fuchsius Avicennam acriter perstringit, eumque Tyrannum & homicidam appellat, atque eos, qui doctrinam ejus sequuntur, detestatur, quod solum napellum contra lepram commendaverit, quale judicium Medici nonnulli de mea sententia, quæ omnia venena in remediorum numerum redigere conatur, ferent? Ceu quoque magnâ infamiâ ab antiquis scriptoribus notatur Aristoteles, quem accusant, ac si Antipatrum Macedoniæ Præfectum artem venenandi, quâ Alexander Magnus periit, edocuiſſet. Verum istam infamiæ notam, quâ Philosophus aspersus fuit, abstergere conatur Stephanus Forcatulus tract. de Gallor. Imperio & Philosophiâ libr. 7. & quidem recte, uti censet Henricus Salmuth in Comment. in Panciroll. Novor. Repert. Tit. ij. de Porcellan. Non enim credibi-

le esse hi viri existimant, tam nobilem Philosophum insidiarum in Regem concium fuisse, quamvis exitialem illam aquam detexerit, sciens nihil mali genuisse naturam sine aliquo bono, nihilque tam præsentis esse veneni, quod vel per se ipsum, vel aliis salubribus admixtum, ad antidotum non spectet. Neque Avicennæ defunt Patroni, qui causam ejus defendere, eumque à Fuchsii & aliorum calumniis liberare, & ejus doctrinam approbare contendunt.

Id ipsum etiam me potest à maledictiâ aliorum liberare, qui jam rationibus, experiētiis & celeberrimorum Viro-
rum autoritatibus demonstrare conor, nullum esse venenum tam vehemens, quod rectè & methodicè usurpatum non ad antidotum spectet, nullam rem tam noxiam, quæ non multa bona & salutifera in se foveat, atque ubique Numinis divini bonitatem non satis prædicari posse, si consideramus, etiam ab iis rebus, quæ unice ad nostram perniciem à Naturâ producta esse videntur, tam insignem ad morbos medendos fructum capi

pi posse. Porro probaturus sum venena, ut ea natura produxit, esse summa remedia, non verò sub prætextu correctionis & præparationis à Chymicis interdum miserè vexata, & viribus suis magis orbata, quàm aucta. Denique venena in curatione morborum alia remedia activitate suâ superare, eaque incassum tentatis aliis auxiliis etiam in morbis desperatis esse Medicorum ultimum refugium, & ægrotorum sacram anchoram, ostensurus sum, idq; venena non occulto, uti hætenus crediderunt multi, sed manifesto modo præstare, docebo.

Si igitur alii deinde hisce remediis imprudenter & malitiosè ad hominum perniciem abutuntur, id erit præter meam intentionem, qui mihi, non quomodo venenis noceri, sed juvari possit, docere proposui, atque methodum & cautiones, quæ in usu horum remediorum observandæ sunt, apponere non neglexi.

Habebunt igitur Medici novum candoris mei monumentum, quo si iis inservire

fervire, aut eorum diligentiam ad meliorem rei hujus indagationem sollicitare potero, erit mihi id infumpti laboris maximum pretium, & ad alia officia præstanda incitamentum.

Caput primum de Venenis in genere.

ANtequam de venenorum in morbis curandis egregiis qualitatibus aliquid in medium proferam, ad meliorem rei explicationem prius mihi dicendum erit, quid sit venenum, & quæ ejus differentia.

A plerisque Medicis veteribus & recentioribus venenum definitur esse, quod singulari proprietate, occulto modo, spiritibus & humoribus nostris inimicum est; quâ veneni definitione sibi contradicunt, ita enim ea, quæ manifestâ qualitate & corrodendi virtute suam virulentiam exferunt, qualia sunt, ut ipsi affirmant, arsenicum, Mercurius sublimatus, præcipitatus, cantharides & alia, ex venenorum censu excluderentur.

Mihi veneni nomine dignum esse videtur omne, quod in parvâ quantitate magnas obtinet nocendi vires, vel quod spiritus, humores & partes solidas corporis nostri insigniter, & in parvâ quantitate lædit, corrumpit, & profligat. Dico insigniter, quò ipso venenum ab aliis morborum causis distinguitur; nam &

ez

ex humores nostros corrumpunt, spiritus irritant, partes solidas lædunt, verum levio-
 re modo ; deinde venena parvâ sui mole maximas
 læsiones corpori nostro inferunt. Est enim e-
 orum vis concentrata, ut non ita magnâ
 quantitate ad virulentiam suam exercendam
 opus habeant, quæ nocendi qualitas in aliis
 rebus sanitati nostræ adversis diffusior est, &
 ad suam actionem præstandam majorem mo-
 lem & longius tempus requirit. Ita venenum
 pestis, lepræ, luis venereæ, arsenici, opii, can-
 tharidum in minimâ dosi & quantitate maxi-
 mam agendi vim ostendunt, & horrenda sym-
 ptomata excitant, limmo ipsam mortem ani-
 mali inferunt, ita minimum & vix oculis per-
 ceptibile vulnusculum à scorpione, viperâ in-
 flictum maxima mala causatur, & ob id ab o-
 mnibus venenosum esse censetur.

Ceterum venenorum omnium, ut pestis,
 dysentericæ, lepræ, luis venereæ, opii, cicutæ,
 mandragoræ, cantharidum &c. agendi mo-
 dum non minus manifestum esse reor, quam
 aliarum causarum morbificarum.

Differentiam venenorum quod attinet, de
 eâ in tractatu meo de Paradox. med. egi, at-
 que venenum distinxî in naturale. & præter-
 naturale. In quâ veneni distinctione non
 ad naturam hominis & animalis respicio, ita
 enim omne venenum esset præternaturale,
 sed causam & originem cujuscunque veneni.

Nam aliud est venenum morbosum & ex putredine & corruptione humorum pronatum, quale est venenum pestilentielle, febrium malignarum dysenterix, variolarum, luis venerex, lepræ, scabiei malignæ, tineæ, morsus animalis rabiosi &c. aliud quod à rebus naturalibus sanis, incorruptis, in se perfectis, sive sint mineralia, vegetabilia, sive ab animalibus proveniant, ut arsenicum, lithargyrium, opium, cicuta, nux vomica, hyosciamus, napellus, cantharides, quo etiam ex naturalibus arte parata, ut Mercurius sublimatus, præcipitatus, vitæ, buthyrum antimonii, aqua fortis, emetica antimonialia referenda sunt.

Differunt autem hæc venena non solum origine, sed etiam agendi modo. Nam venena præternaturalia in modum fermenti humores in corpore nostro corrumpunt, putrefaciunt, eosque in suam naturam convertunt, quod satis superque symptomata dictorum morborum, ut inter alia corruptiones & exulcerationes partium solidarum, ossium caries, capillorum defluvia, alvi fluxus fortentissimi, febres probant. At venena naturalia præcipue in partes solidas, & nervosas corporis humani vim suam convertunt, atque eas corrodendo, irritando, singultus, convulsiones, vomitus, diarrhæas, tormina & dolores excitant, vel vim narcoticam iis insinuando, sopores & deliria progignunt. Ceterum tantum

tum abest ut sanguinem & humores inficiant, corrumpant, quod venena præternaturalia, faciunt, ut magis si moderatè usurpata fuerint, vitia eorum corrigant, labemque eorum tollant. Nec adeo, ut communiter creditur per se spiritibus vitalibus infensa sunt, ut venena præternaturalia, quæ cum iis internecivum odium gerunt, sed tota eorum vis deleteria in eo consistit, quod inimicis suis acribus & saculeatis corpusculis, quibus instructa sunt, fibrillas nervosas in partibus sensu præditis graviter percellant, vel suis particulis fumosis, quas in stomacho, & partibus aliis corporis calore resoluta de se spargunt, nervos, & cerebrum oppleant, easque partes stupefaciant.

Falsum igitur est, quod ut plurimum à multis statuitur, venena naturalia sanguinem coagulando, resolvendo, humores serosos præcipitando vim suam exerere. Qui in hujus rei probationem argumenta & experimenta practica & anatomica desiderat, ille habere poterit ex clar. D. D. Joh. Jacob Wepffer tractatu de Cicut. aquat. ubi author operosè & multis rationibus cicutam, hyosciamum, baccas solani, napellum, nucem vomicam, cocculas, arsenicum, mercurium sublimatum, magisterium gialappæ, &c. venena intra ventriculum adhuc existentia, citra ullam massæ sanguineæ illatam labem animal occidisse probat.

A ;

Et

Et cap. 7. loc. cit. inquit, ad explicandos venenatorum effectus, non abs re spicula eorum arripi, cum partium nervosarum, seu tactu & sensu præditarum læsiones sævissima consequantur symptomata toto systemate animali in consensum raptò, (seu. uti Helmontius loquitur,) furioso reddito, unde humores & spiritus valde turbantur, quamvis exempli gratia nihil adhuc effluviorum venenatorum sanguini permixtum fuerit, vel saltem nondum hâc proportionē, quæ hujus systemi gravius perturbare & pessundare posset. Sed ante Wepfferum eadem fere sensit Helmontius. Nam tit. Demens Idæa text. 12. p. m. 212. de se testatur. Cum aliquando degustato napello dementia mihi oboriretur, sensi, ait, cum admiratione, apertè, & dilucidè, atque constanter intelligendi munus obiri in præcordiis, & expandi circa os stomachi, idque adeò sensibiliter & clarè sensi, atque attentè notavi, quod quamvis etiam sentirem sensum & motum sospites à capite in totum dispensari, tota discursuum facultas notoriè & sensibiliter in præcordiis esset, cum exclusionē capitis, quasi tunc mens sua consilia ibidem meditaretur. Tit. Duumvirat. text. 6. Opiato materialiter existente in stomacho, somnus excitatur, prout invita sæpius monstravit experientia.

At sine dubio etiam hujus rei explicati-
onem

onem adjuvabit, si nervi non ut canales spirituum, sed corpora solida, à suo principio cerebro, & ejus meningibus orta, atque ab eo ad omnes corporis partes disseminata confiderentur, quorum uno aliquo à veneni particulis acribus vel irritato, vel alterato, facile tota eorum compages in motus anomalicos concitari potest, uti iterum, sufficientissimè, ut spero, in tractatu de Paradox. med. explicavi.

Hæc dum profero, nolo tamen negare venenorum & purgantiũ qualitatem ad massam sanguineam pervenire, eamque certo modo afficere, uti mihi jam fuit objectum; esse enim vias patulas, & nihil impedire, quo minus venenum & purgans ad massam sanguineam pervenire possit. Nam si hoc statuerem, mihi ipsi contradicerem, dum in toto hoc tractatu venenorum qualitatem humorum malitiam, cruditatem corrigere, eorum visciditatem & tenacitatem incidere & attenuare affirmo. Sed volo tantum venena & purgantia suam venenandi & purgandi actionem non in massâ sanguineâ, licet ad eam perveniant, sed solidis partibus exercere. Sic si quis à sumpto arsenico, napello, cicutâ moritur, non moritur quia arsenicum, napellus, cicuta sanguinem vel coagulavit, vel resolvit, vel alio modo affecit, sed quia dicta venena ventriculum & intestina corroserunt, inflammaverunt, eorumque fibrillas nervosas irritaverunt. Simili ratione

tionem elleborus albus, colocynthis non ideo purgant, quia eorum virtus ad massam sanguineam transiit, sed quia eorum particula acuta ventriculi & intestinorum partes glandulosas irritant, vellicant, & irritando magnam humorum serosorum copiam ab iis exprimunt. Atque ita rem se habere præter dicta probat etiam, quod venena imprimis in magnâ dosi assumpta, statim, & antequam ad massam sanguineam perveniunt, suam truculentiam de se prodant, atque tragoediam suam in ventriculo & intestinis quasi in suo proprio theatro ludant; quod symptomata ab iis excitata, ut vomitus, singultus convulsiones, dolores, tormina, sopores, stupores &c. non massam sanguineam corruptam, sed afflictum nervosum genus indicent; quod eliminato per vomitum veneno, eoque ex ventriculo rejecto statim symptomatum sævitia mitigetur, vel planè tollatur.

Deinde contagio etiam differunt venena præternaturalia à naturalibus. Nam venena præternaturalia miasma putridum, lentum & viscidum de se emittunt, quod ob lentorem alteri corpori adhærens per corruptivam fermentationem in eo simile venenum generat, quem lentorem habent ab humido calido corpus resolvente; at venena naturalia non solum contagiosi miasmatis sunt expertia, sed etiam multa eorum, uti deinceps dicetur, contagio potentissimè resistunt. Hi-

Hiscæ de venenorum naturâ & differentiis præmissis quæritur jam an venena in remedium numerum recipi possint.

Qui negativam sententiam tuentur, dicunt venena propriè ita dicta totâ substantiâ, & proprietate quadam singulari spiritibus & humoribus inimica esse, atque ideo ad morborum medelam non adhiberi posse. Non enim simul stare posse, naturæ humanæ inimicum esse, & ad ejus sanitatem aliquid conferre, immo videtur contradictio in adjecto, uti Philosophi loquuntur, *venenum & remedium*. Et si res venenata naturæ nostræ inimica contra morbos assumpta fuerit, sine dubio, eos graviores reddet, incumbente tunc naturæ gravissimo onere, ut simul cum causâ morbificâ & veneno configat, quo ipso curatio impossibilis redditur.

Sed difficultatem tollit ipsa differentia à Medicis adhibita, quâ distinguunt inter venena, quæ quantitate solum venena sunt, quæ remedia esse posse ipsimet fatentur.

An autem dentur venena, quæ nullo modo in remedium numerum venire possint, uti itidem affirmatur, alia est quæstio.

Ego sane nullum venenum naturale, utut noxium & vehemens est, dari credo, quod non etiam salubribus qualitatibus præditum, sit, & non aliquando loco remedii contra morbos in usum medicum trahi possit.

Nam

Nam longè alia ratio est venenorum præternaturalium in ipsâ humorum putredine & corruptione conceptorum & natorum. Illa singulari proprietate & naturâ suâ humores in corpore nostro inficere, & ita contaminare posse, ut minima eorum portiuncula, vel ut ita loquar, unicum eorum granulum massæ sanguineæ communicatum, eam totam corrumpat, atque ita quantitate & qualitate seu substantiâ nobis noxiosissima venena esse lubenter concedo. Verùm venena naturalia non humores primariò venenant, & putrefaciunt, sed magis nervosum genus adoriuntur, miasmatis contagiosi & fermentati expertia sunt, atque irritando, vel stupefaciendo suas vires exerunt. Unde evenit, ut licet & illa in minimâ quantitate intus sumpta, vel extus applicata maximas vires obtineant, & ingentium malorum causæ sint, ut tamen vim suam venenatam in corpus nostrum exerant, certâ & determinatâ quantitate & dosi opus habent, intra quam constituta planè inefficacia sunt. Ita drachma una opii, cantharidum, arsenici, ad hominem interficiendû sufficit, quod verò aliquot eorum grana præstare non possunt, & ita vis eorum venenata non timenda sit. Præterea, uti res reliquæ naturales, ita etiam ex iis venena suas habent naturales qualitates, quæ uti semper causæ morbificæ sunt contrariæ, & ei oppositæ, ita si in morbis as-

sum-

sumantur, & applicentur, ab iis semper salutaris effectus est sperandus, ceu de venenis causticis, purgantibus, narcoticis mox docebitur, ubi venenorum singulorum qualitates examinabuntur.

Nec obstat ad eliminanda remedia ex venenorum classe petita dicere, ea corpori & spiritibus nostris esse adversa, atque ideo ea nunquam morbis mederi posse.

Sunt enim infinita remedia, quorumque usus à nemine Medicorum in dubium vocatur, & quæ in morbis propellendis præstantissimorum pharmacorum officio funguntur, non obstante quod naturæ humanæ sint adversa, immo, quod magis est, dum naturæ vim inferant, eandem à morbo liberant, quod à purgantibus, emeticis, vesicatoriis &c. præstari videmus. Ea non solum nostro tempore Helmontius, & cum eo nonnulli recentiorum Medicorum, sed etiam ipse Galenus libr. 2. de vict. ration. in morb. acut. comment. 2. text. 12. naturæ nostræ contraria, vel ut quispiam dixerit, lethalia & deleteria esse pronuntiavit, atque cum succo papaveris, hyosciami, mandragoræ comparavit, & tamen iis cum successu ad suppetias ægro ferendas utimur. Sic si ventriculus saburrâ excrementitiâ biliosâ repletus fuerit, emeticum venenum ægroto exhibitum, dum insensâ suâ qualitate ventriculi fibras nervosas irritat, velligat,

cat, spasmodicè contrahit, & vomitum ciet, simul etiam ventriculum onere suo & molestiâ liberat, & ægrotum sanum reddit, sicque id, quod per se naturæ nostræ est inimicum & venenum, per accidens ei redditur amicum, & summum remedium. Parem effectum ab exhibitis purgantibus, si materia morbifica in intestinis, primis viis, vel etiam remotioribus partibus hæreat, expectamus & obtinemus. Quapropter non sequitur purgantia sunt venenosa, ergò in medendo nunquam iis uti possumus; quo argumento in antiquos Medicos invecus est Helmontius & ejus assensu, quibus tamen ipsa experientia contrarium testatur, quæ docet, etiam ipsa venena remedium munus obire posse. Nam in curandis morbis præcipuè Medicus id agere debet, ut causam morbi per idonea remedia, vel expurgando vel corrigendo summoveat, quod sæpissimè per purgantia & venena, quæ causæ morbificæ summè contraria sunt, fieri necesse est; nec in eligendis remediis Medicus nimis sollicitè inquireret, num ea venenosam qualitatem habeant, sed potius, num ea qualitas venenosa causæ morbificæ sit contraria, quæ si est, non dubitabit istiusmodi remedium morbo opponere, noxam verò, quæ à remedio venenoso timetur, per prudentem & methodicam remedii exhibitionem facile evitabit. Neque refert remedium salutare & venenum

venenum sibi invicem opponi, quia novum non est, ut una eademque res diverso respectu sit noxia & venenum, & remedium salutare; venenum, quatenus agit in corpus hominis; remedium quatenus omnibus viribus in causam morbi agit, eamque oppugnat.

Objici etiam potest, venena vitæ humanæ infensissimos hostes esse, quæ si sanos & robustos in miserrimum statum conjicere, & planè occidere valent, quantò magis ægrotos & debiles, qui viribus ad eluctandam vim à veneno intentatam sufficientibus destituuntur. At responderetur ex modò dictis solum certam & determinatam veneni dosin id præstare posse, quæ, si intra aliquot grana restricta fuerit nihil nocebit. Nam quod dixerimus venena etiam minimâ quantitate maximis viribus gaudere, id non ita crudè & simpliciter intelligendum est. Potest enim quantitas veneni dupliciter considerari, vel relativè & quatenus cum aliarum noxiarum rerum quantitate comparatur, sic etiam modica veneni quantitas, ut ~~exempli~~ ^{exempli} gratia scrupulus unus Mercurii sublimati in producendo morbo majores vires ~~habebit~~ ^{habebit}, quam maxima quantitas aliarum rerum noxiarum, ut exempli gratia, cucumerum, melonum, piperis, Zingiberis; vel in se spectata; ita quantitas veneni arsenicalis ad drachmam unam extensa in se erit sufficiens ad effectum venenatum producendum

B

cujus

cujus grana aliquot nihil nocitura sunt, & si ægrotis in conveniente mrobo dentur.

At objicient porrò hæc remedia in morbis usurpata infinitis ægrotis causam mortis extitisse, & iis interitum accelerasse, idque observationes Medicorum testari. Verùm respondetur, hunc funestum & infelicem remediorum ex venenis desumptorum effectum tunc solumprehendi, quando ea vel in nimia quantitate, vel intempestivè assumpta fuerint, quia verò nulla remedia propter ignorantiam & imperitiam eorum, qui his ad perniciem hominum abutuntur, ex medicinâ proscribenda sunt, quando per se bona, peritè atque methodicè sumpta salubria sunt, ita nec venena, & ex iis desumpta remedia propter culpam imprudentis & imperiti Medici ex remediorum numero expungi merentur. Sin verò quis remedia venenosa (liceat ita appellare) ita periculosa esse fingeret, ut nullâ arte & ratione eorum ferocia cicurari possit, illi non minus opponimus ipsam experientiam celeberrimorum Medicorum, quâ constat istius sortis remedia in justâ dosi, decente methodo, & convenienti subjecto data, non solum nihil nocuisse, nullam dispositionem morbosam corporibus impressisse, sed potius salubris medicinæ officio egregiè functa fuisse, immo suâ agendi præstantiâ & celeritate aliis remediis multis parafangis antecessisse, atque

jucun-

jucundius, citius, quandoq; tutius morborum nonnullorum causas averrunctasse, quam quævis alia in morbum parata remedia: quod etiam cuilibet alii, qui nullâ opinione præoccupatus est, experiri & observare licuisset, modò voluisset. Sed ita animus hominum est comparatus, ut soleat solummodò ea animadvertere, quæ suæ præconceptæ opinioni inferviunt, reliqua verò negligere, quod verò ad veritatem indagandam maximo impedimento est. Nam si hoc abfuisset non minùs observatum fuisset remedia ex venenis tam crebrò profuisse, quàm nocuisse.

Nec desunt magni nominis Viri quorum autoritate qualitas & virtus remediorum venenosorum asseritur. Unde Dan. Sennertus libr. Practic. Medic. 6. part. 5. cap. 2. Et si verò talia, inquit, venena sunt, ut napellus, cicuta, scorpius & similia, tamen res ipsæ, quibus insunt rerum naturalium species, sunt & à Deo creatæ, per se bonæ, & ad mundi perfectionem complendam & absolvendam pertinent, habentque ipsæ procul dubio etiam utiles nobis vires, sed quæ in hac humanæ mentis caligine nobis ignoræ sunt."

Et tamen idem Sennertus loc. cit. medicamenta per se venenata nimis incautè & temerè exliberi docet, atque usum eorum eo ipso reprobatur, cui assensum præbet D. D. Joh. Jacob Wepffer, qui tractat. de Cicuta, aquat.

cap. 22. p. m. 313. talium remediorum u-
 sum non exinde probari asserit, quod quan-
 doque innoxia fuerint, eo, quo exhibita fu-
 erunt, die, vel sequentibus diebus aliquot
 non nocuerunt, quia ab iis vitiosa corporis
 constitutio imprimi possit, quæ longo tempore
 postea se exserat; quæ verò ratio non est
 tanti, ut nos à semel conceptâ nostrâ opinio-
 ne dimoveat, quia ea vitiosa dispositio corpo-
 ri tantum à medicamento præposterè dato im-
 primitur, sin verò remedium venenosum ritè
 & methodicè fuerit exhibitum, capax erit
 morbosam dispositionem non corpori impri-
 mere, sed ei impressam eluere. Joh. Reno-
 dæus libr. 1. Instit. pharmac. cap. 13. Desu-
 muntur omnia venena vel à plantis, minera-
 libus, vel animalibus. A plantis, ut à papave-
 rum genere, ab hyosciamo & mandragorâ,
 quorum licet qualitas perhibeatur venena-
 ta, usus tamen quotidie feliciter ad morbo-
 rum curationem celebratur. Aconitum phar-
 macum toxicum est, oculorum tamen medi-
 camentis levandi doloris causâ adjicitur. Et
 cicuta sacros ignes & ulcera serpentia illitu
 restinguit. Nerium contra Serpentum
 morsus præsidium est in vino potum. Se-
 dum majus erysipelata & herpes extin-
 guit. Solanum omne adhibitum dolores
 quosvis mitigat. Et hæc omnia Dioscoridi
 venena sunt, ut etiam ranunculus, esula,
 hermo-

Caput primum.

hermodactylus, quorum ut quotidianus, ita^o saluberrimus est usus. Præterea & Napellus,^o herba Parios, taxus, stibium, & alia pleraque^o sunt, & medicamenta & venena, interfici-^o unt namque, & medentur.

Supere stigitur ut rationem & modum, quo venena hunc vel illum morbum tollere valent, quasi digito demonstrarem, quo ipso omnem suspicionem à me amoliri tentabo, ac si Empiricorum more procedere velim, sed verè Dogmaticorum Medicorum more ostensâ morbi causâ curationes morborum auspicaturus sum, ita tamen, ut rationem semper submittam experientiæ, & nil quicquam contra eam proferam. Neque enim sum in eâ opinione, ut remedia venenosa occulto modo & cujus ratio non sciri possit, causam morbificam expugnare putem. Ex quibus omnibus elucescet, Medicorum eos, qui venenis remedium loco utuntur, eaque ad usum medicum adaptant, præter suum meritum inscitix & temeritatis argui, sed multo magis timiditatis eos accusandos, qui talia remedia averfantur, & exhorrescunt.

Interim non negamus talia remedia uti insignem utilitatem contra morbos præstant, ita nisi circumspectè usurpentur, insignem noxam ægrotis inferre posse, quod ea cum generosis remediis commune habent, quæ prudenter adhibita maxime prosunt, imprudenter

verò maximè nocent, & hoc est quod Galenus libr. 2. method. medend. cap. 11. asserit, difficile esse, ejusmodi aliquod auxilium invenire, quod citra noxam insigniter profit; uti Celsus de venæsectione judicat, eam aut occidere, aut juvare ægrotum. Verùm pericula, quæ ab eorum usu proveniunt, Medicus, qui morborum causas agnoscit, & remediorum operationem & agendi modum perspectum habet, nec non verâ medendi methodo instructus est, facile declinabit, quorum usum eo minùs negligere potest, quo magis morborum magnitudo, ferocia & pertinacia mediocrium remediorum usum contemnens sapius eum ad generosiora auxilia confugere, atque interdum duro nodo durum cuneum quærere cogit; è contrario à magnismorbis decumbentes ægri multo plures pereunt ob nimiam timiditatem Medicorum, qui generosorum remediorum usum asperrantur, quàm temeritatem eorum, qui iis utuntur, quod ipsum Opium, & ex eo paratorum remediorum exemplo clarè demonstrari potest. Hæc licet venenosa fiat, tamen antiquissimis temporibus in tanto honore fuerunt habita, ut vix sit antidotus, quæ non in se receperit opium, uti ex Galeni scriptis patet; hæc tamen subsequenter temporibus ob nimiam Medicorum quorundam scrupulositatem, qui in eorum usu, nescio quid periculi sibi

bi fingeant, planè neglecta, sed nostris temporibus propter eximia eorum merita amplo honore in remediorum regnum reducta fuerunt. Unde Dan. Ludovici Dissert. 1. Pharmac. Modern. de Hypnot. p. m. 66. æquè multos ob meticulousam opiatorum & emeticorum intermissionem, quàm per empiricorum manus occubuisse refert, quod etiam de aliorum remediorum neglecto usu verum esse, deinceps patebit.

Hæc autem scrupulositas circa venenatorum in medicinâ usum nullam aliam rationem habet, quàm quod venena ita noxia esse censeantur, ut etiam ipsâ substantiâ sint deleteria, humorum & spirituum corruptiva, & vel minimâ quantitate venena. Inter ea venena à Galeno libr. 15. cap. 9. de simplic. medic. facultat. referuntur dryopteris, pythiocampe, & thapsia, & solanum maniacum, & hydragryum, fungi nonnulli, præterea saliva & fel venenatorum animalium: cujus verò authoritati in hoc parum tribuendum est. Nam hydrargyrum immeritò tale venenum cenferi, cum etiam ad uncias innoxie sumatur, quilibet novit; de solano maniaco deinceps dicetur; de dryoptere, pythiocampe & thapsiâ, nihil mihi constat, & in nostris regionibus incognita sunt; fel & salivam venenatorum animalium, ut viperarum &c. innoxie sumi itidem recentiorum experimenta circa vi-

perarum naturam instituta testantur; atque hoc solummodo de salivâ animalium rabiosorum & morbosorum, non verò sanorum, verum est, quorum venenum miasmate putredinali, contagioso inquinatum est. Arsenicum, Mercurium sublimatum, præcipitatum, cantharides, opium, hyosciamum, mandragoram, cynoglossam, euphorbium, nucem vomicam, esulam, in parvâ dosi medicamento-
sa non venenosa esse, nec totâ substantia sed manifesta qualitate lædere, neque sanguinem & humores inquinare, sed partes nervosas & solidas corrumpere, suo loco ostendetur, atque docebitur eam ipsam horum qualitatem salubrem & medicamentosam in majori dosi triplicatam vel quadruplicatam degenerare in venenosam.

Credo etiam multos Medicos ab usu remedium venenosorum absterritos fuisse exemplo eorum, qui talibus infelicitè usi fuerunt, quod verò malum magis abusui remedium, quàm ipsis remediis imputandum erat.

Hic verò abusus duobus potissimum modis præcavetur. Primò ut remedia venenosa rectâ medendi methodo, id est, convenienti subjecto, morbo & tempore exhibeantur, hoc nisi observetur, omnia remedia, & imprimis fortia & generosa erunt periculosa; secundo ut in parvâ & restrictâ dosi sumantur. Nam hæc est omnium venenorum natura, ut in magnâ

magnâ dosi sumpta sint periculosa & exitiosa. Ita remedia caustica in magnâ dosi ventriculum & intestina inflammant, corroduunt, vomitus, atrocissimos dolores, singultus excitant; purgantia hypercatharses causantur; opiata somnos profundissimos & ipsam mortem, quæ verò in parvâ quantitate in solam causam morbificam, intactis corporis partibus, agent, vel si vis iis à medicamento infertur, ea non erit tanta, ut inde periculum timeri possit. Hoc videmus etiam fieri in rebus nobis usualibus, croco, vino, spiritu vini, quæ immodicè ingesta si maxima damna ciere poterunt, quantò magis venena? Unde Galenus libr. 2. de vict. rat. in morb. acut. comment. 2. text, 12. docet, succi papaveris, mandragoræ, hyosciami, & aliorum istiusmodi multorum, quæ nobis & substantiâ & viribus adversa corpus perimere nata sunt, portionem exiguam sumentes magnam percipiunt qualitatem; sic & purgantium medicamentorum, quorum natura corporibus nostris adversa est, exiguam aliquam præcidentes particulam ad suppetias ferendas utimur.

His præcautionibus addunt recentiores Medici & Chymici aliam, & tertiam, quando per præparationes & spargyricas venenorum resolutiones omnem eorum noxiam qualitatem, salvâ utili & innoxia, se dempturos promittunt. Nam dicunt venenis crudis nos

nunquam tutò uti posse, atque in iis duplicem qualitatem statuunt, unam utilem & salutarem, alteram noxiam & venenatam, quæ verò uti falsa sunt, ita etiam labor ille circa præparanda venena fere omnis inanis & frustraneus est. Est enim in omni veneno non duplex sed unica qualitas, atque ea ipsa qualitas quæ per prudentem remedii venenosi exhibitionem est medica & salutaris, ea ipsa per imprudentem usum redditur venenosa & noxia. Si igitur salutaris & utilis est, ea per præparationem non est auferenda, sed omni modo conservanda, quia sublatâ eâ remedium ad curandos morbos inefficax redditur. Sic arsenico, cantharidibus, Mercurio sublimato, præcipitato, inest vis caustica, quæ ad oppugnandam causam morificam expetitur. Sic euphorbio, esulæ, helleboro albo & nigro, valida inest virtus drastringica, quæ ad educendos humores crassos, tenaces desideratur; sic opio inest vis narcotica, cujus virtute spiritus efferati & immodicè commoti compescendi sunt, atque eandem harum rerum qualitatem in immoderato earum usu etiam venenatam esse, & hominem occidere in aprico est; si igitur arsenico, Mercurio sublimato, præcipitato suam virtutem causticam, si cantharidibus, vesicatoriam, si euphorbio, esulæ, helleboro albo, nigro suam virtutem purgantem, opio, hyosciamo, narcoticam demimus, quid illis

illis amplius relinquitur? An non sunt mera remedium cadavera, uti accuratius singulorum venenorum præparationes intuens facile perspiciet? Ut jam non dicam, per præparationem, utut accuratè institueretur, vix fieri posse, ut non unâ cum inutili etiam salutaris rei præparandæ qualitas simul auferretur?

Alii dicunt per præparationem tantum effraznem venenorum vim corrigi & coerceri, quod quidem non semper rejiciendum est, quandoque inutile. Nam ob id ipsum venena ad morborum curationem expetuntur, quia valida sunt, atque in eorum minimâ mole summa activitas, & quia in morbis pertinacibus debilioribus remediis nihil effici potest. Cur igitur per præparationem remedium vires debilitamus, eaque ad oppugnandos morbos minus efficacia reddimus nosque ipsimet nostro beneficio privamus? Sin verò ab effrazni venenorum agendi modo periculum timetur, illud magis accidendo eorum dosin præcaveri potest. Unde sæpius accidit, ut à laudano opiato id non potuerit impetrari, quod à crudo opio, vel remedio opium crudum in suâ compositione retinente.

Quare nullum est dubium antiquos Medicos, qui venenis crudis usi fuerunt, majore fructu ex eorum usu gavisos fuisse, quàm recentiores Medicos, qui quandoque corrigendo & præparando faciunt, ut nihil corrigant, & præparent.

Ceterum

Ceterum venena naturalia (nam præternaturalia, morbosa, & ex putredine & corruptione humorum pronata, hinc nullam considerationem merentur) potissimum triplici modo & profunt ut remedia, & obsunt, ut venena.

Vel enim virtute suâ causticâ, corrosivâ in moderatâ quantitate sumpta humorum cruditatem absument, eorum crassitiem, & tenacitatem attenuant, incidunt, eorum putredinem & corruptionem tollunt, sin vero immoderatè exhibeantur, particulis suis acribus stomachum & intestina corrodunt, inflammant, tormina, intensissimos dolores, singultus, vomitus, æstus, anxietates cordis, convulsiones, strangurias, excitant, ex quibus tandem mors; quales sunt arsenicum, auripigmentum, Mercurius sublimatus, præcipitatus, spiritus & oleum vitrioli, salis, nitri & omnia acida fortia, cantharides; alia calore ventriculi & partium resoluta ἀπορροήν seu effluvia narcotica de se spargunt, quæ vel ad cerebrum effumantia, vel nervis insinuata eos stupefaciunt, spiritus efferos compescunt, dolores mitigant, somnum inducunt, humorum & sanguinis effluvia & orgasmum sistunt; vel in nimia dosi & quantitate sumpta spiritus vitales seu calorem nativum planè suffocant, & ita hominem interimunt, qualia sunt opium, hyosciamus, mandragora, solanum, cynoglossa, à quibus

bus nec crocus excludendus, ad ea â nonnullis etiam referuntur nux vomica, cocculæ, quæ verò magis inter nervosi generis irritativa, si vis eorum venenata spectetur, referenda sunt; quædam fibrillas nervosas intestinorum & stomachi particulis suis acribus irritant, vellicant, atque ex glandulis harum partium magnam vim humorum serosorum & pituitosorum exprimunt, atque ita vomitus & diarrhæas concitant, qualia sunt omnia emetica & purgantia, & imprimis fortia, ut Mercurius vitæ, euphorbium, elaterium, esula, colycinthis, helleborus albus, niger. Unde triplex remediorum venenosorum genus exsurgit, quorum prima sunt caustica & corrosiva, secunda, emetica & purgantia; tertia, narotica, quæ etiam inebriativa appellari possunt, quia non secus ac vinum, spiritus vini, nicotiana inebriant, somnum, deliria, vertigines, causantur, quæ verò solum regnum vegetabile suppedit, hæc enim omnia sulphure quodam volatili narcotico prædita sunt, quod gravis eorum odor, satis indicat, quo verò ea, quæ fixioris sunt naturæ, ut mineralia, metallica, destituuntur.

Caput

Caput II. de Arsenico.

INter venena caustica & corrosiva agmen ducit, & primò examini subjiciendum venit arsenicum album & citrinum, seu auripigmentum. Græcorum Sandaracha, nullo contradicente ambo ferocissima venena, quippe quæ vel studio vel fortè oblata etiam in paulo largiore quantitate intra brevè temporis spaciū, quandoque intra paucas horas horrèda symptomata, ut dolores atrocissimos, æstus internos, singultum, sitem incompefcibilem & alia gravissima inducunt, & ita hominem vitâ privant. Hæc autem arsenicum præstat non occulto modo & ratione, quod tamen ad veneni actiones requiri putant plerique Medici, qui illud definiunt per rem noxiam, quæ occulto modo corpus nostrum lædit; ita enim vel arsenicum non esset venenum, quia manifestâ ratione lædit, vel non omne venenum occulto modo læderet, quorum utrumque esset contra Medicorum assertum. Nam arsenicum & auripigmentum particulis acutissimis & pungentissimis præditum est, quibus assumptum ventriculi, & intestinorum membranas corrodit, lancinat & perforat, quibus à veneno ita afflictis etiam totum nervosum genus in consensum rapitur, unde convulsiones & inevitabilem mortem consequi necesse est. Illud magis est contro-

controversum, num tam abominabile venenum, & quasi juratus vitæ humanæ hostis etiam in remediorum numero haberi, & morbis opponi possit, quanquam si sola auctoritas omnium Medicorum hâc in re consulatur, res jam decisa esse videatur. Ii enim fere omnes usum arsenici, præprimis internum avversantur & detestantur.

Inter eos Frider. Hoffmann. Pharmac. Schröder. libr. 3. cap. 27. istiusmodi deleterium & venenatum medicamentum internè adhibere cuivis Medico Christiano religionem esse debere asserit. Cui assentit Joh. Jacob Wepffer libr. de Cicut. aquat. cap. 21. histor. 13. in schol. 3. ubi fatetur, se ab usu arsenici externo (quanto magis interno) quantumcunque etiam fixatum esse deprædicetur, abhorrere.

Mediâ incedit viâ Joh. Baptista Helmontius pharmac. & Dispensat. modern. text. 3. p. m. 375. 1. internum arsenici usum reprobens, externum admittens, his verbis: Arsenicum, auripigmentum &c. quantumvis fixentur & edulcorentur, nunquam tamen sunt intrò sumenda, utut alii secus persuaserint. Foris tantùm valent, aliaque ulcerum venena necant, domantque, si prius ipsamet subacta fuerint.

Zacut. Lusitan. Prax. histor. libr. 2. cap. 7. p. m. 352. 353. internum usum arsenici propter

pter vim suam] causticam planè proscribit, dum ibi Avicennam & Arabes à calumniis eorum liberare nititur, qui eos arsenicum asthmaticis in potu obtulisse affirmarunt, atque pro defensione Avicennæ assert, eum per nomen Arsenici nihil aliud quàm m tragacantham Græcorum intellexisse.

Huic sententiæ celeberrimorum in arte medicâ Virorum etiam ipsa ratio suffragari videtur. Nam ab eâ re, quæ tanto furore in corporis nostri viscera debacchatur, ea perforat, exedit, inflamat, quæque inter venena principem locum tenet, vix aliquid auxilii contra morbos impetrari posse, valde verisimile est.

Verùm hisce autoritatibus alias virorum non inferiorum opponere possum, qui arsenicum internè & externè ad morbos depellendos usurpari posse contendunt, eoque cum successu usi sunt, ut Musæ Apollonii, Avicennæ, Galeni, Kenelm Digby, Thomæ Willisii, Schræderi, immo ipsius Zacuti Lusitani in hoc parùm sibi constantis, dum superiore loco arsenici usum rejicit, in alio verò, ut Prax. admirab. lib. 2. observ. 20. in dysenteria id tantopere laudat, immò ipsius Avicennæ autoritatem citat, atque eum Arsenico in phthisi, asthmate, casu, offensione, in paucâ quantitate, cum ejus malitiam retundentibus aliis remediis usum fuisse asserit. Si igitur
Avicen-

Avicennas, & cum eo Zacutus Lusitanus vero, & nostro arsenico in nonnullis morbis usi fuerunt, quî sit, ut idem Zacutus hoc remedium ut periculosum traducat, & suspectum reddat, atque Avicennam defendere conetur, ac si is per Arsenicum Græcorum tragacantham intellexisset, cum tamen Avicennas de Arsenico ut remedio forti, in modicâ quantitate, cum ejus malitiam retundentibus remediis sumendo loquatur, quod de tragacanthâ remedio admodum miti, non intelligi potest.

Rationem igitur allatam quod concernit, eatantum vera est, si loquitur de Arsenico in magnâ quantitate sumpto, non verò de eo debito tempore, modo, & dosi exhibito: ita enim arsenicum, uti alia remedia venenosa præstantissimum & tutissimum est remedium.

Unde à multis hodie arsenicum in febribus intermittentibus non sine felicissimo effectu (quod ipse sæpius expertus sum) usurpari ceptum, & meminit clarissimus D.D. Joh. Jacob Wepffer in suo tractat. d. Cicut. aquat. cap. 21. histor. 13. schol. 3. jam ante viginti annos cujusdam decocti arsenicalis, tanquam præsentissimi febrifugi, cujus descriptio ei ab excellentissimo Domino Johann. Rudolpho Burckhardo Professore & Medico Basiliensi celeberrimo fuit communicata, & de quo etiam multa ab Excellentissimo Domino Doctore Francisco Reinardo Physico,

C

&

& Senatore Soloduriensi se accepisse meminuit, licet decocti hujus præparationem publici juris fieri vetet, timens imperitis & temerariis ita ansam & occasionem nocendi dari. Verum, uti dixi, propter temeritatem & imperitiam Empiricorum remediis abutentium non sunt statim negligenda remedia ea, quæ ritè & rectè administrata Medico verè docto exquisitissimam medicinam suggerere, & in morbis curandis strenuam operam navare possunt.

Arsenici virtutis antifebrilis etiam mentionem facit D. D. Rosinus Lentilius Ephimer. Nat. Curios. Decur. 2. Anni 3. quam curationem paradoxam nominat, atque etiam Excell. D. Doct. Lucas Schrœckius in scholio ad eandem observationem eam inusitatam, & cujus præter Paracelsum, qui spiritu arsenici quartanam curavit libr. 2. de morb. metall. cap. 5. appellat, quod non negari potest. Hoc tamen non obstante non semel in febribus intermittentibus remedii hujus periculum me fecisse, ægrotis intra corpus sumendum obtulisse, atque ejus drachmas aliquot insumisse non diffiteor, verum semper cum eo successu, ut me deinde meæ audaciæ nunquam pœnituerit. Non solum enim ab ejus intra corpus sumptione nullum terribile symptoma fuit exortum, nulla dispositio periculosa corpori conciliata, sed potius omnia expectata

pectata & exoptata evenerunt, nempe paroxismi ab ejus usu tam certò profligati, quàm certò decantatissimum corticem Chin-de Chinâ, aliàs Peruvianum appellatum, eos profligare quotidie experimur.

Non verò derogabit quicquam vel fidei, vel dignitati præstantissimi remedii, quod illud hætenus solùm intra ignobilium Empiricorum manus & nomina latuerit, nec, quod ego sciam, à quoquam dogmaticorum Medicorum in lucem protractum fuerit. Nam nec Galenum ab Æschryone Empirico, quomodo morsus canis rabidi curandus sit, didicisse, illudque remedium in libris suis annotasse, pudit.

Et ubi sunt illa remedia, quæ saluberrima & tuta esse primùm experientia, deinde ratio ostendit, atque ob id catalogo remediorum verè dogmaticorum inserta, & quasi civitate donata fuerunt, quæ, inquam, ab initio non casu & fortunâ, atque sæpissime à rei imperitis inventa fuerunt? Quapropter Medicorum officium est inquirere, non à quo hoc vel illud remedium fuerit inventum, sed quo successu fuerit usurpatum, deinde effectus & operationis causa in remediis indaganda, denique quâ methodo illud in usum trahi possit & debeat, ostendendum, quia nullum remedium tam nobile, tam insons est, quod ubique, & omnibus naturis conveniat, ita cavebitur,

vebitur, ne si inconvenienter & intempestivè illud datum fuerit, innoxio remedio culpa mali, quæ potius imprudentiæ Medici imputanda est, adscribatur.

Sufficit igitur ad Arsenicum in rem seu materiam medicam adoptandam, quod in morbis cum optato successu fuerit datum, quod si à præjudicio excæcatis negabitur, provocare licet ad ipsam experientiam in arte medicâ summum Judicem, quique etiam celeberrimis in arte nostrâ Viris silentium imponere & debet, & potest. Illa nos docebit Arsenicum in febribus intermittentibus exhibitum omnes eas dotes possidere, quibus optima remedia prædita esse debent. Non enim solum citò effectum suum in morbum exferit, unâ vel alterâ exhibitione statim paroxysmum febrilem protelando, non solum tutò operatur, nullum periculosum symptoma excitando, vel morbosam corpori indispositionem relinquendo; neque solum jucundè curat, quia in restrictissimâ dosi sumitur, omnis odoris & saporis molesti expers est, atque ideo citra nauscam ingeritur, sed etiam, & quod maximum, remedium est certum, & quod desiderium ægrotantis, votumque Medici nunquam fallit, quibus omnibus qualitatibus Arsenicum & Auripigmentum corticis Chin de Chinâ vires æquat, in eo verò superat, quod arsenici dosi tantum ad aliquot grana extendatur,

datur, atque ab ægrotis sine molestiâ sumatur, cum cortex Chin de Chinâ propter suam largiorem, & ad drachmam unam & duas usque extensam dosin, atque ingratum saporem fumentibus admodum nausæam creet, cuique in ægrotis ad sumendam medicinam refractariis jure arsenicum substitui potest. Observavimus etiam in nostris regionibus & corporibus multo phlegmate abundantibus corticem Chin de Chinâ quidem paroxismos febriles protelare, verum loco eorum sæpius alios affectus excitare, atque curationem per hunc corticem violenti quid in se habere, quod de arsenico, præcipuo phlegmatis viscosi incisivo, & attenuativo, non dici potest.

Ceterum operatio Arsenici corticis Chin de Chinâ ferè similis est, atque suum opus perficit insensibili modo, neque ullam manifestam evacuationem, nisi in quibusdam levem vomitum ciet, & ita quasi sine negotio paroxismos non solum februm tertianarum protelat, sed etiam non minùs potens & bellicosum est in quotidianis & quartanis expugnandis, eo ipse vindicans Medicos unâ cum cortice Chin de Chinâ, febrifugo Lazari Riverii ab opprobrio, quo vulgò febres quartanæ pro incurabilibus morbis habentur.

Licet autem Arsenicum in curandis febribus intermittentibus certum promittat auxilium, sæpius tamen fit, ut pax per remedium

â morbo impetrata (quod etiam in exhibitione corticis Chin de Chinâ notari debet) non sit fida & constans. Nam paroxysmi â medicinâ ad tempus suppressi sæpius vires resumunt, recurrere solent, morbusque quasi mortuus reviviscere: quapropter sublato quamvis morbo, cura medendi non tamen ideò planè abjicienda est, sed per adhuc semel aut bis repetitam medicamenti exhibitionem studendum est, ut omnè id, quod ex causâ morbificâ adhuc superest, & novos paroxysmos febriles cudere potest, consumatur, & tollatur.

Inquirendum jam est, quâ rarione & virtute arsenicum in prædictos morbos agat, eosque tollat, id enim potissimum est, quod Medicû ab Empirico distinguit, cum hic quidem effectum remediorum sciat, rationem verò hujus effectus nesciat, atque ideò remedium in ejus manu positum sit instar gladii in manu furiosi.

Hunc effectum si scire avemus, ante omnia nobis indagandum est, quænam sit causa februm intermittentium. Hanc autem in morbis tria potissimum indicare solent, nempe causæ morbi, procatarectica, deinde symptomata & signa morbum indicantia, denique remedia contra morbum usurpari solita; quæ omnia si diligenter attendantur, clarum evadet, omnium februm intermittentium fermentum propullulare ex quadam humorum crudi-

cruditate, quæ cruditas primus gradus ad putredinem est; cui sententiæ etiam ferè tota antiquitas addicta fuit.

Huic cruditati vel ventriculi inbecillitas, vel aeris intemperies humida & calida, qualis potissimum est verno tempore, vel in victu commissi errores, ut potus & usus aquæ imprimis stagnantis, lac & inde parata, pisces, fructus horarii, interque eos præcipue cucumeres, melones, cerasa dulcia, pruna ortum dederunt, hæc enim omnia in ventriculum debilem ingesta faciliè in eo vel non benè concoquantur, vel planè corrumpuntur, putrescunt, atque fermento febrili in nutrimentum cedunt, unde etiam talia omnium Medicorum unanimi consensu febricitantibus noxia sunt, à quorum usu homines in febres incidere, vel jam ab iis liberati multoties recidivam morbi sibi accersere solent. Similiter multis noxæ fuit subire loca frigida & humida, ut cellas & loca subterranea, aliis intrare ædes sacras, & fornicatas. Multi vel in flumine natantes, navigantes vel pontem fluminis transeuntes, febrem sibi exsuscitarunt. Alii aquâ simplici, quâ in febribus nihil venenosius, se lavantes novum febris insultum passi sunt. Scio virum febre tertianâ diu detentum, sed tandem ab eâ liberatum, atque deinde colicis doloribus infestatum, cum iis balneo aquæ dulcis mederi vellet, vix membra in la-

brum demisſiſſe, cum ſubitò & de novo febris eum invaderet, atque omnia membra horro-
quateret. Lactis & piſcium eſum infinitos fe-
bricitantes ſuo maximo detrimento, & ſanita-
tis diſpendio fuiſſe, plurima exempla probant.

Non minùs febrium intermittentium ſym-
ptomata eorũ cauſam ex cruditate & fermento
putredinali, quam Galenus *σπιδοβαλδεσ* vocat,
oriri oſtendunt. Cibus enim in ventriculo
non ſufficienter coctus, nec ritè fermentatus,
bile excrementitiã cavitatem ejus infarcit,
unde inappetentia, naufea, propenſio ad vo-
mitum, in pectore gravitatis, & quaſi ponderis
in eo incumbentis ſenſus, & rigor exſurgunt,
poſtquam verò chylus crudus, craſſus, & ſe-
miputridus ad maſſam ſanguineam pervenit,
is ab initio ſuffocatis ab eo ſpiritibus vitalibus,
caloris nativi authoribus, horrorem inducit,
quem deinde æſtus & calor præternaturalis,
irritatis quaſi ſpiritibus ab inimicã materiã, &
adluctam cum eã ſe accingentibus, ſubſequi-
tur, qui dum omni conatu ſeſe ab hoſte ſuo
expedire, eumque ex corpore expellere ſtu-
dent, febrem excitant, quo ex maſſã ſangui-
neã proſtigato, ſudor æſtum excipit, quo pro-
fluente paroxiſmus deſinit. Hoc tamen
hic eſt notandum illud febrium intermittenti-
um fermentum putredinale eſſe leve, & in
primo putredinis gradu, nempe cruditate ſub-
ſiſtens, atque ideò & naturæ, & remediis
morbo

morbo oppositis facili negotio cedens, vel ad minimum nullum periculum ægro creans, etiam si diutius persisteret. Nam si fortius esset, & ad venenositatis gradum ascenderet, tunc non intermittens febris oboriretur, sed acuta, maligna, immo ipsa pestis, in quâ non solum viscera interna inflammari, sed etiam partes externas sphacelatas & gangrænosas fieri cernimus.

Nec aliud in febribus intermittentibus quàm miasma putredinale crudum peccare, probat ipsa curatio harum febrium, & remedia iis opponi solita, qualia sunt theriaca, quæ constat ex quam plurimis virtute aromaticâ præditis; sunt deinde salia absinthii, cardui-benedicti, centaurii minoris, flores salis armoniaci, absinthium & vinum absinthites, potens cruditatis corrigens, quodque sæpius febres profligasse fuit observatum. Nonnulli piper in spiritu vini sumunt, & ita incommodum hospitem eliminant, quæ etiam validdè in fermentum putredinale pugnant. Ipse còrtex Peruvianus unicus fere chimeræ febrilis Hercules nullâ aliâ virtute, quàm qua amaritie suâ mumiali inquinamentum putredinale sub se domat, agit. Unde Clariss. Joh. Dölz cap. 7. libr. 4. de febrib. inquit: Omnia amara hîc conducunt, quia ventriculum roborant, & omnem hostem arcent, & solâ essentia absinthii, compositâ hanc febrem vidi subla-

sublatam, five dentur in formâ decocti, vel
 vini medicati, vel tincturæ, vel elixiris, ut
 centaurium minus, absinthium, abrotanum,
 carduus benedictus, radix gentianæ, enulæ,
 & imprimis cortex Chin-de Chinâ, quæ etiam
 inter amara referri potest, & inde eum sto-
 machicum, esse nullus dubito. De nuce
 vomicâ amaricantissimâ in febribus intermit-
 tentibus multi sibi multa, nec præter rationem
 & successum promittunt. Sunt alii, qui oleis
 destillatis piperis, garyophyllorum aromatic,
 camphoræ, spinam febrium Helmontianam
 (nobis nihil aliud quàm miasma putredinale)
 non inepte eradicare tentant, cum & illa vir-
 tute suâ aromaticâ putredini & cruditati resi-
 stant. In quem finem â nonnullis, & Jos.
 Quercetano Pharmac. libr. 1. cap. 14. p. 121.
 Sagapenum, Euphorbium, pilulæque ex iis
 constantes, ad propulsandam quartanam
 commendantur, cum tamen sint inflaman-
 tis naturæ. Ipse Galenus 1. ad Glauconem
 cap. 2. omnem quartanam calidissimis antido-
 tis curandam esse censet, quo ipso non minus
 arsenici, sed etiam Mercurii sublimati, præci-
 pitati, & aliorum remediorum causticorum,
 quorum deinceps mentio fiet, usus stabilitur.

Unde non mirum est, etiam arsenicum
 in extirpandâ febrium intermittentium causâ
 tam potenter se gerere. Nam cum cruditas
 præcipua sit corruptionis & putredinis causa,
 â quâ

â quâ febres intermittentes unicè proveniunt, tunc nihil mediocre nobis de remedio caustico, vim atque virtutem ignis æmulante, quale est arsenicum, polliceri debemus.

Quare non immeritò arsenicum triarium militem, & verum Theseum Cerbero infernali febrium oppositum, appellaveris, & quod cum cortice Peruvianâ seriò opus suum peragit, cum alia remedia saltem ludere, vel velitari videantur.

Arsenicum putredini resistere eo minùs nos dubitare finit ejus insignis virtus, quâ omnia ulcera maligna, putrida, cancrofa, venenosa, curat, immo quâ ipsius pestis, ut deinde dicetur, progressus sistit, atque omnibus viribus ejus favitæ sese opponit.

At inquiet quis, obstat nomen veneni & remedii caustici, quo minùs in febribus intermittentibus in usum vocari possit, verendum esse, ne illud interna viscera inflammet, corrodat, atque dira symptomata excitet. Medicum debere esse circumspectum, prudentem, non temerarium, audacem. Sed hic metus de nihilo est. Nam caustica remedia, quale est arsenicum, tunc sunt venenosa & periculosa, quando in largiore, quàm par est, dosi & quantitate sumuntur, in restrictâ verò nihil aliud agunt, quàm ut cruditatem humorum corrigant, miasma putredinale ignis instar consumant, & destruant, intactis interim & illa sis

illæsis visceribus corporis nostri, & ita ex veneno terribili & sævo tutissimum & præstantissimum fuit remedium, tuncque tantum abest, ut nomen caustici nos ab ejus usu absterreat, ut potius illa qualitas ejus usum nobis commendet. Ceterum concedo Medicum non remerè agere debere, sed etiam nec timide, cum hoc tantum ægroto obesse possit, quantum illud, atque Medico non minus dedecus sit, intempestivâ timiditate ægrotum negligere, quàm præcipitante audaciâ eum in deteriorem statum conjicere. Quoties Medico nimis circumspecto, atque ob id occasionem rei bene gerendæ negligenti ruborem excussit cordatior Empiricus, qui validioribus remediis morbum statim aggressus, eum etiam non sine alterius opprobrio feliciter sustulit. Ubi Poetæ illius locum habet:

Crede mihi vanos res habet ista metus,
Terror in his ipso major solet esse periclo

Quæ timuisse lubet, me temuisse pudet.
Potest porrò dici, opium non minus formidabile venenum esse, quàm arsenicum, cum & illud in paulò majore dosi & intempestivè datum formidabilia symptomata, & sapissimè ipsam mortem intulerit, hoc tamen nos hæcenus ab ejus usu non abstertere potuit, cum quam plurimi Medici sint, qui illud tanquàm summum remedium suspiciant; cur verò soli opio non minùs quàm aliis inter venena referendo

rendo hoc quasi privilegium concedi debeat, ut in numerum remediorum recipiatur, causam nullam video.

Utut autem arsenicum & auripigmentum certissima, & tutissima sunt remedia febrifuga, non tamen sine certâ methodo & cautelâ illa in febribus præscribi auctor essem.

Primum omnium illa non sunt danda, nisi prius vel per vomitum vel purgans materia peccans, quibus prima regio oppleta est, evacuetur. Secundò in exhibitione eorum ultra tria vel quatuor grana non est ascendendum.

Circa arsenicum præparandum non magnopere laborandum esse censeo, cum etiam crudum dextrè & methodicè exhibitum tutum remedium, & virtus arsenici caustica, in qua ejus virtutem venenatam residere, & quam per præparationem veram tollendam esse Medici & Chymici volunt, nos verò conservandam esse affirmamus, non formidanda, & illa ipsa sit, quæ morborum medicatrix est, quia in febribus intermittentibus crudos humores nihil magis corrigit, vel crassos attenuabit, & liquabit, in febribus malignis, nihil potentius fermento putredinali resistet, quàm virtus caustica. Ut ita doctrina Hippocratis aphor. 80. sect. 7. docentis : *Quæ medicamentum non sanat, ferrum sanat, quæ ferrum non sanat, ignis sanat, quæ ignis non sanat, ea confere oportet*

portet esse insanabilia, etiam hîc applicari possit. Si igitur arsenici vis venenata omnino auferretur, ipsum remedium ad morbos medendos inefficax redditur, non secus ac vim causticam in Mercurio sublimato, præcipitato, cantharidibus; purgantem in purgantib' fortibus; vim narcoticam in opio per præparationem non auferendam esse, suo loco dicetur.

Nonnulli impurum & efferum sulphur, quo spiritus & sanguis inficiuntur, & corrumpuntur, arsenico inesse, illudque â puro per sollicitam præparationem secernendum esse statuunt, verum quia istiusmodi sulphureæ, impuræ particulæ in arsenico & aliis venenis corrosivis falsò præsupponuntur, neque ea alio modo, quàm particularum suarum externâ figurâ acutâ, pungente, & membranofas & nervosas partes corrodeute venenositatem suam exferunt, nullo modò verò spiritus & sanguinem inficiunt, & corrumpunt, qui infectionis & corruptionis modus solum venenis præternaturalibus & ex putredine pronatis competit, neque ideò ulla præparatio institui meretur.

Si verò quis meticulosus arsenicum præparatum, & in quo ejus vis caustica & corrosiva quodammodo mitigata est, in usus suos exoptet, ei poterit inservire arsenicum ad modum à Joh. Quercetano in Alexicaco descriptum. ut Rec. Arsenic. alb. crystall. q. v. subliman-

limandum per se, deinde in aceto optimo per horarum duarum spacium decoquendum (sic enim nigredinem suam & farinam quandam corrosivam, deponit) Postea cum squamma æris iterum sublimandum, quod venenum ejus crassius (uti author credit) & nigrius retinebit, tandem bis terve cum sale communi præparato sublimandum, postea perfectè illud edulcorandum.

Alias præparationes Arsenici docet Kesselm Digby tract. remed. expertor. Joh. Schröder, Pharmac. Verùm ut dixi, in arsenico præparando cum Joh. Helfrico Junckens admonendum est, ne arsenici natura omninò pervertatur, sed ut maneat ei sua qualitas. Quo etiam collimare videtur Helmontius dicens : Arsenicum per nitrum in sulphur astringens redactum miti suo veneno enecare ipsum ulceris fabrum, & cruoris corruptorem, quo ipso quid aliud innuit, quàm venenositatem in arsenico non tollendam, sed tantum mitigandam esse?

Potest etiam effrœnis arsenici vis caustica alio modo mitigari, si ei crudo associantur ea remedia, quæ ejus acrimoniam corrosivam obtundunt, qui modus ad malitiam arsenici corrigendam expeditissimus esse videtur, & veteribus Medicis, ut supra ex Avicennâ citatum fuit, in usu fuit. Hoc præstant crystal-
lus montanus, lac bubulum recens mulctum,
muci-

mucilago feminis cydoniorum cum aquâ rosarum extracta, emulsiones refrigerantes.

Nonnunquam in compositionibus adiunguntur ea, quæ unâ cum arsenico ad eundem scopum collimant, qualia sunt antifebrilia, lapis bezoar, theriaca, sulphurea.

Exinde sequentes formulæ concinnari possunt. \mathcal{R} . arsenic. alb. vel citrin. gr. iiij. crysall. montan. \mathfrak{S} . camphor. gr. ij. bezoar oriental. ver. (pro divitibus) gr. iiij. m. f. pulvis pro unâ vice sumendus, in aquâ sequente.

\mathcal{R} . aq. cardui bened. fumar. scorzoner. \mathfrak{a} . \mathfrak{z} vj. theriac. Andromach. \mathfrak{S} j. spirit. theriac. camphor. gt. vij. syrup. granator. dulc. \mathfrak{z} ß. m. d. ad vitrum.

\mathcal{R} . arsenic. citrin. (quod non minus potens esse, quam album expertus sum) gr. iiij. crysall. montan. \mathfrak{S} . fl. sulphur. gr. v. cum rob. juniper. f. q. formentur pilulæ vel. \mathcal{R} . arsenic. citrin. gr. iiij. bezoar. orient. ver. gr. iiij. cum theriacâ Androm. formentur pilulæ pro unâ vice sumendæ.

Hic admonitione opus est, arsenicum in diffusis remediorum formulis non esse præscribendum, ne illud inæqualiter misceatur, atque major, quam debet, ejus portio ægroto obveniat, quapropter melius est singulis dosibus addere debitam arsenici quantitatem.

Porrò notandum proprium antidotum venenorum corrosivorum esse crysallum
monta-

montanum insigni refrigerandi virtute præditum, quo memini me in virgine quadam æstum & ardorem in ventriculo ab acri quodam medicamento sumpto ortum compescuisse. Syrupus è succo violarum cum aquâ nymphææ sumptus, itidem acrimoniam veneni corrosivi temperare potest.

Si jam ulterius quæritur, quibus arsenici usus conveniat, quibus non, dico illud prodesse naturis & corporibus frigidis & humidis, phlegmate crasso, viscoso præditis, minimè verò calidis & ficcis, & ad tabem pronis, & hypochondriacis nonnullis; verendum enim esset, ne remediū acre & causticum jam humores nimis acres suo accessu ulterius acueret, & visceribus indelebilem noxam imprimeret.

Modò dixi in omnibus febribus intermittentibus peccare fermentum aliquod putredinale, sed remissum, & ex cruditate ortum, at mihi quis controversiam facere posset; & dicere, diversas febres etiam à diversis causis provenire, ita enim sensisse veteres Medicos statuentes quotidianas à putrescente pituitâ, tertianas à bile, quartanas à melancholiâ, oriri, idem recentiores sentire, qui in diversis febribus diversum massæ sanguineæ statum agnoscunt, verum enim verò qui naturam febrium intermittantium magis quàm libros Medicorum contemplatur, falsum hoc esse facile deprehendet. Ex enim ab

D

iis

iisdem causis procatarcticis producuntur, iisdem remediis curantur, ceu videmus febrifugum Riverianum, corticem Chin de China, arsenicum, auripigmentum, arcanum corallinum, præcipitatum solare, & reliqua febrifuga, non solum curare tertianas, sed etiam febres quartanas, quotidianas, quod autem nunquam fieret, si hæc febres non unius matris essent soboles, quia diversæ causæ etiam diversa remedia requirerent, nec fieret tam facilis mutatio harum febrium in alias, uti quotidie observare licet, quotidianas mutari in quartanas, tertianas, & has iterum in illas; quod miror hætenus tot in arte nostra versatissimos viros non animadvertisse. Neque scrupulum nobis injicere debet diversitas symptomatum in his febribus, quod enim vel quotidie, vel tertio, vel demum quarto die harum paroxysmi redeant, illud tantum indicat fermentum febrile modò activius & vegetius, modò segnius & crassius esse. Nam hoc fermentum non maturatur nisi intra certum temporis spacium, licet semper sit ex cruditate ortum, & unius speciei. Sic si sit vegetum, & intra unum diem maturatur, oritur febris quotidiana, si intra tertium diem, fit tertiana, si segne est crudius & crassum, demumque quarta die ad maturitatem pervenit, fit febris quartana; ita multis difficultatibus obviam iri potest, quæ hætenus

stenus ingenia torserunt. Non tamen dixerim ideò omnem medendi methodum planè negligendam esse, & unum calceum omnibus pedibus adaptandum, verùm eam pro ratione symptomatum, temperamenti ægrotorum, variandam.

Externè nullum scio, qui arsenicalia in febribus intermittentibus commendet, præter Fridericum Hoffmannum, qui Pharmac. Schröder, l. 2. cap. 53. §. 130. emplastrum Magneticum Angeli Sälæ lapidem arsenicalem in suam compositionem recipiens in quartanâ regione lienis impositum se admodum proficuum expertum esse testatur. In quo Hoffmannus imitatus est exemplum veterum Medicorum, qui in tumoribus & scirrhis lienis, qui quartanis febribus laborantibus admodum familiares sunt, remedia caustica, immo quandoque ipsum ignem regioni lienis applicare solebant. Sunt tamen nonnulli recentiorum, qui remediis causticis carpis alligatis, ut ranunculo, ad profligandas febres utuntur. Quod verò Petro Foresto, uti testatur libr. 3. observat. 11. in scholio de febribus, non probatur, cur verò ei non probetur, nullam reddit rationem.

In peste multi sunt, qui externè & internè usum arsenici extollunt, ceu Mirepsus eo crudo in Antidoto Persicâ, & in antidoto Musz Apollonio ascriptâ, usus est. Thomas Wil-

lissus libr. de ferment. cap. 13. scribit, cataractica & sudorifera ex Mercurio, antimonio, auro, sulphure, vitriolo, arsenico, quia à calore nostro non subiguntur, aut superantur, contra virus pestilentiale optima parari remedia. Habent enim, inquit, particulas valde fortes, & indomitas sese quaquaversum in corpore explicantes, veneni fermenta hinc inde gliscentia dissipantes, & à maturatione impedi-
 entes. Joh. Schröder. libr. 3. cap. 26. arsenicum intrinsecus habere facultates ad curandam pestem, & reliquos morbos venenatos non inutiles. Matth. Unzerus de curat. pestis libr. 3. cap. 4. p. m. 225. inquit, Arsenicum crudum summe septicum & corrosivum salis Hermaphrotitici adjectione fixum redditum innoxium & salutare prorsus evadit medicamentum, cujus aliquot uncias absque valetudinis damno devorare licet. Knielm Digby part. 2. remedior. select. p. m. 454. docet quomodo arsenicum contra febres pestilentiales præparandum sit, quod probatissimum remedium esse ibidem asserit. Quam virtutem arsenici alexipharmacam eò minùs in dubium vocare debemus, quia in peste pariter, ut in febribus intermittentibus peccat fermentum putredinale, at non leve, ut in febribus intermittentibus, sed in summum malignitatis gradum evectum, atque ideo vires ægroti prosteruens, horrenda symptomata excitans

excitans, atque ut plurimum optima contra id parata prælidia contemnens, & quia in peste omnia atrocia accidunt, quæ venenolæ assumpto accidere solent, jure & meritò is morbus pro venenoso habetur. Graviter autem mihi errare videntur, qui morbos pestilentiales nomine venenorum naturalium insigniunt, atque eos vel arsenicales, vel aconitales, &c. appellant. Videntur enim hi magis effectum morbi, quàm ejus causam considerasse, & licet in peste tam atrocia eveniant, quàm quæ venena hausta, & intra corpus sumpta excitare valent, causæ tamen toto cœlo differunt, & longè alia natura est veneni in corpore nostro pronati, ac quæ est venenorum vegetabilium & mineralium, non secus ac aqua omnes res corrumpit, atque destruit, æquè ac ignis, & tamen causæ utriusque corruptionis sunt planè contrariæ. Similiter videmus ab aquâ putredinis authore oriri æstus, incendia, ædium conflagrationes, non aliter ac ab igne, atque eadem quæ fiunt in macrocosmo, eadem etiam contingunt in microcosmo, & corpore animalis; sic à veneno caustico in nimia dosi sumpto oriuntur, æstus interiorum, fites ingentes, partium inflammationes, corruptelæ, exulcerationes, gangrænæ, eadem etiam fiunt à fermento putredinali, ut æstus febrium, partium internarum inflammationes, sphacelismi, & carbunculi, & tamen causæ &

D 3

cura-

curationes sunt dissimillimæ. Nam causticorum vis & energia dependet à principio igneo, & tollitur per refrigerantia, humectantia, aquosa, putredinalis veneniverò effectus dependet à principio aqueo, corpora resolvente, quibus resolutis principia eorum non amplius in iis perstant, sed sui juris facta abeunt, a-volant, unde putrefactio, quæ ad sui ablationem desiderat calida & sicca, qualia præ aliis sunt caustica dicta. Exemplum ejus rei sint membra perusta gelu, & igne ambusta, utrumque affectum comitatur idem symptoma, nempe adustio, & tamen sunt diversissimæ causæ & curationes, quia in praxi semper est attendendum ad causam morbi, non verò ad ejus effectum. In quem finem in officinis duplex existit unguentum, unum ad membra perusta igne, alterum ad membra perusta gelu. Similiter aliter tractari merentur inflammationes, quæ proveniunt à fermento putredinali, aliter quæ oriuntur ab humore acri, caustico & corrosivo.

Hisceme probasse & sufficienter demonstrasse credo, venenum pestis à veneno caustico & corrosivo arsenicali planè differre, immò ei contrarium esse. & pesti ex sententiâ nonnullorum celeberrimorum Medicorum non inutiliter opponi, nec de successu ejus rei, si tempora pestifera (quod Deus avertat) inciderent, dubitandum esse. cujus usum etiam

alia

alia caustica remedia ad pestem à Medicis re-
commendata, ut euphorbium, Mercurius præ-
cipitatus, uti alibi à nobis dicitur, approbant,
licet non aúsim dicere, istiusmodi Medico-
rum doctrinam semper imitandam esse, quia
morbus cum summâ virium debilitate con-
junctus, qualis est pestis, tam violentorum
remediorum usum vix sufferre posset.

Quantum oleum vitrioli in curandâ peste
valeat, docet Raimundus Mindererus tract.
de pestilent. cap. 17. Non desunt, inquit, "
qui siccitatem hujus ingentem, immò cau- "
sticam & adurentem vim valde metuant, ac, "
nescio, quo, scrupulo in erroneam consci- "
entiam adacti, variis propriarum opini- "
onum procellis hinc inde disjiciuntur, ut in "
eorum exhibitione & hæsitent, & titubent, "
ac interim (cum tanto bono per inertem & "
iunilem, immò noxium metum defrauden- "
tur) in graves errores incidunt. Hi sanè pa- "
rùm in artis operibus exercitati mihi viden- "
tur, (quod tamen pace ipsorum dixerim, ete "
nim cum nec ego sine ratione exhibuerim, "
licet milies hæc profuisse mōstraverit expe- "
rientia. Ratio ibis non curantur morbi, sed "
experimētis, experimentis verò sine ratione "
non est temerè fidendum, interim tamen si- "
dum ego præsidium non neglexero, tamen si "
ejus ratio non mihi penitus constet. Oleum "
vitrioli causticum est, & tamen cum infrigi-

"dantibus datum, atque porrectum, febres po-
 "tenter extinguit, etiam ardentissimas, & qui
 "syrupus secundo gradu refrigerabat, addito
 "oleo vitrioli tertium in frigitationis gradum
 "attinget, idem de calidis esto iudicium. Pa-
 "radoxa hæc esse videntur, & à vulgari sensu
 "& opinione remota, tam diversos, imò con-
 "trarios effectus ab uno eodemque agente
 "proficisci.

Quæ verba notatu dignissima ad totam
 nostram doctrinam de venenorum effectû &
 virtute medicâ applicari possunt. Nam quia
 multa eorum sunt caustica & corrosiva, non
 tamen ideo merentur esse suspecta, ut quæ
 non secus ac oleum & spiritus vitrioli in ex-
 pugnandâ malignitate summe efficacia ipsa
 experientia docet. Ceterum quomodo cali-
 dissima & caustica remedia refrigerent, ejus
 ratio ex modò dictis facillè colligi potest, est-
 que ea, quia in peste & febribus malignis æ-
 stus & inflammationes à fermento putredinali
 dependent, quod verò caustica remedia de-
 struunt, quo destructo, etiam effectus ejus
 cessat. Plura in hanc rem cap. de Nuce vomî-
 câ afferentur.

Vesicatoria quidem in peste & febribus
 malignis solum externe usurpantur, sunt ta-
 men & ea remedia saluberrima, non obstante,
 quod ipsa suum effectum principio igneo de-
 beant.

Externè

Externè in peste arsenicum duplici modo inservit, vel præservando, vel curando.

Ad curationem deprædicat Angelus Sala in tractatu de Peste suum emplastrum magneticum, quod ita componitur. R. gum. Sagapen. ammon. galban. ā. ℥iij. ceræ virgin. terebinth. coct. ā. ℥iiiiß. magnet. arsenical. subtiliss. pulveris. ℥ij. rad. ari ℥j. Gummata depurentur cum aceto squillitico, & ad consistentiam emplastri coquantur. Lapidis arsenicalis hæc est descriptio. R. antimon. crud. sulphur. viv. arsenic. alb. ā. q. v. pulverisata subtilissimè lento igne liquefac. Vase refrigerato eximatur materia, quæ frigore indurefcit. Hoc emplastrum carbunculis obductum, inquit ejus author, paucis horis venenum extrahit, excellentissimum & specificum est ad attrahendum virus pestiferum ex profunditate ad extra, præcavetque nè vicissim ad interiora regurgitet, & cor ipsum suffocet, ut credam inter omnia toxica simile remedium non inveniri. Eadem etiam de hujus emplastri virtute referuntur à Frider. Hoffmanno Clav. Schroeder. Pharmac. licet ejus descriptio cum Angeli Salæ variet, qui itidem virtute ejus magneticâ omnem venenositatem ab imo ad circumferentiam extrahi dicit, nec ulcus malignum ante omnimodam veneni extractionem coire emplastrum hoc pati, afferit. His consentiunt Thom. Willis, Joh. Do-

Izus, Joh. Agricola, & alii, Similem effectum edit hoc emplastrum in vulnere à canis vel alijs animalis rabidi morfu applicatum, cujus usum ideo suadent in hoc casu nonnulli Excellentissimi Medici, inter quos est Michael Ettmiller cap. de delirijs.

Ego verò uti de hujus emplastri virtute nullus dubito, quia præstantissima remedia simplicia antiloimica ejus compositionem ingrediuntur, quodque etiam Augustani olim dignum esse censuerunt, ut eorum corpori pharmaceutico infereretur, licet & hodiè ab us, sed non tam propter suas virtutes, quàm sana tempora antiquatum fuerit, tum quoque quod Galenus, Hieronymus Fabricius ab Aquapendente, & alii gravissimi authores causticis, ut arsenico, flammulâ, calce vivâ, & ipso igne ad anthracum pestilentialium curationem, eorumque malignam putredinem tollendam usi fuerunt, item Theodorus Mayerne tract. de Peste cap. 3. trochiscos de arsenico anthracibus apertis indere jubeat, quo dolore virus ad partem attrahatur, præsertim si infra bubonem sit carbo, tum ut simili veneno (ex hypothese loquitur) virus in parte extinguatur. Nec non Joh. Langius, uti ejus epistolar. l. 3. cap. 9. similia remedia, ut unguentum ex sale ammoniaco, cantharidibus, & mercurio sublimato constans ad occidendos anthraces adhibuerit, ita quod arsenicum

&

& alia hujus fortis remedia virtute quadam magneticâ, quâ venenum alterum sibi simile ad se trahere dicitur, illum suum effectum edat, nunquam concedam, quia, uti jam fuit ostensum, venenum pestilentielle non est naturæ arsenicalis, sed ei omninò contrariæ, quia venenum pestilentielle ex corruptione putredinali oritur, hoc verò corruptioni putredinali, non aliter ac ipse ignis, resistit.

Præterea posset dici, si arsenicalia agerent in virus pestilentielle illud naturæ similitudine ad se alliciendo, ea interne in peste exhibitæ potius noxia essent, quia tunc virus omne ab externis ad se ad interna traherent, quia verò internus arsenicalium usus non minus quàm externus nonnullis Viris & Medicis celeberrimis, quorum authoritati & fidei aliquid detrahere nefas est, probatur, ex eo constat, hanc virtutem magneticam neque arsenico, nec aliis causticis remediis inesse, sed solummodò eam ab illis iis, qui veneni pestilentialis naturam ignorant, affingi.

Ad præservationem à Peste quam pluri mi Medici magnificiunt amuleta ex arsenico, ut Antonius Lacuna, Porta, Cæsalpinus, Jordanus, Rulandus, Dominicus Tirellus, Niddam, Salius, Mercurialis, Simonius, Theodosius, Jobertus, Petrus Monavius, qui l. 5. epistol. medic. à Scholzio collect. p. m. 574. & 558. refert amuleta ex arsenico sacculo inclusa

clusa appenso, & supra cor gestato tempore infectionis plerosque aulicos usos fuisse, neminem inde læsum, nisi unum alterumve, qui nudæ carni id apposuerunt, & sudores non exquisitè deterferunt, in quibus pustulæ quædam circa regionem cordis, sine tamen periculo à vi illius causticæ exortæ sunt. Andreas Cæsalpinus libr. 3. Specul. art. medic. cap. 3. inquit, ut quis inter infectos tuto versari & contrectare possit res pestilentes, hodie compertum est remedium extrahens evaporationes virulentas, si applicetur ad arterias in carpo, & ad regionem cordis pulvis auripigmenti, aut sublimati addito croco, garyophyllis, cinamomo, aut similibus inclusis omnibus in sacculum fœricum, ne partem exulceret. Cui sententiæ etiam subscribit Dominicus Tirellus in Antilogiâ de vesicantib. cap. 5. dum contra Bernhardinum vesicantia ex deleteriâ substantiâ rectè & summâ cum ratione componi demonstrat, atque frustra esse dicit perniciosas qualitates

" ab arteriis intrò rapi, ut vesicantium usus

" contemnatur, hoc enim est contradicere

" Galeno, qui venena extra posita ad alia venena evocanda locis citatis proponit, hoc

" adversum experientiæ, cum illi facculi confecti ex rebus apprimè veneficis, & gestati in

" locis, ubi venarum & arteriarum copia existit, & maxima est cum corde affinitas & propinquitas, non noceant, quin potius juvent, atque à Peste homines præservent. Ve-

Verùm neque authoritates dictorum Medicorum, neque experimenta ab iis allata, tantùm valuerunt, quo minus alii contrarium sentirent, adeò præconceptæ opiniones animum nostrum occupant, ut etiam ipsi experientia obloqui non vereamur. Inter eos est Gerhardus Columba, Hercules Saxonia, Horatius Augenius, Gregorius Horstius. decad. 10. quæst. medic. 9. Zacutus Lusitanus amuleta ex arsenico tanquàm remedium suspectum & calidissimum proscribit. Quod ipsum etiam facit D. Stephanus Blanckardus. Quibus ego regeo, si arsenici usus ad præservationem externè in amuletis, uti illi opinantur, periculosus est, quantò periculosior esset ejus usus in ipsâ peste, & præsentè jam veneno, tunc enim venenum externum vires interni augeret, quod tamen non solum innoxium, sed etiam ægroto summe proficuum, in suprâ memorato emplastro magnetico experti sunt, Hartmannus, & Angelus Sala. Unde inferre licet, si venenum arsenicale in emplastro magnetico præsens pestis venenum expugnare valet, illud etiam, si corpus nostrum adoriri vult, ab eo arcere poterit, atque easdem obtinebit qualitates ad præservandum à peste, quas habet ad eam curandam. Et miror D. Stephanum Blanckardum in amuletis contra pestem usum arsenici improbare, qui tamen in ipsâ pestis curatione emplastri magnetici

gnetici usum admittit. Et si vis Arsenici corrosiva in emplastro Magnetico non est formidanda, cur ea in amuletis formidari mereatur? Nec vis arsenici calidissima & caustica est timenda, cum ipse Hippocrates aerem igne succenso ab inquinamento pestifero repurgasse, atque incolumes à peste præservasse historiarum monumenta prodant, & Nannus apud Petrum Forestum affirmat ad perimenda luis pestiferæ semina cauterio actuali nihil potentius esse, ut ita de Arsenico vires ignis æmulante, quin ab ejus usu ad præservationem & curationem pestis saluberrima quæque sperari possint, non dubitandum sit, imprimis cum etiam alia caustica remedia, qualia sunt oleum & spiritus vitrioli, aqua fortis aurifabrorum, Mercurius sublimatus, præcipitatus, buthyrum antimonii, vesicatoria, &c. tam internè, quàm externè ad pestem curandam usurpari soleant. Ut jam nihil dicam de spiritu vini camphorato, tincturis bezoarticis, aliisque aquis alexipharmacis calidissimis. Inferre porrò licet, à citatis Medicis in peste usum vesicatoriorum, propugnari. Quæ si non minus quàm arsenicum caustica & venenata sunt, quo jure arsenici usus in morbis malignis ab ipsis rejicitur & condemnatur.

Quomodo vero arsenicum in amuletis vim suam exferat, an ob similitudinem venenum pestis ad se alliciendo, an contrariis qualita-

qualitatibus, ut alia alexipharmaca faciunt, illud oppugnando ex modo dictis facile colligipotest, atque ex infra de nuce vomica dicendis ulterius patebit.

Parantur autem amuleta ex arsenico, fumendo ejus quantum placet, illudque pulverizando, & cum gummi arabico, aut mucilagine tragacanthi placentulas formando, quæ deinde in umbrâ siccantur, atque sacculo ferico inclusæ supra corgestantur. Si arsenico alia alexipharmaca remedia, ut crocum, camphoram, Zedoariam, radicem tormentillæ adjungere placet, ei est liberum. Vel ad mentem Thomæ Willisii, qui amuleta ex arsenico, Mercurio, & bufonibus exsiccatis contra pestem commendat, & juxta præscriptum Theod. Mayerne tract. de febrib. cap. 3. R. bufon. terrestr. in cliban. vel ad solem. exsiccato. nō. ij. arsenic. crySTALL. auripigm. mercur. submat. ā. ʒiv. pulv. gentian. Zedoar. rutæ, scord. ā. ʒiv. garyophyll. mac. ā. ʒiij. camphor. ʒj. M. f. pulvis subtilis pro sacculis interbañstatis, vel cum mucilagine gummi tragacanth. f. scutum instar cordis. Nota hanc pastam nudæ carni admotam incalescentem, & sudore humectatam, cutem rubificare, vesicas excitare, quare tunc removenda. Similiter Jacobus Carpenſis placentam ex arsenico albo & rubro, & albumine ovi, vel mucilagine tragacanthi digiti crassitudine confectam, linteolo

teolo infutam, serico inductam, de collo supra cor appensam contra contagium pestis comendat. v. Wecker. in tractatu de trochisc.

Quod verò hæc amuleta in nuperà peste Noviomagensi, non Doct. Diemerbrockii, non in Londinensi Domini Hockges expectationi satisfecisse testetur D. Joh. Dolæus, uti in Encyclop. libr. 4. cap. 5. de febrib. extat, illud non statim eorum inutilem applicationem probat. Fit enim sæpius ut virus pestilentielle fortius sit, quàm ut solis externis amuletis arceri & profligari possit, & quod etiam alia quamplurima, ab infinitis authoribus plenis buccis laudata, atque ad cælum usque encomiis sublata in usu & experienciâ deinde sæpius invalida deprehendantur, quæ tamen statim numero remediorum antiloimicorum eximere nemo conatur. Sine dubio præconcepta de Arsenico opinio, quâ venenatâ suâ qualitate cordi insensum esse creditur, multum contribuit ad infamanda amuleta ex arsenico confecta, & ut nonnulli casus funesti ejus usui fuerint ascripti, qui tamen magis ferociæ morbi imputandi fuerunt. Idem olim Medicos Γαλενικώτατος factitasse vidimus. Illi enim ut omnibus arte chymicâ præparatis fidem derogarent, atque suas solummodo merces ægrotis obtruderent, omnes feliciter per ea remedia factas curationes silentio premebant, vel malignâ fide referebant, inreli-

ces

ces verò, quæ violentiæ morbi, aut remedio præpostere, aut imprudenter exhibitio ascribendæ erant, innoxiiis remediis, imputabant. Adeò etiam in eâ arte, ubi de hominis sanitate & vitâ agitur, non veritatis, sed partium studio ingenia agitabantur. Licet hæc cacoethes etiamnum in Medicinâ duret, ambitione & invidiâ omnia sibi vindicante, atque animos Medicorum in perversa judicia, ceu æstu quodam abripiente, dum invidi aliorum egregie inventa apud simplices & credulos, qui nunquam desunt, tanquam vana & inutilia traducunt, ambitiosi verò omnia majorum asserta, siue vera sint, siue falsa, nulla habito discrimine contemnunt, & nova in arte principia sibi fingunt. Neutra pars veritati litat, utraque pro suis erroribus acerrime pugnat. Sed redeo ad propositum.

Non desunt Medici, qui arsenici usum in asthma te etiam internè commendant. In hunc finem Avicennas pilulas suas asthmaticas ex resinâ vel gummi pini & arsenico paravit. Joh. Langius libr. epistol. 3. cap. 7. p. m. 847. refert Georgium Wirthium Ludovici Regis Ungariæ Medicum in asthmaticis & orthopnoicis desperatis electuario usum fuisse ex specier. diaireos ʒj. arsenic. pulveris ʒß. succ. urtic. ʒij. mellis rosat. quantum sufficit. Misceantur omnia exactè, & fiat electuarium, cujus dosis quantum magnitudo avellanæ æquat.

quat. Quidam Medicus D. Myrthinus habuit pulverem asthmaticum, cui in substantiâ amiscuit tantillum arsenici, & valde commendavit in asthmate, uti refert D. Michael Ettmuller. Schröder. Dilucid. Mineral. p. m. 282. licet rem hanc periculosam esse ibidem judicet, atque usum arsenici internum & externum rejiciat.

Quod autem arsenicum in asthmate cum ratione & methodicè præscribatur, mihi probare, atque argumenta in contrarium directâ evertere non est difficile. Nam oritur asthma ut plurimum â pituitâ sanguinem coagulante, eumque quasi congelante. vel quando pituita concreta vasa sanguiflua circa cor & pulmones obstruit, quibus obstructis sanguis per vias respirationis, & cor ipsum non ritè moveri. & circulari aptus, in illis subsistit, & in cursu suo intercipitur, non aliter ac apoplexia oritur, quando propter sanguinem in cerebro ejusque vasis coagulatum, vel propter pituitosas concreciones venas & arterias carotidas obstruentes sanguis ibi sistitur, ejusque cursus & motus impeditur, uti in alio loco docui. Hippocraticus quispiam Medicus diceret, asthma fieri ab interceptione venarum circa cor & pulmones, non ac si venæ & arteriæ ipsæ interciperentur, sed sanguis in arteriis & venis contentus, quam interceptionem Hippocrates ἀπολειψεν τῶν φλεβῶν nominavit.

Rem

Rem ita se habere non solum symptomata, causæ procatarectica, & curatio asthmaticarum affectionum, sed ipsa ocularis inspectio cada- verum asthmate & catarrho suffocativo de- functorum demonstrat. Unde D. D. Greif- selius Decur. 1. Anni 1. Ephimer. Natur. cu- rios. se in dictis affectibus corpora callosa, vi- scida & glutinosa vel in cerebro, vel in corde. vel in ambobus simul reperisse testatur. Ea- dem observavit D. D. Joh. Dolæus, qui Ency- clop. Medic. libr. 1. cap. 13. se multos apo- plexiâ ad cœlestia raptos aperuisse, & si non in omnibus, saltem in pluribus sanguinem in vasis coagulatum, vel in cerebrum effusum, vel in venis ejus concretum, immò in ipsis præ- cordiis polypos invenisse, ex quo rectissime concludit interceptum fuisse sanguinis cur- sum, eaque imprimis obesitas, & nimia corpulen- tia præditis obtingere, quorum status semper sit periculosus. Similem historiam apoplectici à polypo ex pituitâ concretâ constante, & arte- riam aortam & venosam obstruente proponit Nicol. Tulpius libr. 1. observat. 27. Pari fati- occubuit Medicus celeberrimus Carolus Patin.

Et licet memorati Medici solius apo- plexiæ mentionem faciant, verisimilius ta- men est, ægrotos, qui polypos circa cor & pulmonem habuerunt, suffocatos periisse, suffocatione speciem apoplexiæ præ se feren- te, vel his affectibus invicem complicatis.

Hanc feri concretionem etiam sæpe in sanguine per phlebotomiam educto conspiciere licet, & me aliquando præfuisse meminì curationi cujusdam viri nomine Leonhardi Glafer Lanionis, qui febre malignâ, & asthmate laboraverat. Hujus sanguis per venam incisam eductus cooperiebatur pelliculâ candicante ita concretâ, ut ne quidem ligno acutius pertundi potuerit. Quod maximè miratus fui.

An autem illa pituita concreta, seu sanguis coagulatus, qui se in asthmaticis ostendere solet, fit ab acido, ut multi volunt, jure dubitatur. Qui id affirmant, dicunt acidum sanguinem coagulare, atque in ejus rei probationem experimenta in canibus facta adducunt. In eorum venas incisas liquor, seu spiritus acidus per siphonem injicitur, à quo sanguis grumescit, ac canes suffocantur, & pereunt. Similia etiam in asthmaticis fieri per multi credunt. At opponi potest, si acidum in asthmate peccat, cur acida pro asthmaticis à Medico non solum præscribantur, sed etiam cum fructu usurpentur? Experimenta in canibus instituta fallacia esse. Nam ab acido immediate in venas infuso non argumentari licet ad acidum intra corpus sumptum, & in ventriculum ingestum, cum diversus sit operandi modus acidi in corpus assumpti, & in venas immediate infusi, ac ut
hoc

hoc sanguinem coagulat, ita illud sanguinem
 resolvit. Sunt enim particulæ acidorum a-
 cutæ, penetrantes, pungentes, atque ad hu-
 mores viscidos, pituitosos dissecandos & in-
 cidendos idoneæ, quos in asthma peccantes
 ab acidis feliciter resolvi observare licet, qua-
 lia sunt acetum commune, squilliticum, oxy-
 mel simplex & squilliticum, spiritus sulphuris,
 oxymel de nicotiana Quercetani, hellebora-
 tum Juliani, Gesneri, oxymel pectorale Cra-
 tonis. Atque eadem virtute etiam alia antasth-
 matica prædita sunt, ut rad. ari præpar. enulæ,
 ireos florentinæ, bryoniæ, gummi ammoni-
 acum, sulphur. ejus flores simplices & myr-
 rhati, magisterium benzoe ejusque flores, se-
 men erucæ, squilla, nicotiana. Quia verò ar-
 senicum etiam acutissimis & penetrantissimis
 particulis instructum est, nullum est dubium
 quin & illud in asthma egregiam commo-
 det operam, atque jure ab Avicenna & Wir-
 thio contra asthma fuerit præscriptum, quod
 quam potens sit in liquandâ pituitâ concre-
 tâ, vel coagulatâ dissolvendâ ostendere potest
 ejus egregius usus in resolvendis & emolli-
 endis tumoribus scirrhis, tophaceis, duris,
 strumosis, excrecentiis, polypis, verrucis, ca-
 runculis absumendis, ceu quoque etiam alia
 causticâ in similibus casibus sunt efficacissima,
 & nulli secunda remedia. Unde si quis pul-
 veri cuidam pectorali ex superioribus lauda-
 tia

tis simplicibus parato unum vel alterum granum arsenici adjiciet, remedium non parum validius reddet, nec de periculo ullo sibi metuet. Sic ℞. rad. ari præp. ℥ss. fl. sulph. gr. v. fl. benzoe gr. iij. croci orient. arsenic. citrin. ā. gr. ij. vel iij. m. f. pulvis, qui in aq. hyssop. ʒij. oxymel. squillit. ʒss. detur pro unâ vice. Valet in asthma, & catarrho suffocativo. Vel ℞. pilul. de gummi ammon. ℥j. arsenic. citrin gr. iij. m. f. pilulæ, quæ pro unâ vice dentur in aq. hyssop. & syrup. de erysimo Lobelii. Efficaces sunt ad corpora viscida, callosa, glutinosa in asthma peccantia resolvenda. In quo imitatur eos, qui etiam externè effectum emplastri de ammoniaco adjecto arsenico, mercurio præcipitato, sublimato, in resolvendis tumoribus duris, scirrhis intendere student.

Istiusmodi pilulæ etiam in obstructionibus, scirrhisque lienis & mesenterii locum habent. Sed in asthma à materiâ acri, calidâ, Willisio convulsorio dicto, arsenicalia, sulphurea & alia acria non convenirent, sed melius curatio per lubricantia, emollientia, & nervina, ut oleo expresso amygdal. dulc. millepedibus præparatis, spermate Ceti perficeretur.

In pulmonum affectibus ex catarrhis crass. Joh. Schröderus Pharmac. libr. 3. cap. 27. tanquam specificum deprædicat sequens. R. arsenici quantum placet, sublima, bis vel ter in arenâ, semperque separa pulverem subtilissimum,

mun, qui cucurbitæ instar farinæ volatilis ad-
hæret (eam enim esse venenum arsenici credit)
partem crystallinam misce exactè cum floribus
sulphuris, & sublima. dosis gr. iv. ad viij. Ea-
dem etiam laudantur à Kinelm Digby medi-
cament. expert. part. 2. Avicennas 10. 3. tract.
5. cap. 6. arsenicum cum galbano suffien-
dam præscribit.

Notabile exemplum phthiseos desperatæ,
& per suffitum à trochiscis ex arsenico con-
stantibus, & prunis injectis excitatum, curatæ,
habet observatio 2. Anonymi cujusdam ob-
servationibus Riverianis annexa p. m. 690. 2.

Plures suffitus ex arsenico parati, & contra
plures morbos directi, deinde describentur.

Auripigmento unâ cum aliis causticis ad
dysenteriam, & inde nata ulcera intestinorum
diuturna cacoethica sananda usi sunt per-
multi veterum Medicorum, & ipse Galenus,
quorum descriptiones videri possunt in ejus
libr. 9. de compos. Pharmac. secund. loc. p.
m. 409. Ex formulis remediorum, quibus
utebantur unam tantum alteramve annotabo.
℞. ciner. chartac. 3x. alumin. scissil. drachm.
iij. sandarach. ziiij. croci, succ. papaver. ā. zij.
auripigment. ziiij. squam. zris, omphac.
ā zij. calcis viv. 3v. trita misce, & excipe vino
dulci, ac forma exinde pastillos ad 3j. ij. iij.
pondere. Usus tempore vino austero dilue ad
strigmentitiam crassitudinem, amisceque su cci

ptisanæ ciathos duos. Infundito hæc simul ægroto, ita ut tum de succo ptisanæ, tum de pharmaco pro viribus ipsius sumas. Hoc remedio ad exulcerationem in intestino recto factam usus fuerat Isidorus.

Vel ℞. auripigment, ʒx. chart. ust. ʒxxx. sandarach. ʒvj. calc. viv. ʒx. vel ut alii xij. cogito in pastillos pondere ʒiiij. & cum plantaginis succo in quo spissamenta incocta sunt, infundito, aut in vini diluti cyathis iij.

Experimentum hujus rei habetur ex Rhafis 13. continent. tract. 3. cap. 2. his verbis
 " notatum : Denunciavit mihi quidam No-
 " tarius, quod quidam nomine Ginazir cly-
 " sterizavit eum cum pulvere citrino in quan-
 " titate aur. ponder. i. amixto in unciâ unâ ol.
 " rofat. crud. unde præcepi ei, ut clysterizaret
 " eum cum sublimato, dixit, quod reversus est
 " fluxus de centum sellis ad decem, & conva-
 " luit per 15. dies. Deinde rediit passio, & per
 " eandem curam iterum convaleuit. Verba e-
 " jus citata habentur in Zacut. Lusitan. libr. de
 " Medic. Princip. histor. 86. libr. 2. p. m. 332.

Notatu dignissima est historia, quam re-
 fert Zacut. Lusitan. Prax. admirabil. observ. 20.
 " Sævam, inquit, dysenteriam ex ulcere in-
 " testinorum profundo patiebatur Dux qui-
 " dam Generosus per multos menses, qui vi-
 " gil, inappetens factus, sævis torminibus af-
 " flictus, tabidus in horas moriturus timeba-
 " tur,

tur, febriculâ tenui, colliquante detentus. In hujus curatione variam medicamento-
rum sylvam experti erant Medici. Ex tribus
solum levamen aliquod sensit, sed iterum,
recrudescente affectu, in pejus ruebat. Pri-
mum fuit, salvatellæ dextræ sectio, & epi-
thematum usus; secundum, lactis ustulati
potus; tertium, cotoneum excavatum, &
intra cerâ albâ repletum, extra massâ circum-
litum, deinde prunis admotum, quoniam li-
quefacta cera sese in cotonei carnem insinu-
at, cujus esu ante omnem cibum levamen
aliquod sensit; nam hisce ad tempus restri-
ctus est fluxus, tamen asperato affectu lap-
sus est in deterius. His visis in conclama-
tâ dysenteriâ muriam salforum piscium, &
olivarum per intervalla infudimus, cujus u-
su aliqui revixere a quod Galenum 12. de me-
thod. cap. 1. Sed cum hæc non proficerent
ad caustica, & crustam inducentia accessi,
sicque paravi clysteria ex lacte chalybeato
cum granis iiij. arsenici, & granis tribus alu-
minis benè permixto. Hoc enemate cum
decies viginti dierum intervallo esset usus,
sanitati restituitur, firmitatem assumit, & qui
cadaver repræsentabat, obducto intestino-
rum ulcere, firmatâ alvo, robustus evasit.
Nec mireris. Nam ubi unica via salutis est,
ea, licet cum periculo, est tentanda. Hunc
modum curationis docuero Galenus l. 9. de
com-

compos. medic. sec. loc. c. 2. & 9. simplic. cap. 5. Avicennas 16. 3. tract. 2. cap. 7. Hæc enim si lacte contemperentur, & singulis drachmis illorum opii granum unum addatur, ut monuit Hollerius libr. 1. de morb. intern. cap. 40. non nocent, immò putrilaginem absumunt, exsiccant, impensè arctant, glutinant, & crustam inducunt, ex Pauli edito libr. 3. cap. 42. Eis ergò utaris, quando ulcera serpendo depascunt. Nam Avicennas multis in locis Arsenicum exhibet in potum in phthisi, asthmate, casu, offensione, in paucâ quantitate, & contemperatum eis, quæ ejus malitiam obtundunt. Quod non convenit cum verbis Michaelis Ertmulleri, qui Schræder. dilucid. cap. de Arsenic. scribit de Medicis veteribus, quod in gravissimo asthmate arsenicum ad drachmam dimidiam exhibuerint, nec fere credibile est, eos in usu remedii violenti tam improvidos fuisse.

Ceterum in casu Zacuti proposito multa enumerantur, quæ diligenti consideratione dignissima sunt. Enumerat enim affectum gravissimum methodicè curatum. Gravissimus erat ratione temporis, Ægrotus enim jam per multos menses eo erat affectus, & ut morbi in principio facilè curationem recipiunt, ita neglectâ sanandi occasione immedicabiles sæpius redduntur; ratione symptomatum, aderant enim perpetuæ, vigilæ, inappetentia, febricula,

febricula, tormina sæva, tabes, & tanta virium prostratio, ut in dies moriturus timeretur. ulcus intestinorum, & quidem profundum, quod ab excretis per anum carunculis (Græci ephelcides appellant) colligere licuit, & Hippocrates aphor. 26. sect. 4. lethale signum esse pronunciat; ratione loci affecti, qui erant intestina ulceribus cacoethicis, & putrilaginis obfessa, quod itidem propter partis hujus dignitatem, & officium, cui à naturâ destinatur, valdè erat periculosum; denique quia affectus initio remedia spreverat, atque ad sui curationem remedia generosiora poposcerat; unde quia is remediis velitantibus non cesserat, à triariis, quale est arsenicum, auxilium & implorabatur, & impetrabatur, morbis enim extremis, extrema remedia sunt opponenda. Imprimis ulcera crassorum intestinorum sordidiora, serpentia, & putrilaginosâ ad sui ablationem remedia valida exigunt, quia intestina semper mucosis humiditatibus, quæ ulcerum curationem remorantur, sunt oblinita, & valdè exsiccantium, & acrium usum facillè perferunt. Neque arsenicum sine summâ cautione datum. Fuit enim exhibitum in paucâ quantitate, & ad grana tantum quatuor, quod in usu arsenici & auripigmenti semper est observandum, quæ vel internè exhibita, vel per clysteres in alvum injecta, vel externè in paucâ quantitate applicata.

cata dignitatem præstantissimi remedii tuentur, in largiore verò dosi usurpata in sævissima venena degenerant. Erat præterea arsenicum injectum cum lacte, quod omnium Medicorum calculo causticorum remediorum proprium est antidotum, eorumque acrimoniam mitigat. Non mirum igitur curationem ex voto ægri & Medici successisse, quia arsenico mirabilis vis inest, ulcera per sanandi, & ad cicatricem perducendi. Unde Helmontius tit. Scabies & ulcera scholar. paragraph. 31. " inquit : Realgarem per salem petræ fixum ,
 " atque in astringens sulphur mitigatum sexaginta fortè ulcerum diversitates extinguere ,
 " non quia rodit , exeditque (etenim sic non
 " sui edulcorationem cum repetito spiritu
 " vini exposceret) sed quia venenum jam mite
 " habet, quo ipsum ulcerum fabrum, cruoris-
 " que corruptorem (hic nota arrogantem Chymicorum nonnullorum pennam, qui sæpius suis præparationib' tribuunt, quod rebus ipsis naturalibus tribuendum est) est enecando.

Si jam quæzratur, quinam sit ille ulcerum faber cruorisque corruptor, certè ille non alius est, quàm excessiva quædam humiditas corpus resolvens, atque ab eâ pronatum miasma putrèdinale, corruptivum, cui extirpando caustica remedia unice à naturâ producta esse credendum est. Et licet Helmontius tantùm de arsenico præparato loquatur, attamen etiam

iam crudo hanc vim inesse non ambigi mere-
tur. Verum absurdum esse cuidam videri
posset, in affectibus dysentericis & ulceribus
intestinatorum ejusmodi exhibere remedia,
quæ ipsa tormina & cruciatus dysentericos
excitare, intestina corrodere, immo perforare
valent, uti in cadaveribus veneno arsenicali
peremptorum fuit observatum. At dispar est
ratio ulceris à veneno caustico inducti, ab eo
quod à miasmate dysenterico provenit, atque
idem error est, credentium venenum dysen-
tericum esse naturæ arsenicalis, ac est, qui vi-
rus pestilentielle arsenicale nominant, uti jam
fuit à nobis dictum, quia tam dysenteria, quam
pestis oritur à fermento putredinali contagi-
oso, cui virtus arsenici caustica omnibus viri-
bus resistit. Ceterum arsenicum solummo-
dò in magnâ quantitate sumptum ventricu-
lum & intestinalædit, atque corrodit. Præ-
terea monendum est per dysenteriam hîc
non intelligi illam epidemicam, publicè gras-
santem, & intra paucos dies homines interi-
mentem, qui morbus utique remedii arsenica-
lis violentiam non ferret, sed chronicam, seu
diuturnam, & quæ ab ulcere imprimis intesti-
norum crassorum provenit. In hoc casu ad
curanda ulcera interna intestinatorum cum ve-
teribus, & eorum causam agente Zacuto Lu-
sitano de Medic. Princip. histor. libr. 2. histor.
86. dubio so. maximâ cum ratione caustica
in

in parvâ quantitate, & unâ cum illis ea, quæ illorum malitiam reprimunt, infundi possunt. Tunc enim, ut sonant verba Zacuti, major est utilitas causticorum, quàm noxa, quæ ipsa melior est, quàm mors, quæ ex ulcere cat-oethico serpente magis ac magis imminet, atque impendet. Quapropter reprehensionem merentur illi Medici, qui hanc curandorum ulcerum intestinalium modum ut temerarium perstringunt, atque à doctrinâ Virorum in arte nostrâ Principum deficiunt.

Phthificis, & qui saniem habent in pectore Avicennas Arsenicum in potu exhibet, qui ob id à Ludovico Lemosio reprehenditur, verum à Zacuto Lusitano defenditur. Si enim, inquit Zacutus loc. cit. in paucissimâ quantitate & saccharo rosaceo permixtum arsenicum exhibeas, prout id faciendum suadet Avicennas, hunc à calumniâ vindicabis, qui illud 10. 3. tract. 1. cap. 40. ad asthma cum gummi pini propinat. Miror autem hîc arsenici exhibitionem in phthisi ab Avicenna peratam Zacutum probasse, qui tamen huius remedii usum planè reprobat. Non in alio loco, ubi pilularum Avicennæ mentionem facit, quæ arsenicum recipiunt, contendit Avicennam per arsenicum nihil aliud intellexisse, quàm Græcorum tragacantham, & credit Avicennam non ita improvidum fuisse, ut tam perniciosum venenum, quale est arsenicum,

arsenicum, & quod etiam in paucâ quantitate sit noxium, ægrotis obtulisset. Verùm Avicennæ consilium ipsum arsenicum asthmaticis exhibentis non temerarium, sed utile fuisse, nec defensione Zacuti opus habere, hætenus prolata probant. Illud autem etiam phthificis prodesse probat ratio. Nam in phthisi plerumque adest corruptio & exulceratio pulmonum, ad quam curatio principaliter est dirigenda, at arsenicum maximas obtinet virtutes ulcerum fabrum & corruptorem cruoris (ut iterum cum Helmontio loquar) necandi, ceu quoque alia antiphthifica virtute balsamicâ & mumiali, quâ corruptioni resistunt, prædita sunt, qualia sunt guajacum, omnia ex sulphure præparata remedia, balsamus peruvianus, item medicamenta vulneraria. Ad quem finem obtinendum à nonnullis Practicis etiam maximi æstimantur suffitus ex siccantibus, aromaticis, & arsenico parati, quia atomi arsenicales unâ cum aliis ad rem facientibus per inspirationem in corpus attracti immediatè ad pulmones deferuntur. Tale est suffimentum ex Rondeletio descriptum R. gumm. heder. torrefact. coriandr. rosar. rubr. santal. mastich. thur. myrrh. cortic. thuris ā. ℥iij. benzoe, ladan. pur. styrac. hypocistid. ā. ℥ij. auripigment. ℥j. pulverisatæ excipe cum terebinthinâ, & fiant trochisci, quibus igni injectis fumigentur capitis operimenta.

menta. Efficax est ad ulcera narium, aurium, pulmonum, uteri. Vel ℞. coriandr. præpar. rosar. rubr. ā. ʒj. ladan. pur. hypocistid. ā ʒiij. santal. alb. rubr. blattæ. bizantin. ā. ʒij. capit. papav. cortic. mandragor. ā. ʒij. styrac. benzoe ā ʒj. auripigment. citr. ʒß. cum mucilage tragacanth. & gummi arab. in aq. rosar. dissolut. f. q. f. trochisci.

Utere his uti prioribus. Neque timendum est, fumum arsenicalem per inspirationem in vitalia tractum nociturum esse. Nam
 1. Auripigmentum venenum est (quod etiam alibi docuimus) infectionis & inquinamenti expers, & ut alia venena naturalia. sic etiam arsenicum hominem conficit, non verò inficit.
 2. Ea est quantitas arsenici talia suffimenta ingredientis, quæ non nocere potest.
 3. Arsenicum præcipuè nervosis partibus a credine suâ infestum est, quales non sunt pulmones, quæ, si ulcere obsideantur, acia remedia ferre possunt.

Suffitum arsenici ad pulmonis morbum celeberrimus Theodor. de Mayerne tract. 4. cap. 6. Prax. his verbis commendat. Majorē cum periculo, maxima tamen cum utilitate in certis pulmonū morbis hauritur fumus auripigmentii ex Dioscoridis præcepto. At Principes ut plurimum, dum Medici calumniam metuentes trepidant, & non nisi notis atque vernaculis armis dimicare audent, vel non

non curantur, vel occumbunt. Prudens admodum dictum, & tali Medico, qualis Mayerne fuit, dignum, & quoipso ad insigniendas per remedia venenosa curationes nihil melius proferri potuisset. Nam licet remedia ex venenorum classe desumpta ad morbos plurimos curandos sint efficacissima, & in certis casibus tutò usurpari possint, eam tamen opinionem de venenis ferè omnes conceperunt, ut si quis Medicus (non dicam cum Mayerne Principis) viri alicujus illustris morbum per talia remedia curare institueret, atque is ex morbo moreretur, omnes dicerent, cum violentiâ remedii occubuisse, etiam si vi morbi vitam amisisset. Quapropter Medicus, qui in periculosis casibus ægroti sui salutis certus esse non potest, in curationibus præsertim illustrium personarum solito timidior est, circumspectè agit, magis politicum quàm Medicum agit, calumnias metuit, nec suæ famæ honorè incertæ fortunæ alex committit, & à remediis paulò vehementioribus ceterum generosis abstinet. ne, si æger curæ suæ commissus à morbo victus succumbat, infelicitis eventus culpa ei, atque remediis ab eo exhibitis imputetur, quæ verò timiditas ægrotis funesta esse solet. Nam si Medicus violentiora remedia adhibere conatus fuisset, spes fuisset ægrotos, audaces fortunâ adjuvante, à talibus potuisse servari. Atque hoc in-

F

felix

felix fatum arti nostræ incumbit, ut metus infamiae, & calumniarum, quibus vel alii, vel ipsi Medici se invicem lacerare solent, sæpius eos ab optimo instituto absterreat.

In empiemate, si opus sit validâ exsiccatione ex præcepto ejusdem Mayerne usurpetur sequens suffitus, qui libr. 2. cap. 6. Prax. Medic. ita describitur. R. auripigment. cum cinerib. vitis, vel florib. sulphur. sublimat. ʒß. tabac. Indic. optim. ʒiij. tussilag. rad. enul. calam. aromat. ā ʒiij. ligni aloes, benzoe. gumm. guajac. natural. ā. ʒiß. m. f. pulvis subtilis, & cum terebinthinâ Venetâ, vel balsamo Peruviano f. trochisci 12. pro suffitu, cujus fumus excipiat cum infundibulo.

Idem Mayerne sequens tabacum compositum sæpius præscribit. R. fol. tussilag. siccat. ʒß. fol. laur. salv. malabatr. ā. ʒij. rad. enul. ʒiijß cortic. guajac. gumm. ejusd. ā. ʒjß. tabac. indic. ʒiijß. succin. oliban. ā. ʒvij. auripigment. flavissim. scintillant. ʒß. Succinum. olibanum, cortices & gummi guajaci, auripigmentum pulverisentur, & cum ceteris crassiusculè incisis misceantur, capiatur fumus, uti vulgaris tabaci, idque paulò ante assumptionem apozematum pectoralium bis terve in die.

Ad ozænam & narium ulcus cariosum desperatum, aliisque remediis indomabile & inexpugnabile à Rondeletio prax. libr. 1. cap. 65. fumis laudibus effertur tale suffimentum

tum *℞*. ladan. pur. hypocistid. mastich. myrrh. *ā*. *ʒ*ij. stīracis rubr. calamith. cortic. thūris. sandarach. auripigm. *ā*. *ʒ*ij. impastentur cum terebinthinâ, & fiant trochisci, quorum unus & alter prunis injiciatur, fumusque inde ascendens per infundibulum manē & vespērī naribus excipiatur.

Balsamo ex crySTALLIS seu oleo arsenicī cum axungia viperæ, & oleo bufonum mixtis constante, scrophulas exulceratas, & non exulceratas materiâ attenuatâ, & per cutem educatâ sæpius in uniendo glandulas litu quotidiano se discussisse refert Theod. Mayerne Prax. med. libr. 1. cap. 19. p. m. 144.

Lenimentum ex arsenico tumorem collī bronchocele nominatum sine magno labore dissolvit. Mayerne de morb. extern. tract. cap. 8. Sed utere eo prudenter, & excitas vesicas curato lenientibus, easque, quoties opus fuerit, renova, & sic alternatim pergitō usque ad dissolutionem.

In ulceribus externis, scrophulis malignis, cancris exulceratis, si parva sint & recentia, Prævotius Medic. Pauper. p. m. 301. Frideric. Hoffmann. Thesaur. Pharmac. tit. Emplastr. p. m. 70. laudant pulverem escharoticum ex radic. scrophular. major. in Junio collect. in taleolas sect. in umbrâ exsiccat. arsenic. crySTALLIN. *ā* *ʒ*j. pulverisata misce, radiis solaribus ad initium octobris expone, in

ambullâ vitreâ bene clausâ ferva. Ei, postquam ulcus aliquoties aqua nymphaeæ ablutum & fotum est, insperge postridie pulverem munitis partibus sanioribus cerato quodam, ne ulterius, quam par est, serpat pulvis, sponte excidet eschara intra 12. dies, curatio perficitur sarcoticis valentioribus.

Pulvis istiusmodi etiam in curatione canceri commendatur in epistol. medicis libr. 3. p. m. 411. à Scholtzio editis, qui paratur ex radic. serpentar. major. in mense Junio collectæ, & ita suspensæ, ut nihil attingat, quantum vis, Arsenici splendentis parte tertia, fuliginis camini parum, subtilissime pulverisatis & mixtis, in pixide ligneâ servatis. Pulvis ulceri inspersus per unam noctem & diem dolorem excitat molestum, pars affecta inde intumescit, sed quo tumidior evadet, eo melius est. Intra 8. dies eschara cadet, &c. reliqua vide loc. cit. Eo pulvere quendam Bregz habentem collum ulceribus cavernosis & contumacibus exesum sanatum esse meminit Carolus Oslevius. Si ex primâ impositione pulveris in ulcere restet radix, pulveris usus est repetendus.

Realgar sublimatum Theodoricus, citante eum Petro Foresto libr. 4. observat. Chirurg. in scholiis observat, & affirmat cancerum, lupum, elthiomenon (hoc est sphacelum seu fiderationem) noli me tangere, fistulam, & tales

tales omnes morbos pessimos primâ die occidit, & extirpat. Valeſcus refert de Medico & Chirurgo quodam, qui cancrum, ulcera tibi-
arum antiqua, ſucco ſolatri, vel plantaginis in
eo poſito pulvere Realgaris fovebat, pan-
numque in eo madefactum ſuperponebat, &
ſanabantur multi cum adjutorio Dei, & Me-
dici illius. Confer etiam illa remedia, quæ
proponit Theodor. Mayerne loc. cit.

Ad ſcirrhum lienis emolliendum priſci
Medici emplaſtra ex Arſenico, alumine ſciſſi-
li, calce vivâ, apponebant, ut etiam refert
Zacutus Luſitanus Prax. admirab. libr. 2. ob-
ſerv. 50. Quantum autem remedia cauſtica
in reſolvendis humoribus craſſis, pituitofis,
viſcus lienis infarciendis, ejusque tumores
& ſcirrhos generantibus, poſſint, ex iis quæ
de curatione quartanæ per arſenicum dixi-
mus ſciri poſſeſt.

In ulceribus peſtilentialibus paſtilli cau-
ſtici Andronis Muſæ, Paſſionis, qui ignis na-
turam referunt, commendantur, ut idem Fo-
reſtus loc. cit. annotat.

Verum hæc & iſtius ſortis remedia non
conveniunt, niſi in ulceribus cancroſis, ma-
lignis, peſtilentialibus, corporibus robuſtis,
carne durâ præditis, & in moderatâ quantita-
te adhibita, vitatis ſemper partibus nervoſis,
quæ talia acria & corroſiva non ferre poſſunt,
exinde enim eſſet timendum, quod nervo-

sum genus irritaretur, & convulsiones, vel alia prava symptomata excitarentur, quod puellæ cuidam, cujus D. Joh. Jacob Wepfferus tractat. de Cicut. aquat. histor. 13. p. m. 289. meminit, accidit. Pro hac enim cum in Pharmacopolio unguentum pediculorum, eine Lauß Salb / peteretur; minister Pharmacopœi deceptus affinitate vocabulorum germanicorum dispensavit unguentum pro muribus necandis, eine Mauß Salb / quo cum caput puellæ fuisset inunctum, supervenere vigilæ, totius corporis intumescencia, & animi deliquia, & tandem mors. Unde D. Joh. Dolæus Encyclop. Chirurg. libr. 5. cap. 8. p. m. 1168. 1. prudenter admonet, caustica sine periculo glandulis & carni applicari, non autem tendinibus, nervis, vasibus sanguiferis majoribus, proin ab iis cavendum.

Ob eandem causam, neque ulcera valdè dolorosa usum remediorum causticorum sufferunt, quia dolor insignis indicat partes nervosas à causâ morbificâ læsas & affectas esse, quarum dolor per caustica valdè augetur.

Ad ulcera oris & gingivarum Felix Platerus Prax. med. tract. 3. de oris ulcer. curat, commendat aquam ex æris ærugin. 3j. auripigment. 3iß. subtilissimè tritis in vini 3iiij. ad medietatem coctis, additis deinde aquæ rosar. & solan. ā. 3iß. constantem. Aliam ex æris ærugin. auripigment. alumin. nitr. ā. 3j. in
aq.

aq. rosar. plantagin. ꝑ. ā. ℥iij. coctis paratam, cujus descriptio etiam loc. cit. extat. Usus est tali aquâ ulcera tangere. & eâ, si opus est, fricare, & post usum, ne quid ejus in faucibus hæreat, ea vino nigro abluere. Hac aquâ in ossium carie etiam usus est Experientissimus Joh. Jacob Wepfferus.

Eadem etiam ad ulcera pedum varicosa Platerus commendat in suis observationibus libr. 1. de superfic. corpor. dolor. p. m. § 24.

Ad arthriticos dolores apud Theodor. Mayerne tractat. 3. de arthritid. p. m. 260. invenio sequens remedium notatum. R. arsenic. alb. Mercur, præcipit. ā. q. s. cum aquâ fontanâ s. pasta loco affecto applicanda, vel potius in circumferentiâ. Cutem exulcerat absque doloris sensu, & dolores sedabit.

Non desunt Medici, qui ad scabiem unguenta arsenicum recipientia commendant, inter quos est Josephus Quercetanus. At meminit Amatus Lusitanus centur. 2. curat. 34. cujusdam juvenis toto corpore scabiosi, qui cum se unguento arsenicali illevisset, mane in lecto mortuus fuit inventus. At nullum est dubium unguento eum intemperanter usum fuisse, quanquam si scabies mitioribus remediis cedit, non opus sit ad tam fortia remedia recurrere, quæ solum in scabie malignâ locum habent, in quâ etiam alia caustica remedia, ut Mercurium præcipitatum applicare usitatum est.

F 4

Unguen-

Unguentum inter alia etiam ex auripigmento constans, & contra tineam, scabiem, malum mortuum, & morphæam, sed in adultis, & affectu pertinacissimo usurpandum certissimum, annotatum fuit cap. de Purgant.

Ad lepras, pforas, leucas, alopeciasque excellenter facere, & mirabiliter convenire sequens scribit Galenus de composit. pharmac. secund. loc. libr. 5. cap. 2. p. m. 326. R. atrament. futor. veratr. nigr. auripigment. ā. ʒj. ventrium cantharid. ʒij. tritis utitor cum oleo.

Contra Tineam mihi maximè arridet illud Stephan. Blancard. Chirurg. lib. 3. cap. 17. Rec. rad. hellebor. alb. tabac. auripigment. lithargyr. aur. calc. viv. alumin. gallar. fulig. camin. ā. ʒß. ærugin. ʒij ol. tabac. ceræ. q. s. f. unguentum.

In lue venereâ peccare fermentum putredinale indicant præter multa alia etiam pessimæ, & cacoethicæ partium exulcerationes hunc lue supervenientes, unde quis ab usu arsenici tam internò, quàm externo certam contra hunc dirum morbum opem se impetraturum confidere posset, verum quia in hac re tam propriâ, quàm alienâ experienciâ destitutor, ideò nihil certi hic pronunciare lubet, si verò daretur occasio aliquid in hoc morbo tentandi, illud citra ullum ægroti periculum fieri posse, atque successum spei responsurum esse, nullus dubitarem, quia arsenicalia, etiam
in

in aliis huic lui consimilibus morbis egregie juvant.

Attamen in Beguini tyrocinio chymico, Rollinccii Chym. in art. form. redact. libr. 5. sect. 4. cap. 7. ad usus diaphoreticos, contra morbos venereos, scabiem, lepram, & consimiles internè usurpandum laudatum invenio Arsenic. eleganter splendentis ʒj. pulverisatâ minutim in phiolâ parvâ nudo excipiantur igne. Mox intra horæ quadrantem pulcherrimi rubini instat lateribus vasis adhærebunt. Refrigerato vase colligantur, feces residuæ abjiciantur. Vires jam diximus. Usus gr. 6, ad 8. in brodio conservat. Zingiber. Hujus usum internum nonnulli suspectum habent, verum metus est major periculo, modò remediî dosis moderetur.

In Joh. Jac. Weckeri Antidot. Spec. libr. 2. de suffim. pro lue venereâ compositio trochiscorum ad suffitum descripta extat, quæ arsenicum recipit, ut R. cortic. thuris ʒij. mastich. gum. heder. gumm. juniper. ladan. hypocist. ā. ʒß. auripigm. rubr. vel citrin. ʒiiij. cinnabar. ʒj. cum terebinthinâ excipiantur omnia. f. trochisci.

Ad nodos, tumores, & exosteses Venereas resolvendas & discutiendas arsenicum potens esse remedium asserit, Theod. Mayerne. tract. 4. de Lue Vener. cap. 6. sed ferociam remediî cicurandam esse. In

hunc finem comendat ol. arsenic. 3j. buthyr. maj. 3j m. Illinatur prudenter pars tumens prius emollita idoneis præfidiis. Primum rubescet locus, deinde excitabuntur pustulæ, quæ pus, quamdiu volueris, repetitâ sæpius unctione fundent. vel R. crysall. arsen. simplic. 3ß. vel eorundem (id est cum terrâ foliata tartari crysallifatorum) 3j. buthyr. majal. 3j m. utere ut supra. Si medicamentum multum operetur, interponatur, duo vel tres dies.

Arsenicum licet nihil agere videatur primo, attamen nunquam irritò labore applicatur. Vitrum arsenici per Saturnum præparatum, acrimoniâ caret, & tamen valdè penetrat. Corallum Arsenici cum floribus sulphuris sublimatur, istius parte in fundo vasis restibili instar croci metallorum.

Ad visus debilitatem & incipientem suffusionem, guttam serenam ex defluxu humorum crasso & frigido collyrium Proteus dictum, quod auripigmentum recipit, describitur in Galen. de composit. medic. secund. loc. libr. 5. cap. 7. p. m. 315. quod tanti fecit, ut ei simile non reperiri dicat. Illud etiam commendat Mercurialis tom. 4. consil. 14 & Epiphanius Ferdinandi histor. med. 18. p. m. 62. Ubi hoc remedio maximâ cum cautelâ utendum esse monet, quia oculos mirum in modum inflammare solet, & ob id ovi albumen ritè conquassatum, & cum aqua rosacea

tém-

temperatum apponendum, & dicti collyrii exiguam quantitatem admovendam, nempe guttas duas vel tres, vel in petia infusum applicandum, idque parvo tempore finendum. Verum supradictum collyrium nequaquam timendum, nam esse Galeni remedium, & ex Aetio desumptum, qui fuerunt doctissimi viri, & maximi exploratores, & castigatum esse collyrium ab opio. Deinde illustrissimum Medicum Mercurialem hoc pluries feliciter fuisse expertum. Remedium à Galeno ita describitur. Rec. Cadmix, chalcitid. crud. ceruss. ā. 3xxxx. piper. alb. 3xxx. succ. cyrenaic. 3xx. croc. 3vj. opii, sagapen. lachrim. olei ā. 3xij. auripigment. 3xij. myrrh. 3xij. sanguin. seu gummi dracon. opopanax. ā. 3xx. opobalsam. 3xij. Apparato cum aquâ pluviâli; & cum eâ utitor. Hoc ipsum collyrium mutatis tamen quibusdam etiam describit Epiphanius Ferdinandus loc. cit.

Quia vermem equorum Germanis den ~~Pferdenwurm~~ cum lue venereâ comparavit Helmontius, atque ipse Hippocrates, Digby & alii veterinaria remedia proposuerunt, ego etiam communicabo remedium in curando Verme equorum præstantissimum, quo usus est Caupo & Veterinator quidam Noribergensis huius artis callentissimus & notissimus. ℞. sulphur. citrin. arsenic. alb. ā. 3ß. Mercur. præcipit. 3j. mellis despumat, q. s. f. lenimentum. quo

quo illinantur ulcera equi, qui verò ita ligetur, ne ulcera inuncta lambere possit. Præcipiebat etiam Veterinator, ne equus in aquam ducatur, & eà lavetur, ne libero aeri committatur, sed in stabulo retineatur. Bibat equus de decocto guajaci, sassafras. Non gramine, sed feno pascatur. Pabulo ammisceatur pulvis ex radice carlinæ, angelicæ, ligno sassafras.

Emplastrum Magneticum Angeli Salæ, cujus supra mentionem fecimus, præter virtutes ad virus pestilentielle ad exteriora trahendum nobilissimas, etiam ad iliacam passionem ab incarceratione intestini in scrotum prolapsi in herniâ commendari, notavit Fredericus Hoffmannus Clavis Pharmac. "Schroëder. libr. 2. cap. 5. § 130. Gloriari solent, verba ejus sunt, in lectionibus suis Itali: Domini mei hoc notate bene, hoc meum est inventum. Possum ego cum Deo & rei veritate gloriari, hoc emplastrum contra iliacam passionem ex herniâ adhibendum, à me prius casu quodam esse inventum, atque hoc est, cujus in tractatu meo de methodo medendi per exempla ab hoc restituta mentionem feci, prout & hætenus etiam in uteri dislocatione non sine salutari effectu deprehendi.

Hujus effectus rationem ego esse credo, quia in dislocatione intestina & uterus ab injuriâ aeris frigidi summè læduntur, unde eorum

rum inflammatio, gangræna, & sæpius mors ipsa sequitur, quia verò causticum remedium unâ cum aliis calorificis remediis calorem nativum intestina & uterum deferentem revocat, & è contrario injuriam aeris frigidi arcet, eapropter ab emplastro imposito partes læsæ recreantur, & confortantur. Nec metuum est inflammationem intestinorum & uteri à remediis calidissimis impositis auctum iri. Nam ut nihil in praxi usitatus accidit, quàm morbos & symptomata calidissima à causâ frigidâ oriri, ita iterum nihil communius est, quàm per calida remedia istiusmodi symptomata auferri, quæ à causâ frigidâ oriuntur. Nam in curatione morborum non morbos & symptomata, sed causam morbi præcipuè attendendam esse, alibi dixi.

Emplastrum ad carunculam penis absumendam Dan. Sennerti est tale R. virid. æris, auripigment. vitriol. alumin. roch. ā. ℥ij. omnia aceto acerrimo perfusa inter duos lapides porphyritides, quàm accuratissime ducantur, & in lævorem tenuissimum reddantur, Solique æstivo exponantur, rursus exsiccata aceto affuso ducenda, & læviganda sunt, Solique exponenda sunt, quousque pulvis subtilissimus evadat, & sine acrimonia, quod octo dierum spacio peragetur. Postea accipe olei rosacei, ℥iiij. lithargyr. ℥ij, coquantur donec emplastri acquirant consistentiam, & tunc ab igne

igne depone, & adde prædicti pulveris ℥ij. & spatulâ misce, quo usque medicamentum duriusculum evadat, ita ut candelæ cereæ adhæreat, ne diffuat, etsi digitis tractetur. Candelæ parentur 20. ex cerâ, resinâ, & terebinthinâ, longitudinis 12. digitorum transversorum & crassitudine meatus urinarii. Candelæ extremitati dicti emplastri portionem inunge, in meatum urinarium mitte, & ita singulis diebus renovatur candela, eam per tres horas in meatu sinendo, & ita per 6. 8. dies, & usque dum caruncula absumpta est, continuando. Hoc emplastrum ad dictum affectum præstantissimum etiam expertus est Petrus Borellus, ut observ. 79. centur. 1. testatur.

Hoc emplastro etiam aliz excrescentiæ carneæ, & tumores duri consumi possunt. Quidam pulverem arsenici cum oxocrati anaticâ portione miscebat, clavis imponebat, eosque ita extrahebat, & pro arcano commendabat. D. Daniel Krugeri observ. 12. Ephimer. Natur. Curios. Decur. 2. anni 4. Alii emplastrum ex resina, cera, Tacamahaca, auripigmento paratum commendant. Joh. Dolæus libr. 5. cap. 13. Encycl. Chirurg.

Contra venenum arsenicale malitiosè, imprudenter, & intempestivè datum & applicatum valent omnia ea, quæ particulis suis oleosis, pinguibus, mucilaginosi, hujus veneni particulas acutas, acres, à quibus vis ejus caustica

caustica & corrosiva dependet, obtundere & obliterare valent.

Talia sunt lac bubulum recens emul-
ctum, & inde confectum buthyrum recens,
emulsiones ex seminibus & aquis refrigeran-
tibus confectæ, oleum olivarum, vel per se,
vel cum albumine ovi conquassatum; mucilago feminis cytoniorum cum aquâ rosarum
extracta, syrupus de althæa, vel potius succus
ejus, julepus rosarum, violarum, earum-
que aquæ, aqua communis, succus ex rapis
dulcibus expressus. CrySTALLUS montanus
specificus est. Vel ℞. aquæ rosar. cum albu-
mine ovi conquass. ℥ij. syrup. è succ. violar. ʒvj.
bol. armen, vel crySTALL. montan. ʒj. sacchar.
Saturn. gr. j. m. pro unâ vice. Ardorem &
inflammationem ab arsenico inductum mici-
gat. De crySTALLI fossilis, pinguium, & oleo-
forum usu contra arsenicum, legi etiam po-
test modò citata observatio D. D. Danielis
Grugeri, & scholium in eandem Exc. D. D.
Lucæ Schrœkii.

Nec desint clysteres ex humectantibus,
emollientibus, oleosis & pinguibus parati.
Ut ℞. cremor. hordei non salit. ʒvj. ol. lini
express. buthyr. recent. ā. ʒij. Misce f. clyster.
qui sæpius repetatur. Alius potest parari ex
lactis vaccini recentis & oleo amygdalarum
dulcium æquali portione.

Ad confortandum, & dolores sopiendos
theri-

theriaca Andromachi recens, Diaſcordium & alia opiata utilia ſunt.

Nonnulli Medici venenum arſenicale per diaphoretica expellere conantur, non ſecus, ac virus malignum venereum, leproſum, peſtilentiale per ſudorifera exterminari ſolet, qui verò labor hîc mihi fruſtraneus eſſe videtur. Nam longè alia eſt curandorum morborum ratio in quibus venenum ipſam maſſam ſanguineam inquinavit, quod tantum de veneno morboſo, peſtilentiali, leproſo, &c. dici poteſt, in quibus diaphoreticorum remediorum maximus eſt uſus, alia eſt, ubi venenum naturale, cauſticum, corroſivum, qualia ſunt arſenicum, Mercurius ſublimatus, præcipitatus, purgantia fortia, & alia ipſas partes nervoſas, ſolidas corporis, ut ventriculum, inteſtina, veſicam, inflammant, corrodunt, vulnerant. Sic imprudenter quis faceret, ſi quis veſicam à cantharidibus ſumptis exulceratam per diaphoretica ſanare ſtuderet, & in iſtiusmodi caſu magis proſunt ea, quæ vim veneni ipſas partes corporis obſidentis refrænant & coercent, & ſanguinem edulcorant, quod diaphoretica non præſtare poſſunt.





Caput III.

**De venenis Mercurialibus, ut
Sublimato, Præcipitato, Turbetho mi-
nerali, cinnabari, buthyro antimonii,
Mercurio vitæ, &c.**

Mercurium crudum venenosum esse o-
lim fuit creditum, quæ verò opinio ho-
die apud Medicos vix assensum inve-
niet. Sciunt enim omnes ejus remedii ali-
quot uncias innoxie intra corpus assumi, & in
herniosis affectibus, iliacâ & colicâ passione
non semel accidisse scio, quod magna Mer-
curii crudi quantitas per aliquot dies sine no-
tabili molestiâ in corpore delituerit. Unde
Mercurius ad legitimandum suum usum in
medicinâ non operâ & defensione nostra, uti
reliqua venena, opus habet, nisi quis ad as-
ferendam Mercurii venenositatem salivati-
ones ab ejus inunctione excitatas, non sem-
per periculo carere diceret, quod verò licet
non negari possit, non tamen ad probandam
venenositatem ejus sufficit, quia nulla sunt
remedia, quæ non quandoque periculum cre-
are possint, quæ tamen non ideò venena sunt.
Ceterùm cum, iis qui Mercurium quoad in-
trinsecam suam naturam merum ignem esse
statuunt, lubenter facimus. **Confer D. Lu-
G** **dov.**

dov. Hannemannii observat. CLVIII. Ephemerid. Natur. Curios. Decur. 2. Anni 8.

Nec de cinnabari remedio mercuriali, siue sit nativa, siue factitia sit, in catalogum remedium affiendo multum laborabimus, licet & ea veteribus Medicis fuerit exosa, & suspecta, quod verò iudicium sinistrum ex eâ opinione profectum esse credo, quâ Mercurius veteribus Medicis venenosus fuit creditus. Hodie verò nemo de securitate remedii dubitat, atque experimur quotidie cinnabarim etiam infantibus in gravissimis affectibus tutò, & cum successu ab omnibus ferè Medicis exhiberi. Gaudet enim ea virtute humores viscosos, crassos. obstructions generantes, incidendi, attenuandi. quod etiam omnia mercurialia præstant, quippe quæ sunt tenuium partium, quibus se intra corpora promptè insinuare possunt. Et quid est in cinnabari tantopere metuendum? Nam à crudo Mercurio, uti jam diximus, nullum est periculum, atque cinnabaris nihil aliud est, quàm argentum vivum puriore sulphure ligatum, & fixatum, & sal acidum, quod aliàs Mercurio vivo vim causticam & corrosivam impertit, eumque formidabilem reddit, hîc à sulphure domitum est.

Major labor erit circa probandam Mercurii sublimati & præcipitati virtutem medicam, quæ venena & quidem vehementissima, esse nemo

nemo negare potest. Et imprimis Mercurius Sublimatus summe causticus & corrosivus est, qui etiam in parvâ quantitate intus sumptus, & extra applicatus, instar arsenici ventriculum, intestina & alias partes corrodit, inflammat, fibrillas eorum nervosas vellit, irritat, vomitus, alvi fluxus dysentericos, tormina, sævos cruciatus, & convulsiones excitat, & ipsam mortem affert. Illum ipsum arsenicum sævitia superare plerique, & verè asserunt. Mercurius præcipitatus est quidem sublimato mitior, sed & ille noxiosissimas habet qualitates.

Ambo non sunt venena. uti pleraque alia à naturâ ita producta, sed arte chymica parata, & quorum productionem etiam tyrones in medicinâ non ignorant. Hoc tantum hâc vice dixisse sufficiat, venenatam Mercurii vim, quæ in virtute caustica & corrosivâ consistit, dependere à sale acido Mercurio in præparatione combinato. Insunt enim Mercurio particulae acres, igneae, penetrabiles, quæ si particulis acidis itidem acribus, pungentibus & penetrabilibus jungantur, non mirum ex duobus simul vim causticam & corrosivam oriri.

Hæc tamen venenositas non obstitit, quominus tam sublimatus, quam præcipitatus à multis Medicis in remediorum numerum reciperetur, magis tamen præcipitatus (quia

G 2

subli-

sublimatus nimis violentus est) multorum morborum ferè , incurabilium domitor est , quia in eo tam Mercurius , quàm acidum sal suas conjungunt vires , ad dissolvendam , & expurgandum pituitam crassam , viscidam , miasmate putredinali inquinatam , & maximorum morborum matrem.

Unde Theophilus Bonnettus Mercur. Compital. libr. 19. Sylloge de Purgat. §. 50.
 " Ex chymicis, quæ pituitam purgant, com-
 " mendo ante omnia ex Mercurio tam subli-
 " matione, quàm præcipitatione remedia pa-
 " rata, quorum alia majore , alia minore dosi
 " soleant exhiberi. Nam ex sublimatis corro-
 " sivus dictus rarius ad granum unum , dul-
 " cis verò ad grana 30. potest dari. Præcipitata
 " verò , quo magis sunt acido spiritu , & igne
 " longo & patente fixata, eo majore quantita-
 " tè assumi possunt, quo verò minus sunt fixa-
 " ta, eo minore.

Ab eodem Theophilo Bonnetto Mercur. Compitalit. libr. 19. sylloge de Salivant. §. 10.
 ex Guerner. Rollincii method. general. p. 106. sequentia de medicamentorum mercuri-
 " alium egregio usu adducuntur. Curatio per
 " salivationem peccare videtur in leges a Ga-
 " leno & Asclepiade promulgatas. Nam nec
 " est cita, nec tuta , nec jucunda. Non cita,
 " quia ultra 20. dies vagatur. Non tuta rati-
 " one materiz & effectus, periculosum est re-
 medi-

medium Mercurius, qui venenatus, ut & medicamenta ex eo parata. Præcipitatus enim ruber est corrosivus, symptomata sequuntur gravia, in ore & faucibus salivationes, in palato erosiones, cor anxietates sentit, tanta nonnunquam profluvii alvini vehementia, ut cruenta excernantur &c. Respondetur, deficere temporis breviter, conceditur, sed festinatio nimia periculosa esse solet. Non celeritati magis attendendum, quam ut quomodo oportet perficiatur, nec defectuose. Ασφάλεια duplex constitui potest, una ἀπλῶς, altera κατὰ τὴν talis, in curatione luis venereæ & aliorum affectuum non est semper respicienda securitas absoluta, sed interdum cum periculo conjuncta, qui securitati nimis indulget, deficit in generositate, difficillimum autem est invenire remedium generosum, quod nihil lædat, & maxime profit. Periculosum esse remedium Mercurium conceditur aliquo modo, non simpliciter: assumptum crude in substantia innoxie testantur plurimi, periculosa esse omnia ex eo parata, si debita accedat, præparatio, negatur. Symptomata sequuntur gravissima. Quid inde? Lues venerea, mitioribus, ut guajaco, eradicari nequit, fauces, palatum, gingivæ, ventriculus, intestina patiuntur, ne totum pereat corpus, & ut aliz partes, cujuscunque sint generis, a sarcina

na liberentur. Plures morbi fiunt incurabiles ex accidente 1. Errore ægrotorum generosa remedia non admittentium. 2. Medicorum præ timiditate & imperitia generosa remedia non præscribentium. Jucunditas nonnunquam est postponenda.

Hæc vera & utilis Rollfincii doctrina in omnium ex venenis paratorum remediorum applicatione locum habet, quæ omnia peritum & cordatum Medicum si adepta fuerint, ut medicamenta generosa insigniter juvant, sin verò imprudentem & imperitum, ut venena, ægrotum insigniter lædunt, & planè occidunt.

Mercurium sublimatum in lue venerea in corpus assumi, memorat Stephanus Blancardus tract. de lue vener.

De Mercurio suo præcipitato (calcinato) Joh. Schröderus Pharmacop. libr. 3. cap. 15. §. 2. dicit, quod ejus grana 5. vel 6. sexies vel septies exhibita luem veneream penitus eradicet, quod sudores, vomitum, ut plurimum violentum moveat, febres omnes tollat, lumbricos eliminat.

Eadem etiam de Hercule Bovii Medici Itali loc. cit. referuntur.

Fidissimo experimento compertum se habere testatur Zacutus de Medic. princip. libr. 1. p. m. 130. 2. robustos, & viribus constantes, unguentis mercurialibus incurabiles

buc-

buccellam ex Præcipitati gr. 5. rhodo saccharo & speciebus aromaticis sanatos fuisse. Idem Prax. admirabil. libr. 2. observ. 133. in contumaci lue venereâ, ceteris non conferentibus, sæpissimè felici cum successu pilulas expulvere Præcipitat. Hydrarg. extinct. ʒ. 3ß. theriac. ʒij. scammon. ʒß. specier. diamargarit. aromat. rosat. margarit. præpar. ʒ. ʒj. mosch. gr. 10. ambr. gryf. gr. 5. zibeth. gr. iiij. pilul. 30. formatas, inauratas, & per 30. dies singulis diebus pilulam unam propinavit, quæ pilulæ tenaces humores vomitu, & secessu purgant.

Quidam turpethi mineralis primo die grana 4. secundo gr. 5. tertio gr. 6. in formâ pilulari ad oris intumescentiam exhibent, uti Joseph. Schmidt Specul. Chirurg. p. m. 484.

Mercurii præcipitati rubri cum spiritu vini & spiritu nitri concentrato sæpius abstracti granis iiij. primo die; deinde dosin augendo ad levem salivationem ciendam, dosin deinde iterum imminuendo, & ita per 14. dies continuando, quædam mulier guttur habens exulceratum à multis derelicta curatur juxta observationem 58. D. Hermannii Nicolai Grimmii. Ephemerid. Natur. Curios. Decur. 2. Anni 4.

Quædam mulier pedum dolore lancinante, tensivo, diuturno, & aliis remediis inexpugnabili, sine tamen tumore correpta à D. D. Andrea Löw, uti ejus observ. 156. Decur.

3. annor. 1697. & 1698. Ephimer. Nat. Curios. refert, curatur per præcipitatum affusione spiritus vini ad mentem Sorbait Prax. med. p. 256. correctum, per decem dies in conservâ rosarum exhibitum, incipiendo à granis tribus, & omni die grano uno dosin augendo. Tertiâ die salivatio incepit. Die 15. datum fuit laxativum, & pro sistendâ ulteriore salivatione theriaca cum foliis auri. Item gargarisma ex astringentibus. Pro potu decoctum ligni.

Petrus Forestus libr. 32. observat. 19. in scholio p. m. 216. sunt, scribit, qui pilulas Mercuriales ex Præcipitato constantes extolunt, speciebus diamargarit. frigid. aromat. formando cum theriacâ pilulas, quarum unam ciceris magnitudine semel, aut bis in heptomate exhibent. Crudeliter purgant, & nisi caveris, interimunt.

Crollius in Basilicâ Chymicâ, & ex eo D. D Joh. Dolæus Encyclop. Medic. libr. 3. cap. 19. p. m. 570. 2. specificum purgans hydropticum ex Mercurio præcipitato cum extracto hellebori nigri, & extracto colocynthis parare docent.

Notum est arcanum Corallinum ejusdem Crollii, quod præcipue per inferiora purgat, magnumque est secretum in hydrope, morbo gallico, podagrâ, scabie, ulceribus, cancro, à Joh. Forti, tom. 1. centur. 3. consultat. med.

75. commendatum. Idem Mercurium præcipitatum per oleum sulphuris paratum ad gr. 3. in conservâ rosarum, Paracelsi invento, per tres dies interpolatos tamen sumendum præcipit. Serosos enim humores potissimum educit, & nos, inquit, paratum habemus ad extremos hujusmodi morbos.

Oleum mercuriale ex sublimato ad curandam luem veneream, podagram, hydropeem, lepram & similes morbos, cujus dosis gr. j. in vino, quomodo præparandum sit monstrat Kinelm Digby expert. remed. part. 2. p. m. 199. Item quomodo præcipitatum album per sedes purgans idem docet loc. cit. p. m. 410 Aliud ex Mercurio & antimonio p. m. 11. Quantas vires in curandâ colicâ, febre quartanâ, caduco, ulceribus malignis, cancris, sanguine depurando &c. Præcipitatus Solaris obtineat, de hoc Chymicorum libri legi possunt.

Mercurium præcipitatum, Herculem Bovii dictum contra hydropeem laudat Thom. Willis, quia fibras ventriculi insigniter vellicat.

Joh. Dolæus loc. cit. turpethi mineral. gr. ij. in hydrope exhibenda suadet. Paratur autem Turpethum ex Mercurio sublimato in aquâ calidâ soluto, & sale vel oleo tartari præcipitato, estque remedium contra luem veneream, & alios morbos fortissimum & validissimum. Si casus aliqui tanquàm reservati, vel

G s

reni-

renitentissimi (egregie differit Dan. Ludovici Dissertat. 1. de purgant. mineral. p. m. 225. pharmac. modern.) durarum naturarum obtigerint, qui mercuriale vomitorium revera, & in specie (citra fictam interdum in quartanariis, pforicis &c. quibusdam necessitatem) omninò requirant, nec longè sedatioribus, mitioribusque antimoniatis, vel absque ullis evacuantibus solis invertentibus atque resolventibus specificis etiam mercurialibus, item ipsis aliquando anodynis &c. res transigi posse videtur, cur ad evitandam laborum multiplicationem parabilis turpith (sublimato in calidâ aquâ soluto, per oleum tartari præcipitato, & post edulcorationem lento calore ad internos usûs aliquandiu digesto) dosin, eoque duro modo durum cuneum reformidemus?

Mercurium in aquâ forti solutum, aquâ falsâ præcipitatum, & multiplici ablutione cum aquâ calente dulcoratum, Mannam Mercurii dictum, contra lumbricos conferre docet Mayerne Prax. libr. 3. cap. 4.

Idem Mayerne tractat, de febr. cap. 4. p. m. 60. 61. tanquàm excellens febrifugum commendat Bismuthi partem 1. Mercurii sublimati partes ij. tere & destilla per retortam. Exibit pinguedo dura, crassa, dissolve in cellâ intra biduum, præcipita in pulverem albissimum, & cum aquâ edulcora. dosis gr. j.

gr. j. ad \mathfrak{f} . unâ & alterâ horâ ante paroxysmum pro purgatione. Bis sumptum accessionem ut plurimum tollit.

Validissimè febres omnes intermittentes, quod ipse expertus sum, tollit sequens. R. theriac. Andromach. \mathfrak{D} ij. flor. salis armoniac. \mathfrak{D} j. \ominus absinth. card. benedict. \bar{a} gr. iij. fl. sulph. gr. xij. Mercurii præcipitat gr. iij. misce exactè, detur pro duabus vicibus, & altera tertio die.

Pulvis antifebrilis Dom. Pots, quem etiam describit Mayerne tract. de febr. cap. 4. p. m. 72. itidem recipit Mercurium sublimatum.

In scrophulis internè sumatur præcipitatum album ex Mercurio cinnabaris per aquam fortem dissoluto, per muriam præcipitato, & optimè loto, productum. Idem Mayerne. libr. 1. cap. 19. Prax.

Per vomitotium ex præcipitato solari ante novilunium, & plenilunium iterandum curatur puella epileptica 14. annorum à Thomâ Willisio, uti tract. de morb. convuls. cap. 3. perhibet.

Pulvere Vigonis, qui ex Mercurio & aquâ forti conficitur, plurimi epilepsiâ fuerunt sanati. Matthiol. libr. de curand. morb. gallic. Quia, uti Zacutus Lusitanus de medic. Princip. libr. 1. quest. 41. p. m. 130. 2. Mercurius tenacem pituitam, & agram bilem vomitu & alvi

alvi dejectione educit. Nec obstat, quod in Mercurio sublimato volatili nequaquam sit qualitas antepileptica, sed potius cerebro. & nervis inimica, quod urget D. D. Crüger. observ. 41. Ephim. Natur. Curios. Decur. secund. Anni. 6. cui objectioni respondimus. Capit. de helleboro albo.

Præcipitatus bezoarticus compositus Solaris, antimonialis, Mercurialis, verum Eazarri Riverii febrifugum quartanarium describitur à Guernero Rollincio chym. in art. form. redact. libr. 5. sect. 6. cap. 12. in hunc modum. R. Solis 3ß. in aq. regiâ solut. Vitæ. antimon. in aqua Regis solut. 3ß. Mercurii vivi in aqua regia solut. 3iij. solutiones conjunctæ duodecies per alembicum exstillentur, iterata cohobatione. Pulverem, in fundo relicto affunde spiritum vini rectificatum, abstrahere sexies a pulvere, ut intimius figatur, calcinetur ad ignitionem ferè in crucibulo Hassiaco, igne rotæ, vel sub tegula fornicata. Videtur hæc descriptio optimè competere ænigmati *συνεχασμένωσ* adumbratim proposito in append. centur. 3. observationum Riverianarum.

Processus hic est antiquæ inventionis, dosis gr. vj. cum scammon. gr. xij. a Riverio fuit data.

Præcipitatum solare, nonnullis aurum vitæ, per similem processum elaboratum etiam magno elogio, & Panacææ titulo ornat D. D. Martin Pruggmayr observ. 94. Decur.

Decur. 3. Ephimer. Nat. Curios. annor. 1697. 1698. illudque in apoplexia, epilepsia arthritide, hydropisi, colica, morbo gallico, febribus intermittentibus curandis, oppugnando humore melancholico præstantissimum, verum etiam sine auro paratum non minus efficax esse affirmat. Parem efficaciam in tollendis catarrhis suffocativis ei attribuit.

Præcipitato ex vitro antimonii & Mercurio absque auri additamento plus 80. hominum peste correptorum liberatos fuisse mihi quidam revelavit. Joh. Michael.

Cartesiani, ut de iis testatur D. Dolaus Encyclop. chirurg. libr. 6. cap. 3. p. m. 1394. 1. in curatione gangrænæ interdum accedunt ad ipsum sublimatum, præcipitatum, quem cum electuario Diascordii & theriaca in forma boli assumendum præbent.

Ex antimonii & sublimati æquali portione destillatis cōficitur buthyrum antimonii Hoc remediū autem, licet solius antimonialis prolapiz esse multi credant, interque eos Guernerus. Rollincius tract Chym. in art. form. redact. libr. Sect. 6. cap. 13. Fridericus Hoffmannus, qui illud buthyrum nihil aliud, quàm tenerrimam stibii partem in unctuosum liquamen resolutam esse asserit, ei tamen etiam non parum mercurialis virtutis accedere probat, 1. corrosivitas, quæ in buthyro antimonii non esset tanta, si non aliquid virtutis a Mercurio

curio sublimato ei impertur. 2. buthyrum antimonii, nec non Mercurius vitæ, qui ex buthyro antimonii confici solet, internè assumpta in febribus intermittentibus, & venerea scabie maligna curanda específicas obtinent virtutes, quod non haberet remedium antimoniale sibi soli relictum. 3. Violentum admodum drasticum est Mercurius vitæ, & quali ipse Fridericus Hoffmannus, qui emetica antimonialia non formidat, nunquam usus fuit, nec se usurum esse, dum vixerit, asserit Clay. Schröder. Pharm. libr. 3. cap. 15. §. 63. Verùm istiusmodi validum mercuriale emeticum in morbis nonnullis contumacioribus curandis requiri, modò ex Dan. Ludovici docui. Hoc tamen Rollfinccio & Hoffmanno concedere cogimur, parùm admodum corporis mercurialis buthyro antimonii congiungi, atque ei magis Mercurialem qualitatem, quàm ipsam Mercurii substantiam impertiri, quia is ferè omnis in cinnabari antimonii latitat, & in fundo recipientis post destillationem relinquitur. Ceterùm buthyrum antimonii venenum esse, vis ejus caustica & corrosiva, quam in morbis externis applicatum exserit, satis demonstrat.

Nihilominus tamen illud etiam internè in quibusdam morbis & debita quantitate citra periculum exhiberi posse, atque in febribus imprimis intermittentibus conveniens purgans

purgans esse, cum D. Michael Ettmullero cap. de febr. p. m. 228. 1. credo. Idem author loc. cit. etiam refert quendam quartanarium buthyri antimonii guttas duas sumpsisse, atque inde citra ullum incommodum purgatum fuisse, cum ejus guttas quinque iterum sumpsisset, atque ex eo purgatus fuisset, & sudasset, febris omnino desuit. De hujus historiæ fide eo minus ambigo, quia omnia caustica remedia in debellandis febribus intermittentibus sunt maximarum virium.

Uti autem ex his allatis utilitas mercurialium præparatorum in multis morbis curandis satis elucet, ita non sunt aures præbendæ iis, qui cum Palmario libr. de morb. contagi-
os. uti ex eo Theophilus Bonnettus Mercur. compitalit. libr. 19 Sylloge de Purgant. §. 39. in usum Præcipitati invehuntur his verbis:
"Mercurium, inquit, citra delectum exhibent
"circumforanei ad dolores diuturnos luis ve-
"neræ, hydropem, quartanam, melancholi-
"am hypochondriacam, & ejus generis affe-
"ctus frigidos, idque 4. vel 6. granorum pon-
"dere ex ovi luteo, theriaca & mitridatio, ac
"statim ut assumpsit quis, ex universo corpo-
"ris ambitu omnis generis humores sursum
"& deorsum prorumpunt, sæpè tanto, tamque
"violento impetu, præsertim si languidum
"corpus fuerit, ut exhaustis spiritibus, fractis-
"que viribus vel repenter moriatur, vel quo
die

"die sumperit, sine viribus pulsu, voce, mor-
 "tuo per similes jaceat. Os ejus contagione
 "inflammatur, ac gingivæ ulcera contrahunt
 "putrida, & valde fætentia, faucesque pleris-
 "que ita intumescunt, ut ad plures dies nihil
 "prorsus deglutire possit, quin & nonnullis
 "mens ita à sede alienatur, ut exortâ febre
 "phrenetici tandem pereant. Itaque à catar-
 "cticorum censu tanquam præsentissimum
 "venenum rejiciatur, & publicis legibus ex-
 "ulet.

Nam cum Andr. Matthiol. comment. in
 Dioscor. libr. 5. cap. 61. respondemus, nos mi-
 rari eos hætenus non observasse rara admo-
 dum, & fortassis nulla reperiri medicamenta,
 alvum elective exsolventia, tam priscis, quàm
 recentioribus Medicis usurpata, quæ veneno-
 sam vim non sortiantur. Elleborum enim u-
 trumque, Tithymalorum omne genus Pity-
 usa, Elaterium, colocynthis, Thapsia, Bry-
 onia, Scammonium, Thymelæa, Chamelæa,
 Cyclamenus, atque inter Iossilia Armenius,
 atque cæruleus lapis, quin etiâ æris squama,
 quâ passim usi sunt antiqui ad cutem subeun-
 tes aquas, venenosæ vis haud sunt expertia.
 Atqui quid dicent de sandarachâ atrocissimo
 veneno? An non eandem propinat cum mel-
 le, aut in catapotis Dioscorides asthmaticis,
 & aliis in discrimine laborantibus? Nonne &
 Avicenna arsenicum quoque propinat? Hoc
 nobis

nobis dixisse sat est, ut illorum negligentiam, ne dicam incertitiam, palam faciamus, qui suis opinionibus (profectò ridendis) inhærentes, non vident, dum Mercurium corrosivum (stibium uti Matthiolus) vituperant, interim tamen à præscriptis medicamentis non abstinēt, immo iis quotidie utuntur, quorum nonnulla tantum sumentibus nocent, quantum Mercurius corrosivus. Præterea propter noxam ægrotis à circumforaneis, & Empiricis remediis abutentibus inflictam, non statim eorum usus iis prudenter & tempestivè utentibus est interdicens, atque ipse Bonnetus loc. cit. Sylloge de Salivant. §. 1. prociendâ salivatione usum internum Mercurii præcipitati rubri per lavationem cum aquâ rosarum à nimia suâ acrimoniâ liberati, suadet. Joh. Langius libr. 1. Epistol. 65. eos temeritatis arguit, qui nonnullis pulverem ex Mercurio sublimato unâ cum aliis antidotis & catapotiiis ad pestem, & dolores coxendicis offerunt, & remedium propter vim causticam virulentum esse judicat. Quod monitum libr. 3. cap. 6. repetit, & dicit, licet extremis morbis extrema remedia sint opponenda, setamen in peste ad Euphorbii, Præcipitati, & antimonii usum raro devenire. Ex quibus Langii verbis colligitur, eum quidem dictorum remediorum usum periculosum censere, non tamen planè rejicere, & quandoque ta-

H

libus

libus remediis usum fuisse. Verum ut **Langio** concedam, Præcipitati usum in peste non semper tutum esse, illud tamen non propter vim ejus causticam, uti **Langius** credit, accidit, hæc enim in peste non est venenata, sed alexipharmaca, verum propter violentiam remedii purgantis, quod vires requirit, quæ verò in peste sunt exiguæ, ut ita non vis caustica, sed virium defectus, usum præcipitati quandoque excludat. Cur verò antimonialia præparata inter violenta, & venenosa qualitas non expertia remedia censerī debeant, rationem nullam video, de **Euphorbio** suo loco dicitur.

Verum non minus ratio, quàm experientia Mercurialia in dictis morbis saluberrima esse dicitur. Nam 1. virtute suâ causticâ, corrosivâ fermentum quodvis putredinale, non secus ac alter ignis, quem res à corruptione præservare, vel matres familias, nedum Medici sciunt, consumunt, & destruunt, à quo fermento luem veneream, lepram, scabiem malignam, vermes, ulcera maligna, tineam &c. immò ipsam pestem produci, præter causas procatarcticas hos morbos generantes, præter alia remedia hos morbos curantia, ipsa symptomata eorum ad oculum demonstrant, qualia sunt partium corporis inflammationes, corruptiones, exulcerationes, capillorum profluvia, ossium caries, & contagi-
um

um omnibus commune. Nam extra putredinem non est contagium. Quia 2. eâdem virtute cruditatem humorum corrigunt, quam in febribus intermittentibus, & imprimis quartanis adesse, & ad sui correctionem remedia calidissima, immo caustica exposcere, capite priore de arsenico diximus. Quid enim hanc in febribus quartanis peccantem cruditatem melius emendabit, quàm id, quod ignis virtutem obtinet, ejusque naturam æmulatur? Quia 3. Mercurius est tenuium partium, atque vim habet pituitam crassam, seu lympham coagulata, uti recentiores loqui amant, incidendi, attenuandi, & serum fluxile reddendi, à quâ lymphæ abundantia, & crassitie ipse sanguis incrassatur, spiritus ejus vitales obtenebrantur, ex quo obstructions, tumores & scirrhi, præcipue lienis, & affectus melancholici exsurgunt, & si serum, urgente ejus nimia copiâ, extra vasa in abdomen & pedes se effundat, hydrops generatur, quibus omnibus affectibus Mercurius medelam affert, cujus incidendi & attenuandi virtus à sale acido ei in præparatione conjuncto, augetur, quia id acidum itidem præstantissimum est humorum coagulatorum resolutivum.

Quia 4. Mercurius sublimatus & præcipitatus causticâ suâ virtute morbis externis, fermento eorum putredinali resistendo, humores crassos, viscidos incidendo, resolven-

do potentissime medentur, credendum est, eos etiam interne exhibitos parem efficaciam obtinere.

Multi Medici nostrâ ætate prædictos morbos omnes oriri ab acido sanguinem incrasante, coagulante, partesque solidas corrodeute, & corrumpente, atque in curatione horum Mercurium intus exhibitum, & extrâ applicatum, illud acidum morbosum, peccans absorbere statuunt. Verùm hi Medici considerare debent. 1. acidum putredinis, corruptionis, & contagii, remedium, non causam esse. 2. acidum, cum sit tenuium partium, sanguinem crassum resolvere, attenuare, fluxilem reddere, quod praxis quotidiana docet, non verò eum incrasare, coagulare; 3. Non solum simplicem, & acido orbatum Mercurium, sed etiam salis acido conjunctum, & quasi eo saturatum, hisce morbis mederi, quod non fieret, si hi morbi essent ab acido, tunc enim Mercurius jam salis acidi satur, non posset absorbere, & quasi imbibere acidum morbosum, & acidum morbi ab acido Mercurii augetur. Cum è contrario, Mercurii vim resolutoriam per additionem acidi intendi, & fortius, quàm est in simplice Mercurio; reddi videamus, tam acido, quàm ipso Mercurio ad unum finem tendentibus.

Quamvis autem Mercurii sublimati & præcipitati usus sæpius admirabilis sit, is tamen

men summa cum circumspeditione & prudentiâ est administrandus, idque eo magis, quia Mercurius corrosivus violentiâ ipsum arsenicum superat. Et primùm quàm maximè cavendum est, ne in eorum dosi erretur, quæ in sublimati exhibitione ultra granum unum, vel alterum, in Præcipitati ultra quinque grana non ascendere debet. Quia verò sæpius fit, ut per varias medicamentorum præparationes eorum corrosivitas debilitetur, imminuatur, & quandoque ferè tollatur, ideo dosis præscripta esset nimis parca.

Corrigitur autem Præcipitatus ut plurimum ablutione cum aquâ communi, & rosaceâ, ita enim credunt, suâ virulentâ virtute eum spoliari. Verùm nonnunquam his lotionibus Mercurius Præcipitatus ita debilitatur, ut planè inefficax reddatur, ceu quodque Guernerus Rollfinccius libr. 5. sect. 6. cap. 2. annotavit. Nam quia virtus Mercurii corrosiva à particulis salinis solventis menstrui cum ipsis particulis Mercurii combinatis provenit, atque per has ablutiones crebras magna pars salis acidi à Mercurio iterum separatur, exinde fit, ut etiam Mercurius suam efficaciam amittat, atque hæc non Mercurii præparatio, sed nimia vexatio magis esse videtur. Nam ut vim causticam Mercurii per correctionem quodammodo infringendam esse non planè abnuam, non tamen eam, uti

etiam de arsenico diximus, prorsus auferendam esse censeo, quia virtus caustica ea ipsa est, quæ morborum medicatrix existit, & in præparatione Mercurii virtutis medicæ tantum, quantum causticæ decedit.

Alia est correctio Mercurii corrosivi & sublimati, quæ per sublimationem ejus cum Mercurio crudo perficitur, & Mercurius dulcis, aliis Calomelanos appellatur. In hac operatione Mercurium sublimatum non secus ac tactum columnâ virgâ serpente (ut verbis Rollfinccii in Chym. in art. form. redact. libr. 5. sect. 5. utar.) vel scorpionem aconito affici, per iteratam sublimationem virus suum evomere, & mitescere scribunt Medici. Sed & hæc Mercurii præparatio non uniformiter à Medicis instituitur. Quidam enim Mercurium sublimatum cum crudo quinquies, vel sexies sublimandum esse censent, verum Mercurius hoc modo præparatus nimis dulcescit, atque ad purgandum planè inefficax redditur, quia ita omnis acrimonia, a qua ejus vis purgatrix dependet, ei adimitur. Media incedunt via Augustani, qui Mercurium cum crudo ter sublimandum esse præcipiunt. At Josephus Quercetanus, & Dan. Ludovici Pharmac. modern. dissert. 1. de purgant. mineral. p. 222. Mercurium sublimatum semel tantum cum Mercurio crudo sublimandum, & deinde aquâ calidâ eluendum esse sedulo monent.

monent. Hunc Mercurium dulcem præsertim aliis purgantibus exstimulatum, & circumspectè adhibitum securum remedium, & per tot sublimationes præparato, & enervato præstantiorem esse asserit. Quanquam etiam ille alter ad usum Medicum non inutilis sit, atque aliis intentionibus Medicis, ut sanguini depurando, salivationi ciendæ, &c. interserviat. Ceterum ita tutus est, ut debito modo, & in justâ quantitate etiam infantibus exhiberi possit. Mercurius verò una tantum & alterâ sublimatione præparatus, fortior est, & majore cum cautela administrandus, atque in minore quantitate exhibendus, vel juxta variam ejus præparationem etiam dosis ejus varianda est, sedulo ita caventes, ne in vitam & sanitatem ægroti peccetur.

Quare non assentire possum Kenelm Digby, qui remed. expert. part. 2. cap. 2 12. scribit in præparatione mercurii dulcificati ad evitandum periculum id studendum esse, ut omnis ejus vis corrosiva auferatur. Nam vim corrosivam mercurii dulcificati nocere posse non negamus, verum eam valdè prodesse posse, etiam non negari potest, & eos, qui Mercurium corrosivum in medicinâ non tolerandum, vel eum, ut utile & securum evadat remedium, omni sua acrimoniâ privandum esse censent, idem factitare credo, ac eos, qui cultelli acutiem, ne quis eo se lædat, aut vulneret.

vulneret, dum obtundere conantur, simul etiam eum, ad usum quotidianum inutilem reddunt. Est enim hoc remediorum generis osorum proprium, ut eorum usus cum periculo sit coniunctus, & quo ea in abusu periculosiora sunt, eo etiam in usu præstantiora, quod de omnibus venenis verum est, quæ tamen non ideo negligenda, sed tantum cum maiore cautela utenda sunt. Nam accidit sæpius, ut dum propter inanem metum de remediis securis nobis prospicimus, simul etiam ea suâ virtute medicâ spoliemus. Qui verbis meis non fidem habet, faciat ipse periculum, exempli gratiâ in lue venereâ, & febribus intermittentibus, atque observabit grana aliquot Mercurii corrosivi plus præstare in his morbis curandis, quàm tot scrupulos ejus nimium dulcificati, simulque certus fiet, tam utilem, quàm noxiam qualitatem in Mercurio ab unâ causâ provenire.

Uti autem Mercurius dulcificatus, si omnis corrosivitas in eo tolleretur, ad cruditatem humorum corrigendam, eorumque crassitiam incidendam, hæc enim sunt, quæ potissimum ejus usum in Medicinâ commendant, ferè ineptus redderetur, ita adhuc meritò ambigitur, an Mercurius tot sublimationibus edulcoratus, tam securum, uti jactatur, sit remedium, & an hic Draco mitigatus, uti Chymici & Medici non nulli eum appellant, suam
feram

feram & venenatam naturam ita exuerit, ut ei Medicus & ægrotus tutò fidere, & in cujus exhibitione in utramque aurem dormire possint. Ego credo curationem ne sic quidem periculo carere, atque eam non semel malecessisse scio. Nam corrosivam virtutem in Mercurio dulcificato mitigatam, & infractam, non verò omninò sublatam probat: ejus præparatio, conficitur enim ex Mercurio sublimato, & Mercurio vivo, cujus interventu particulæ corrosivæ sublimati mutescunt, & edulcorantur quidem, remanente nihilominus in concreti corpore sale acido, à quo tam consistentia Mercurii, quàm ejus corrosivitas unice dependet. Atque hanc præparationem displicere Helmontio ex ejus verbis, quibus tit. Ignotus Hospes parag. 49. innuit: Mercurium, si ex voto operetur, oportere mori, absque ullo salium externorum sodalicio, aut spirituum alienorum consortio, colligi potest. 2. Mercurio dulcificato salem corrosivum causticum adhuc inesse probat usus ejus in medicina, non solum quod humores crassos, viscidos incidat, attenuet, sed etiam quod copiosius exhibitus purget, & salivationem moveat, quod observare licet in Mercurio sublimato, præcipitato, turpetho minerali, qui enormes vomitus, dejectiones per alvum, & salivationes concitant, quod verò Mercurius sale omni acido destitutus, & sibi soli

foli relictus, si intra corpus sumatur, vix præstat. Vidimus enim Mercurium vivum ad aliquot uncias imprimis in colicis & Iliacis affectibus exhibitum, etiam si per aliquot dies in corpore delituerit, nec purgasse, nec salivationem excitasse, quod vero Mercurius externè inunctus salivationem cieat, exinde fit, quia is ad interiora properans in sero sanguinis salinum principium invenit, cui conjunctus, glandulas salivales irritat, & ad excretionem stimulat. Quod igitur Mercurius dulcis in majore vel sæpius repetitâ dosi sumptus purget, & salivationem moveat, id potissimum ab ejus sale acido provenit. 3. Probat Mercurii dulcis abusus corrosivam & venenatam naturam ei non deesse. Observavi enim, atque ejus rei exempla aliquot, nisi aliorum famæ parcerem, citare possem, Mercurii dulcis nimiam, aut nimis crebrò repetitam dosin, multis zgrotis mortem attulisse. Et D. D. Daniel Cruger observ. 41. Ephimer. Natur. curios. Decur. 2. Anni 6. optime morietur, Mercurium dulcem consideratè usurpandum esse, cum ejus usum noxium fuisse, ex plurimorum observatione constet. Daniel Sennert. tractat. de consens. & dissens. Chymic. cum Aristotel. cap. 18. Mercurium dulcem non sine damno semper exhiberi dicit, recensetque ibidem exemplum Medici cujusdam, qui per Mercurium dulcem ritè præpa-

præparatum, & quibusdam innoxie exhibi-
tum, in vitæ periculum fuit præcipitatus. Si-
militer de noxa Mercurii dulcis summopere
queritur Glauberus part. 2. furn. Philosophic.
cap. 18. & quantopere nervis apud innocen-
tes infantes sæpius exhibitus, noceat, deducit,
neque mirandum esse ait, quod in illâ dosi,
malignitare, & venenositate suâ vermes inter-
ficiat, cum in justâ dosi ipsum hominem, &
omne animal interficere possit. Exemplum
cujusdam, qui â Mercurii dulcificati unciâ
dimidiâ sumptâ fuit extinctus, refert D. Samu-
el Ledelius observ. 14. Ephimer. Natur. Cu-
rios. Decur. 2. Anni 10. Cui consonum est,
quod extat in tract. 10. Theod. Mayerne, de
morb. extern. Prolegomen. de lue vener. Mer-
curii quantumvis correcti in corpore diutur-
nam moram non esse admodum tutam.

Quapropter Medicus in exhibitione Mer-
curii dulcis non minus circumspectè, quàm
aliis rebus venenatis agere, & imprimis cave-
re debet, ne in nimia dosi peccet. Nam quod
periculum ægroto â Mercurio corrosivo, idem
etiam â dulcificato ei obvenire potest, ejus
corrodendi vis licet in Mercurio dulcificato
non tanta sit, quanta in Mercurio sublimato,
præcipitato, ea tamen est, quæ in majore,
quàm par est, dosi, in hominis vitam & sani-
tatem peccare potest, quæ admonitio etiam
in præcipitato Solari, Auro vitæ, Arcano co-
rallino,

rallino, & aliis locum habet. Unde curatio, quæ per Mercurium vivum externe inunctum salivationis ciendæ gratia instituitur, mihi illâ, quæ per dulcificati crebram & internam exhibitionem peragitur, securior esse videtur. Ut jam non dicam Medicum de modo præparandi Mercurii, & industriâ Pharmacopœi non semper certum esse posse. Ubi etiam obiter notandus venit error Friderici Hoffmanni Pharmacop. Schröder. libr. 3. cap. 15 §. 48 dicentis, admiratione dignum esse Mercurium dulcem in sola lue venerea exhibitum salivationem excitare, si rite præparatus fuerit, in aliis verò affectibus non, cum tamen quotidiana praxis, Mercurium dulcificatum largius & sæpius exhibitum, etiam in aliis affectibus salivationem movere, testetur.

Sed non minùs spiritus vitrioli philosophicus ritè exhibitus probat corrosivitatem Mercurii in usu Medico non formidandam esse. Hunc spiritum Chymici, uti etiam ipse Kinelm Digby expert. remed. part. 2. cap. 2. 30. scribit, ex aqua præcipitationis Mercurii eliciunt, alii eum ex aqua præcipitationis bathyri antimonii parant, ut ex Guerneri Rollfinccii Chym. in art. form. redact. libr. 3. sect. 1. artic. 4. cap. 17. haberi potest. Hæc autem aqua ablutionis & præcipitationis Mercurii nihil aliud est, quàm aqua, in aquam Mercurii

rius

rius suum sal corrosivum, & ut illi putant, venenatum deposuit. Ex istiusmodi aqua destillatur ille spiritus, quem internè ad guttas aliquot sumptum ad varios morbos, ut luem veneream, febres ardentes, scorbutum &c. nec non ad externos usus commendant Medici & Chymici, & ne de ejus egregio in medicinâ usu dubitetur, eum nomine spiritus philosophici insigniunt: quod probat etiam sal corrosivum Mercurii, licet adhuc corpori ejus illigatum sit, in curandis morbis non minoris efficaciz esse, quam est ille spiritus acer & causticus, qui cum sale corrosivo Mercurii ejusdem est naturæ; sin verò corrosivitas Mercurii ita venenata esset, ut nullo modo in usum Medicum venire posset, tunc etiam ille spiritus nunquam tutò usurpari, & sumi posset, quod verò etiam est contra opinionem Chymicorum, qui hunc spiritum salutarem esse prædicant, nec ejus vim corrosivam formidant, quam tamen cum Mercurio conjunctam, ut noxiosissimam proscribunt, & ita sibi met ipsis contradicunt.

Secunda cautela in usu mercurialium remedium est, ne ea exhibeantur catarrhosis, ad phthisin pronis, & qui humores nimis fluxiles habent, ad alvi fluxus sunt proclives, non quibus massa sanguinea humoribus acerbis est repleta, uti nonnullis hypochondriacis, scorbuticis, nullis biliosis, atque natura

turæ calidioris hominibus. Neque impune ferent usum mercurialium, imprimis violentorum, qui imbecillitate nervosi generis laborant, per morbos viribus sunt exhausti, non infantes, pueri, fœminæ delicatiores. In febribus malignis, peste, usus Præcipitati non facile concedi potest nisi ab initio, aliâs morbus cum summa virium prostratione conjunctus tam violentum remedium non fert, nisi violentia remedii per sollicitam correctionem sit ablata, uti Bovius de suo Hercule prædicat, quem febribus petechialibus non infeliciter se opposuisse affirmat.

Externè Præcipitatus & Sublimatus ad varios usus adhibentur.

Ad Tineam commendat Sublimatum Zacutus Lusitanus de Medic. Princip. histor. libr. 1. historiz 3. observat. 2. p. m. 2. sequentibus verbis : Tinea contumacissimus morbus est, quâ cum septem annorum spacio juvenis laboraret, & varia universalia, topicaque ex helleboro, sulphure vivo, auripigmento, calce vivâ, alumine, Mercurio, & aliis violentis conflata experiretur incassum, aquâ calidâ, quantum ferre poterat, in quâ prius sublimatum infundebatur, singulis diebus bis, toto capite lotus (prius tamen purgato corpore) sanitatem obtinuit. Erat enim quantitas sublimati ʒij. ad libr. 1. aquæ. Hoc enim medicamentum, pro hoc Herculeo morbo

"morbo præ ceteris debellando est præstan-
tissimum. Experieris & miraberis effectum,
" & non cessabis lavare caput, quousque ulce-
"ra omninò mudentur & rubescant.

Ad Achores, tineam & favos puerorum se-
quens remedium est Henric. Scretæ.

℞. unguent. Saturnin. Zwolffer. ℥ij. flor.
sulphur. Mercur. præcipit. rubr. ā. ℥ij. ol.
scorpion. q. f. f. linimentum.

Ratio effectus est, quia Tineæ, Achorum,
causa est fermentum putredinale, corrupti-
vum, cutem capitis infestans, in quo extin-
guendo sublimatus Mercurius sibi non par
habet. Quamvis Mayerne tractat. de morb.
extern. cap. 17. p. m. 182. Mercurialibus circa
caput cautè utendum esse suadeat.

Kinelm Digby part. 1. remediis. exper-
tor. p. m. 177. contra gangrænâ sequens
præscribit. ℞. Mercur. Sublimat. ℥j. eum
dissolve in aq. calc. viv. ℥vii.

Eadem præscribit Theodor. Mayern.
tract. 2. cap. 10. de morb. extern. ℞. aq. calc.
viv. libr. 2. Mercurii sublimat. corros. ℥ij.
misce, & coque aliquantulum. Mercurius
è flavo rubescens præcipitabitur. Dosis Mer-
curii potest augeri, aut minui, pro re natâ, u-
sus post universalia. Agitetur phiala, & im-
bibantur pulvilli ulceri applicandi, nec non
imbuantur splenia, mutando quartâ quaque
horâ. Addatur huic liquori pars quarta spiri-
tus vini sine phlegmate. In

In officinis proſtat aqua mercuriata, quam Mercurius ſublimatus ingreditur, & ad puſtulas, verrucas, ſicus, ſerpiginem, ſcabiem malignam, fiſſuras in volis manuum, & plantis pedum mirificè prodeſſe partibus affectis leniter penicillo contactis experientia multiplex teſtatur.

Gregorius Horſtius libr. 2. part. 2. obſervat. 13. aquam mercurialem pro ſcabiſis ex Mercur. ſublimat. ʒij. aſenic. alb. ʒj. euphorb. ʒij. ſpirit. vini optim. menſ. ſ. aq. roſar. ʒviij per 24. horas digeſtis, & toti corpori illiniendis, præſcribit.

Quidam Jurisconſultus ſexagenarius vexabatur ſcabiæ manuum inſanabili, in quâ puſtulæ parvæ plurimæ albidæ oriebantur ſubinde, quibus ruptis, aquoſitates effluxerunt. Nullis remediis conferentibus, purgatione, venæſectione, & extra lavando partes affectas aquâ mercuriali, donec ſpontè ſiccentur, per aliquot dies lotionem continuando curatur. Martinus Rulandus Curat. empiric. libr. 4. tit. Scabies.

℞. unguent. pomat. ʒvj. flor. ſulphur. ʒß Mercur. præcipit. rubr. ʒj. alb. gr. v. ſacchar. Saturn. ʒß. ol. deſtill. lign. rhod. gutt. v. olei olivar. q. ſ. ſ. unguentum, quod infervit contra ſcabiem.

℞. terebinthin. ter lot. primo aquâ fontanâ, deinde aquâ roſarum, & plantagin ʒiiij. vitell.

Vitell. ovor. nō. i. olei rofar. ʒiʒ. argent. viv. sublimat. ʒʒ. m. f. unguentum. Quia unguentum trahit, paretur defensivum ex olei rofar. ʒiiij. acet. ʒʒ. boli armenæ parum. Misce, & inunge partes circum ulcus ad 4. aut 6, digitos. Interim tamen membrum, in quo ulcus consistit, propè ignem sit positum, quo fiet, ut æger, dum caro ab exedente medicamento corroditur, dolorem notabilem non sentiat, quæ postquam exesa est, buthyro inungendum erit ulcus per diem unum, & videbis effectum mirabilem. Alexius Pedemontanus de Secret. libr. i. p. m. 81.

R. aq. plantagin. rofar. ā. ʒiiij. Mercur. sublimat. sacchar. cand. alb. spirit. vini optim. ā. ʒʒ. misce, & adde aq. fortis ʒj. d. f. Flechten Wasser. Impetiginem & Lichenes omnes etiam contumacissimas sanat. Ante usum autem semper moveatur, & cum penicillo in liquorem tincto tangatur locus affectus. Adrianus Minsichth Armament. Medic. Chym. sect. 21.

Vel R. vitriol. alb. camphor. ā. ʒʒ. Mercur. sublimat. ceruss. tartar. alb. alumin. ust. ā. ʒij. nihili alb. ʒʒ. misce f. pulvis cujus ʒʒ. cum aceto vini optim. ʒiiij. misce. Idem loc. cit.

R. borrac. venet. sacchar. canar. alb. Mercurii sublimat. ā. ʒij. pulverisentur subtilissime, seorsim in petiâ ligata coquantur ad liquefa-

quefactionem Mercurii in roris majalis supra triticum collecti libr. iiii. & in colaturâ adhuc calidâ solve camphor. zij. filtra & ad usum serva. Externè saltem adhibetur contra faciei maculas, quas tollit, & cutem dealbando illustrat. Sed in applicatione cave, ne oculos vel dentes, attingas. Idem loc. cit. sect. 26.

Herpetes miliares aquâ mercuriali curari sæpius fuit observatum. In officinis prostat ad usum quotidianum Mercurius cosmeticus, seu præcipitatus albus, de quo consule Pharmac. Augustan.

Sequentis remedii in pustulis ulcerosis faciei ipse experimentum feci. R. aq. plantagin. zij. rosar. zij. naph. ʒj. mercurii sublimat. ʒvj. coque in vase clauso ad dimidiam horam. Colatura detur pro lotionè alternis diebus manè, siccescat sponte facies. A primâ lotionè intumescit, inflammatur, & turpius fædatur, à secundâ, tertiâ, mundatur. Clariss. D. Rosinus Lentilius Miscellan. Medic. part. 1. p. m. 104. 2. dicit hanc aquam raro fallere. Est aqua ab Alexio Pedemontano libr. 1. de Secretis descripta. Hæc aqua etiam cuti candorem conciliat, & cum omnes humores vitiosos, falsos & putridos ex profundo corporis extrahat, verisimile quoque est, eam ad morbum gallicum, podagram, aliaque hujusmodi permulta vim habere, præsertim cum argentum vivum sublimatum ad carnem non solum

solùm putridam optimum sit remedium, verum etiam ad alia ulcera immedicabilia. Imprimis hæc aqua in scabie auferendâ effertur à Pedemontano.

R. unguent. pomat. optim. ℥i℥. ol. camphor. gt. iij. Mercur. præcipitat, ℥ss. benz. ℥j. in aq. vitæ 3j. dissolut. misce accuratissimè in mortario plumbeo pro unguento.

In impetigine, pruritu. R. aq. nymph. rosar. plantagin. ā. ℥iiij. aq. fragor. (vel semperviv. maj.) ℥vj. borrac. venet, ℥iij. alumin. rup. ℥ij. camphor. ℥iv. sublimat. optim. præpar. ℥i℥. misce, f. lotio partis affectæ. Mayerne tract. 2. cap. 21. de morb. extern.

R. aq. calc. viv. libr. 1. Mercur. præcipit. rubr. q. f. ad aquam colore luteo saturandam & vitro concusso tingendam. f. lotio. vel

R. aq. rosar. plantagin. ā. ℥j. Mercurii sublimat. gr. vj. misce. f. lotio. vel

R. aq. fortis commun. ℥j. Mercurii crud. ℥ss. dissolve, dissolutioni adde duplum, triplum, quodruplum aquæ rosarum & solani ā. misce f. lotio, vel

R. Salis Mercur. ℥ss. aq. rosar. ℥j. misce f. lotio è linteolo applicanda. Hæ aquæ valent ad ulcera herpetica, exedentia, maligna.

Ad varos faciei convenit sequens. R. Salis tartar. albißim. ℥i℥. sublimat. præpar. ℥j. borrac. sacchar. cand. salis prunell. alumin. ust. perlar. ā. ℥ss. camphor. ℥ss. aquæ fragor. ℥iiij.

132 Caput tertium de venenis Mercurialibus

℥iij. rosar. nymph. plantagin. ā. ℥iβ. misce.
Ufus fit vesperi.

Plura remedia contra ruborem, maculas, & asperitates faciei Mercurium sublimatum in suas compositiones recipientia, vide apud sapius citatum Mayerne de morb. extern. cap. 16. Et vix est cosmeticum nobile, quod non admittat Mercurium sublimatum, vel præcipitatum.

Aqua caustica ad exsiccanda ulcera sinuosa & fistulosa per siphonem injicienda valet sequens Hildani. ℞. Mercur. sublimat. ℥ij. ceruss. licharg. alumin. ust. tartar. ust. ā. ℥j. aq. fontan. spirit. vini ā. ℥ij f. ebullitio. In colatur ℥j. dissolve unguent. ægyptiac. ℥β. m.

℞. salis armoniac. cantharid. ā. 3 j. scabios. pulveris. 3 ij. Mercurii sublimat. 3 iβ. unguent. resin. ℥j. misce f. unguentum, ad anthraces pestiferos occidendos. Joh. Langius libr. 3. epistol. medic. cap. 2.

Andreas Cæsalpinus specul. art. medic. libr. 3. cap. 3. Mercurium sublimatum unā cum arsenico, croco, garyophyllis, cinámomo in facculum sericum inclusum, arteriis in carpis, & regioni cordis applicatum, præstare inquit, ut quis inter infectos tuto versari, & contrectare possit res pestilentes.

Hanc virtutem contagium in peste & malignis febribus sistendi etiam crudo Mercurio, & aliis mercurialibus remediis inesse jam observarunt alii Medici.

Petrus

Petrus à Castro sect. 8. §. 12. de febr. malign. hydrargyrum pectori appensum genuino & latente odio venena fugare affirmat, hinc est, pergit, quod dulcificatum, & auro, ut decet, coopertum, mirum in modum in febre puncticulari pro expurgandis pravis & deleteriis humoribus ad grana 15. & ultra cum conservâ aliquâ solutivâ exhibitum, opituletur.

Thomas Willifius amuleta ex arsenico & Mercurio præstantissima esse judicat.

Claudius Deodatus Mercurium vivum insigni morborum contagiosorum alexipharmacum esse, pestemque arcere, asserit in suo Pantheo Hygiastico cap. 19. de Mercurio vivo. Propter hanc Mercurii vivi excellentem virtutem, nulla unquam pestis viguit in his terris, ex quibus is effoditur, tellis est terra Gotliriensis, quæ Mercurii ferax est, cujus incolas nulla unquam pestis invasit, observante eodem Claudio Deodato.

Eadem observavit Beguinus, ut in suo tyrocinio chymico cap. 113. & ex eo Theophilus Bonnettus Mercur. compitalit. libr. 6. Sylloge de Pest. §. 33. p. m. 262. testatur. Quamvis in viciniâ Istriæ singulis ferè annis lues pestifera grassetur, illam tamen semper immunem manere, quia copiosè ibi provenit Mercurius, exinde concludit, Mercurium esse summum omnis corruptionis & putredinis

alexipharmacum. Fridericus Hoffmannus pharmac. Schroeder. libr. 3. cap. 15. §. 8. enarrat de quodam Medico, qui peste infectis propinavit Mercurii viv. libr. 1. 2. 3. in quodam vehiculo, & injunxit ægro infecto quietum decubitum ad 6. usque ad 12. horas. Quando per alvum iterum fuit egestus, per magnetismum attracto veneno pestifero terrâ effossâ occultato. Quo ipso probatur Mercurium vivum non solum â peste præservare, sed eam etiam præsentem, fugare.

Quanta virtus cinnabari de collo suspensæ ad pestem arcendam insit, legi potest in tract. Kinelm Digby de remed. expert. part. 2. p.m. 34. Is ex Paracelso adducit, si quis tempore pestis cum cinnabari pulverisatâ, & terebinthinâ tabellas formet, atque unam earum ad plagam orientalem, alteram ad occidentalem, tertiam ad meridionalem, quartam ad septentrionalem domus ponat, cavendo solum, ne quid humidi accedat, eam domum certissimè unâ cum suis inhabitantibus â peste præservatum iri.

Ratio hujus virtutis est, quia miasma pestis putredinale lentum & viscidum est, atque lentore suo alteri corpori faciliè adhæret, & in eo per fermentationem corruptivam quandam similem morbum producit, & ita morbum propagat, mercurialia verò remedia, imprimis sale acuata, (quod etiam de Arsenico verum

verum est) sunt tenuiū partium, illudque mi-asma incidunt, attenuant, devorant, & non secus ac alter ignis consumunt. Quod probè est notandum contra eos, qui pestem ab exhalationibus mercurialibus, & arsenicalibus, & aliis venenatis aerem inficientibus oriri asserunt, experimenta enim allata demonstrant, venena arsenicalia & mercurialia pestem arcere, non progignere; deinde contra eos, qui venenum mercuriale in præservatione à peste venenum pestilentiale ob similitudinem ad se trahere asserunt, neque enim hoc verum est. Nam supra diximus Mercurium in respectu ad causam pestis non venenum esse, sed alexipharmacum, illudque genuino & latente odio, & non συµπαθητικῶς, sed ἀντιπαθητικῶς venenum pestis & febrium contagiosarum fugare. Præterea ad contagium arcendum non parum contribuere credo, quod Mercurius suam virtutem etiam in distans non secus ac lumen radios suos, spargat, atque omnia penetret. Unde non solum inunctus, sed etiam nodulo inclusus & gestatus nonnullis affectibus, ut pediculorum morbo, scabiei medetur, vel ab his præservat. Nonnulli calamo inclusum de collo suspendunt, ut se à peste &c. tutos præsent. Mercurio tantam penetrandi virtutem inesse à Pharmacopolis accepi, ut si quis Mercurium sublimatum in vitro inclusum asser-

vet, atque juxta id antimonium diaphoreticum in alio vitro inclusum ponat, non tamen præcaveri possit, quin antimonium diaphoreticum à vicino sublimato corrumpatur, & ex diaphoretico remedium emeticum evadat.

Ad arthriticos dolores sedandos ex Theod. Mayern. tract. 3. de arthritid. p. m. 260. sequens: ℞. Mercur. præcipitat. arsenic. alb. ā. q. s. & cum aquâ fontanâ fiat pasta loco affecto applicanda, vel potius in circumferentiâ. Cutem exulcerabit sine doloris sensu.

Aqua podagrica Rulandi hæc est. ℞. aq. terr. sanct. libr. 1. aq. Martis libr. 2. liquor. mercurial. 3℔. croc. metallor. 3j. misce & ebullitione factâ usui servetur. Aqua terræ sanctæ est aqua multiplicis extinctionis Veneris, seu cupri igniti, aqua martis ex multiplice ferri igniti extinctione, & coctione ad medias paratur. Liquor Mercurii est hic. ℞. aq. plantagin. libr. 1. rosar rubr. libr. β. fl. aurantior 3iiij. Mercur. sublimat. 3℔. misce coque lento igne per horæ quadrantem, remove ab igne, & refrigeratus liquor servetur vase vitreo ad usum.

Emplastrum ad tophos podagricos resolvendos, quod Mercurius præcipitatus ingreditur, vide in Thesaur. Pharmac. Frider. Hoffmann. sect. 10. §. 16. Aliud ad tophos venereos resolvendos. ℞. gumm. ammoniac. in acet. solut. libr. 1. pulver. radic. bryon. alth

alth. ā. ℥ij. turpeth. mineral. ℥iſſ. ceræ alb. ℥ij. misce f. emplastrum, vide loc. cit. §. 17. Item aliud simile §. 18. loc. cit.

In nodis podagricis solve Mercurium sublimatum in radice bryoniæ, exprime liquorem, qui lapillos eruet, & emplastro consolidandas partes relinque. Mayerne tract. 3. de morb. extern.

Emplastrum gummi ammoniaci in aceto dissoluti quod cum paucâ quantitate buthyri antimonii mixtum est, resolvit tumores etiam durissimos. D. Joh. Dolæus Encyclop. Chirurg. libr. 5. cap. 7. §. 18. Notum autem est buthyrum antimonii nihil aliud esse, quàm antimonium crudum cum Mercurio sublimato destillatum.

Ad morsus animalium rabiosorum Andreas Matthiolus comment. in libr. 6. Dioscorid. cap. 27. Mercurium sublimatum effert his verbis: Quod si timidus quispiam unctionem ignis terrore recuset, septicis & exulcerantibus remediis est utendum, quale in ceteris præstat argentum, quod sublimatum vocant, admiscetur id unguentis refrigerantibus, quo minus doloris inferat. Probatum hoc, quod non solum valentissimè inurat, sed quod etiam exusta ab eo caro obductâque crustâ duobus tantum diebus post decidat. Et paulò post: Ubi verò è vulnere crusta deciderit, salutiferum quidem fuerit remedi-

um

dium plagæ quotidie pulverem Præcipitati⁹
 (sic enim vocant Chymistæ argentum vi-⁹
 vum in pulverem rubicundum conflatum)⁹
 inspergere, siquidem id eximium, & præ-⁹
 stantissimum præter id, quod vulnus occlu-⁹
 di prohibet, diuque patens servat, attrahit⁹
 etiamnum ex profundo ad superficiem po-⁹
 tenter venenum, quâ in re ceteris hujusce⁹
 facultatis præcellit medicamentis. Com-⁹
 modè etiam nec minùs efficaciter, idem pul-⁹
 vis attractorius emplastris, sive unguentis⁹
 ammisceri, & subinde vulneri admoventi po-⁹
 test. Etenim jamdudum certior sum in u-⁹
 niversâ medicæ facultatis materiâ nullum⁹
 haberi medicamentum, quod valentius ex⁹
 alto revocet, extrahatque virus, quàm Præ-⁹
 cipitatum dictum.

In ossibus corruptis optimum est exfoli-
 ans aqua aluminosa Fallopii, quæ paratur ex
 aq. plantagin. rosar. ā. libr. 1. alumin. roch.
 Mercur. sublimat. ā. 3ij. bulliant ad medias,
 fiat residua pulveris per 5. dies. Limpi-
 dum decanetur â fecibus. Utere per se in ca-
 rie ossium filamento sicco partibus vicinis cir-
 cummunitis. Alibi cum duplo, vel quadru-
 plo aquæ rosarum. Agit sine, & cum dolore.

Ad phthiriasin puerorum Henrici Scretæ
 est ꝛ; unguent. rosar. 3ij. Mercur. præcipitat.
 3ij. m. Hoc unguento caput ubique perfrice-
 tur, & post inunctionem elapsis horis octo
 lixivio communi calente abluatur. Ad

Ad suffusionem oculi inhibendam Mercurium corrosivum, non secus ac Arsenicum, uti supra dictum, valere, probat illud Vopisci Fortunati Plempii Ophthalmograph. libr. 5. cap. 24. p. 316. descriptum, quod tale est. Rec. aq. rosar. fœnicul. chelidon. apii ā. ʒxj. Mercur. sublimat. ʒss. m. & filtra post dissolutionem Mercurii. Quotidie manè jejunio ventriculo gutta una vel altera in oculum affectum immittitur.

In scrophulis externe Theodor. Mayerne Prax. libr. 1. cap. 12. jubet plagæ per scalpellum tumore ad centrum usque inciso indere Mercurii sublimati granum, & ita glandulas corruptas excindere, seu extirpare.

Alexius Pedemontanus libr. 1. de Secret. ad tumores duros, callosos resolvendos in lue venereâ præscribit unguent. aurei ʒiij. argent. viv. sublimat ʒj. (quæ dosis mihi nimia, & error typographicus esse videtur) misce, & tumori superimposito cum panno linteo per diem unum, aut plures, quousque tumor fuit consumptus. Videbis effectum admiratione dignum. Absumpto tumore pannus linteus butyro inunctus imponendus, deinde vino lavandus. Hoc unguentum etiam omnes aquositates, vitiososque humores ex toto illo membro tumore obsito extrahit, & totum membrum à malâ dispositione liberat. Hâc ratione etiam scabies aquâ mercuriali

ali curatur, & omnes hujusmodi morbi externi, propterea, quod aquositates vitiososq; humores à toto membro illo, cui imposita fuerit, extrahat, id quod facile conjici potest, non solum pannis fasciisque madefactis, verum etiam aquâ ab illo membro promanante, Quare hoc remedio varii dignique admiratione morbi curabuntur, modò rectè quis eo utatur.

Quid Mercurius sublimatus & præcipitatus in carunculâ penis, polypōnarium, & aliis tumoribus duris auferendis possit, de eo Medicorum & Chirurgorum libri abunde docent.

Arçanum Joh. Fortis pro carunculâ penis absumendâ consil. 98. centur. 3. tom. alter. ita describitur. *R.* Mercurii præcipitatus in porphyrit. levigat. \mathfrak{z} j. spirit. vini \mathfrak{z} iiij. ad ignem exsicceetur. Præcipitatum iterum levigetur, cum cerato de Gratiâ Dei misceatur. Usus est portiunculam hujus cerati inungere summitati candelæ in urethram immittendæ, uti supra de Arsenico monuimus.

Unguentum ad verrucas penis juxta præceptum D. Medicorum Augustanorum componitur ex Mercurio præcipitato, & unguento anodyno primùm, deinde de cerussâ æquali portione mixtis.

Ad hæmorrhoides in Zodiaco Gallico Ann. 1. observat. 11. tanquàm mirabile unguentum extollitur, quod ita præparatur.

R. acet.

℞. acet. stillatit. ℥ij. dissolve in eo salis Saturni ℥j. adde olei rosar. omphacin ℥iij. subigantur omnia in formam nutriti, adde Mercurii præcipitati rubri subtilissimè pulveris ℥iβ. Verùm tutius ab istiusmodi remediis acidis, & fibras irritantibus abstineri, ne crabrones irritentur, & malum deterius reddatur, censent nonnulli. At hic metus est de nihilo. Nam juxta doctrinam Hippocratis rectum intestinum & secante & resecante, & urente & putrefacente, etiamsi hæc gravissima esse videantur, nihil læditur. Confer Theodôr. Mayern. præx. libr 3, cap. 6. Ubi etiam in fistulâ ani commendatur aqua calcis vivæ cum Mercurio sublimato commixta, & saccharo Saturni edulcoratâ.

Præcipitatum in aquâ hordei, vel decocto plantaginis, cynoglossæ, vel eorum aquis destillatis infusum, optimum esse pro ulceribus ani remedium, atque eo Hier. Montuum Principem fistulâ ani laborantem curasse, refert Joannes Schenckius centur. 6. observ. 60. Rationem cur intestina crassa, & imprimis intestinum rectum caustica, & arsenicalia in debita quantitate citra notabilem læsionem perferre queant, reddimus capite de Arsenico.

Ex Mercurio sublimato & putissimo antimonio destillatur liquor unctuosus, buthyrum antimonii dictum, ex quo deinde Mercurius vitæ, quem puræ antimonialis virtutis esse falso dici, modò monui, conficitur. Hoc

Hoc buthyro antimonii, seu oleo carbunculus pestilentialis illitus paulatim emoritur, & excutitur. Si illud circumcirca parti affectæ illinatur, ad miraculum sistitur partium omnium serpens corruptio, ac omnia depascens. Confer. De le Boe Sylvium.

Inservit præterea hoc buthyrum Chirurgis pro corrosivo ad fonticulos excitandos. Nam carnem & cutem exedit sine dolore & molestiâ.

Gummi ammoniacum in aceto solutum cum modicâ quantitate buthyri antimonii ei adjectâ etiam durissimos tumores resolvit, quod etiam præstat gummi galbanum, ut *R. emplastr. de galban. crocat. Minsichth. vel galban. simplic ʒß. buthyr. antim. ʒj. m. f. emplastrum.* Valet etiam pro verrucis extirpandis.

Carthesiani, ut ex iis Clar. Joh. Dolæus Encyclop. Chirurg. libr. 5. cap. 13, ad verrucas averruncandas, mitioribus remediis nihil juvantibus, ad buthyrum antimonii accedunt, eoque, partibus vicinis prius imposito defensivo, verrucas attingunt, quas funditus tum extirpari promittunt, quod etiam faciunt alii, nec præter rationem. Nam verrucæ vix aliis parent, quàm remediis causticis, & corrosivis, unde alii arsenicalibus, alii aquâ forti verrucas illinunt.

Verùm non solùm, ut jam fuit ostensum,
Mercuri-

Mercurius sublimatus, præcipitatus, Buthyrum antimonii, sed etiam aquæ, in quibus eorum ablutio & præcipitatio facta est, quibusque per hanc ablutionem corrosiva virtus communicata fuit, multis inserviunt usibus in medicinâ.

Aqua ex buthyro antimonii residua, acidula, succo chalcantoso ebria, spiritus vitrioli philosophicus dicitur, quia post levem evaporationem in virtutibus illi ambiguum palmam facit, uti ex Rollinccii Chym. in art. form. redact. libr. 5. sect. 6. cap. 13.

Contra pruritus ani, si malum admodum pertinax fuerit, liquoribus specificis addendam esse usus tempore aquam ablutionis, & præcipitationis mannæ Mercurii, aut Mercurii albi præcipitati ad fucum præparati, quem alias cosmeticum nominant, suadet Theod. Mayerne tr. 2. c. 22. de morb. extern.

In usu remediorum mercurialium corrosivorum externo hoc in genere admonendum est, ne ea applicentur partibus membranosis, nervosis, & valde dolentibus, ne scilicet spiritus jam tum efferati & turbati vehementiâ remedii ulterius irritentur, efferentur, & inflammationes lethales producantur,

ANtidota remediorum mercurialium imprudenter, & malitiosè exhibitorum sunt omnia ea, quæ eorum particulas aculeatas, pun-

pungentes, visciditate & mucilaginositate obtundunt, oblinunt.

Talia sunt aqua communis, rosarum, lac bubulum recens, buthyrum recens, mucilago sem. cydoniorum, trágacanthæ cum aquâ rosarum extracta, albumen ovi, succus althææ. Item oleum commune, rosarum, atque alia contra venenum arsenici & cantharidum prædicari solita.

Clysteres humectantes emollientes cum oleosis, pinguibus parati, qui etiam clysteres ex lacte cum paucis croco parari possunt.

Atque hæc omnia etiam iis possunt exhiberi, quibus à Mercuriali remedio excitata salivatio periculum creat, quod sæpe accidit; vel quia Mercurialia in nimia copiâ fuerunt exhibita, vel quia natura ægroti propter debilitatem viscerum & nervosi generis sustinenda curationi per salivationem impar fuit, ex quo non semel convulsiones, alvi fluxus dysentericos, & cruentos provenire, & ægrotos mortuos fuisse scio. In hoc casu nihil convenientius esse judico quàm lac bubulum recens epotum, vel emulsiones arte cum aquâ rosarum paratas adjectis mucilag. inibus; iis enim acres particula mercuriales membranosas & glandulosas partes corporis continuo corrodescentes, & mucosas humiditates ex iis emulgentes inviscantur, & ad irritandum ineptæ redduntur. Ubi hoc etiam notandum esse censeo

cenſeo ſalivationes per inunctiones externas Mercurii promotas minus periculi parere, quàm quæ per internam Mercurii dulcis, turpethi mineralis, Præcipitati, exhibitionem oriri ſolent, quanquam nec hoc negari poteſt, ſalivationem per Mercurialia internè data, in expurgando ſanguine majorem effectũ habere.

In his & ſimilibus affectibus etiam croci virtus anodyna, tam internè exhibiti, quàm in lacte cocti, & per clyſterem injecti ſuſpicienda eſt. E contrario theriaca, aquæ bezoarticæ, & tincturæ iſtiusmodi, vel alia alexipharmaca in peſte & malignis febribus uſurpata, quid hîc opitulari queant, non video, cum ut plurimum ex ſimplicibus acris aromaticis conſtent, quæ acredinem particularum Mercurialium magis acuere, quàm obtundere, & ita periculum magis augere, quàm arcere, valent. Qui cryſtallum montanum inter venenorum Mercurialium antidota numerat, optimè facit, quia ille uti arſenico, ita etiam aliis venenis corroſivis & cauſticis reſiſtit. Hæſtoriam ex Valeriolæ libr. 1. obſ. 7. cardialgiæ à Mercurio ſublimato hauſto ortæ, & per cryſtallum, theriacam & buthyrum recentem internè in aquâ hordei aliquot vicibus ſumpta, & externè per fomentum ex ſol. hyoſciami, abſinthii &c. in vino rubro coctis conſtans, curatæ, refert Michael Ettmüllerus. cap. 7. de Cardialg. p. m. 129.

K

Cor-

Cornelius Stahlbartius centur. poster. chirurg. 26. commendat cretam cum aquâ rosarum optimè lotam, item terram figillatam veram, quâ in ardore ventriculi nihil convenientius est. Nam non solum acidum corrosivum absorbet, sed & pinguedine quadam tunicis ventriculi adhæret, acremque humorem ibidem stabulantem obtundit. Et, inquit Adrianus Spigelius, in magnam mei admirationem observavi, ejusmodi ventriculi ardorem nullis aliis, sive externis, sive internis remediis æque, ac terrâ figillatâ cum syrup. consolidæ mitigari, & auferri posse.

Qui compositum remedium desiderant, possunt uti speciebus Diacretæ Minsichthi.

Similiter oculi canceri omne acidum absorbent. Unde si oculi canceri liquori, vel spiritui cuidam acido ammiscentur, tunc omnis aciditas ei adimitur.

Contra inflammationem ab igne & causticis factam internè & externè usurpatum maximè valet id, quod sequitur. R. luteum ovi à gallinâ nigrâ natâ N. 1. cum eo, & farinâ fecalinâ formentur placentulæ tres, quas in buthyro excocto (nostratibus Schmalz) frige usque dum duræ & brunneæ evadant, quibus exemptis, buthyrum liquatum adhuc calidum in vas aquâ plenum injice. Pinguedinem concretam exime, & cum aquâ rosarum cochleare tere, & misce.

Caput IV.

De Napello & Aconito.

Inter atrocia venena non infimum locum obtinet Napellus, ex plantarum genere proveniens. Tota herba est pernicioſa, ſed radix ceteris partibus venenofior, adeò ut referant nonnulli Medici, eam ſolùm aliquamdiu in manu detentam perimere. Andreas Matthiolus tantam vim deteriam ei attribuit, quæ nullis antidotis vinci poſſit, niſi ſtatim, & ab initio ei occurratur. Cauſtica & inflammantis naturæ Napellum eſſe ſtatuit Avicennas, eumque in quarto gradu caleſcere, & ficcare ſcribit, quod verum eſſe Napelli ſapor, & ab eo excitata ſymptomata demonſtrant. Unde Clar. D. Joh. Jacob Wepferus in ſchol. ad cap. 11. tractat. de Cicut. aquat. Napellum calidum & acrem eſſe, radice leviculè apici linguæ admotâ, quemvis facile deprehendere poſſe affirmat. Quidam ad furcam damnatus Napelli radicem ſumens, cujus rei hiftoriam refert Andr. Matthiolus commentar. in Dioſcorid. libr. 4. cap. 73. 17. piperis ſaporem ei inefſe dicebat, & adeo ferventes cerebri commotiones ab ejus uſu patiebatur, ut aquæ in caldario bullientis fimiles eſſe affirmaret. Sequebantur ejus ſumptionem tumor corporis, ac ſi æger aquâ in-

tercute laboraret, turgentibus oculi, livida facies, labia nigra, & alia aspectu horribilia. Joh. Jacob Wepfferus tract. loc. cit. in lupo Napello interempto, & dissecto intestini duodeni internam superficiem totam inflammata, & anfractus ejus atrorubescens invenit. Idem tempore pestis quosdam Napello pro vesicatorio usos fuisse testatur loc. cit. Galenus libr. 5. & 6. de Medicam. simplic. facultei vim septicam, attribuit. Quæ omnia Napelli causticam, & inflammatoriam naturam probant.

An tam validum venenum medicas virtutes obtineat, valde dubitari posset.

Medici communiter Napellum nullo modo inter remedia tollerari posse, eumque totâ substantiâ venenum esse statuunt, quo ipso omnem medendi virtutem ei denegant, eumque veneno opponunt, quod solum quantitate tale est.

Verum nec ei suas virtutes medicas deesse, probat primùm authoritas Avicennæ, qui Napellum linitum & bibitum can. 2. cap. 503. delere albas, quoddam cutanei morbi genus, quod alias Leucen, sive vitiliginem appellant, scribit. At ob hanc opinionem Avicennas à Nicolao Leonicensi de Plinii, & aliorum Medicorum erroribus p. 122. nec non Leonhardo Fuchsio paradox. medic. libr. 1. cap. 14. valde perstringitur, quorum posterior

posterior Avicennam non Principem Medicorum, ut alii, sed tyrannum & homicidam appellat, eosque pariter detestatur, qui ejus doctrinam sectantur. Nam quod Avicennas scripserit Napellum esse perniciosum venenum, moxque subdiderit, illud linum & bibulum delere alberas, id Fuchsius contra omnem rationem esse videtur. Sed Avicennam à Fuchsii calumniâ liberare satagit Andr. Matthiolus loc. cit. qui Fuchsium immodestiz, & quod in tam celebrem & antiquum scriptorem paulò acrius scripserit, accusat. Neque decere virum eruditum conviciis lacerare eos, qui multis ante seculis e vitâ decesserunt, nec amplius à calumniis se defendere possunt. Et sanè Matthiolum innocentis Avicennæ patrocinium justè suscepisse mecum sentient omnes, qui vanissimam illam opinionem, quâ hætenus statutum est, Venenum & remedium non simul stare posse, dimittunt, quod quàm falsum sit, non solum de Napello, sed etiam de aliis venenis testatur quotidiana experientia, cui, ut & authoritati Clarissimorum Virorum frivolis & inanibus ratiunculis non obloquendum, sed potius indagandum, & ostendendum est, quomodo fieri possit, ut res quæpiam sit & perniciosum venenum & præstans remedium, & sine dubio Avicennas, si vixisset, Fuchsius & sui similibus respondisset, se experienciâ habere Napellum

pellum & atrox esse venenum, & contra albe-
 ras insigne remedium, ceu quoque idem A-
 vicennas aliorum remediorum venenosorum
 fautor fuit, qui arsenicum in asthma, casu,
 contusione, cantharides in hydrophobiâ &c.
 commendat. Quapropter pronunciatum,
 venenum & remedium non simul consistere
 posse, limitandum est, & dicendum, rem
 quandam diversâ ratione & modo exhibitam
 posse esse remedium & venenum, atque cum
 Matthiolo pro Avicenna dico, confectionem
 ejus dictam Alberzacali exiguam admodum
 quantitatem Napelli recipere, quæ in potu
 sumpta non nocere possit ut venenum, quod
 ut vim suam exferat, certâ quantitate opus
 habet, & tamen juvare, ut remedium, quia
 Napelli qualitas acris & caustica causæ mor-
 bificæ, à quâ Albebras provenit, & quæ in ve-
 neno seu fermento putredinali & corruptivo,
 crassitiem & visciditatem humoribus & san-
 guinî inducente, & præcipue cutem defordan-
 te, consistit, planè est contraria, eique totis vi-
 ribus resistit, quâ ratione etiam mercuriali re-
 media, colocinthidem, helleborum album,
 lepræ & elephantiasî mederi videmus. Præ-
 terea responderi potest, rem venenatam in di-
 versis objectis diversas & contrarias etiam
 virtutes exferere posse, ceu quoque videmus
 ignem liquefacere ceram, qui lutum indurat.
 Ita venenum suam noxiam qualitatem in ge-
 nere

nete nervoso, medicam verò in humoribus & massa sanguineâ, ut mox dicetur, exercet, quod etiam Napellum præstare, similiter ostendit ejus virtus antifebrilis, & vesicatoria contra pestem modò notata.

De virtute antifebrili Napelli testatur curiosa observatio 22; Ephimer. Nat. Curiosor. Decur. 1. anni 3; D. D. Patersonii Hainii, in quâ enarrat in Ephimer. anni 2. observ. 41. Excellent. D. D. Bernhardtjà Berniz se legitse, Napellum innoxie fuisse sumptum. Item Kesmarkini civem fuisse, qui Carpathias montes frequentare, & inde radices Napelli afferre solebat, qua sine pulverem redactas drachmæ unius pondere in febribus tertianis & quartanis cum commodo ægrotis exhibuerit. Languisse quidem ex earum sumptione ægros, quod verò hic Vir non magnopere curaverit. Unde credit D. D. Hain Napellum montium Carpatorum non adeò venenosum esse, ut est ille, qui in sylvâ Hyrciniâ crescit, cujus unum scrupulum interimere dicunt.

Hanc autem virtutem antifebrilem Napello inesse eo minus dubitandum est, quia etiam alia venena caustica hanc virtutem possident, ut arsenicum, Mercurius sublimatus, præcipitatus, helleborus albus, nicotiana, lapis Lazuli, & si centum essent caustica venena, tot essent antifebrilia remedia Rationem esse diximus, quia miasma febrile ab humo-

rum cruditate scaturiens, venenorum virtute causticâ vincitur, & domatur.

Rectè autem fecit hic Empiricus, seu Medicus, febricitantibus suis napellum porrigens, quod languorem à sumpto Napello excitatum non magnificerit. Nam certus fuit eum sine periculo esse, & mox abiturum, atque novum non est, etiam ab aliorum venenorum usu, ab initio molesta symptomata, quæque rerum imperitis terrorem incutiunt, excitari. Quam gravia helleborus albus febricitantibus exhibitus, morbo nihilominus cedente, inferat, suo loco ex Olao Borrichio diximus. Similiter illi, qui contra hydrophobiam à Dominâ à Stange in Wagniz scarabæos sumptis, ex inde ita male se habuerunt, ut mortem instare putaretur, quam tamen molestiam sanitas consecuta est, ut ex observatione Dom. D. Rocleri cap. 5. de Canthar. citatâ habemus. Non minora symptomata, ut oris & faucium inflammationes, vomitus horrendi, animi deliquia, fluxus dysenterici, comitari solent usum remediorum Mercurialium contra luem veneream, lepram &c. sumptorum, in quibus morbis ægri sanitatem in fastidiosâ curationis solatium reportant. Tale etiam fuit remedium à Philippo Medico Alexandro Magno Macedoniæ Regi oblatum, quod venenosum fuisse ex historiâ Q. Curtii libr. 3. cap. 6. colligi potest. Nam 1. Philip-

e hilippus se afferre remedium strenuum, id
 est validum, vehemens, qualia sunt venenata,
 atque eo se vim morbi levaturum, promiserat,
 2. tertius dies expectandus erat, quia ad suf-
 ferendam validi remedii operationem vires
 requirebantur, quæ in Rege principio mor-
 bi erant nimis debiles, & exhibitionem vali-
 di remedii dissuadebant. 3. Amici & alii Me-
 dici astantes consilium Philippi, ut temerari-
 um & periculosum improbaverant, uti etiam
 adhuc hodie fieret, si quis Principi vel Regi
 remedium vehemens, & forte exhibere vellet,
 ut alii Medici ostenso periculo contranite-
 rentur, seu quia verè ita sentirent, seu quo se-
 dulitate monendi suam fidem Principi appro-
 barent, alienam labefactarent, atque, qui ho-
 minum aulicorum mos est, suam invidiam
 exsatiarent. 4. Ea quæ remedium epotum
 secuta sunt, vim & valorem remedii venenosi
 satis exprimebant. Nam postquam Parme-
 nio Regi scripserat, ne salutem suam Philippo
 committeret, fidem ejus à Dario mille talen-
 tis, & spe nuptiarum sororis ejus corruptam
 fuisse, Rex admonitione ejus insuper habitâ
 nihilominus remedium intrepidus hausit.
 Ceterum tanta vis medicamenti fuit, ut quæ
 secuta sunt, criminationem Parmenionis ad-
 juverint. Interclusus spiritus (qualis est jux-
 ta Loccenii notam eorum, qui animam agunt)
 arctè meabat, quod verò Philippum non ad-
 modum

modum sollicitum habuerat, qui probè norat, hoc linquentis animi indicium non diu duraturum esse. Nam postquam medicamentum in venas se diffudit, animus pristinum vigorem, & corpus robur recuperavit. Augustus Thonnerus libr. 6. epistol. hoc remedium non sine ratione helleboratum fuisse coniecit. Nam de helleboro albo Medici scribunt, quod præfocet, & Curtius refert à sumpto remedio in Alexandro interclusum spiritum arctè measse, quod verò remedium in venas se diffundens, animo & corpori robur restituerit, id ellebori albi vim humorum & sanguinis resolutoria, de quâ deinceps dicetur, adscribi potest. Atque hic mos est fere omnium remediorum venenosorum & Napelli, uti modò diximus. Nam ab initio operantur ut venena, in ventriculo & intestinis affligendo nervosum genus, in fine verò, & postquam eorum virtus ad sanguinem pervenit, vitia ejus corrigendo, operantur, ut remedia, & quantas vires in partes solidas exercent eas corrodendo, irritando, inflammando, tantas etiam exercent in humores & massam sanguineam eorum malitiam expugnando, quasi utilitas cum noxâ certaret. Quippe particulae acutæ, pungentes venenorum imprimis causticorum, quæ partes membranosas & nervosas corrodunt, irritant, vellicant, eadem valent etiam ad disseccandos & instar cunei fin-

dendos

dendos humores crassos, pituitosos, coagulatos, qui ejus morum circulatorium impedire solent. Quod etiam in Alexandro Magno factum fuisse, quis dubitet? Is enim postquam in gelidum amnem Cidnum corpus suum immisisset, omnes artus subitus rigor excepit, & suppresso ferè calido nativo, sanguini coagulatio inducta fuit, quod coagulum à forti resolvente, qualia multa venena sunt, removendum, & sanguini suus liber cursus restituendus erat. Adeò verum non est, venena interne sumpta sanguinem corrumpendo morbos creare, homines interficere, cum potius ea sanguinem ex deteriore statu in meliorem reducant, morbosque ritè usurpata non generent, sed tollant; & adhuc magis errant illi, qui sanguinem à venenis coagulari credunt. cum potius vim sanguinis resolutionis venenis inesse ex omnibus eorum operationibus pateat.

Ceterum non solum pericula, sed etiam molestia ab usu venenorum provenire solent, si in moderatâ quantitate exhibeantur, sine dubio, si non planè declinari ad minimum mitigari possunt.

Ex Pharmac. Persicâ Francisci Angeli à S. Joseph Carmelit. p. 17. compos. 38. de Napellâ usu contra lepram sequens habeo ℞. mirob. nigr. lepid. Ind. ā. ʒx. pip. long. ʒiſs. napell. alb. ʒiſs. contrita & cribrata adipe bovino
pin-

pinguescant, & melle excipiantur. dosism. 1.
Est Medicorum Indorum compositio, quæ
ad lepram membra corrumpentem summo-
pere confert, appellaturque Bischi.

In notarum specimine notatur m. deno-
tare mebsqual, id est sesquidrachmam. Na-
pellum autem in curatione lepræ morbi im-
primis in regionibus Orientalibus frequentis
efficacissimum esse, probari potest, quod etiam
alia cum Napello remedia caustica, ut ellebo-
rus albus, Mercurius sublimatus, præcipitatus
ad inhibendam fermentationem corruptivam
veneni leprosi non infeliciter adhibeantur.

Pag. 319. compos. 1006. Magr-OUN-
RASEN

Electuarium elenii.

Linguâ Indicâ Nirvus appellatur, id est
nova dies seu æquinoctium vernum.

℞. napelli Indici aridi, innoxii, vel anti-
thor. m. iß. piper. m. 2. Zingiber. m. 3. ß. sta-
phisagr. m. j. pirethr. m. j. mellis triplum o-
mnium.

Pag. 358. 359 in notarum specimine hæc
habet author. N. 38. & 1006.

Bisch.

"Mercatores gentiles Indi vulgò (Ba-
"gnares) Lusitanicè, & (Gauri) Persicè, Regi-
"am Persidis Aspahamum incolentes, radi-
"cem hujus plantæ, seu Napelli obsoniis com-
"miscent, & condimentis, immò munusculi
titulo

titulo, pluries illam mandendam præbent
post prandium, & fateor me non raro illam
adhibuisse ad utrumque usum; si enim con-
dimentis admoveatur, fragrantiam, & sapo-
rem gratum, & restaurativum confert, si verò
mandatur, oris odorem conciliat, ructus &
flatus discescit, stomachum in instanti com-
ponit, & miram lætitiā, & sensuum quie-
tem per totum corpus quasi diffundere vi-
detur."

Illā præcipue utuntur Indi Tattenses
quos vulgò (Diuli) vocant, ex regno Sindi
seu Indi fluvii, nec ab his valui quicquam a-
liud addiscere, nisi quod esset lethifera, si re-
cens & viridis manducetur, siccata verò om-
ninò innoxia & medicamentosa, quocirca
fortè antithoræ speciem esse subintuli; & Na-
pelli antidotum, quemadmodum animalcu-
lum illud simile muri, quod radices napelli
corrodens, & juxta illum assidue spatians
præclarissimum alexiterium esse censent.
Radices porrò Bisch omninò similes appa-
rent ossiculis, seu vertebis mothuarum piscis.
levissimæ sunt, & candidæ, foraminibus &
carie undique (ut ita dicam) fermentatæ."

Licet autem non mihi satis constet, an
ita seiprès habeat, & an in Indiâ Napelli radix
viridis & recens sit lethifera, siccata vero in-
noxia, nullam tamen video rationem, cur
Medici Indi solum exsiccata, innoxiam &
medi-

medicamentosam esse censeant, & non etiam recentem & venenatam. Nam rei venenata qualitas (quod jam non semel dixi) non aufert ejus qualitatem medicamentosam, & qui civis Kesmarkini (cujus modò mentio facta est) curationem febricitantiũ suscepit, agros suos radice napelli venenatâ, non verò innoxia restituit.

Joh. Renodzi verba, quibus Napellum, quia interficit & medetur inter alia & venenum, & medicamentum esse judicat, supra citavimus.

Externè Napellus pro vesicatorio in peste fuit usurpatus, uti jam ex Joh. Jacob Wepfero docuimus, similiter quomodo eo contra vitiliginem & lepram in unguentis usus fuerit Avicennas, & Indi adhuc utantur.

De Aconito, neque libri Medicorum, neque propria experientia quicquam, quod proferre possem, mihi suppeditant, nisi quod in Joh. Renodzi libr. 1. Instit. Pharmac. cap. 12. legerim, Aconitum pharmacum toxicum esse, tamen oculorum medicamentis levandi doloris causâ adjici, quæ virtus etiam aliis venenis, ut cicutæ, hyosciamo, mandragoræ, solano &c. familiaris est, quæ ob id etiam inter remedia ophthalmica referuntur. Si quis Aconitum etiam internè contra morbos exhibere, atque curiosus ejus vires experiri vellet, nullum dubium est, etiam illud unâ cum aliis venenis suas virtutes medicas ostensurum esse.

Galenus

Galenus libr. 6. simplic. medicam. Aconito pardalianches putrefaciendi vim attribuit, illudque lethale pronunciat, attamen ad putrefaciendas externas corporis partes, & circa sedem idolum medicamentum esse affirmat. Unde concludo non solum nocendi, sed etiam juvandi rationem aconito unâ cum aliis septicis remediis etiam si internè exhibeatur, eandem esse.

Theriacam Napelli & Aconiti-antidotum esse exemplo canis, qui napellum sumens, uti supra citata D. D. Hainii observatio habet, theriacâ fuit servatus, probari posset. At Andreas Matthiolus comment. in Dioscorid. libr. 6. cap. 20. p. m. 993. & Avicennas contrarium statuunt. Ita autem Matthiolus: "Præmissio emetico, lac bubulum coctum & "buthyrum, largè cum vino sumptum &c. "vera esse napelli antidota. Si hæc non proficiant, nihil sanè sperandum relinquitur, "quod theriaca & mitridatium in hujusce "veneni noxâ parum, aut nihil possint. Similem virtutem etiam oleo scorpionum suæ præparationis adscribit Matthiolus, illudque intus sumptum, & extus inunctum â tam favo & exitiali veneno brevi admodum tempore liberare affirmat, quam sententiam alterâ veriore esse ipsa ratio dicitur. Nam theriaca, mitridatium napelli vim causticam non

infrin-

infringent, neque ejus acres particulas ventriculum & intestina inflammantes obtundent, quod verò multò felicius oleosa, & pinguis, nec non mucilaginosæ præstabunt, quibus adjiciendum esse Conseo crystallum montanum. Non tamen prorsus usum theriacæ contra napellum & aconitum sumptæ infructuosum, sed tanquam corroborans, & opiatum eam exhiberi posse judico.

Lapidem Bezoar commune venenorum alexipharmacum esse, constans est Medicorum opinio, atque eundem lapidem Napelli virus oppugnare testatur historia cujusdam latronis, cujus mentio fit apud Andr. Matthiolum Comment. in Dioscorid. libr. 4. cap. 73. Ille Napelli 3j. & contra id grana 7. lapidis bezoar in albo meraco sumptærat, unde salvus evasit. Ego verò magis vino meraco, egregio nervosi generis confortativo, vel suæ robustæ naturæ, quàm tantillæ lapidis dosi hunc latrunculum suam salutem debuisse credo, & num hic lapis contra corrosivam venenorum facultatem aliquid possit, valde ambigo.

Lapidem bezoar contra venena corrosiva necquicquam sumi, nec genuinum eorum alexiterium esse, testatur exemplo cujusdam coqui Ambros. Paræus libr. 20. cap. 36. Chirurg.

Reliqua hinc conferentia alibi notantur.

Capitulum

Caput V.

De Cantharidibus, Stellione, Scarabæis & similibus.

Cantharides infecti quoddam genus venenosas esse, in vulgus notum est. Ii enim, qui internè eas sumunt, ab ore ad vesicam usque omnia sibi erodi sentiunt, dextra præcordia inflammantur, urina ægrè, & subinde cum dolore & sanguine emittitur, strigmenta non secus ac in dysenteria alvo excernuntur. Fastidia ægrum premunt, qui animo deficit, obortâ vertigine concidit, & tandem moritur. Hæc omnia proveniunt à particulis cantharidum aculeatis, pungentibus, à quibus summa partium internarum, ut ventriculi, intestinorum, vesicæ erosio. D. D. Wepfferus tract. de Cicut. aquat. p. m. 306. eas igneis particulis Mercurii sublimati comparat. Unde fit, ut ferè omnes Medici cantharidum usum internum abominentur.

Hoc tamen non obstante reperiuntur Medici, qui cantharides in diversis morbis internè cum successu exhibuerunt.

Hieronymus Mercurialis contra epilepsiam sequente pulvere usus est, uti testatur libr. 2. de morb. pueror. cap. 9. in fine. *℞.* sem. pœon. visc. quern. ā. ʒij. cardamom. ʒj. cantharid. præp. ʒij. pulverentur omnia, &
L cum

cum melle exactè mixtis fiat bolus, cujus ʒss vel ʒj. singulâ vice tribus horis ante cibum sumatur. In epilepsiâ ab urinæ suppressione Zacus Lusitan. Prax. admirabil. observat. 35. libr. 1. cum successu exhibuit, atque unâ calculum ex vesicâ exegit canthar. ʒj in oleo expr. amygdal. dulc.

Huc referri merentur ea, quæ de Stellatione, cantharidum naturam æmulante referuntur, de quo vide Dan. Sennert. de venen. animal.

Hunc esse præsentissimum epilepsiæ remedium testatur Plinius libr. 30. cap. 10. & nihil eo utilius p. m. 1321. Id quod etiam de vermiculis cynosbatos candicantibus dicitur, quorum unum & alterum puerulis epilepticis datum in jusculeo utilissimos esse judicat D D. Major, uti Nobiliss. D. D. Rosinus Lentilius Miscellan. Medic. part. 1. p. m. 41. 42.

Rationem reddit, & quidem meâ sententiâ non ineptè, quod loco vesicatorii in ventriculo ob caloris æqualitatem indolorifici bonam partem miasmatis epileptici inter tenuissimas bullas colligant, quæ bullæ deinde spontè rumpantur, sicut paroxysmi quartanæ pulvere pyrio cum succo allii, & portiunculâ fermenti carpis apposito, declinantur, vel dolores ischiatici, arthritici, contusâ flammulâ plantan, & affectæ parti impositâ sopiuntur. Ex his vermiculis cantharides generari idem affirmat, Exu-

Exuvias stellionum ad caducum tollendum à Theophrasto commendari eodem loco notatur.

Verùm pro usu interno cantharidum in epilepsiâ etiam alia argumenta produci possunt, & dici, caustica, vesicatoria, actia. exulcerantia, qualem herbam Lepedii esse inquit Dioscorides libr. 2. cap. 150. immo ipsas cantharides externè applicatas non semel epilepsias curasse, quarum causa in extremis partibus residebat, ceu inter alia firmat experientia Savanarolæ tract. 6. de ægri. capit. in fine, quâ se vidisse & curasse refert rusticum, qui ex causa particulari in brachio circa finem musculi versus manus incidit in epilepsiam, & adhibitis cantharidibus, & ligaturâ forti à paroxysmorum sævitie liberatus fuit. Valdè igitur probabile est, caustica & cantharides etiam internè exhibita esse salutifera. si, quod sæpissimè fit, causa epilepsiz in ventriculo, liene, vel primâ regione stabuletur, atque eatâ potentiter pituitam crassam, tenacem, nervosis ventriculi & lienis partibus impactam, atque acredine suâ inimicam incisura, attenuatura, vel serositates ibi peccantes resolutura esse, quàm hoc præstant externè applicata, quod ea etiam faciunt in morbis ischiaticis, arthriticis, in quib' serositas acris membranas articulorû & ossis ischiadis pungens, velicans maximos dolores parit, quæ verò per

cantharides & remedia caustica affecta parsî
imposita, resolvitur.

Deinde novum non est in praxi medica,
ut superveniens & succedens quartana febris
epilepsiam tollat, atque hujus rei exempla ex
Helmontio, Mayerne, Salmutho, & aliis pos-
sent adduci. ceu quoque aphorism. 70. sect.
7. Hippocratis testatur, quod probat epilepsi-
am ab eadem causa progigni posse, a qua
quartana febris generatur, prout scilicet ma-
teria morbifica vel ad massam sanguineam,
vel partes nervosas transfertur, & quia ea non
vacat pro gignendis simul duobus morbis, sit
ut accedente febre quartanâ desinat epilepsia,
& vice versa. Unde concludi potest reme-
dia contra febrem quartanam directâ in extir-
pandâ epilepsiâ non minus efficacia esse,
quàm sunt in tollendâ quartanâ, atque verifi-
mile est consimilem causam morborum â
consimilibus remediis oppugnari. Quia i-
gitur in febribus quartanis, tertianis, caustica,
vesicatoria, exulcerantia, sæpius profuere, uti
experientia docet, id probat ea etiam similem
effectum habitura esse, si in epilepsiâ usur-
pentur, & multò magis si internè sumantur.

Denique cantharidum usum internum
in epilepsiâ probat, quia ea sæpe a redundan-
te in cerebrum nimia serositate generatur,
quod fit in ischuria, in qua obstructis meati-
bus urinariis superfluum & inutile serum non
excerni

excerni potest, uti iterum infinita exempla probant, hæc verò redundans serofitas quàm optimè per fortia diuretica, qualia sunt cantharides, educi potest.

Ad lumborum dolorem stellio transmarinus capite ablato & pedibus, decoctus in vino cum papaveris nigri succo pondere denarii exhibetur a Plinio. Natur. Histor. libr. 30. cap. 6.

Zacutus Lusitanus de Medic. Princip. hist. libr. 3. histor. 117. dubio 67. p. m. 395. contra Amatum Lusitanum, Lacunam, Fuchfium, Langium, Mercurialem disputat, & asserit cum Galeno libr. 3. simplic. cap. 22. cantharides medicamentis diureticis commodè misceri. Immo modicè sumptas, quibusque oportet mixtas, non modò non offendere vesicam, sed etiam renes expurgare, uti ipse Galenus iterum libr. 4. cap. 18 docet.

Tincturam diureticam Thomas Willis parat ex apibus, cicadis, cantharidibus in tincturâ tartari infusis, cujus dosis gutt. 10. 20. Joh. Dolz.

In ischuria seu urinæ suppressione, & gonorrhæa virulenta cantharides internè citra noxam, immo cum fructu a multis exhiberi docet scholium ad observat. 133 anni. Ephemer. Nat. Curios. si sumantur in pulvere vel infuso. In scholio ad observationem 210. quandam mulierem ischuriâ laborantem

L. 2

canthar.

cantharid. gr. ʒ. in lacte usam fuisse testatur
Exc. D. D. Lucas Schrœckius.

Ischuriam desperatam pulvere cantharidum, & vesicæ cervi a Baltas. Timzo à Guldenklee curatam testatur author libr. 4. cap. 5. observ. 15. Confer exemplum ex Zacuto Lusitano supra allatum. Guilielmus Ballon. consil. 52. libr. 1. præscripsit in suppressione urinæ a calculo sequens. ℞. decoct. rad. aperitiv. ʒiiij. syrup. de raphan. ʒj. lapid. judaic. ʒj. cantharid. pulveris, gr. iiij. mithridat. ℞ss. m. f. potio.

In gonorrhæa virulenta, lotii suppressione, & calculo, Thomas Bartholinus cent. 5. histor. 82. tutissimum esse affirmat, si pulveris. cantharid. ℞j. in vini rhenani, vel spiritus vini ʒiiij. vel ʒiiij. per aliquot dies infundatur, per chartam bibulam fitretur, dosis cochlear. 1. primo die, cochlear. 2. secundo, &c. in vini vel cerevisiæ cochlear. 6.

In gonorrhæa virulenta etiam hoc summo opere confet. Rec. cantharid. ʒj. ol. terebinth ℞j. infunde per aliquot dies in spirit. vini ʒv. dosi ʒij. confer Steph. Blanckard. Chirurg. libr. 3. cap. 35.

Cantharides potenter urinam & menses cient, unde quædam scorta improba iis ad abigendum fœtum abutuntur Joh. Schröder. Pharmac. libr. 5. Class. 4. §. 98. p. m. 340.

At secundinas educendas, & menses detrahen-

trahendos Hippocrates de natur. muliebr 19. v. 1. 2. potiones & subdititia ex cantharidib. quinque, avulsis alis, pedibus, capite paravit.

Cantharides calculum pellunt, sed momente Felice Platero de ventr. dolor. curat. p. m. 594. cautè sunt usurpandæ. Nam si paulo major esset calculus a fortiter impellente remedio intra ureterum meatus detrudetur, quos non transire valens dolores nephriticos augeret.

Electuarium lithontripticum Andreæ Galli Medici Tridentini descriptum extat in Joh. Craton. consil. med. 18 libr. 4. p. m. 133. & est tale. ℞. ciner. scorpion. ʒij. cantharid. abscissis alis & capitib. ʒj. sang. hirc. exsiccat. ʒij. ciner. vitr. caulis non transplant. ciner. lepor. caud. tremul. cortic. ovor. è quibus pulli exclus. ā. ʒiiij. lipid. judaic. fellis bovis, spongiæ, piper. dauc. carv. sem. alth gumm. arabic. sem. saxifrag. mili solis, seselios, carpobals. xylobals. spic. rard. capillor. vener. sem. 4. frigid. maj. ā. ʒj. pulverisata pulverisanda misce cum melle rosato f. electuarium. Dosis à ʒij. ad ʒiiij. manè & serò cum aqua decoctionis cicerum rubroum.

Ad expulsionem lochiorum ab aliquibus magni æstimatur usus cantharidum, & multis encomiis celebratur, sive per os sumantur, sive instar fumigii. Verùm hoc remedium non probatur a Zacuto Lusitano Prax. histor. libr. 3. cap. 19. p. m. 515. 1. L 4 Mer-

Mercurialis docet Galenum ad mensium fluxum promovendum solis cantharidibus (quarum summam dosin grana 5 constituit) usum fuisse.

Hippocrates in libr. de morb. mulier. 19. 89. edition. Lindan. inquit Joh. Langius libr. 1. epistol. med. 47. ad proritandam mensium profluvium pessaria ex solo cantharidum corpore addito thure & myrrha conficere jussit: & ad excutiendos foetus in utero emortuos, ac contra sterilitatem, hydropem, ex solo cantharidum ventre, ablatis capitibus, cruribus & alis, ac tribulis marinis potionem paravit. Ipse Langius in electuariis diureticis salutarem cantharidum ustorum effectum expertus est.

Ad asthma, ingruente hydrope excellens est tale, & milleped. præp. ðss. canthar. gr. iij. decoct allii ʒiij. syrup Bizantin. ʒij. m. d. pro una vice.

In Hydrope potio ex cantharid. nō. iij. detractis alis, capite pedibus in tribus aquæ cyathis terito, præcipiente Hippocrate de vict. rat. in acut. cap. 66, quod ut extremum remedium in minuta dosi commendat D. Joh. Scultetus observat. 148. anni 5. & 6. Ephimer. Nat. Curios. Volui, inquit, Epiphanius Ferdinandus hystor. med. 38. p. m. 117. 2. devenire, maxime cum semel urina fuit superpressa in casu hoc (hydropico) ad extremum illud remedium, quod ponit Hippocrates

libr. 4.

libr. 4 de rat. vict. & libr. de affect. intern. " ad pulverem cantharidum ablatis alis & capite ad 3ß. in furno exsiccatis, & in vino exsiccatis, & in vino exhibitis, sed quoniam melius habuit de suppressione urinæ, ideo non deveni. Nam ad hoc remedium tunc est confcendendum cum alia non profunt remedia, & spes est in angusto, & tunc, inquit Capivaccius, quod desperari ad vitam revocentur.

Die Spanische Mucken werden mit großem Nutzen ohne Schaden und Nachtheil des Kranken in der Wassersucht gebraucht. Joseph. Schmidt. Specul. Chirurg. libr. 4 p. 829.

Valescus de Taranta, uti refert Paschalius, medicamento ex cantharidibus multos anasarca & ascite laborantes restituit. Experimentiam & auctoritates confirmat ratio. Nam in hydrope, quem a renum vitio potissimum oriri, vult Helmontius, aberrantem lympham nihil magis in viam reducere potest, quàm diuretica, inter quæ potentissima sunt cantharides.

Verum cantharidum usus in hydropis sine, & præsentè jam pedis inflammatione a serosa acri materia periculosus est. Nam experientia constat cantharides tunc usurpatas ferum magis acuisse, exasperasse, atque ad pedem crus, propulsum ulcus insanabile reddidisse. vide Zacutum.

L ;

Contra

Contra impotentiam a Felice Platero. observ. libr. 1. p. m. 239. sequens præscribitur R. sem. eruc. ʒss. piper. ʒj. Zingiber. cinam. ā. ʒss. borrac, ʒiʒ. caudar. Stinci ʒss. cantharid. ablatis tenuioribus alis. nō. 6. f. pulvis subtilissimus, cui adde sacchar. alb. ʒj. dosis ʒiʒ. cum lacte cubitum iturus sumat. Cum successu fuit usurpatum.

Zacutus Lusitanus de Medic. Princip. histor. libr. 2. histor. 117. dub. 67. p. m. 396. se sæpissimè vidisse asserit plures, qui cantharides cum alis, pedibus & capite ad coitus illecebras devorarunt, pharmacis permixtas, quæ illarum vires obtundere possunt.

R. borracis Venet. ʒij. sem. ling. avis. ʒj. bolet. Cervin. carn. scincor. ā. ʒss. piper. long. ʒj. corpor. cantharid. ol. cinnamom. ā. ʒss. sacchar. albiss. in aq. radic. satyr. & anthos dissol. ʒvj. f. rotulæ. Mirabiliter venenem sopitam excitât, & irritant. dosis cubitum ituro à 3. 4. 5. ad 6. Adrianus Minsichth. armament. medic. chymic. sect. 8.

Species diaveneris cantharides, moschum, ambram, ol. dest. macis recipientes ab eodem describuntur loc. cit. sect. 5.

Contra venenum canum rabidorum & inde natam hydrophobiam homini nō. 1. 2. 3. 4. (animali in majore copia, vel cum pane, vel theriaca, vel spiritu vini) cantharidum data, non dysuriam, nec mictum sanguinis, sed solum

lum largius urinæ profluvium excitari refer-
tur in Appendic. Ephimer. Nat. Curios. ad
observ. 133. anni. 1. à D. Davide Spilenbergio,
qui hoc Ungarorum Ultratybiscanorum
contra morsum canis rabidi alexipharmacum
esse affirmat.

In observatione 302. anni 3. ex Avicennæ
libr. 4. fen. tract. 4. ad hydrophobiam trochi-
sci é cantharidibus laudantur : Dum ergo
minxerit sanguinem, tunc jam curabitur à
timore aquæ, verba sunt Avicennæ."

Zacutus Lusitanus de Medic. Princip.
histor. libr. 5. histor. 2. quæst. 2. p. m. 796. 1.
ex Plenii libr. 29. cap. 4. Rhasis libr. 20. divi-
sion. cap. 2. Matthiol. in Præfat. ad libr. 6.
Dioscoridis notat. cantharides contra canis
rabidi & Salamandræ morsum potenter opi-
tulari. Potentissimum erit sequens & ciner.
cancror. fluviat ʒ℞. pulver. rad. gentian. ʒj.
nuc vomic. gr. 5. cantharid. præpar. gr. iij. de-
coct. allii ʒiij. syrup. limon. ʒj. m. pro una dosi
sumendo, & sæpius reiterando.

Epiphanius Ferdinandus histor. 81. cap.
2. quæstion. 88. p m. 260. 261. ex Joh. Ba-
ptist. Portæ libr. 6. Phythogn. censet. in Apu-
lia oriri phalangii genus, cujus morsus sit
perniciosissimus, & ibi oriri cantharides, quæ
in potu datæ nō 3. vel 4. succurrunt moribus
tarantulæ, de quo inquit factam esse experi-
entiam, Naturam enim nihil derelinquere vo-
luisse sine pari in hoc mundi theatro. In

In morbo maligno, pulverem cantharidum nō. x. ab Ungaris ultra fluvium Tibiscum innoxie sumi, & solum sudorem vel urinam ab iis largiter provocari observatio 133. anni 1. ephimer. Nat. Curios. recenset.

Nec mirum talem effectum à cantharidibus interne sumptis præstari, cum etiam eorum usus externus in cataplasmatibus vesicatoriis contra febres malignas, & ipsam pestem sæpius felicissime adhubeatur, dum particula cantharidum igne, acris, miasma pestilentielle corruptivum, lentum, & viscidum, quod in omnibus morbis contagiosis peccat, incidunt, consumunt & destruunt.

Cantharides faciunt, teste Galeno de medic. simplic. p. m. 82. ad aliquas antidotos, & ad aliqua caustica, sed venenosa esse dicuntur. Si igitur partem antidoti constituent, sequitur iis virtutem alexipharmacam inesse.

Empiricus in Gallia pulverem habuit ex cantharidibus in urinae retentione desperata, hydrope, arthritide præstantissimum ex relatione Michaelis Ettmulleri Schroederus dilucid. de cantharid. qui credit sal urinosum volatile cantharidum sal acidum in arthritide peccans præcipitare, & in falsum volatile insipidum convertere. Et sanè cantharides in arthritide conferre argumentum est, quod etiam scarabzi similis cum cantharidibus naturæ animalculæ æquæ arthriticis profint. Sca-

Scarabzorum minorum cœruleorum mense Junio è cavernulis suis prorepentium natura cum cantharidibus æqualis est, venenata, & incautè, ac in nimia quantitate sumpta hominem jugulans, & tamen illi contra arthritidem inserviunt.

Modum exhibendi docent Kenelm Digby part. 1. p. m. 121. & Theodor. Mayerne tract. 3. de arthritide. Hæc animalcula aceto acerrimo suffocantur, in furno exsiccantur, pulverisantur, & eorum grana 4. ad summum 8. vel in aquâ ononidis, saxifragiæ, vel in conservâ aliquâ sumuntur. Quoad effectum horis circiter duabus ab assumptione incipiunt irritare vesicam, excitant ingens mejendi desiderium cum stranguriâ, quæ symptomata durant ut plurimum per xv. horas ad summum. Toto eo tempore excernitur cum urinâ mucus salsus, & instar plumbi gravis, quemadmodum ii egerere solent, qui lapidem habent in vesica. Interpolatis diebus, ut quarto, sexto, octavo, pro ratione virium exhibitio est repetenda ad 6. 8. 10. 12, aliquando 16. vi-ces. Optimum est in arthritide remedium, & optimum tempus exhibendi est, quando humor est in motu & paroxismus arthriticus incipit, tunc enim hostis jam commoti facilis est exclusio. Lenientia sunt præmittenda, & postponenda, ut Cassia. Nam si cum specifico exhibentur, vires remedii enervantur

Quæ,

Quæ verba probè sunt notanda. Nam dum per leniens remedium veneni corrosiva virtus infringitur, simul etiam ejus vis medicatrix perit, quod etiam in aliorum venenorum præparatione & usu accidere in hoc tractatu non semel monuimus. Nam virtus venenata & medica eadem est, atque hoc tantum discrimen inter eas existit, quod vis venenata in partes solidas & nervosas, eas corrodendo & irritando, medicatrix in humores, eorum malitiam & crassitiem corrigendo, & incidendo agat. Quia potenter urinam movent nunquam sunt exhibenda, ubi suspicio est majoris calculi.

Contra quoscunque dolores arthriticos, siye à causâ frigidâ, vel calidâ in manibus, pedibus, genu proveniant, etiam contra dolores ischiaticos confert sequens Dygbianum, part. i. remed. expertor. p. m. i. & i. descriptum & scarabæor. majal. exsiccat. pulveris. q. pl. in vas vitreum affunde spiritum salis ad eminentiam duorum vel trium digitorum. Ad extrahendam tincturam digere, spiritum salis tinctum effunde, & novum affunde, continuando ita ad sufficientem tincturæ extractionem, cavendo tamen ne spiritus salis magis, quàm opus est, insumatur. Ad fecum separationem filtra. Deinde & salis tartar. ℥ij. in spiritum salis f. q. affunde, sensim, ne nimium effervescat, filtra, & cum tincturâ scarabæorum

orum misce, in leni calore digere, iterum filtra, & in vitro optimè clauso serva.

Primò fumantur hujus tincturæ tantum guttæ 2. vel 3. augendo dosin donec in min-gendo ardor & dolor sentiat. In aquâ mul-sâ & cerevisiâ non est sumendum hoc reme-dium. Post usum trium vel quatuor dierum fumatur antimonium diaphoreticum, se- quente die pulver. gialap. ʒiſs. cremor. tartar. ʒj. misce cum syrupo rosato solutivo, quod om- nnis generis humores calidos & frigidos do- lorum authores expurgat.

Atque hæc methodus medendi in usu o- mnium venenorum & remediorum periculo- forum est attendenda, scilicet, ut à minima dosi incipiendo ascendamus deinde ad pau- lò majorem. Ita enim sine periculo ægroti vires tentabimus, & quid ferre queant, quid ferre recusent, explorabimus.

Ad podagram & lithiasin arcanum, quod se à Germano quodam cum magnâ difficul- ta- te obtinuisse refert Petrus Borellus Gallus & Medicus Regius Castrensis centur. 4. ob- servat. 73. R. Scarabæor. subcœrul. majal. qui in viis matutino tempore reperiuntur, ac statim, si manu tangantur, aquam gummosam emittunt, tanquàm invidiâ quadam naturæ, quapropter statim chartæ sunt excipiendæ, & exsiccandæ projectis pedibus, alis, capite, f. pulvis, qui cum garyophyllorum modico

in

in vino manè per tres dies sumatur, si sit necessarium, atque duæ sumptiones ad dolorem sedandum non sufficiant.

Hic scarabæi unctuiosi à Germanis Schmalz-Kæter nominantur, qui manibus impositi, eas pingui subflavoque liquore inficiunt. Ceterum cantharidum naturam imitari, urinam & sanguinem pellere, canis rabidi morsum, & inde natam hydrophobiam egregiè expugnare, arthritidem vagam curare, etiam auctor est Wierus, v. Joh. Schroeder. Pharmac. libr. 5. Class. 4. §. 114. Quam virtutem contra morsum canis rabidi scarabæis hisce inesse eo minus ambigendum est, quia etiam cantharides similis naturæ, & effectus animalicula idem contra dictos morbos præstare, modò suprà notavimus.

De scarabæorum virtute contra morsum à cane rabido observat. 302 Decur. 1. anni 3. D. Christoph. Roesleri Ephim. Nat. Curios. enarrat, quod Domina à Stange in Wagnitz dederit duos vermes Majales sine capite duobus pueris à cane rabido demorsis, qui sese exinde malè habuere, ita ut mortem instare putaretur. Postquam autem sanguinem minxerunt, intra aliquot horas restituti sunt. Filiam ejus Dominam à Domnig in Elgat dedisse ancillæ, cui canes multa vulnera moribus intixere cum magno commodo.

Hic obiter etiam notabimus, omne ferè
insecti

infecti genus, ut lumbricos, millepedes, cantharides, scarabæos, cicadas, locustas, apes, formicas, pediculos, scorpiones, insignem virtutem diureticam obtinere, calculosis & arthriticis mederi.

In ischuriâ & urinâ provocandâ, quantum possint apes, quarum tres unâ vice sumptæ sufficiunt, testatur Theod. Mayerne Prax. l. 3. c. 19.

Quædam eorum etiam ad venerem irritandam inserviunt, ut cantharides, formicæ, quatenus eorum particulæ acres, sero communicatæ, & ad partes genitales delatæ, in iis coeundi desiderium excitant. Hisce infectis addendi sunt grylli, quorum vis eadem cum cantharidibus notata fuit experimento Scalligeri, ut ejus testatur exerc. 186. Eorum vis venenata, adurens caustica, simulque medica contra calculum, & urinæ difficultates notarunt Sigism. Schnizer, & Gregor Horstius in suâ epistol. medic. libr. 2. sect. 6. Ubi etiam nonnulla de balneatoris cujusdam veneficio adducuntur, qui phlebotomum, quo homines scarificaverat, gryllis infecerat.

Quidam rusticus Grunbergensis febrem tertianam annuam depulit gryllo aliquoties in cerevisiâ calidâ dissoluto, & epoto, uti habet observ. 127. Decur. 2. Ann. 2. Sam. Ledelii Ephimer.

Hoc modo iterum novo cantharidum, & earum naturam æmulantium aliorum infe-

M

ctorum

etorum exemplo, tum quoque auctoritatibus clarissimorum Medicorum, nec non rationibus sufficientissimè fuit comprobatum, venena in partem medicina venire posse, etiam si internè sumenda sint; ulterius fuit ostensum, vim remedium causticam non esse in iis timendam, nec, ut quidam clamitant, tanquam noxiam corrigendam, vel planè tollendam, sed salutarem, & ad morbos curandos aptissimam, si modò non in quantitate excedatur, quæ quanta esse debeat, ex dictis liquet, ad quam observandam Fabricius Hildanus cap. 6. observ. 98. etiam eam ponit cautelam, ut cantharides nunquam pondere, sed numero præscribantur, adeò enim leves esse, ut quinquaginta earum vix drachmam unam ponderent. Deinde si subjectis & morbis convenientibus cantharides exhibeantur. Nam si cui ægroto massa sanguinea humoribus acris scatet, ut scorbuticis, hypochondriacis nonnullis accidit, is certè cantharidum usum non sufferre potest. Ut ita infelix eventus, qui à cantharidum sumptione consequitur, & cuius exempla in authoribus Medicis annotata non desunt, potius abusui & præposteræ exhibitioni adscribendus sit.

Externus cantharidum usus hodie à paucis admodum Medicis impugnatur. Inter eos, qui hunc suspectum reddere conati sunt, est Lazarus Riverius, Henricus ab Heer, nec omni-

omnino iis fudit in curatione pestis Matthias Unzerus tract. de Peste libr. 3. cap. 3.

Eorum argumenta multis refutare non est operæ pretium, cum hoc ab aliis factum sit, & quod dicitur cantharides etiam externè applicatas vesicæ insensas esse, hætenus experientia refutavit, unicum saltem, & quod speciosum esse videtur, afferam, quo infertur, in malignis & peste solummodò ea esse usurpanda, quæ specificâ quadam proprietate veneno pestifero adversantur. At vesicantibus, quæ plerumque ex cantharidibus constant, tantum abest, ut vis alexipharmarca iis infit, ut potius venenata & deleteria iis sit adscribenda. Hoc argumentum nos invertimus, & dicimus, quia cantharides peculiari & specificâ quadam proprietate veneno febrium malignarum, & pestis adversantur, ideò iis in dictis morbis quam maximè esse utendum: & non satis mirari licet Medicos in remediis virtutem causticam tanquam venenatam in curatione pestis & febrium malignarum formidare, cum ea ipsa sit ea qualitas quâ se ut alexipharmacum probet, dum remedia caustica, inter quæ etiam sunt cātharides, quasi naturali inimiciâ fermentū putredinale pestis oppugnant, suis acribus & corrosivis particulis miasma ejus viscidum & lentum, & ob id aliorum corporibus comunicabile, contagiosum, consumunt, & destruunt, quem salutarem effectum

M 2

fectum

fectum non solum in peste & febribus malignis, sed etiam aliis morbis contagiosis, ut lue venereâ, scabië malignâ, tineâ, leprâ, ulceribus malignis &c præstare solent, quod verò faciunt non modo sympathetico, sed antipathetico, & quatenus unum venenum alteri adversatur, ceu quoque in tractatu nostro de Paradoxis medicis monuimus. Quapropter prudenter agunt, qui posthabitis inani-
bus rationibus ab usu earum rerum, quas ipsa experientia & felix successus nobis commendat, se non absterri patiuntur, uti etiam ipsa praxis vesicatoria & in iis cantharides ad curationem pestis & febrium malignarum feliciter adhiberi docet, & rectè sentit Simon Pauli de febr. malign. Digress. qui vesicatoria in febribus malignis incidere & attenuare sanguinem viscosum & glutinosum, qui ex dissipatione partium serosarum, & calore à nimia fermentatione resultat, scribit.

Ad anthraces pestiferos occidendos Joh. Langius libr. 3. epistol. cap. 11. unguentum, quod ex sale ammoniaco, cantharidibus, & Mercurio sublimato constat, commendat.

Idem Langius libr. 1. epistol. 47. p. m. 110. cantharides externè applicatas suâ virtute causticâ lichenes, pforas, lepras, duros, atque callosos pedum & digitorum clavos extirpare affirmat.

Verum ut plurimum cantharides externè

in cataplasmatibus applicantur, ubi serofitas nimia peccat, ut in catarrhis, dolore capitis, dentium, ischiadis, articulorum, tunc enim in resolvendâ materiâ serosâ, à eaque à parte affectâ revellendâ semper utilissimam operam navarunt.

Formulas remediorum vesicatoriorum, quæ suam operationem ut plurimum cantharidibus debent, hîc non proponemus, quia earum ingens copia ab aliis authoribus præscripta est, tantum hîc cum nonnullis Medicis monebimus, melius esse in vesicatoriorum remediorum compositione omittere pingua & oleosa, quia hæc vesicantium operationem remorantur.

CONtra cantharidum vel imprudenter, vel malitiosè exhibitorum & applicatorum virus inserviunt oleum olivarum, oleum expressum amygdalarum dulc. Andreas Matthiolus præ reliquis oleum papaveris laudat. Sunt præterea buthyrum recens, cremor ptisanæ, albumen ovi cum aquâ rosarum conquassatum, mucilago sem. psyllii, cydoniorum, radix althææ, & ejus succus, emulsio sem. 4. frigid. maj. cum aquâ rosar. extracta, tragacanthum, liquiritia, & trochisci ejus, nec non decoctum pro potu.

Ex his & talibus possunt etiam præparari clysteres, item injectiones per siphonem in urethram.

M 3

Caput

Caput VI.

De purgantibus in genere.

Quia purgantia fortia, uti Euphorbium, Elaterium, Efula, Colocynthis, Helleborus albus &c. ob suam effrænem purgandi vim inter venena vulgò referri solent, atque naturæ sunt acris, inflammantis, ad causticam qualitatem accedentis, & alia cum venenis communia habent, atque eapropter non minus quàm ipsa venena à quamplurimis Medicis formidantur, ideò eorum consideratio non immeritò doctrinæ de venenis causticis annectitur, & primò quidem dicendum est quomodo ea vim suam purgantem, & quandoque hominibus exitialem exferant, deinde an in remediorum loco haberi, & in quibus morbis exhiberi possint, referendum est.

Communitè statuitur purgantia ad massam sanguinis pervenire, ibique humorum commotionem & fermentationem excitare, quâ excitatâ humores noxii ab utilibus secerantur. Et venena nimium purgantia Thomas Willisius lib. de febr. cap. 12. p. m. 219. & purgatione deleteriâ hominem occidentia, id præstare sanguinem fundendo, ejusque ferositates nimium præcipitando, statuit. Ego verò quam sententiam de venenorum aliorum

aliorum operandi modo habui, eandem & de purgantium modo habeo, & dico purgantia primariò partes solidas, & imprimis ventriculum & intestina afficere, & secundariò tantùm humores & massam sanguineam turbare. Ubi ante omnia notandum est, has corporis partes membranâ interiore investiri, quæ innumeris glandulis est referta. Hæ glandulæ id officium naturæ præstant, ut continuè mucosam materiam pro lubricitatione, humectatione, ad commodiorem ciborum & fecum per ventriculum & intestina promotionem & excretionem generent. Notandum præterea est, omnia purgantia, & imprimis vehementia & venenosa, instructa esse particulis acutis, acribus, pungentibus, atque ob id ad irritandum aptis. Si igitur purgantia in corpus sumuntur, & calore ventriculi & intestinorum actuantur, tunc acres, & acutæ purgantium particulæ fibrillas dictarum glandularum intestinalium pungunt, irritant, quæ irritatæ spasmodicè se contrahunt, contractæ serum in iis contentum, non secus ac manu compressâ spongiam aquâ madidam exprimimus, emulgent, quo ex vicinâ parte evacuato statim è remotiore loco accurrit aliud itidem evacuandum. cui iterum aliud succedit, & ita purgans in ventriculo & intestinis existens è toto corpore, & remotissimis ejus partibus humores, non aliter, ac etiam dolores,

partium vulnerationes facere solent, ad se trahere valet. Atque hanc purgandi virtutem in purgantibus unice dependere ab acribus eorum particulis exemplo Mercurii dulcificati, & præcipitati demonstrari potest. Nam Mercurius sublimatus, qui nihil aliud est, quàm Mercurius vivus cum sale acido sui solventis conjunctus, etiam ad pauca grana exhibitus, validissimum est purgans, sin verò adjectione novi Mercurii vivi & sublimatione cum eo institutâ, particulæ acidæ Mercurii sublimati obruuntur, sublimatus suam virtutem corrosivam deponit, & dulcescit, simulque etiam suam vim drasticam amittit, immò quo dulcior redditur, eò segnior ad purgandum fit. Idem etiam in Mercurio præcipitato, qui in minimâ quantitate validè sursum & deorsum purgat, atque itidem ex Mercurio vivo, & sale acido componitur, observatur. Is si per crebras lotiones cum aqua communi, vel rosarum, suo sale acido privatur, simul etiam suam virtutem purgantem perdit.

Eadem agendi ratio etiam in aliis rebus, ut apophlegmatizantibus,prehenditur, quæ gustata, vel in os sumpta sua acredine glandulas in ore & isthmo faucium constitutas graviter feriunt, & salivam movent, uti in nicotiana masticata, & fumigata, pyrethro, semine sinapi, cernitur, ita fumus, raphanus
rusti-

rusticanus odoratus, capæ, allia, & alia, dum particulis suis acribus glandulas lachrymales in oculorum canthis positas irritant, eas ad profundendas ferositates cogunt, & lachrimas eliciunt. Hæc omnia, ut & emetica remedia non ad massam sanguineam perveniunt, multò minùs eam afficiunt, & tamen sæpius magnam humorum copiam per vomitum excernunt, dum particulæ emetici remedia acres, & stomacho molestæ ejus fibrillas nervosas ad evomendum provocant, atque inter purgantia & emetica nullum aliud est discrimen, quàm ut hæc ventriculum, ita illa intestina, ejusque glandulas ad expurgandum irritant.

Immeritò igitur Dan. Sennertus eos, qui purgantia in ventriculum ingesta è toto illuc vitiosos humores allicere statuunt, falsitatis arguit, atque ipse falsæ opinionis author est, dum credit, purgantia aliquid sui in corpus transfundere, a quo humorum commotio, & fermentatio exoriatur, ad quam lacescitâ expultrice cum purgante humores in alvum præcipites agente, sequatur excretio & expurgatio. Etenim non est opus, ut pharmacum ad sanguinem perveniat, atque ad purgationem commovendam sufficit illa irritatio, atque vellicatio partium glandulosarum intestinalium, quam acredo purgantis intulit. Neque Willisius, neque Sennertus, & alii

M 5

docu-

docuerunt, & docere non poterant, quomodo pharmacum purgans in massa sanguinea eam fūdat, serum ejus præcipitet, humores inutiles ab utilibus segreget, & ad intestina propellat.

Huic nostræ opinioni confirmandæ inservire poterit experimentum a meipso, & fortè etiam ab aliis factum. Cuidam enim amico pharmacum purgans forte flagitanti præscripsi magister, gialap. ℥j. in spirit. anis. ʒij. dissoluti, adjecto ad acrimoniam fauces adurentem, quæ aliàs pharmaco hoc utentibus molesta esse solet, demulcendam syrup. è succ. violar. ʒij. Illud pharmacum sumentem validè exercuit, citra tamen molestiam, tormina, aut virium jacturam. Neque mirum erat tam validè purgasse. Nam magisteria purgantium in spiritu vini soluta, & sumpta, duplo plus operantur, quàm in formâ pilularum, vel aliâ solidâ, quia spiritus vini verum est magisteriorum solvens, vel (ut Chymici loquuntur) menstruum, in quo vires purgantis magisterii undiquaque dilatatz, & reclusæ, eo melius, etiam suam virtutem purgandi exserere possunt. Quare ad præcavendam hypercatharsin jussi, ut amicus sumeret lac bubulum modò e vaccâ emulctum, quo sumpto in momento purgatio fuit sufflaminata. Si quis a Chymico hujus rei rationem exquireret, diceret a lacte sumpto factam fuisse præcipationem magisterii, quod
non

non negari potest, interim tamen omnes etiam hoc mihi concedere coguntur, hanc magisterii præcipationem, & acrium ejus particularum edulcorationem a lacte sumpto subsequutam, nullibi commodius quam in ventriculi & intestinorum cavitate, fieri potuisse. Neque purgatio per lac tam, citò fisci potuisset, si actio purgatoria in massâ sanguineâ, & non in intestinis exerceretur. Tunc enim necesse esset, ut lactez particulæ ad massam sanguineam pervenirent, ibique cum acribus purgantibus commiscerentur, quod intra breve temporis spacium non fieri posset.

Hisce rationibus addi potest, vomitus, purgationes a pharmacis excitaras, iisque supervenientes singultus, convulsiones, potius indicare nervosum genus esse affectum, quam massam sanguineam corruptam & inquinatam: nec non, a purgante deleterio emortui hominis vel animalis cadaver dissectum nulla sanguinis & humorum vitia, sed intestinorum & ventriculi inflammationes, & corrosiones ostendere, ut etiam Wepferus tract. de Cicut. aquat. de magist. gialappæ observavit.

Ceterum rectè docet Galenus libr. 2. de victus rat. in morb. acut. comment. 2. text. 12. purgantia nostræ naturæ esse contraria, immò lethalia & deleteria, & ita venenata; hoc tamen non obstante ea ad humores noxios expurgandos usurpari posse, & inter venenum

nenum & purgans nullum aliud est discrimē, nisi quod illud vehementius naturam nostram adoriatur, quàm hoc. Iis tamen nihilominus ad morbos curandos utimur, si venenis, quanto magis purgantibus. Nam licet purgantia per se sint venenosa, noxia, naturæ inimica, per accidens tamen sunt bona, naturæ amica, & dum infensa sua qualitate naturæ vim inferunt, noxios humores expurgant, quod non est novum in medicina. Sic si saburra biliosa ventriculum infarcit, emetica cum successu propinantur, quæ dum sua qualitate contraria ventriculo vim inferunt, eumque ad vomitum excitant, simul eum suo onere, quo premebatur, liberant. Hoc etiam in aliis remediis fieri solet; ita cantharides licet venenatæ sint, atque cutem exulcerent, nihilominus in emplastris vesicatoriis inserviunt resolvendis, & revellendis ferositatibus, quibus affectæ partes obsidentur. Nam in physicis & medicina concessum est facere mala, ut inde eveniant bona, quod verò in moralibus & Theologia non est permissum.

Quapropter non est audiendus Helmontius, quando tit. potest. medicam. purgant. parag. 33. usum purgantium Medicis dissuadere conatur, dicendo, virus in iis latere, & cum venena sint, nos potius, quàm morbū adoriri. Nam hoc non est semper verum.

rum. Si enim purgantibus sobriè utamur, si in convenientibus morbis, dosi, justo tempore ea exhibeamus, tunc non virus, sed saluberrima medicîna in iis, ut etiam in aliis venenis latet, & ipsam causam morbi cordatè aggrediuntur, & eliminant, nullo interim notabili malo corpori ægrotantis illato.

Plura argumenta pro asserendo purgantium usu non asseremus, quia hoc jam ab aliis factum est, & hodie vix unus & alter Medicorum est, qui horum utilitatem in dubium vocet. Hoc tantum magis controversum est, an purgantium vehementiorum, & ad venenorum classem, comuniter relatorum, ut euphorbii, elaterii, esulæ, hellebori, colocinthidis, usus inter remedia tolerandus sit, atque illud est, quod hac vice discutiendum nobis proposuimus,

Caput VII.

De Euphorbio.

Euphorbium est succus ex sauciata arbore Lybica ejusdem nominis fluens concretus, facultatis acerrimæ, inflammantis in summo gradu calidæ, remedium propter suam vehementiam & virulentiam ab omnibus fere Medicis rejectum. Acerrimè in ejus usum invehuntur Dan. Ludovici Pharmac. mod. dissert. 1. de Purgant. vegetab. p. m. 146. Medicum

"dicum providum & conscientia sum, inquit,
 "in tanto tutiorum proventu hac tempestate
 "non decere violentissima illa, semivirulen-
 "ta, viscerum tonum frustra tandem perver-
 "tentia, crudioribus metallis & mineralibus
 "nequiora verb. gr. Euphorbium etiam extra-
 "ctione, vel acidorum succorum aut spirituum
 "illinitione quadantenus coercitum, cum ma-
 "lignitatem (nisi corrosivorum abstractione,
 "aliisque modis invertatur) vix aut rarò exu-
 "at. Et Fridericus Hoffmannus Clav. Schroe-
 "der, Pharmac. libr. 2. cap. 73. §. 220. Pillulæ
 "de Esulâ Fernelii, inquit, & de Euphorbio
 "Quercetani dictæ, dignæ sunt, quæ ob vim
 "illarum deleteriam, colliquativam, & causti-
 "cam penitus ex foro medico, & pharmaceu-
 "tico in exilium proscribantur.

Verum hæc censura mihi nimis severa
 esse videtur, atque iterum admonendum esse,
 id quod jam cap. de Arsenico, Mercurio sub-
 limato & præcipitato factum est, censeo, vim
 causticam in remediis non semper esse formi-
 dandam, sed quandoque ad pertinacissimos
 affectus curandos summè expetendam. Nam
 si pituita crassa, coagulata est eliquanda, nil
 melius hoc perficient, quàm remedia caustica,
 si ea è longinquis partibus ad intestina per-
 trahenda, & expurganda, opus erit drasticis
 valentioribus, qualia sunt euphorbium, colo-
 cynthis &c. Nam debilia ut gialapa, agari-
 cum,

us, Ienna, rhabarbarum, non sufficient huic officio præstando, & in curatione morborum semper nodo duro durus cuneus est quærendus id est, inter morbum & remedium semper debet esse proportio. Ut ita valde absurdum sit, in pertinaci morbo validum remedium requirere, & deinde illud tanquam venenosum non admittere.

Quapropter non peccant Medici, qui Euphorbium, licet forte & vehemens remedium in nonnullis morbis fortibus commendant.

Ex Euphorbio, ut Quercetanus Pharmac. Dogmatic. libr. 1. cap. 14. p. m. 123. 1 parantur excellentissima remedia, si artis industriâ corrigantur, tum purgantia, tum sudorifera adversus febres quartanas, & similes affectus contumaces & indomitos, & contra ipsam pestem, ut multi hinc Medici Viri gravissimi & doctissimi, postquam ejus vires certâ experientiâ comprobassent, idem ad usum medicum vocandum censerent.

Euphorbium, pyrethrum, piper album, licet sint excessivè calida, illorum tamen usus in passionibus colicis, & aliis extremis cruciatibus frequens est. Idem loc. cit.

In apoplexiâ, comate, caro, paralyfi, Euphorbium præsens est remedium. Guernerus Rollfinck. tract. de Purgant. vegetab. sect. 4. artic. 3. cap. 4. Illud etiam contra apoplexiam commendat de le Boe Sylvius.

Contra

Contra morbum gallicum & scabiem
Guerner. Rollfinck. tractat. de purgant. sect.
4. artic. 1. cap. 8.

Georg. Wirth Ungariæ & Bohemiæ Re-
gis Medicus, uti Joh. Langius Epistol. libr.
3. cap. 6. Euphorbio ad pestem, febrem quar-
tanam, dolores colicos, cachexias, hydropises
usus est. Ejusdem pulvis constat ex Euphor-
bii part. 1, mastichis part. 2, croci dimidiâ &
sacchari albi q. s. ad pondus omnium. dosis
ʒj. in aquâ scabiosâ & carduibened. Valet con-
tra pestem. Vel

℞. Zedoar. euphorb. corallin. tormentill. di-
ctamn. vulgar. terr. figill. boli armen. corall.
rubr. alb. spic. nard. mastich. herb. garyo-
phyll. centaur. minor. sandal. rubr. ossis de
corde Cerv. camphor. singulorum partes æ-
quales. s. pulvis alexipharmacus, cujus dosis
ʒj. in aquâ acetosâ, vel decocto acetosâ cum
vino.

Alexius Pedemontanus libr. de arcan.
pulverem contra pestem describit ex ma-
stich. ʒij. euphorb. ʒj. spic. nard. ʒv. misce.
Dosis ʒß. ʒij. vel ultra.

℞. Euphorb. ad modum Quercetan. præp.
ʒj. extract. nuc. vomic. extr. croc. orient. ā.
ʒij. extr. rad. angelic. extr. tormentill. ā. ʒiß.
extr. theriac. ʒij. confect. alkerm. confect. de
hyacinth. ā. ʒj. essent. corall. ʒiß. terr. figillat.
q. s. pilulæ. dosis ʒß. Qui peste correpti,
urantur

utantur iis manè superbibendo aq. card. bened. ℥ij. & stragulis tecti, vel in hypocausto fudent. Ad venenum â centro ad circumferentiam provocandum, admirandum est remedium. Joh. Quercetan. Pharmac. Dogmat. libr. 1. cap. 14.

Modus præparandi Euphorbii Quercetano usitatus fit per succum limonum, aut granatorum acidorum, ita enim credit omnem exsuperantem calorem & venenatam qualitatem tolli.

Alium modum præparandi exhibent Augustani, qui fit per oleum expressum amygdal. dulc. gummi tragacanth, quale etiam est consilium Serapionis, uti Rollinccius loc. cit. notat, vel alia, quæ venenorum acrimoniæ resistunt, & quorum jam in prioribus capitibus facta fuit mentio.

Quare præter rationem hunc Euphorbii præparandi modum rejicit Joh. Zwelfferus Animadv. in Pharmac. August. quando eum fucatum & palliativum vocat, qui nihil aliud præstet, quàm quod oleum amygdal. dulc. lentore suo quadantenus prohibeat, ne Euphorbium vires suas exferere possit. Quomodo enim particulæ acres, corrosivæ Euphorbii, quæ effroenis operationis causa sunt, melius obtundi possunt, id quod in correctione quæritur, quàm viscidis & unctuosiss, & aliis, quæ aliàs contra venenum Euphorbii sum-

N

ptum

ptum, tanquam ejus antidota exhiberi solent?

Nihilominus credo Quercetani præparationem ad usum medicum maximè convenire, non quia per eam vis caustica & venenata tollitur, ita enim medicamenti virtus, quæ in virtute causticâ persistit, periret, verùm quia tam succus acidus, quam Euphorbium similem habent naturam, & ambo incidendi, crassos humores attenuandi, lympham coagulatam resolvendi, & fermento putredinali venenato resistendi virtute prædita sunt.

Quaquam in iis affectibus, uti soporosis, apoplecticis, paralyticis, ubi acre, irritans remedium requiritur, etiam euphorbio crudo & incorrecto tuto uti possimus. Nam repugnat rationi morbum magnum exigere remedium validum, & deinde illud per præparationem debilitare, & ad medendum ineptum reddere.

Pilulas suas de Euphorbio mirabiles contra omnis generis febres chronicas intermittentes, atque quartanas, nec non contra omnes cæcexias, hydropes, paralytices, & dolores colicos præscribit Quercetanus loco cit. in hunc modum. R. Euphorb. præpar. ʒj. spic. nard. mastich. ā. ʒvj. opopan. sagapæ. præpar. bdellii ā. ʒß. agaric. trochisc. alhand. trochisc. ā. ʒ iij. syrup. viol. aciduli, & tincti colore purpureo q. s. f. massa pilularum. dosis ʒj. ad ʒß. Hinc omnes morbi dependent
à cru-

à cruditate humorum, lymphâ coagulâtâ, crassâ, tenaci, partibus impactâ, ad quam corrigendam, resolvendam, & attenuandam euphorbium, & reliqua gummata, virtute suâ causticâ quàm maximè profunt.

Eandem ob causam Euphorbium infervit contra arthriticos. & ischiaticos dolores, ut *℞. turpeth. myrobal. chebul. hermodact. colocynth. euphorb. agaric. sarcocoll. castor. sagapen. opopanax. bdell. ammoniac. ā. ʒj. croc. squinanth. mastich. sal. gemm. sem. anis. apii, cicut. ā. ʒss. cum succo fœniculi f. massa pilul. dosis à ʒj. ad ʒj.*

Pilulæ Serapionis ad paralyfin à Guernero Rollinccio tract. de purgant. veget. sect. 13, artic. 1. cap. 5. describuntur in hunc modum. *℞. gumm. ammon. bdell. serapin. aloes, castor. semin. harmel. ā. ʒiiij. euphorb. ʒij. colocynth. ʒvj. cum succo porri f. pilulæ.*

In dispensatorio Augustano prostant pilulæ de Euphorbio Mesuæ apoplecticis, paralyticis, hydropicis commendatæ.

Ego sæpiissimè usus sum pilulis de Euphorbio, quæ in similibus casibus paralyticis semper salutiferæ fuerunt, eas verò laudat Avicenna 3. Can. de curation. Apoplex. & Paralyf. Dixit enim tam in uno, quàm altero capite, pilulas de Euphorbio ceteris aliis (paralyticis) meliores esse. Porro educunt materiam pituitosam à nervis & aliis lon-

"ginq̃uis partibus, quæ tantò securius exhiberi possunt, quantò jam inveteratus morbus est. Ex Nicol. Mafsâ Joh. Schenck. centur. 7. observ. 20.

Ingreditur etiam Euphorbium cum Esulâ pilulas foetidas maj. Mesue (quarum structuram admirabilem & magnæ expectationis nominat Rollfinck. loc. cit.) pro elephantiasi, colicâ, articularibus morbis, lue venereâ &c. curandis. Item pilulas de Hermodact. maj. Mesue. Pilulas hydroticas officin. Pilulas de Nitro Alexandri Tralliani, quas Marnardus libr. 13. epist. 6. uti Augustani referunt, in epilepsiâ mirificè commendat, quæ itidem in morbo gallico, ischiatico, articulari, capitis & cerebri pertinacibus morbis usu celebres.

Ingreditur porrò Euphorbium Diacastorium Nicolai, vide Weckeri libr. 2. Antidot. special. de Electuar. sect. 21. Nec non

Electuarium Pestilentielle Basiliense, Hieram composit. Mesue, Hieram Hermetis cum Dragunculo Mesue, Plancam Nicolai, Hieram Ruffi ex Nicolao, Antimorum Nicolai, Electuarium contra dolorem colicum Arnoldi Villanovani, Philonii Tharsensis, Antidotum ex Galeno, ex Opiatis Philonium majus Nicolai Mirepsi, Philonium Persicum. Nam Euphorbium à Veteribus antidotum oppii esse fuit creditum, Neque id omninò præter

terratiōem. Nam Euphorbium sensus torpidos excitat, quos opium torpidos reddit. Diaolibanum Nicolai, Theriacam ex Lilio Pauli, ab Armeno composit. Adrianum Nicolai, Opiatam Antonii Chelmetei, Antidotum Esdræ, quod ultimum electuarium licet opium, euphorbium, semen hyosciami cruda ingrediantur, tamen illi admirandos & incredibiles effectus attribuunt Ætius tetr. 4. sem. 1. cap. 101. 107. 111. & imprimis contra venena lethalia prodesse affirmant Paulus, Aëturius, Aëtius. Verum si quis hodie istiusmodi remedium ægrotis suis præscriberet, quis non crederet eum insanire? id quod ex Joh. Quercetan. verbis, quibus in veterum compositiones debacchatur colligi potest. Ita autem ille Tetrad. graviss. capitis affect. cap. 31. p. m. 392. At qui accuratius, & saniore" iudicio perlegent, & excutient, ex quibus" rebus componatur, & quam confusa omnia," ac promiscuè, & citra rationem inserta sint," nec non quam parum judiciosè opium," mandragoram, papavera, hyosciamum, hel-" leboros, colocynthidem, euphorbium, sul-" phur, & id genus alia, nullâ præparatione" condita veteres intruserint, æquius ista o-" mnia rideant, ni planè sint bruti, aut cæcu-" tiant, quam compositionem usumque e-" arum laudent, ac probent. At an veteres Medici insanierint, qui talibus contra morbos

usi sunt, an non potius insaniant illi, qui contra experientiam ob præconceptam saltem opinionem talia rejiciant, prudentiores judicent. Ego quidem istiusmodi pharmacis non omnibus usus fui, non quia vana de iis judicia magni æstimo, sed quia hætenus defuit occasio, illud tamen interim, donec Deus vel fortuna mihi magis faverit, credo, injuriam fieri veteribus Medicis ab iis, qui vel eorum experimenta immeritò in dubium vocant, vel ea solis rationibus expugnare conantur. Et ut concedam nostro seculo, sua præparata præ antiquis remediis ad usum tutiora esse, neque tamen hoc negari potest, nostris præparatis per præparationem tantum de effectu medico fuisse ademptum, quantum de venenositate ademptum fuit, & venenosa cruda, uti majorem noxam in abusu, ita etiam majorem effectum medicum in usu exserere.

Licet autem Euphorbium etiam internè tutò, siue sit crudum, siue præparatum, sumi possit, summâ tamen cautione opus est in eo exhibendo. Et primò in convenientibus, & modò recensitis morbis est præscribendum, deinde robustis, viribus constantibus, non verò biliosis, tabidis, & acrioris sanguine præditis; deinde in modicâ quantitate euphorbio utendum, ita enim, ut reliqua venena, non corpus lædet, sed causam morbificam aggrediatur, & non veneni, sed remedii officio fungetur.

Dosis

Dosis Euphorbii præprimis crudi intra grana subsistit, minor, si, sudorem provocandi animus est, ut in febribus malignis, intermit- tibus, peste, major ad purgationem conci- tandam. Non tamen semisrupulum tran- scendere debemus. Veterum nonnullos ad drachmam exhibuisse scribunt verum quis horum exemplum imitaretur. Quidam cir- culator Patavii hydropico Euphorbii drach- mam exhibuerat, inde incredibilis stomachi subversio, & intestinorum ardor sequebatur, ut æger cum morte descenderet in duellum, à quâ victus, miseram animam exhalavit.

Externum usum Euphorbii nemo Medi- corum & Chirurgorum in dubium vocat, qui eo ad cariem ossium, & ea desquamanda u- tuntur. Nam remedium acre eorum corru- ptioni potenter resistit.

Lenimentum calefactorium in hemicra- niâ utilissimum ita præparatur. *℞. euphorb. ℥j. ceræ ℥iij. olei dulciss. libr. 1.* Hoc dimidiæ frontis parti, & musculis temporis ad frigidos affectus utilissimè illinitur, ac plerumque semel tantum illitum ante balneum liberat à dolore. Si medicamentum validius videbi- tur, poterit euphorbii ℥ss. sumi, præsertim si euphorbium validum existat, corpusque molle, ac exactiore sensu præditum. Hoc enim medicamentum egregiè commendatur à Galen, 2. de compos. medicam. secund. loc.

Euphorbii virtutem in puncturâ nervi per imprudentem venæsectionem perpetrâtâ notat Mich. Ettmüller Schröder. dilucit. Euphorbium cuidam ex venæsectione magnum dolorem brachii sentienti ob nervum læsum fuit applicatum, quo dolor cessavit. Helidæus Paduanus in observ. p. 310.

Unguentum Sculteti Armament. chirurg. observ. 64. loco puncturæ nervo calidè applicandum tale est. \mathfrak{R} . euphorb. optim. \mathfrak{Zj} . refin. terebinth. $\mathfrak{z}\beta$. & ceræ parum. \mathfrak{M} . Hæc compositio ex scholâ Galeni est desumpta.

Euphorbio imprudenter sumpto eadem debentur remedia, quæ contra helleborum album, elaterium, colocynthidem sumi solent.

Caput VIII.

De Esulâ.

ESula planta est lactescens Linariæ similis, nisi quod ea sine lacte crescat, unde notus versiculus. Esula lactescit, sine lacte Linaria crescit.

Hæc planta cum radice & succo non ferè minùs ac Euphorbium est naturæ acris, causticæ, inflammantis, & ob id virulentix à Medicis accusata, & vix inter remedia admiffa.

Nihilominus reperiuntur remedia nonnulla,

nulla. quæ ex Esulâ parantur. Uti notissimum, & usu celebre est extractum Esulæ Rulandi, quod ad \mathfrak{zj} . \mathfrak{zij} . datum serositates in hydro-picis feliciter expurgat.

Cortex Esulæ radicis validissime humores serosos expurgat, & rusticorum rhabarbarum nominatur. Cortex radicis esulæ minoris cum aceto præparatæ, & pulverisatæ blandum & potens est hydragogum in arthritide maximè proficuum, & sæpius comprobatum. Theod. Mayerne tractat. 3. de arthritide.

Pilulæ de esulâ Fernellii sunt sequentes. \mathfrak{R} . cortic. rad. esul. minor. ante 8. menses collect. acet. macerat. & torrefact. per. 20 horas. \mathfrak{zij} . granor. ricini torrefact. & expurgat. nō. 40. myrobalan. citrinor. \mathfrak{ziss} . chamædr. chamæpith. spic. nard. cinamom. \mathfrak{a} . \mathfrak{zj} . omnia tenuissimè trita excipe mucilagine tragacanth. aquâ rosar. extract. \mathfrak{zj} . d. Valde turbant, sed sunt efficaces in corporibus robustis. dosis à \mathfrak{zj} . ad \mathfrak{ziss} .

Oxymel helleborat. Juliani inter alia etiam Esulam admittit.

Species Diaesulæ Minsichthi sunt hæ. \mathfrak{R} . rad. esul. min. præp. rotul. diarrhod. Abbat. \mathfrak{a} . \mathfrak{ziss} rad. hellebor. alb. præp. sal. vitriol. alb. \mathfrak{a} . \mathfrak{ziiij} . succ liquirit. extr. santal. rubr. \mathfrak{a} . \mathfrak{zj} . cinamom. acut. ireos florent. Zingiber. alb. \mathfrak{a} . \mathfrak{zij} . magist. perlar. orient. corallior. rubr. \mathfrak{a} . \mathfrak{zj} . Elæosacchar. garyophill. nuc. moschat.

N 5

elæosacch.

elæofacch. d. mastich. a. ʒß. m. f. pulvis subtilissimus, per alvum & superiora noxia quæque sine molestiâ expurgans. dosis à ʒß. ad ʒj.

Valent in omnibus febribus, defluxionibus falsis, lumbricis &c.

Reliqua, quæ hîc dicenda essent ex iis, quæ de Euphorbio dicta sunt, haberi possunt.

Caput IX.

De radice cucumeris asinini & Elaterio.

RAdicem Cucumeris asinini, elaterium, succum ex fructu cucumeris asinini expressum, si venenata esse statuerò, nemo mecum litigabit.

Ambo autem sunt valida drastica, & imprimis Elaterium, quod D. Dan. Ludovici dissertat. 1. Pharmac. de purgant. vegetabil. satis acre & virosum nominat, immo tam acre, ut aliquando tunicas intestinorum corrodat. Hinc factum est, inquit Guern. Rollfinccius tract. de Purgant. cap. 5. cap. 5. ut multis annis ejus usus evanuerit. Quippe Elaterio accidit, quod Euphorbio, & aliis fortioribus purgantibus, quæ veneni infamia ex Medicinæ regno proscripsit. Quod prudenter factum esset, si morbi tutioribus & debilioribus semper

per cederent, & non in malis refractariis & intractabilibus necessum esset à valentioribus auxilium petere. Nam quia morbi magni, ut hydrops, febris quartana, lues venerea, apoplexia, elephantiasis, morbus ischiaticus, articularis, giallappam, fennam, rhabarbarum, agaricum, mannam, spernunt, nec delicatioribus curatio perfici potest, necessario ad euphorbium, esulam, colocynthidem, & alia, uti à quibusdam eorum osoribus, nominantur, rustica auxilia recurrendum est. Unde Clar. D. D. Rosinus Lentilius Miscellan, Medic. Practic. part. 1. p. m. 318. inquit, hydropem rusticum esse, & aulicam civilitatem repudiare.

Rusticus igitur morbus remediis rusticis vult tractari, inter quæ etiam est Elaterium, & quia sæpissime viri nobiles rusticis morbis affliguntur, etiam ii rusticis remediis sunt tractandi. Nam in curatione non ad conditionem hominum, sed morborum, est respiciendum.

Est autem Elaterii usus in hydropse admodum proficiuus.

Patrum tuum (ut Joh. Langius epistol, libr. 3, cap. 8. p. m. 859. scribit) Georgi confobrine Ludovici Regis Ungariæ Medicum, & ex Ludovici de Leonibus scholâ exercitatum Medicum, memini pilulas de Elaterio, ex unâ parte mastiches, duabus aloes hep-

hepaticæ, & tribus elaterii, omnibus cum succo fœniculi incorporatis | non infelici" successu in hydropes parare, & exhibere solitum. Alias pilulas loco citato descriptas habet idem author, ut Rec. elater. ʒß. | agaric. trochisc. rhabarb. ā. ʒß. squinanth. gr. v. trochisc. alhand. gr. 4. specier. hier. simplic. ʒij. succ. absinth. ʒj. cum succo absinthii in aquâ absinthii dissoluto, & incorporatis reliquis fiant pilulæ.

Longiore experientiâ confirmatum est, tenues & serofos humores, atque aquam potissimum ducere elaterium. Hinc eleganter notat Massaria, si quando contingit, contingit autem quotidie, ut aqua epota thermarum in corpore detineatur, nullum præstantius hoc medicamento repertum iri. Guern. Rollsink. loc. cit. cap. 6. artic. 5.

Neque Elaterii usum repudiat Fridericus Hoffmannus, licet aliâs in admittendis istiusmodi remediis admodum difficilem se præbeat.

Theod. Mayerne Prax. libr. 3. cap. 10. in hydropes elater. gr. 1. cum Mercurii dulcific. gr. 12. ad ʒj. conjunctum, & exhibitum potenter serofos humores expurgare scribit.

Quomodo ex Elaterio extractum contra hydropem præparandum sit, docet Michael Ettmuller. comment. Ludovician. de purgant. vegetab.

In

In hydropē & affectibus serosis elaterium omnibus aliis præferendum esse, idem censet. Schræder. Dilucid. Phytol.

Elaterium judicat Lindanus esse remedium per se nobilissimum, & credit suum Parentem eo centum hydropicos servasse, uti ex eo idem cap. de hydrop.

Nonnulli extractum elaterii, cum magisterio gummi guttæ combinant & contra hydropem exhibent. v. D. D. Rosin. Lentil. Miscell. Pract.

Elaterium, at non recenter paratum, quia valdè turbat, cum pilulis aloephanginis est hydragogum efficax. Joh. Fortis tom. 1. centur. 3. consult. 61. Extractum Elaterii cum spiritu vini paratum idem centur. 3. consult. 69. tom. alter. à gr. 1. ad gr. 3. commendat.

Si aqua acidulæ potæ omninò stagnent, seu in corpore maneant, uti aliquibus accidit. Fallopius, Heurnius, Henricus ab Heer tractat. de acidul. cap. 15. pilularum aloephanginarum uni scrupulo elaterii grana aliquot addi suadent. Ceterum qui modum elaterii præparandi, quem Dominus Padii Henricum ab Heer edocuit, sciverit, is uno grano, aut ad summam uno grano cum dimidio in nostratibus contentus erit, summaque felicitate aquas educet, quod ab eo tempore sæpe ipsum fecisse, multi testabuntur.

Quidam Canonicus, refert idem Author.
libr.

libr. 1. observ. 27. cum de remediorum ignavia quereretur, dedi illi tandem elaterii albi nostratis grana duo, à quibus cum valide purgatus esset, plus quam vices, me inscio sumpsit. Interim valet, nec quicquam virium tot venæsectionibus & purgationibus illi decedere observatum est.

Elaterium cum duabus partibus asellorum contra asthma Galenus libr. 7. de compositione pharmac. sec. loc. cap. 6. utile judicat.

Rarior quidem in medicinâ usus est internus radicis cucumeris asinini, non tamen de eo omninò silent Medici, ut Epiphanius Ferdinandi histor. seu Casu medic. 38. in educendâ aquâ mirabile esse, nunquam eum fefellisse, & se semper felicissimo successu usum, uti ejus sequens est. Rec. rad. cucum. asinin. ℥iiij. rad. ireos, sambuc. libr. β. rad. turpeth. ℥j. incidantur radices. ligni assafras ℥β. infunde per 24. horas in vini optimi libr. 6. coquantur ad consumptionem medietatis, decoctum coletur, & propter amarorem saccharo edulcoretur. Dosis ℥vij. calide sumpti, semel in septimanâ. Mirum est, quod operatum fuerit, semper enim hydropicus quidam hoc sumens libram unam vel duas aquæ citrinæ evomebat, & tantundem per secessum. Idem author histor. seu Casu medic. 40. tale decoctum proponit. [Rec. cucumer. asinin. sambuc. ireos, soldanell. a. ℥iiij. incisa infunde per 12. horas

12. horas in vini libr. 6. coque ad tertiæ partis consumptionem, in fine adde sem. anis. cummin. fœnicul. ammi, dauci, fœselios, rutæ, aneth, ononid. a. ʒj. cortic. citr. ʒij. cinam. elect. ʒß. tragacanth. mastich. a ʒj. colatura detur, & saccharo edulcoretur. Dosis ʒvj. ʒvij. vel ʒviij. Hoc partim ex Ætio sumptum, partim ex Epiphanio [Ferdinando], quod ad educendos flatu per os & secessum mirabile, evacuat itidem per vomitum & secessum, & in quadam asciticâ tantam ructuum & flatuum copiam movit, ut ferè sit incredibile, quam operationem secuta est mira tumoris detumefactio. Hoc vinum mirabile, & innoxium est, & si quæ simplicia in ipso sunt deleteria, eorum noxam per corrigentia iis addita, demmi, idem censet.

Externè Cucumeris asinini radicis magna vis est in emolliendis partibus scirrhis, duris, item educendo sero in hydrope, ubi apponi meretur, sequens unguentum Epiphanii Ferdinand. Rec. succi ebul. cyclamin. cucum. asinin. a. ʒij. ol. lilior. ʒij. buthyri & olei cappar. a. ʒj. pulp. colocynthid. aloes a. ʒ iiss. salis commun. ʒß. euphorb ʒiß. ceræ q. s. f. unguentum molle, cui adde stercor. vaccini. caprin. sinap. a. ʒß. m.

Vel ꝛ. radic. cucumer. asinin. pulveris. q. pl. coque in urinâ pueri pro cataplasmate, valet contra hydropem. vide Lazar. River. observ. 80. centur. 4. Gale-

Galenus radicem cucumeris asinini oleo incoctam infurditate & tinnitu aurium auribus instillare, & si affectus hi ad multum temporis perseverent, omnibus amaris & acris attenuatoriis, & discussoriis, quæ ad dolorem ex crassis humoribus obortum descripta sunt, utendum esse, singulis in aceto coctis, & melle admixto, utendum esse, prudenter suadet libr. 3. de composit. pharmac. cap. 1. p. m. 290.

Caput X.

De colocynthide.

Colocynthis fructus est, & ad cucumeres refertur.

Remedium est amarum, acre, mordax, & inter vehementia & violenta purgantia non postremum. Unde etiam virulentia crimine laborat, & multi Medici eam non sine maximo corporis humani detrimento, & sanitatis dispendio exhiberi posse censent. utut veteribus non sine fructu in frequente usu fuerit.

"Est medicamentum virosissimum, & tantum non mors ipsa, uti Prophetarum pueri clamant 2. Regum cap. 4. affirmante Ludovico Septalio libr. 9. observ. 86.

Prolixè de ejus vehementia & malignitate conquē-

conqueritur Reinerus Solinander sect. v. consil. 21. ubi scammonium, hellebarum, colocynthidem, diaboli poma seu capita appellat, eo ipso eorum perniciosam qualitatem notans.

Accusat eam Dodonæus observ. medic. 8. schol. quod intestinorum tunicas erodat, & venarum oscula aperiat, adducit etiam exemplum cujusdam hominis robusti, cui per clysterem decoctum, in quo drachma una colocynthidis incocta, injectum sanguis copiosus per sedem effluxit, & ita hominem perdidit.

Verum ego colocynthidis eam esse utilitatem cum veteribus Medicis judico, ut eam inter remedia non commodè, carere possimus. Nam suis aculeatis & pungentibus particulis rectè & ritè usurpata egregie humores crassos, viscidos, pituitosos incidit, discindit, à remotissimis partibus & capite ad intestina trahit, & per alvum expurgat, qui humores sæpissimè debilioribus remediis non obediunt, & violentum remedium, quale est colocynthis, desiderant; non minus mumiali suâ amaritie, ut etiam alia amara, fermento multorum morborum putredinali, corruptivo, resistit, verum eadem immodicè exhibita particularum suarum acutie intestina lædit, & vulnerat.

Istiusmodi viscida vel pura, vel fermento
O putre-

putredinali inquinata pituita ut plurimum
peccat in morbis melancholicis, epilepticis,
maniacis, leprâ, lue venereâ, febre quartanâ,
morbis ischiaticis, & arthriticis nonnullis &c.

Colocynthis pulpâ inter vulgaria, &
Mercurialibus inter chymica contra lue veneream primas tribuit de Le Boe Sylvius App.
"Tr. 3. §. 257. Sunt enim ista præcipua hu-
"mori pituitoso viscidiori evacuando dicata.
"Sunt, inquit alio loco, colocynthis & Mer-
"curiis, vel ex eo parata medicamenta, tum
"sanguini pituitoso viscido, tum lue curandæ
"omnium practicum per experientiam do-
"ctorum calculo convenientissima. Cui au-
"tem vulgaria videntur magis tuta, illi com-
"mendo ipsam colocynthis pulpam in de-
"cocti sudoriferi parte, aliove apozemate de-
"coctam &c.

Hic nota, colocynthis usum in decocto
tutius esse, quàm in substantiâ,

"Et iterum. Potest quidem solâ colo-
"cynthide evacuari humor pituitosus in lue
"peccans, longe autem facilius & felicius id
"fiet, si mercurialia remedia ei copulentur.

Trochiscorum alhandal summam in lu-
is veneræ & pestis veneno eradicando effi-
cacia suspicit Theodor. Mayerne. vide tract.
ejus de lue vener.

"Vulgò dicunt, quicquid non attingit aga-
"ricus, hoc petum attingit, & quicquid non
petum,

petum, illud colocynthis, ac quidem præ ceteris in viscositate mucilaginosâ extenuandâ & evacuandâ prærogativam habet. Michael Ettmuller. comment. Ludovic. de purgant. vegetab. Uti Idem Schröder. Pharmac. Dilucid. regnum vegetab. Ad pituitam vitream, crassissimam, acidissimam, valde commendatur colocynthis, ex omnibus iis, quæ succos crassos mucilaginosos solent evacuare est potentissima, & Rex quasi inter purgantia, nihilominus cum malignitate conjuncta, de quâ vide Salmuth centur. 3. observ. 2. Platerum libr. 3. observ. p. 805. Insignis est malignitatis, unde cum nausea, vomitu, lipothymiâ & similibus evacuat. Aliâs in lue venereâ multum commendatur, & dixit Helmont se melius velle curare luem veneream per colocynthidem, quàm per omnia decocta lignorum, modò sit legitimè correctâ, & venenum laxativum sufficienter castigatum. Pro usu in lue venereâ, ut remedium crudum, non tamen contemnendum habent, qui recipiunt dimidiam partem colocynthidis pro viribus ægri, & varietate circumstantiarum. Hanc indunt vitro, & vinum superfundunt, macerantque per noctem, manè clarum sine expressione effundunt, quod ipsum æger, qui aerem frigidum vitare debet, calidè bibat, quod quinquies & sexies bibitum luem curare dicunt. Nul-

“um enim datur remedium, quod venenum
 “venereum à remotis partibus adeò solet re-
 „vellere, quàm colocynthis. Unde dixit Hel-
 „montius, quod unâ die plus exsiccet, quàm
 „decoctum sarsaparillæ per tres septimanas.

Alii Medici prudenter ad luem venere-
 am curandam, ulcera antiqua, ossa cariosa
 consolidanda, aliasque intentiones decocto
 ligni pulpam colocynthis addunt, quale est
 remedium Stephan. Blanckard. Chirurg. libr.
 3. cap. 41. descriptum, ut Rec. lign. guajac.
 cortic. ejus ana ℥iiij. sarsaparill. ℥iij. sol. fenn.
 ℥j. colocynth. cum sem. 3 j. coque in aquâ
 fontan. ad ℥xl.

Huic decocto, si aliquid nucis vomicæ
 adjiciatur, tunc ejus virtus vulneraria non
 parùm augetur.

Rec. pulp. colocynth. ℥iij. pulver. arom.
 rosat. Gabriel. diarrh. Abbat. diamb. a. 3 j. tra-
 gacanth. 3℔. infunde per 24. horas in vini al-
 bi libr. 2. coque ad consumptionem unius di-
 giti, cola. dosis ℥iiij. plus, minùs, juxta na-
 turas, anni tempora, regionem &c.

Hoc vinum medicatum in Epiphan. Fer-
 „dinand. histor. seu cas. medic 76. descriptum
 „miram habet proprietatem ad dolores anti-
 „quos maximè juncturarum, ut ischiadis &c.
 „ad capitis dolorem antiquum, & ad internos
 „frigidos intestinorum, est correctissimum,
 „nec potest nocere ob colocynthidem, nam
 adsunt

adsunt ad plenum omnia cordialia & stoma-
chica corrigentia. Quare est tutissimum me-
dicamentum, & strenuum valdè in casibus
desperatis, etiam in lue gallicâ confectis.
Hoc decocto lumborum dolorem feliciter
sublatum idem Epiphan. Ferdinandus loc.
cit. refert.

In coxendicum dolore, ad humorem
crassum incidendum, eumque à parte affectâ
revellendum colocynthidi singularem tribuit
prærogativam Galenus libr. 10. de compos.
pharmac. sec. loc. cap. 2. his verbis: In qui-
bus autem vehemens humorum densatio,
quæ ægrè dissolvi potest, a Medicis acribus
pharmacis intempestivè utentibus facta est,
his cucurbita affixa maximè auxiliatur, &
purgatio per efficaciora infusa, quale est &
quod ex colocynthide constat. Hunc esse-
ctum Medici nostrates nonnulli à remediis
mercurialibus impetrant.

Sunt etiam colocynthis, & ex ea parata
remedia ad menses ciendos potentissima.

Inter alia composita, quæ colocynthidem
admittunt, sunt illa famosa confectio Hamech
Mesue, pilulæ cochix Rhafis, foetidæ majores
Mesue, pilulæ de colocynthide Mesue, me-
dicamenta affectibus melancholicis, arthri-
ticis, & Alphi præcipuè curandis, destinata.

Sunt præterea pilulæ de nitro Alex. Tral-
liani, comitialibus, arthriticis, resolutis, ischis

aticis, lue gallicâ afflictis curandis convenientia ut alia minùs usitata non jam adducam.

Noxæ, quæ ab usu colocynthis sunt timendæ, ex prudente & methodicâ exhibitione evitantur, nempe, si solùm ea detur in cōvenientibus morbis, robustis, viribus adhuc constantibus, non pueris, scēminis delicatioribus, multò minùs infantibus, non biliosis, tabidis, mensium & hæmorrhoidum fluxui obnoxiiis.

Dosis sit ut plurimum aliquot grana & ad summum decem, quamquam per se sola colocynthis ferè nunquam, sed ut plurimum grana ejus aliquot aliis purgantibus ad eorum vim augendam à Medicis addi soleant.

Externè præcipuus usus colocynthis est contra vermes. ut Rec. pomi colocynthis in duas partes difficissi partem dimidiam, fellis bubuli tantum, quantum pomum colocynthis, imbibere potest. Frigantur in cacabo (Pfanne) Pomum calidè quantum ferri potest, sub horam introitus in lectum, imponatur, fasciâ superligetur, quo per noctem ita impositum maneat. Manè removeatur, & ita per tres dies continuetur. Certum & usu comprobatum est remedium contra vermes, vide Kenelm Digby Expert. remed. part. 1. p. m. 114. vel Rec. alces hepat. zib. fell. bubul. q. s. f. emplastrum umbilico & de eundem usum applicandum. Confer Paræum, Mayerne. Rollincium, & alios.

In

In clysteribus colocynthis in petiâ ligari, & in aquâ decoqui solet, ne intestina lædat.

In aurium tinnitu & surditate acris & amara ad discutiendos humores crassos ad aurium organa decumbentes valde profunt, inter quæ non ultima est colocynthis, acris & amarissima, ubi efficacissimum illud Joh. Fortis euporistum apponere non dubitamus.

Rec. ol. amygdal. amarar. ℥ij. succ. raphan. ℥j. fell. capr. ℥ß. pulp. colocynthid. ℥j. macerentur per noctem in vase vitreato terreo, bulliant ad succi consumptionem f. expressio fortis per pannum lineum rarum. Hoc oleo turunda imbuatur, & auri indatur.

Gregor. Horstius append. libr. 1. part. 2. de variolis castorii, myrrhæ, colocynthidis, a. ℥j. asar. ℥j. sem. fœnic. anis. croc. a. parum in vino coquere, & vaporem per infundibulum manè & vesperi auribus excipere præcipit. Vel quod est Alexandri Benedicti. Rec. organ. pulp. colocynth. fl. serpill. major. a. ℥j. mosch. ℥ß. succin. odorat. ℥j. cubebar. ladan. mastich. styrac. calamith. a. ℥ß. ol. amygdal. amarar. lilior. a. libr. ß. oleo reliqua contrita coque in vase duplici per decem horas. Surditatem & inextricabilia aurium vitia, si iis infundatur, sanat. v. Joh. Schenck. cent. 7. 67.

Correctio colocynthidis, si non tam consistat in ablatione, quàm mitigatione ejus virulentæ qualitatæ, non est rejicienda. Illa

Illā fit hoc modo. Pulpa colocynthidis conscinditur, minutim contunditur, deinde cum oleo amygdalarum dulcium & mucilagine gummi tragacanthi arabici, & bdellio in trochiscos formatur, qui vulgò alhandal appellantur.

Aliās pulpa colocynthidis à seminibus, quæ ei insunt, liberatur, minutim conscinditur, conteritur, per cribrum trajicitur, & cum gummi arabico in aquâ rosarum dissoluto irrigatur, exsiccat, & cum mucilagine gummi tragacanthi in aquâ rosarum dissoluti, formantur trochisci. In hac præparatione, inquit Guern. Rollinccius tract. de purgat. sect. 3. artic. 4. cap. 12. evanescit colocynthidis venenolitas. Nam oleum amygdalarum dulcium & gummata tragacanthum & arabicum, (quid bdellium hic magnopere conferre possit, non video) in aquis appropriatis dissoluta suis oleosis, pinguibus, & viscosis particulis nimiam colocynthidis acrimoniam obtundunt, & impediunt, ut ea intestina non amplius vulnerare possit.

Hunc præparandi modum nec Zwœlfferus rejicit, cum tamen, uti ante notavi, similem præparationem in Euphorbio rejecisset, eamque non veram & realem, sed fucatam nominasset.

Fit etiam ex pulpâ colocynthidis, ejus seminibus rejectis, cum spiritu vini extractum, ad usus practicos valdè utile. Unde

Unde hi trochisci & extractum innume-
rabilium compositorum medicamentorum
partem constituunt, quæ medicamenta con-
tra dolores podagricos, ischiaticos, apoplexi-
am, coma, asthma, &c. diriguntur, & in au-
thoribus medicis passim annotata reperiun-
tur.

Spiritus vitæ aureus Rulandi præparatur
colocynthidem in spiritum vini infundendo,
de ejus usu vide authorem.

A Mayerne hic spiritus à cochleare i. ad
4. in epilepsiâ laudatur. Verùm inquit Roll-
finckius tract. de purgant. hunc spiritum ne-
mo nostrorum unquam assumere voluit, cre-
do ob ingratum ejus saporem.

Colocynthidis imprudenter sumptæ anti-
dotum est oleum amygdalarum dulcium
expressum, mucilagines cydoniorum, gum-
mi arabicum, rragacanthum, & alia istiusmo-
di. Rustici cujusdam à colocynthide sum-
ptâ miserè excruciiati, & per olea & amygda-
lata intus assumpta, & per clysterem infusa
curati exemplum habet Cornel. Stal-
bartius centur. i. observ. 41.



Caput XI.

De Elleboro albo & nigro.

AMbo Ellebori albus & niger radices sunt purgantes, emeticæ plantæ cujusdam, propter vehementiam operationis suæ venenositatis accusati, quorum verò niger absolutus, & ferè innocens amplo senatus Asclepiadæi decreto judicatus, præcipue in decoctis usurpatus, quod ipse vel centies expertus sum. Violentior & periculosior est albus, qui ob violentiam purgationis, quam per inferiora & superiora exercet, soli ferè helleboro nigro inter remedia locum relinquit, ut cujus usum plurimi Medici hodie abhorrent.

Zacutus Lusitanus Pharmac. Distinct. 3.

"cap. 1 inquit, Ellebori duplex est species, a-
"lius est albus, alius niger; ille non est in usu.
"nam summâ vehementiâ pollet & malitiâ,
"atque gravissima symptomata excitat. Et
"de Medic. Princip. libr. 2. histor. 29. hellebo-
"ri albi usum propter summam ejus acrimoni-
"am, & virtutem septicam non carere pericu-
"lo asserit, nisi corrigatur.

Dan. Ludovici dissertat. 1. de Pharm. modern. in medicinâ non elleborum album correctum, nedum crudum propter virulentiam suam admittere vult.

Acriter in usum ellebori albi invehitur
Joh.

Jos. Quercetanus Tetrad, graviss. cap. affect. cap. 223 p. m. 473. his verbis: Antiqui ejus-
modi vomitoriis uti solebant, & in variorum
morborum curam commendabant, ut qui et-
iam in hunc finem helleboro albo uteban-
tur, vomitivo quidem, ut ego existimo, longè
violentiore, & perniciosiore omni antimo-
nii vitro, aut Mercuriali præcipitato inter
vomitiva potentibus.

Elleborus albus ex Mesue sententiâ libr.
de simplic. cap. ult. corporibus nostri tem-
poris est molestus, immò est eis, sicut vene-
num proprie suffocans.

Malignam hellebori albi virtutem, atque
ancillam ab ejus infuso ferè mortuam notat
Michaël Ettmuller. comment. Ludovician.
de Purgat. vegetabil.

D. D. Joh. Muralto in observ. 90. 6. E-
phim. Nat. Curios. Decur. 2. Anni 2. scholio.
de radicis ellebori albi malitiosis qualitatibus.
non condemnanda profert, eamque adeo
stringentem esse, ut instar laquei collo inje-
cti suffocet, omnemque universi corporis
humiditatem in ventriculum abripiat, fibris
quoque, nervis atque membranis, septicâ suâ
& erodente qualitate tam infensa sit, ut spiri-
tus animales in iis contremiscant, horreant, &
quam inhabitant molem stringant, sternuta-
tiones, motus convulsivos ac spasticos cau-
sentur &c.

Mors

Mors quæ tam sæpe helleborum album comitata est, non tam hypercatharsis & inanitionis extremæ, vel siccitatis sequela fuit, quàm qualitatis venenosæ nervorum integumentum syntagma contorquentis, & cerebrum venenantis. Quare igitur medicinæ tam veneficæ in dispensatorio locus concedendus? Gideon Harvæus de vanitat. medic. cap. 17.

Gratulamur, inquit D. Rosinus Lentil. Parallelis. ad observ. 102. Decur. 3. Ann. 2. Ephim. nostro seculo, quod ejusmodi *depressionis* carere queat, & helleborum album purgandi sine datum Mulomedicis relinquimus.

Verùm de ellebori usu alii Medici planè aliam opinionem fovent, ut mirum sit in Medicinâ, ubi omnia juxta experientiam & rationem dijudicanda sunt, tam confusè omnia proponi, & propter contrarias Medicorum sententias nobilissimam artem ludibrio aliorum exponi.

Nam apud alios veneni nomen elleboro albo non obfuit, quo minùs in gravissimis morbis, & præcipuè ad comitalem & insaniam curandam adhiberetur, & commendaretur.

Ex Benivenii sententiâ Abdit. cap. 52. uti ex eo Joh. Schenckius observ. 175. libr. 7. ubi robustum corpus nactus fueris, & ventriculus sit potens, morbusque longior & difficilis, uti comitalis & infantia, aut pares

his, tunc album veratrum ritè, & citra Medici culpam exhiberi potest.

In curandâ infantiâ vomitu utebantur veteres, sed præstat uti minùs fortibus ex raphano cum oxymelide, neque in principio; in pertinaci affectu, cum reliqua non juvant, ad elleborismum quidam veniunt, sed cum cautione, & optimâ præparatione. Petrus Forestus libr. 10. scholio observat. 15. p. m. 352.

Innoxium esse omnium hellebori speciesum usum quotidie licet observare. Nulla enim hic veneni suspicio locum habet, quin ut ad magnos morbos, epilepsiam, melancholiam, maniam, quartanas, aliaque Medicorum scandala in usum antiquitus fuit vocatus, ita etiam a nostri seculi celeberrimis Medicis ad similes affectus laudatur. Guernerus Rollinccius tract. de Purgant. sect. 7. artic. 1. cap. 20.

Albi Ellebori ditutum exhibuimus quibusdam melancholicis magno cum successu, nullo tamen ægrotantium incommodo, nullaque noxâ. Andreas Matthiolus comment. in libr. 4. Dioscorid. cap. 146.

In maniâ Lindanus dicit non dari generosius remedium Elleboro albo.

Quidam Studiosus Pomeranus scabie fœdatus, & humoribus repletus scrupulum semis in haustu cœrevisiæ acceperat, à quo quidem
valde

valde purgabatur, sed non levem utilitatem percipiebat. referente D. Samuele Ledelio observ. 65. Decur. 3. Anni. Ephimerid.

Theodorus Mayerne libr. 1. cap. 6. Prax. effert extractum hellebori albi, hujusque grana tria sursum & deorsum cum maxima difficultate innoxie tamen operari, & se maniacum quendam ita curasse refert. Consulit etiam infusum ex rad. hellebor. alb. ʒij. in vini Muscatellini ʒij. infusis præscribendum, quod ad cochlear unum exhibitum blandè vomitum viscidissimæ pituitæ movet, nec non vires hujus infusi esse inexhaustas, non aliter ac croci metallorum, idem testatur.

Veteribus sanè adeò commune fuit insanientibus exhibere helleborum album, ut qui insanirent, helleboro opus habere dicerentur. vide Erasmi Adagia.

Plinius Natural. histor. libr. 25. cap. 5. edit. Dalechamp. docet helleborum album mederi morbis comitialibus, vertigini, melancholicis, insanientibus, lymphaticis, elephantiaæ albæ, lepris, tetano, tremulis, podagricis, hydropicis, & incipientibus tympaniticis, stomachicis, spasticis, clinicis, ischiaticis, quartanis, quæ aliter non desinant, tussi veteri, inflammationibus, torminibus redeuntibus. Vetant dari helleborum album pueris & senibus, item mollis & foeminei corporis & animi, exilibus aut teneris, & foeminis minus quàm viris &c.

Misto

Miſtom. centur. 2. 75 Geor. Hieroym. Welfchii in Ephimer. Nat. Curioſ. ann. 4. annexis refertur Abbatem ad S. Nicolai Venetiis ſolitū eſſe dæmone vexatis potionem ſequentem exhibere. ℞. hellebor. alb. ʒj. cinamom. elect. ʒʒ. infunde in vini alb. ʒiv. colaturæ addendo pauxillum ſacchari. Plurimis evacuatione copioſâ utrinque proſuit, ut exorcismo nequidem opus fuerit, quo in ceteris utebatur. Potionem & infuſum non diſplicere, pulverem minus commodum eſſe. Nec facile admittendam Noni ſententiam qui lapidem Armenium eidem juxta veterum conſuetudinem præferebat. Extractum hellebor. nigr. à ʒj. ad ʒj. Sylvaticum, Melchiorem Sebizium, & ſe in melancholicis affectibus exhibuiſſe, nec ʒj. niſi in ſaniæ curandæ cauſa, exceſſiſſe. Patavii plurimos ex ruſticanâ plebe utriusque ſexus homines vidifſe, ad aras ſanctorū & pedes exorcifantiū delatos, qui fruſtra excarnificati in noſocomio deinde publico helleborismis reſtituti, ipſo eventu comprobarūt, ſe non dæmoniacos, ſed ſolum melancholicos aut maniacos fuiſſe.

D. D. Michaelẽ Lipſiæ quandam virginem melancholicam, quæ à Dæmone obſeſſa putabatur, per eſſentiam hellebori albi curafſe teſtatur Michael Ettmüller. Schræderus dilucidat. Phytolog.

Contra epilepſiam inveterato malo, quodque

que indomitum aliud omne remedium aspernabatur, hoc postremum subsidium opponebat Trallianus, helleborum nempe, eumque album, cujus ipse Trallianus formulam præscribit, quam Paulus Ægineta à verbo ad verbum describit eandem, in dosi tantum, aut ingredientium pondere multum ab eo dissentiens. Pauli Æginetæ receptum habet baccar. laur. depurat. pip. alb. elypiad. euphorb. veratr. alb. 3j. vid. Tetrad. capitis affect. Quercetani. c. 14.

Celsus, si nullis remediis epilepsia cesserit, confugiendum censet ad veratrum album, ac ter quoque aut quater eo utendum, non ita multis interpositis diebus, sic tamen (addit ille) ne iterum unquam sumat, nisi conciderit. vide eundem Quercetan. loc. cit. p. m. 176.

Mesue libro de agnitud. capit. in epilepsia ad evacuationem usurpat præcipue helleborum album, quod idem veteres Antecessores ejus tum Græci, tum Arabes facitare solebant; hieram diacolocynthis, quam magni facit vel ad omnes capitis affectus. Illius descriptionem, nec non multarum hujus generis evacuationum, in quæ euphorbium, & alia calefacientium gummatum genera, scammonium, lapis lazuli, borra, helleborus, colocynthis, turbith &c. benigna scilicet (quod Quercetanus ironice intelligit) pharmaconi ingrediuntur, vel citra ullam præparationem, aut correctionem tradit. vide Quercetan. loc. cit. p. m. 295.

In

In epilepsiâ aliquando usus sum radice ellebori albi ad gr. 3. quod violenter sursum & deorsum evacuat, in robustis tamen optimo cum successu. Theodor. Mayerne Prax. libr. 1. cap. 3.

Aulus Gellius Plinium secutus ait, in helleboro coloris discerniculum, non in semine, neque in virgultis, sed in radice apparere. Candido vomitiones cientur, eoque stomachum & ventrem superiorem purgat. Nigro alvus inferior diluitur. Utriusque sumptio periculosa, sed albi uti præstantior, ita periculosior. Erasmus Adag. Chilid. 8. adag 51.

Ex Olao Borrichio Mangettus Biblioth. medic. pract. libr. 18. p. 818. 1. sequentia profert. Solet vulgus veratri albi radicem cum cinere culinario modico aluminis, & Zingiberis permiscere, atque hujus mixturæ (Pharamundo Rhumelio, uti video etiam laudatæ) ʒj. febricitantibus ingerere, unde præter cetera, quæ ab usu veratri albi nimio proficiisci solent, symptomata, notavi miram oculorum convulsionem succedere, namque invertuntur oculi planè, & pars quâ videmus, retrò fugit, bulbusque duntaxat albus insipientibus apparet. Durat ita cœcitas per horam circiter unam, & tandem rejecto per crebras vomitiones elleboro albo, discutitur, febris cedit, & sanitas expectata revertit.

P

Hoc

"Hoc illi vocant duro nodo durum cuneum
 "quærendum esse, sed nisi salva sint omnia in
 "pulmonibus; ægro cuneus tandem esse po-
 "test, qui vitam ipsam è corpore tabido ex-
 trudat.

Juliani oxymel helleboratum utrum-
 que helleborum, & esulam recipit, in cujus
 virtutibus deprædicandis, totus est Gesnerus,
 atque se eo in plurimis morbis, ut asthmate,
 comitali, arthritide, dolore ischiatico, men-
 sium obstructione, pleuritide, concreto san-
 guine resolvendo frequentissimè magno
 cum successu usum fuisse affirmat, quæ laudes
 huic oxymelli impertitæ Augustanos Medi-
 cos permoverunt, ut illud corpori suo phar-
 maceutico infererent. Verùm hæ laudes,
 quibus Gesnerus hoc suum remedium ma-
 ccat, Johanni Zwelffero hyperbolicæ esse vi-
 dentur, cui etiam alii assentiunt. Nam, in-
 quit, tanta medicamenti hujus dignitas facile
 corrui, ejusque immensa laus oppidò vile-
 scit, si intimius saltem inconcinna ejus com-
 positio, & præparatio consideretur, & experi-
 entia testis consulatur, quam frequenter illud
 sine ullo levamine, immo nonnunquam et-
 iam cum detrimento ægrotantium fuerit ex-
 hibitum.

Verùm debuisset Zwelfferus probare
 compositionem hujus oxymellis esse in-
 concinnam, non verò id nude affirmare. Fortè
 Zwelf-

Zwelfferus huic medicamento imprudenter, & minus congruè esulam, & utrumque genus ellebori, quia venenosa sunt, admisceri putavit; at nos jam plurimis rationibus & experimentis, nec non clarissimorum Virorum auctoritatibus probavimus remedia, quæ venena sunt, & esse dicuntur, si imprudenter & imperitè usurpentur, si moderatè & cum judicio adhibeantur, esse generosa, atque ad eradicandam causam morborum & recuperandam ægrotantium sanitatem maximam efficaciam in recessu habere, juxta effatum Zacuti Lusitani libr. 2. histor. 19. de medic. princip. afferentis, venena castigata sanare morbos immedicabiles. Aconitum scorpionum morsibus mederi, hydragryum scabiem, lepram, & morbum gallicum extirpare, arsenicum pestiferam luem refrænare, pastillos Andronis & Passionis ex arsenico & calchanto paratos ex Galeni libr. 5. cap. 6. method. med. adversus sputum sanguinis summo auxilio esse.

Deinde ad derogandam fidem cuidam medicamento non sufficit dicere, illud frequenter sine ullo levamine, immo nonnunquam cum ægrotantium detrimento fuisse exhibitum. Ubi enim est tam innocens remedium, quod ubique & semper profit, immo quandoque non magis noceat, & tamen illud in remediorum censu toleratur, quod etiam

iam oxymelli helleborato non fraudi esse debet, cujus usum satis commendant, illud non ex incongruis, sed omnibus probe ad rem facientibus simplicibus compositum fuisse, & prudenter administratum suo officio non deesse, & omnes eas laudes, quibus Gesnerus illud ornat, mereri.

Ut igitur causam eorum, qui hellebori albi, & ex eo paratorum remediorum usum in medicinâ admittunt, agamus, & omnes difficultates, atque dubia in eâ re occurrentia removeamus, ante omnia in melancholiz, maniz, epilepsiz, & aliorum morborum, quorum curationi helleborata destinantur, causas nobis inquirendum est, & quidem primum de epilepsiz origine differemus. Nam videtur absurdum esse epilepsiz tale remedium opponi, quod ipsum convulsiones excitat, ut aphor. Hippocr. 16. sect. 4. & ipsa experientia docet. Nam sentiunt ferè omnes Medici epilepsiam ab humore acri nervosum genus irritante oriri, quam acredinem hellebori albi, & inde paratorum remediorum acredo, & ipsa ad irritandum nervosum genus apta, augebit, & affectum medendo magis exasperabit. Adhuc absurdius esse videtur istiusmodi acria in aceto coquere, (ita enim præparatur oxymel helleboratum) cum & ipsum nervosum genus suâ acri qualitate offendat. Verùm attentius rem intuentibus apparebit, ut plurimum

ut plurimum phlegma viscidum, glutinosum, subputridum, & orificio ventriculi impactum motus epilepticos producere. Habet enim ventriculus consensum cum capite, atque ipso ab aliquâ causâ morbificâ obsessus, facillime compatitur, quod ipsum etiam exemplo hellebori albi, & aliorum fortium purgantium probari potest, quæ in ventriculo adhuc existentia graves convulsiones interdum excitant. Sic vermes intestina rodentes convulsiones excitant. Nam cum nervi sint corpora à cerebro ad partes quascunque corporis producta, & ipsius cerebri, & membranarum ejus substantia, non verò, uti falso fuit hætenus creditum, canales spirituum animalium, irritatâ extremitate nervi principii systematis hujus nervosi contrahi, & concuti facili negotio potest. Quod si fit à veneno, vermibus, cur non etiam ab aliâ causâ? Causam epilepsiae ut plurimum extra cerebrum subsistere probat, quod si in cerebro ejusque ventriculis materia peccans lateret, paroxysmi epileptici non ita breves essent. Nam causa morbi non inde ita facile excuti posset, vel si excutere-tur, per meatum aliquem expurgaretur, vel in cerebro permanens tandem apoplexiam aut paralyfin produceret, quod etiam non fit. Denique multi epileptici fato defuncti post mortem ab Anatomicis & Medicis fuerunt dissecati, in quorum cerebro, nihil fuit in-

ventum, quod illud irritare, aut ventriculos ejus opplere potuisset.

Phlegma viscidum, glutinosum epilepsię causam esse tota antiquitas credidit, atque illud adesse, & in ventriculo remorari non solum in adultis, sed etiam infantibus ad oculum liquet, & quotidie observare licet infantes post rejectum vel vomitu, vel alvi fluxu istiusmodi viscidum & fœrens phlegma ab epilepsia planè liberari, aut ab eâ paululum respirare; cui phlegmati crasso cibus infantibus ingestus, ut lac, atque ex eo parata, ortum dedit. Ceterum phlegma illud viscidum non vapores ad cerebrum mittendo, uti antiqui Medici opinati sunt, sed extremitates nervorum ad orificium ventriculi extensorum aggravando, & malignâ suâ qualitate irritando, peccat, irritat autem quia onus molestum sibi incumbens excutere nititur nervosa ventriculi substantia, quæ si per supervenientem motum vehementem excutitur, paroxysmus definit, & tam diu inducias dat, donec nova materia se colligat, sin verò pertinacius tunicæ nervosæ ventriculi inhæret, fiunt convulsiones sine intermissione, vel tetanus.

Præterea, phlegma viscidum, glutinosum causam epilepsię esse, demonstrant causæ antecedentes epilepsiam generantes, ut legumina, aquæ palustres, caro fumo indurata, sale condita, pisces saliti, lactis & inde parato-
rum

rumus, quæ omnia epilepticis summe noxia sunt.

Quammaximè autem curatio morbum ejusque causam producit. Nam quæcunque tenaces & crassos humores incidere, attenuare, & per vomitum atque alvum expurgare valent, ea morbo huic horrendo medelam asferre possunt, quorum remediorum ingens est catalogus.

Veteres in hunc finem præ aliis commendabant bulbos squillæ, & oxymel ejus. Alii colocynthidem, hieram diacolocynthidis extollebant. Paulus, Ægineta euphorbium, baccas lauri, piper album &c. præscribebat, pilulæ de nitro Tralliani inter alia colocynthidem, bdellium, euphorbium admittunt, & ab authore contra morbum comitiales laudantur, quas pilulas etiam mirificè in hoc affectu commendat Manardus libr. 3. epistol. 16. Veteribus, inquit Guilelmus Ballonius libr. 1. consil. 60. erat non infrequens calidissima, ut euphorbium, castorium, sagapenum &c. præscribere. Quia epilepsiz humor viscidus, tenax, ideo pro suâ ablatione opus esse violenter & fortiter attrahentibus, qualia sunt theriaca, confectio anacardina, monet Zacutus Lusitanus de Medic. Princip. histor. 27. libr. 1. Rhafis in paraphras.

Non minus acuta, calidissima ad expugnandam epilepsiz causam multi recentiorum

orum Medicorum præscribunt. Cantharides supra ex Mercuriali tanquam epilepsiz viatrices proposui, radices pyretri cum Hippocrate Platerus libr. 1. observ. semen sinapi Carichter, semen saponariæ Borellus, spiritum vitrioli Quercetanus tract. de epileps. spiritum vitriol. compos. Mayerne, spiritum vitrioli cum spiritu salis armoniaci urinosi destillatum mirabiles in epilepsia deprædicant. Spiritum æruginis Digby effert. Quot sunt, qui Mercurialia in epilepsia suadent, & est cinnabaris nativa hodie in communi usu. Nonnulli à Mercurio dulcificato sibi omnia prospera in curatione pollicentur. Non desunt quibus præcipitatum placet. Mercurium per os ingeri debere affirmat Zacutus Lusitanus, & affert, Matthiolum libr. de Princip. Medic. histor. 1. quæst. 41. p. m. 130. 2. pulvere Joh. Vigonis ex Mercurio & aquâ forti constante plurimos epilepsia laborantes sanasse, quia Mercurius tenacem pituitam, & atram bilem vomitu & alvi dejectione educit. Præcipitato Solari puella epileptica à Willisio restituitur, uti is de morb. convuls. cap. 3. scribit, ubi salivationes per remedia Mercurialia concitatas in epilepsia suadet. Baccas juniperi Mayerne multos epilepticos juvasse asserit. Multidecoctum guajaci inter antiepileptica referunt. Mirabilia de syrapi Nicotianæ virtute in curandâ epilepsia adducit Zacutus

cutus Lusitanus de Medic. Princip. histor. 29. observ. 23. libr. 1. & plures epilepticos eo sanatos fuisse testatur.

At hæc omnia remedia recensita sunt acria, calida, immo nonnulla eorum caustica, & venenosa, & tamen contra epilepsiam à tot & tantis Medicis commendantur. Quia verò in horum censu etiam est helleborus albus, & oxymel helleboratum majus Juliani, quis adhuc dubitaret, etiam ea contra hunc morbum præscribere, & omnia bona ab ejus effectu sperare. Exinde etiam constat, neque veteres, neque Gesnerum in recensendis helleboratorum remediorum virtutibus aliquid nobis mentitos fuisse.

In epilepsiâ peccare phlegma viscidum, glutinosum, atque in curatione ejus conferre ea, quæ viscidum illud phlegma incidunt, attentuant, qualia sunt acria & caustica præ aliis, præter dicta etiam exemplo incubi, qui affectus sæpius epilepsiam & maniam præcedit, horum affectuum rudimentum est, atque à tenace humore nervis orificii ventriculi impacto, & agglutinato, atque ita molesto, ut viri pectori incumbentis speciem repræsentet, item exemplo febris quartanæ demonstrari potest. Nam novum non est epilepsiam superveniente quartanâ desinere: & aphor. 70. sect. 5, eos qui quartanâ corripuntur non admodum convulsionibus tenta-

ri, si verò tentati fuerint, superveniente quartanâ liberari, docet. Exempla hujus rei notata inveniuntur ab Helmontio tit. tussis & asthma. text. 26. p. m. 191. ab Salmutho observ. 84. cent. 2. â Theod. Mayerne Prax. libr. 1. cap. 3. quod probat epilepsiam & febrem quartanam ab unâ causâ progigni. At in quartanâ peccare humorem crassum, crudum, melancholicum, semiputridum, agnoscunt omnes. quem verò talem esse præter causas antecedentes & symptomata hanc febrem comitari solita, etiam curatio, quæ per Mercurialia, arsenicalia, & alia caustica remedia peragitur, docet. Si igitur hic humor crassus, crudus, limosus, ad sanguinem convertitur, fit febris quartana, sin verò ad partes nervosas ventriculi decubitat, generatur epilepsia, & utrumque morbum oriri â succo crasso melancholico ferè omnium Medicorum fert opinio. Est autem hic humor melancholicus, seu atrabilis. nihil aliud, quàm sanguis â multo & viscoso phlegmate incrassatus, limosus, glutinosus, redditus, qui ob suam crassitiem & visciditatem, quando in vasis imprimis mesenterii & lienis non ritè moveri & circulari potest, in iis stagnans aduritur, obstructions & tumores scirrhosos producit: & si dicitur sanguis crassus, id fit ratione feri glutinosi. Nam ut sanguis per omnes corporis partes moveri, easque transire possit, sero dilutus esse debet, quod

quod ei in corpore intime commixtum est, unde non male serum vehiculum sanguinis dici potest, quanquam in alio respectu sanguis sero pro vehiculo est, illudque ad partes promovet, uti alibi fuit dictum. Si igitur iusta est feri consistentia, tunc etiam sanguini eadem est, si verò illud suam justam tenacitatem non habet, & sanguis sero nimis dilutus & fluxibilior sit, tunc fiunt tabes, phthises, catarrhi, diarrhææ, dysenterix, sudores colliquativi, diabetes, hæmorrhagiæ narium, mensium, hæmorrhoidum, urinæ cruentæ. Contrarium accidit, si serum sit nimis crassum tenax, viscidum, tunc ipse sanguis eo inviscatur, glutinosus, crassus, & ad movendum se ineptus redditur, obstructions in vasis mesenterii, & ipsius lienis, viscere arteriis & venis ditissimo, parit, scirrhosos tumores producit, qui in vasis stagnans aduritur, & ipsi spiritus vitales corrumpuntur. Nam nervi ad officium suum peragendum opus habent spiritibus vitalibus puris, lucidis, qui verò corrupto & aucto sanguine redduntur impuri, tenebri- coli, unde melancholici & maniaci affectus exsurgunt. Similia proponit Exc. D. D. Joh. Dolæus Encyclop. Med. libr. 2. cap. 3. ubi ex chilo vitioso sanguinem crassiores & viscidiores, ex quo sanguine dein (ex hypothese communi loquitur) non possunt lucidi, & ad officium peragendum idonei, generari.

Immo

Immo sunt nonnulli Medici, qui ab horum succorum stagnatione omnes morbos produci autumant, inter quos est Bentekoe, quod verò falsum est. Nam uti dixi, sunt morbi, qui sero & sanguini fluidiori, & justo dilutiori ortum suum debent.

Hoc modo fuit ostensum, etiam ipsum succum melancholicum à phlegmate multo viscoso produci, quem nonnulli Medici acidum viscosum (uti D. Dolæus Encycl. med. libr. 1. p. m. 60. 2. appellant. Phlegmatis viscidum, glutinosum causa est cibus & potus humores crassos generans, qualia esse diximus: lac & inde parata; pisces, legumina, carnes, muriâ conditas, fumo induratas, cerevisiam recentem non probè defecatam, potus & usus aquarum palustrium, vina dulcia, item est aer crassus, nebulosus, curæ, mœror, & anxietas; vel causa est fermentum ventriculi debile, aut bilis parcius, aut non satis acris ad intestina delata, cibos in ventriculo & intestinis non sufficienter comminuentia, incidentia, attenuantia. Nam ut cibus in ventriculo comminuetur, natura in eo fermentum acidum posuit, qui ab eo resolutus in chili forma ex ventriculo exiens statim in intestino duodeno bile humore eadem acri excipitur, quo ab eâ ulterius incidatur, & fluidior chilis reddatur. Hic providentiam naturæ admirari licet. Nam cum in ventriculo acidum acre pro

pro ciborum comminutione produxisset, in intestinis, acre alkalinum posuit, quo simul humor acidus humore contrario bilioso temperaretur, & tamen ambo suas vires conferrent ad fluiditatem chilo conciliandam.

In diætâ etiam ingluvies multum nocet, quando plus ciborum assumitur, quàm ut natura rite fermentare, atque in bonum chilum convertere potest. E contrario fit, ut qui acidum, vel bilem justo acriorem habent, vel cibo & potu calidior utantur, sanguinem nimis fluidum nanciscantur.

Quapropter qui epilepsiz, maniz, melancholiz, febris quartanz curationi student, ante omnia id nonnunquam agent, ut phlegma viscidum, glutinosum evacuent, incidant, attenuent, atque eo ipso sanguinem à compedibus ejus liberum præstent, quo is sine impedimento cursum suum per omnes corporis nostri partes peragere queat. Ad quem effectum obtinendum remedia helleborata non minus, quàm mercurialia, & alia conferre possunt, & veteres Medici non sine ratione expurgandæ atræ bili helleborum destinabant, ceu quoque recentiorum illi non reprehendendi sunt, qui id ipsum per mercurialia emetica perficere tentant. Nam hæc remedia virtute suâ emeticâ non solum materiam peccantem ex ventriculo, & primis viis eliminabunt, sed etiam vi suâ causticâ simul crassos humo-

humores potenter attenuabunt. Unde recte Argenterius, uti ex eo Zacutus libr. 1. de Medic. Princip. histor. 25. Paraphras. vomitus, imperatur melancholicis non huius humoris ratione, sed ad pituitam expurgandam, quæ in his sæpe in ventriculo ob multas rationes gigni consuevit, cerebri & aliorum partium diros effectus paritura, velut in quartanâ, in quâ ob humoris motum in accessionibus, quarto quoque die ad ventriculum confluit, quæ nisi vomitu expurgetur, graviora damna efficere apta est. Vomitoria juxta doctrinam Willisii in melancholicis, uti etiam in aliis morbis cephalicis, conveniunt, quia iis ventriculi viscosa saburra, quæ animum sæpè aggravat, sic evacuatur, quâ expurgatâ liberius se & alacrius expandere possunt spiritus.

Quæ verba iterum nostram & Helmontii opinionem confirmant, quâ credimus mania & melancholia semen ut plurimum in primis viis & ventriculo stabulari, quod primariò ventriculum afficit, dum humor limosus, crassus & adustus ad nervosas ejus partes decumbit, atque per consensum cerebrum corrumpit, eo modo, quo diximus epilepsiam fieri existente causâ morbificâ in primis viis & ventriculo. Ita etiam Helmontius melancholia causam extra cerebrum & in præcordiis esse, atque circa os ventriculi expandi credit,

credit, prout venena facere solent, quæ vim habent dislocandi imaginationem, quæ non afficiunt primariò cerebrum, sed duntaxat præcordia & stomachum.

Quammaximè verò oxymel helleboratum tum ad evacuandum, tum alterandum succum melancholicum viscidum inserviet. In quo omnia simplicia illud constituentia, & ipse liquor, in quo ea decoquenda sunt, ad unum finem conspirant. Horum præcipua sunt helleborus albus & niger, esula, turpethum, radix ari, squilla, quæ unâ cum reliquis omnibus mirifica humores crassos incidendi, eosque fluxiles reddendi virtute polent, quorum efficaciam auget acetum, in quo decoctio peragitur, quod teste Hippocrate & experientia intra corpus assumptum ad resolvendum sanguinem summopere conducit. Nam suis acutis particulis serum tenax & viscidum incidit, attenuat, & ita sanguini liberio rem cursum per vasa procurat; & hæc est ratio cur acidæ obstructions tollant, quod faciunt non agendo in ipsum sanguinem, quem potius coagularent, sed serum attenuando. Hæ rationes probant oxymel helleboratum majus egregium esse remedium, neque ex simplicibus inconcinnis confiatum esse, nec Gesnerum illud immodicè laudasse. Quanquam non me fugiat multos Medicorum in efferendis suis medicamentis modum

modum excedere, quæ verò culpa præcipuè Chymicos arguit, qui, ut suis inventis famam aliquam concilient, nescio quorum arcanorum inventores se sæpius vanissimè jactant. Nam vir bonus non plus promittit, quàm præstare potest. Sed etiam irreprehensendi sunt, qui in reformatis aliorum remediis nimis præcipites sunt, & spiritus nimis censorio, uti Zwelferus vir aliàs industrius, aguntur. Injustum enim esse duco, experimentis aliorum eam fidem, quam tu tuis haberi vis, detrachere. Exinde fit, ut multa eximia remedia, & à veteribus tantoperè commendata, quandoque præter rationem ab aliis contemnantur, & tantùm non ad tartara depri- mantur, quod non fieret, si seculum nostrum non quandoque sibi nimis placeret, atque animi hominum solo veritatis studio duce- rentur, ita enim quisque aliena non injusto odio averfaretur, nec sua cæco amore nimi- um laudaret.

Similes querelas movet etiam D. Joh. Ludovic. Hannemann. observ. 63. Ephim. Nat. Curios. Decur. 3. anno 1697. & 1698. his verbis: In tussi laudo oxymel elleboratum "Excellentissimi Gesneri, quod vix amplius "in usu est. Nobis enim veterum industria " & studio inventa valdè sordent, utut vix me- "liora habeamus. Cum primis quasi Vatini- "ano odio acetum vel acida detestamur, quasi
hzc

hæc pestem & interitum indubitatum homini afferant, cum tamen illa acida medicamenta non rarò morbos curent, &c.

Æquiores oxymellis helleborati censorem se præbet Jos. Quercetanus Tetrad. graviss. capit. affect. cap. 16. p. m. 120. In eundem finem, inquit, uti etiam possumus oxymelle helleboraro majore Juliani toties in epilepsiam, aliosque id genus morbos de cantato à Gesnero: quod, ut ipse loquitur, mirificè abstergit, incidit, aperit, humores omnes, omniaque excrementa e corpore protrudit, ac meatus intus forisque referat: mira denique de eo prædicat Gesnerus, ita ut mirum sit, ipsum in Apothecis Pharmacopoeorum desiderari, & à Medicis ab usu quotidiano excludi. Hujus descriptio habetur in Pharmacopoeiâ Augustanâ, & alibi.

Ad defensionem oxymellis elleborati etiam dici potest helleborum album, & esulam in aceto coctam quodammodò corrigi, & mitigari, & certum est helleborata in decoctis & infusis usurpata minùs formidanda esse, quàm in substantiâ exhibita. Unde Matthiæolus in libr. 4. Dioscorid. comment. p. m. 486. Medici antiqui pulverem veratri albi propinabant comitialibus, melancholicis, vertiginosis, insanientibus, lymphaticis, convulsis, podagricis, resolutis, hydropicis, & elephantia, membrorumque tremore af-

Q

fectis

fectis, sed jam exolevit ejus usus, quod in pulvere non sine periculo dari possit, etsi ejus diluto quamplurimi absque incommodo utantur. Quamquam Henricus Smetius libr. 1. epist. 12. ellebori albi decoctum cum melle etiam vetustissimis Medicis, ut Oribasio, Aetio, Æginetæ in usu fuisse, illudque satis tutum deprædicet.

Ad objectum, nempe in curatione epilepsiæ remedium nervoso generi infestum, quale est helleborus albus, non locum habere posse, responderi potest, id verum esse, si convulsio oriatur à causâ acri, tenui, non verò si fiat à materiâ crassâ, tenace, orificiî ventriculi nervis impactâ, quæ pro suâ incisione & atenuatione acria & caustica remedia requirit. Nam in morborum curatione non ad eorum symptomata, sed (quod non semel alibi monuimus) causam est respiciendum.

Etsi helleborus uterque in substantiâ assumptus, docet Augustus Tønnerus libr. 6. epistol. 8. inimicâ suâ qualitate nervoso generi infestus sit, convulsiones excitando. in decocto tamen, vel infuso exhibitus removendo causam materiale, humores phlegmaticos & melancholicos evacuando, plurimum conferre, testimonium ferat ipsa experientia. Exin Heurnius in desperatis convulsionibus epilepticis, suum mel helleboratum summo opere deprædicat, & oxymel elleboratum

Juliani

Juliani in spasmodicis malis Gesnerus decantat.

Verum sunt nonnulli Medici, qui emeticis elleboratis nos non opus habere, & in eorum locum antimonialia tutiora surrogari posse autumant, uti Rollinccius credit, quod vero ego non credo. Nam utut emeticorum antimonialium virtus emetica sit egregia, non tamen vires helleboratorum æquabunt, uti ea etiam efficaciam mercurialium emeticorum non attingere jam ex Ludovico, & aliis docuimus. Habent enim elleborata & Mercurialia præter vim emeticam etiam virtutem visciditatem lymphæ incidendi, atque virtute suâ causticâ cruditatem ejus corrigendi, quæ antimonialibus remediis deest, atque ut helleboratis & mercurialibus remediis, exempli gratia, febres intermittentes quæcunque debellari possunt, ita solis antimonialibus id perfici non potest.

Hujus radicum diluto ex more nostro parato, testatur Matthiolus comment. in Dioscorid. libr. 4. cap. 146. hyeme etiam mediâ, & magis urgente frigore (etsi id impro- bent Medici) præparatâ prius diutius materiâ, decoctis, ac syrupis ad id facientibus plures quartanâ febre laborantes sanavimus. Nunquam enim, quod meminerim, hoc ellebori dilutum dedimus quartanariis nostris quin ex unicâ sumptione, vel saltem altera, Deo iuvante, fuerint sanitati restituti. Hic

Hic putat Rollinccius, uti ex ejus verbis tract. de purgant. vegetab. sect. 7. art. 1. cap. 27. apparet, Matthiolum helleborum nigrum intellexisse, atque experientiam ejus in dubium vocat. Licet autem verba Matthioli obscura sint, nec ita certe sciri possit, quamnam speciem hellebori is intellexerit, ex verborum suorum tam antecedentium, quam consequentium sensu tamen erui potest, eum albi magis, quam nigri, vel utriusque simul dilutum quartanariis propinasse. Nam antecedentia verba tam albi, quam nigri ellebori mentionem faciunt. In consequentibus inquit, se ellebori albi dilutum quoque melancholicis quibusdam magno cum successu exhibuisse, quasi diceret, non solum quartanariis, sed etiam aliis agris tale remedium se obtulisse. Est autem certum, & ab aliis Medicis etiam observatum, dilutum ellebori albi quartanis febribus mederi, quæ virtus verò helleboro nigro non adscribitur.

"In pforâ, leprâ, & elephantiasi elleborismus aliquando admitti potest, si affectus sit pertinax, & vires id ferant. Theodor. Mayerne tractat. 2. cap. 19. de morb. extern. per elleborismum autem intelligitur ille, qui fit cum helleboro albo, & si helleborum nuncupamus, albus intelligitur. Paulus libr. 7. cap. 10. quod etiam prædixit Galenus libr. 5. aphor. comment. 1. vel

Rx. axy.

℞. oxymel. squillit. elleborat. Julian. seu
Gesner. ā. ℥ss. infus. primæ croc. metallor. ʒx.
aq. card. benedict. ʒj. m. f. haustus emeti-
cus pro unâ vice. Idem loc. cit.

Sequens contra asthma est D. D. Hen-
rici Scretæ. ℞. oxymel helleborat. ʒiiij. mi-
xtur. simplic. ʒij. flor. sal. armon. spirit. ant-
asthmat. ā. ʒj. aq. fragor. ℥ss. m. d. cochleatim.

Contra asthma præscribere solebat D.
Joh. Jacob Wepfferus sequens ℞. syrup. de
erysim. Lobel ʒi℥. oxymel. elleborat. Ges-
ner. ʒij. gumm. ammoniac. in acet. squillit.
solut. ʒj. aq. hyssop. ʒiij. ol. destill. anis. gt. iij.
m. f. linctus itentidem cochleatim sumendus.

℞. oxymel helleborat. Gesner. ʒj. vel ʒi℥.
d. pro emetico. Idem tract. de Cicut. aquat.
cap. ultim.

Oxymel helleboratum Gesnericum cum
syrupo de erysimo Lobelii Joh. Muralto ob-
serv. 121. Ephimer. Nat. Curios. contra asth-
ma commendat, si sputum viscidum, lentum,
crassum ægrè succedit.

Ad menses ciendos Lindanus, uti ex eo
Michael Ettmüller notat, oxymel. hellebo-
rat. ʒj. vel ʒij. in decocto pulegii cum croco
exhibuit.

Ceterum ad evitanda omnia mala, quæ
âsumptione hellebori albi internâ evenire
possunt, eadem cautio, quæ in aliis fortioribus
purgantibus, est observanda.

Quoad externum hellebori usum notari meretur, quod de eo affert Joh. Langius libr. 2, epistol. 20. Vidi, inquit, certè non semel artis veterinariæ Medicos equos orthopnoeâ, aut quovis alio pulmonis vitio laborantes, quum alia remedia non sufficerent, trajectâ cum æneâ fibulâ, aut subulâ in pectore pelle, & insertis ex helleboro nigro radicibus feliciter curari. Id quod milites quoque in bello pestiferâ contagionis lue infecti, ac Medicorum opera & consilio destituti, facere & imitari audent. Infra quippe apostema aut anthracem, cute ad manus transversa latitudinem forcipe apprehensa, candente subula per cannam ex lamina complicatam cutem trajiciunt, & adurunt. qua repente extracta vulnus radicibus hellebori nigri buthyro delibutis adimplent, infixasque perferunt, donec per suppurationem exciderint, quo omne virus ad vulnus allici sibi persuasum habent, nec spe frustrantur. Atrox certè & crudele remedium, sed quid ni? decet enim talia labra tales lactucas. Attamen verum, efficax remedium & salubre est, virus a corde divertendi ratione, quod felici successu Casparus Keglerus Lipsiensis Academiæ Doctor in curandâ febre pestilentiali peritissimus expertus est. Hanc virtutem attractivam veneni pestilentialis in helleboro Langius ascribit occultæ qualitati,

nos verò qualitati ejus causticæ, quam in eo deprehendit. & agnoscit Zacutus Lusitanus, uti de Medic. Princip. libr. 2. histor. 29. Oribasil. Nam omnia caustica sunt venenorum pestilentialium attractiva, & fermento eorum putredinali summopere resistunt.

Ad scabiem, impetiginem sanandam maximus est hellebori utriusq; usus, item in tineâ, si inde parentur unguenta & lotiones, ut R. sulphur. ℥ij. hellebor. alb. ℥ß. Mercur. sublimat. ʒß. buthyr. veter. ℥iiij. m. f. unguentum. v. D. Stephan. Blanckardum Chirurg libr. 3. cap. 15. Vel

R. hellebori utriusque sulphur. viv. auripigment. lithargyr. calcis viv. vitriol. alumin. gallar. fuligin. ciner. clavellat. ā. ℥ß. aut secundum Gordonium ℥j. argent. viv. extinct. virid. æris. ā. ʒij. m. f. pulvis, tum R. succor. borragin. scabios. fumar. oxylap. ā. ℥iiij. bulliant. simul lento igne cum acet. ℥iiij. & fecis olei antiq. libr. 1. sub finem decoctionis addatur pulvis cum ℥ß. picis liquidæ, & ceræ ā. q. f. misce fiat unguentum certissimum in omni tineâ, scabie, malo mortuo, & morphæa, sed in adultis, & in affectu pertinaci tantum usurpandum. Mayerne tract. 2. cap. 17. de morb. extern. Huic unguento ferè simile supra cap. de Arsenic. ex Blancardo attuli.

Contra vermes in auribus contentos laudat Galenus de compos. pharmac. secund. loc. libr.

libr. 3. cap. 1. veratrum album cum melle in aurem immissum, vel aridum ejus pulverem insufflatum. Ad surditatem, aurium tinnitum p. m. 287. loc. cit. veratr. alb. 3j. castor. obul. j. spum. nitr. obul. 18. cum aceto utere.

Ad aurium tinnitum antiquum ceu præstantissimum commendatur rad. hellebor. alb. castor. ʒ. 3ij. costi ʒi8. rut. ʒij. euphorb. 3ß. colocynth. ʒj. amygdal. amarar. ʒj. coque in oleo rutac. in duplo vase per horam, & tepidè in aurem instilla. v. Ettmüller. cap. 15. de las. audit. Vel, quale est Claudii Deodati Panth. hygiast. libr. 3. cap. 21. p. m. 134. 1. ʒj. helleb. alb. 3j. castor. ʒi8. colocynth. nitr. 3j. euphorb. ʒß. coque in ol. rosac. ʒi8. acet. ʒiij. succ. pomor. ʒi8. ad oleitatem, per pannum coletur. Aliquot guttæ in aurem instillantur.

Rondeletii remedium contra auditus difficultatem expertum est sequens ʒ. hellebor. alb. ʒiij. fol. laur. rut. ʒ. man. 8. fol. fraxin. man. 1. f. decoctum in vino albo generoso, & oleo amygdalar. amarar. usque dum vinum consumptum fuerit: Liquor expressus auribus immittatur. Ratio effectus est, quia hellebori albi radix acredine suâ in ferositatibus ad organa auditus decumbentibus resolvendis magnarum est virium. Unde etiam alia acria in istiusmodi affectibus curandis sunt potentissima, qualia sunt colocynthis,

this, radix cucumeris asinini, cyclamen, radix pyrethri, capæ, fella animalium, allia, & spiritus formicarum, & inde parata ut aqua acuisfica Mindereri &c.

Polychrestum etiam illud Theodori Mayerne tract. de morbis extern. p. m. 393. cap. 6. contra tinnitum aurium Rec. rad. cyclamin. ʒj. rad. hellebor. alb. ʒß. pulp. colocynth. ʒiij. fol. serpill. rutæ, puleg. rorismasin. laur. ā. man. i. calamenth. organ. ā. man. iß. f. decoctio in vase clauso cum aceto, aqua & vino, calidæ decoctioni imponatur infundibulum, & immixtis per vices filicibus candentibus per laterale ollæ foramen excitetur vapor excipiendus in aurem manè jejuno ventriculo.

In officinis prostat unguentum ad pediculos usitatum, quod non parvam hellebori quantitatem admittit.

Ingreditur etiam helleborus albus pulverem acutiorem ad suppositoria Augustanorum Pharmac. item ad suppositoria sicca. Ut ʒ. specier. hieræ picæ. ʒiß. colocynthid. pulveris. ʒvj. hellebor. alb. pulveris ʒj. salis commun. ʒiij. farin. frument. ʒxviij. cum vitellis ovor. & melle despumato q. s. f. suppositoria, quæ verò gravidis juxta præceptum Doct. Augustanorum non sunt applicanda.

Inter sternutatoria etiam refertur helleborus albus, Germanis ideo Nieswurz appellatus,

latus, quod probat hanc radicem esse valdè acrem, irritandi facultate præditam.

Ex eo talis pulvis sternutatorius concinnari potest. \mathfrak{R} . rad. hellebor. alb. sem. nigell. \mathfrak{a} . \mathfrak{z} ij. herb. major rorismar. salv. \mathfrak{a} \mathfrak{z} ij. ambra gryf. mosch. \mathfrak{a} . gr. viij m. f. pulvis subtilissimus. D. Lentilius Miscell. med. libr. 3. p. 97.

Ad pediculos & lendes capitis occidendos & abigendos Joh. Jacob Wecker tractat. de Secret. cap. 24. libr. 6. helleborum album, nitrum, & staphisagriam, & oleum de Serbin (seu Sabinâ) conjunctim & divisim valere affirmat.

Ad cimices abigendos \mathfrak{R} . absinth. man. 1. rad. hellebor. alb. \mathfrak{z} j. coq̃ in lixivio usque ad tertiæ partis consumptionem, quo juncturæ lectorum inungantur. Idem ex Roscello cap. 23.

Ad scabiem equorum probatum est remedium, si \mathfrak{R} . axung. porcin. libr. β . ol. laurin. $\mathfrak{z}\beta$. argent. viv. \mathfrak{z} ij. ellebor. alb. \mathfrak{z} j. miscé optimè. Idem author loc. cit. ex manuscripto.

Hanc hellebori & aliorum venenorum in expugnandis etiam pertinacissimis morbis externis summam virtutem dum considero duo potissimum subit mirari; primò quod plurimi Medici hætenus crediderint venena propriè dicta naturæ nostræ ita infensa esse,

se, ut nullo modo in medicamentorum partem & consortium venire queant. Nam si dantur talia, ea non solum internè sumpta, sed etiam externe applicata erunt periculosa, cum tamen experientia quotidie ad oculum demonstret, venena etiam proprie dicta, qualia sunt arsenicum, Mercurius sublimatus, præcipitatus. cantharides &c. in affectibus externis esse saluberrima remedia; secundo, si venena in debellandis morbis externis sunt tantarum virium, & causam morbificam tam fortiter aggrediuntur, uti hoc facere certum est, cur id ea facere posse etiam internè data negetur, vel dubitetur? cum potius virtus hisce remediis insita, quam in tollendis morbis externis obtinent, probet, ea etiam ad internos affectus sanandos non minùs esse valitura, quia causa morbifica, quæ affectus internos generat, sæpissimè ejusdem est naturæ & fortis, quæ externorum mater est, nec ab eâ aliter differt, quàm ut ea internum, ita illa externum morbum producit. Sic exempli gratia mihi absurdum esse videtur, Mercurialia remedia modò dicta, si externè applicentur, in miasma putredinale, corruptivum luis veneræ, ulcera & tumores malignos producents multum posse, atque eandem virtutem iis, si internè exhibeantur, denegare. Ex quo manifestum redditur, nullum venenum in naturâ esse, quod non modò externè, sed etiam internè

ternè officio remedii non fungi queat. Si verò dicitur, concedi quidem posse, venena rerum naturalium (nam de præternaturalibus & morbofis hîc nulla est quæstio) agere in causas morborum, easque destruere posse, simul verò, si internè sumantur, lædere corpus, atque eam læsionem formidandam esse, cum ea multò major sit, quàm utilitas, quæ ab actione remedii in causam morbificam expectatur, tunc respondetur etiam eam læsionem per prudentem administrationem remedii, & accisam ejus dosin, evitari posse, nec usum remedii venenosi remorari posse.

Quia helleborus albus est remedium vehemens & violentum, ideò ad vim ejus refranandam Medici varias tentabant correctiones & præparationes.

Veteres radículas ellebori albi raphano infixas per noctem servabant, postridiè raphanum exprimebant, succique ℥j. porrigebant; cum ptisanâ, cujus loco sumi potest pinatella liquidior ad os ventriculi humectandum, ne convellatur.

Alii, quæ præparatio priore melior & gratior, radicis ℥ss. infigunt frustulo mali cydonii, & in eo coquunt, postmodum extractis radicibus datur comedendus bolus ille, vel ex eo succus expressus diluitur vino, jure pingui alterato semine citri, daturque hauriendus. Redditur, inquit Prævotius Medic. Pauper. p. m.


p. m. 66. elleborus albus longè mitior, si radix emedullata post debitam infusionem finatur aliquandiu in aceto bulliri, deinde siccetur, & ad usum fervetur. In hunc finem etiam commendat acetum cydoniorum, vel aliud alteratum aliquo stomachico frigido & astringente. Dosis ℥ss vel ℥j. non in substantiâ, ne os ventriculi convellatur, sed in infusione.

Idem est consilium D. Augustanorum Medicorum, sed emedullationem tanquam inutilem, impossibilem, & ex curiosi cujusdam cerebello profectam rejicit Joh. Zwelfferus.

Purgantium fortiorum, uti Euphorbii, Esulæ, colocynthidis, elaterii, helleboratorum vel fortè & imprudenter, vel malitiosè exhibitorum antidotum est lac bubulum recens, calidum, ita enim vomitus & alvi fluxus enormes non semel repressos vidi, & expertus sum. Nam lactis pinguibus & unctuosus particulis purgantium acres ventriculi & intestinorum irritativæ obtunduntur & inviscantur, atque ita effrœnis eorum vis purgatrix subflaminatur. Lacti naturali substitui potest artificiale ex amygdalis dulcibus, seminibus refrigerantibus, & aquâ rosarum paratum, item vinum cydoniorum, granatorum, corallia rubra, cum eorum tinctura, C. C. ustum, crocus Martis astringens, laudanum opiatum, theriaca

theriaca coelestis, quatenus virtute suâ narcotica partes læsas & irritatas obstupefaciunt. Quandoque, & quam maxime in hypercatharsi, vomitus per mitia emetica concitatus, prodest, ita enim purgans in ventriculo remorans è corpore ejicitur.

Mayerne Prax. libr. 3. cap. 12. p. m. 434. utriusque hellebori virtutem ex corpore mulsam, item decoctum uvarum passarum, hordei, aut gallinarum cum oleo amygdalarum dulcium & similia deturbare statuit.



Caput XII.

De Lapide Lazuli.

Lapis Lazuli est lapis opacus, sapphiri colore, aut florum cyani, aureis punctulis aut flammulis exornatus. Ex eo color conficitur cyaneus, quem ultramarinum vocant.

Etiam hunc lapidem venenosum esse ex Avicennæ verbis libr. 2. tract. 2. cap. 37. colligi potest, quibus ei facultatem tribuit putrefacientem, ustoriam, & exsiccatoriam. Lapidis Lazuli, & Armenii, ut venenosorum mentionem facit Andr. Matthiolus comment. in Dioscorid. libr. 5. cap. 59.

At Zacutus Lusitanus Pharmac. distinct. 3. cap. 2. crudum lapidem Lazuli venenum quidem

quidem esse, præparatum verò & lotum ne-
tquam, concedit. Lavatur enim, inquit Joh.
Schroëderus Pharmac. libr. 3. cap. 8. 11. ut a-
crimonia & vis exurendi in eo auferatur,
quod etiam omnes Medici veteres credide-
runt. At lotionem ridiculam, ineptam &
planè inconsideratam nominat Joh. Zwelffe-
rus animadvers. in Pharmac. Augustan. Si
enim (infert) illud quod eluitur, sive quod à
lotione in fundo remanet, inspicio, utrumque
vel purus pulvis lapidis Lazuli, si purus ille,
vel lapillis & faxis permixtum, si is saxosus
fuerit. Porro, sive purus sive saxosus sit lapis
Lazuli, nullo plane sapore imbuet aquam,
qui signum esse posset perfectæ lotionis.

Huic censura succinit Frider. Hoffma-
nus & addit, experientiam cuilibet manifesta-
turam esse, falsum esse, ablutione præparatum
vomitum non movere, non lotum autem hoc
perficere, cum tam non lotus, quàm lotus,
ἀνὰ καὶ κατὰ purget. Afferit etiam hujus
lapidis virtutem ab antimonio non dissimi-
lem esse, susque deque purgantem omnes
humores.

Verum non me admodum sollicitum ha-
bet venenata & purgans illa qualitas lapidis
Lazuli, quæ alios tam sollicitos habet, sive il-
la lotionem pereat, sive maneat, nam vim La-
zuli exurentem præparatione non tollendam
esse, quia illa ipsa medica est, & ægrotis salu-
taris

taris, sed magis servandam censeo, ut quæ potissimum in causam morbi agit.

Ceterum virtus huic lapidi inest contra atram bilem, & omnes ab eâ ortos morbos, ut febrem quartanam, melancholiam, epilepsiam, lienis vitia, incubum, lepram, quos curat, & ab iis præservat. Animum hilarem facit, tristitiam abigit, corpus floridum conservat, thoracem & pulmonem à crassis humoribus repurgat. vide Zacut. Lusitan. loc. cit Joh. Schröderum & alios.

D. Joh. Dolæus Encyclop. Med Dogmatic. libr. 4. cap. 1. & 8. lapidem Lazuli in intermittentibus ante paroxysmum à 3i. ad ʒj. in spiritu vini traditum sibi pro singulari secreto esse scribit, quod capite octavo loc. cit. repetit. Quod præcipitando causam febrilem efficere ajunt, quanquam, ut verum fatear, non capiam, quid hic terminus Medicis hodie adeò usitatus sibi velit. Nam præcipitare, est rem in liquore quodam solutam per alium liquorem injectum ad fundum dejicere, quomodo verò hic terminus chemicus ad usum practicum accommodari possit, non video. Nam nihil tale huic simile in febribus intermittentibus accidit. Nisi fortè respondeatur verbum præcipitare causam febrilem metaphoram esse, atque idem dictum, quod fermentum febrile extinguere, destruere, non aliter, ac quod in præceptis dejicitur, perire & corrumpi.

corrumpi solet. Quapropter potius dicendum est, virtutem exurentem lapidis Lazuli, uti etiam arsenici, Mercurii præcipitati, licet ea multo major & fortior sit, imprimis in spiritu vini exhibitæ, fermenti febrilis cruditatem corrigere, auferre, humores crassos incidere, attenuare, & obstructions aperire.

Frider. Hoffmannus Pharmac. med. chymic. libr. 3. cap. 8. §. 147. admirandam vim confortandi, & maniacum & melancholicum miasma expellendi, si philosophicè præparetur, ei attribuit. Mihi ex hoc lapide sequentia præparata potissimum arrident.

Calcinatur lapis Lazuli in fornace laterum, deinde aquâ vitæ solvitur calcinatus. Hâc solutione Fiorevantus multos morbos & febres malignas se curasse scribit, & ulcera etiam pessima in optimum statum ad miraculum usque rede gisse.

℞. flor. sal. armon. in destillatione spiritus salis armon. adscendentium & alcohol vini hispanici q. s. misce & digere, & habebis menstruum, quod superfunde lapidi Lazuli subtilissimè trito, & statim extrahet in modico calore digestionis tincturam cœruleam, cujus dosis a ʒss. ad gr. ʒss. in delirio.

Tinctura cum spiritu salis armon. urinoso præparata commendatur in quartanâ, epilepsiâ, apoplexiâ, maniâ, melancholiâ, &c. ab acidis humoribus ortis, dosis est gutt. 10.

R

ad

ad 20. vel ultra Frider. Hoffmann. Pharmac. Schröder. loc. cit.

Quâ ratione verò lapis Lazuli tantam vim in edomando succo melancholico & maniaco, nec non aliis morbis curandis exferat, non difficulter ex jam allatis intelligi potest, & quod maxime virtuti causticæ hujus lapidis adscribendum esse censemus. Quamvis in morbis melancholicis & maniacis, in quibus ignis seminarium esse Montanus olim statuit, atque omnes Medici præservidam spirituum dispositionem esse agnoscunt, minus quadrare videatur remedium acre, calidum, immò adurens. Nam in curatione morborum non semper symptomata sunt spectanda, sed potissimum, ut jam alibi docui, causa morbi. Et quamvis mania & melancholiz symptomata remedia acris & calida respicere videantur, causa morbi tamen nobis aliud faciendum esse injungit. Illa sæpius (non vero semper) in morbis maniacis & melancholicis, & epilepticis est humor viscidus, glutinosus, sanguinem iacraffans eumque ad circulationem & motum in vasibus perficiendum ineptum reddens, qui deinde in venis & arteriis mesaraicis stagnat, stagnans adurit, adustus ipsos spiritus vitales corrumpit, quibus corruptis ipsum judicium depravatur, & deliria omnis generis producuntur, quia cerebrum & nervi ad suas actiones per-

perficiendas spiritu vitali puro & lucido opus habent. Humorurn stagnationem in morbis melancholicis adesse præter alia etiam indicat, quod in melancholiâ & maniâ defunctorum cadaveribus in mesenterio sæpius vasa varicosa, sanguine crasso distenta fuerint inventa, quia sanguis præ crassitie venas imprimis minores non transire potens, eas copiâ suâ dilatabat, quod multi Medici ut D. D. Mortonius, Bonnetus, Gregor. Horstius & alii observarunt. Quare ad curationem mania talis & melancholia nihil magis est necessarium, quàm sanguini suum liberum cursum iterum procurare, & stagnationem ejus remove, quod fit, si humor viscidus & pituitosus vel expurgetur, vel incidatur, & attenuetur, quorum utrumque inter alia hoc præstare poterit lapis Lazuli, virtute emeticâ, purgatoriâ & causticâ humores expurgans, attenuans, resolvens.

Ad hunc finem obtinendum Medici veteres & recentiores etiam alia pituitæ incisiva, & expurgatoria adhibebant, ut colocynthidem, & ejus potissimum bove arantem notissimam confectionem Hamech, item helleborum album & nigrum, oxymel squilliticum, omnia acria, calida & caustica remedia, ut etiam in incidenda, & per spuitionem deinde educendâ blennâ viscida etiam Mercurialia insignem navare possunt operam, &, obser-

vante idipsum Thomâ Willifio & aliis; per salivationem à Mercurialibus excitatam multi maniaci & melancholici fuerunt curati.

Hic Medicis tam veteribus, quàm recentioribus, quorum illi morborum causam atrabili, hi verò humoribus acidis adscribere solent, litem movere possumus, atque dicere, atram bilem veterum, & ei comparatum acidum succum recentiorum non esse causam efficiensem affectuum melancholicorum, sed eorum productum, atque effectum, quia dum sanguis crassior, tenax & glutinosus per vasa, imprimis lienis & mesaraica præ crassitie non ritè circulari & moveri potest, ibidem stagnans nigrescit, acescit & acrescit, non secus ac vinum, cerevisia, loco calido servata in acorem degenerare solent. Aliis enim humores acidi, acris particulis præditi, humores crassos, tenaces, magis incident & attenuabunt, quàm eos inspissabunt, ceu quoque acida in remediis contra morbos melancholicos usurpata sæpius sanguinem fluidiorem reddidisse, atque in expediendis obstructionibus non minimam operam conferre, quotidie experiri licet. Ob similem rationem statuo, atram bilem non morborum melancholicorum causam esse posse, quia si hoc esset, sanguis à remediis calidis, immo quandoque causticis, magis adureretur, & affectus exasperaretur.

Qua-

Quapropter magis phlegmati glutinoso, sanguinem incrassanti, & ad motum ineptum reddenti. quàm alii rei affectuum melancholicorũ causam adscribendam esse, non solum causas antecedentes in diætâ istiusmodi crassum phlegma generantes, & ipsa morborum symptomata eandem causam indicantia, sed etiam curatio per ea, quæ quoquo modo crassum sanguinem incidere, eumque fluidiorem reddere valent, instituta probat, qualia sunt non modò dicta & recommendata remedia, sed etiam, alia, ut spiritus & salia volatilia urinosa, tinctura tartari, essentia trifolii fibrini, gummi ammoniacum, sagapenum & alia calida gummata, radix ari præparata, beyoniz, in nonnullis casibus chalybeata, acidulæ, decoctum Coffe, Theè, suffitus Tabaci. Cur verò istiusmodi obstructions potissimum lienem & mesenterium obsideant, causa est, quia hæ corporis partes præ aliis multis venis & arteriis, iisque exilibus sunt præditæ, quorum meatus angustos non transmeare potens sanguis crassus eos obstruit, & quandoque tumores scirrhosos in iis producit.

Præcipuum medicamentum, quod lapis Lazuli ingreditur, est confectio alkermes completa, & incompleta, at contra rationem factum esse videtur, confectiioni confortativæ addere purgans, & quidem venenositatis suspectum remedium. Ad hoc respondet Fri-

dericus Hoffmannus libri 3. cap. 8. §. 147. inanem esse metum de vi purgativa lapidis Lazuli, eam enim in sale volatili consistere putat Petrus Poterius loc. cit. per calcinationem verò & alio modo corrigi potest, ut in confortantem degeneret. Verùm nec veteres, ut Mesue, reprehendendi sunt, qui lapidem Lazuli non aliter nisi solâ lotione præparatum huic confectioni addebant. Inest enim lapidi Lazuli duplex qualitas medica, una purgativa, altera incidens & attenuans crassos melancholicos humores. At non eâ quantitate lapis Lazuli confectioni alkermes additur, ut vim suam purgantem exserere possit, exserit igitur solum alteram, ut ita non sine fructu sit additio remedii succos melancholicos crassos incidentis in confectione, quam tristitiam dispellere, lætitiâ parere Medici tradunt, & cujus reliqua ingredientia sunt ejusdem cum lapide Lazuli virtutis, quod probat observatio Amati Lusitani de quodam, qui ex frequente confectionis alkermes usu grave sanguinis stillicidium passus est, quod verò Amatus propter lapidis Lazuli resolventem vim accidisse credit. Fridericus Hoffmannus autem magis ambra, moscho, dulcibus, quàm lapidi Lazuli hunc effectum attribuendum censet, hæc enim fermentationem præternaturalem in massâ sanguineâ excitasse, sanguinisque impetum promovisse.

Quod

Quod ut de ambrâ, moscho, saccharo verum est, ita nec de lapide Lazuli negari potest, quem non minùs, quam ambram & moschum sanguinem fluidum reddere, atque hoc modo morbis melancholicis mederi, ipsa res indicat. Unde in officinis prostat confectio alkermes completa, & incompleta, quarum illa moschum & ambram recipit, hæc verò non, & tamen utraque profligandæ melancholiæ destinatur, quod ideò factum est, quia hystericae mulieres, atque multi melancholici & maniaci fumosas moschi & ambræ ex ventriculo ad caput adscendentes exhalationes non perferre possunt.

Neutiquam igitur confectio alkermes convenit iis, qui sanguinem fluidum & subtilem habent, ut neque iis, qui ad talem proni sunt, exspuitioni sanguinis, hæmorrhagiis narium, mensium, hæmorrhoidum, obnoxii sunt.

Externè lapis Lazuli imprimis in exsiccandis ulceribus vim & virtutem suam exerit. Senior Francisc. Nicolini Romanus, lapidum pretiosorum Mercator, pulverem quendam habuit, quo, id vidente & testante Mayerne, tract. 2. cap. 12. de morb. ext. maximas perfecit ulcerum curationes. Dixit hic vir, se varios habere pulveres è lapidum fragmentis in alkalol reductis constantes. Commendavit inter omnes lapidem Porphyritem, Lazuli, aquilinum, & Smyridem durum. R 4 Ca.

Caput XIII.

De Nicotiana.

Nicotiana planta est exotica, atque primum ex novi orbis, qui ab inventore suo America nomen habet, provinciis ad nos transportata, jam verò etiam in nostris terris culta. Virginiana & Brasiliensis omnium optimæ esse censentur. Non sunt adhuc ducenti anni, à quibus usus ejus nostratibus innotuit.

Hæc herba, sive vitia ejus spectes, sive virtutes, helleboro albo consimilis est naturæ. Quippe acris, caustica, sternutatoria, naribus attracta pituitam ex iis, masticata ex ore eliciens, emetica, purgatoria, si internè sumatur, immo nisi caveas, periculosa, venenosa, convulsionem & mortem affert, & juvando, & nocendo, ut venena solent, non medica.

Venenositatem ejus quam maxime prodit oleum ex eâ destillatum, cujus guttæ aliquot, si animali dentur, tanquam præsentissimum venenum, illud statim interimunt.

Aliquot personæ brodium prunorum damascenorum, cui frustulum tabaci à quodam homine malitioso additum, & incoctum fuerat, sumunt. Omnes insigni cordis anxietate, lipothymia corripuntur, vomunt,

munt, semimortuæ jacent, adstantibus Sa-
cerdotem, Medicum, Chirurgum, agnatos,
accercentibus. Vide observat. D. Gabriel,
Clauder. 206. Ephim. Nat. Curios. Decur. 2.
Anni 8.

Procurator quidam mihi familiaris, re-
fert Petrus Borellus centur. 4. histor. & ob-
serv. 31. ad tabaci usum provocatus à sociis
tandem accepit ejus fumum ore, sed nesci-
ens illum rursus evomere, fumum illum
hausit, unde se adeo malè habuit, ut icterum
sibi contraxerit, quo tamen liberatus fuit usu
conservæ flor. genistæ, & calendulæ, sed hæc
testantur venenati quid in tabaco latitare.
Muscas observavi mortuas ut plurimum in
officinis juxta tabacum.

Nocet tabacum, fungi, & quæ propter
occultum virus latè serpens vires vitales
consternunt. Helmontius tit. Mortis occas.

Quare Joh. Schröder. Pharmac. med.
libr. 4. Class. 1. 229. in ejus usu cautione o-
pus esse monet, exhiberi enim eam internè
pro vomitorio, sed sat violento, quâ ratione
curat febres, similesque morbos.

Digna sunt, ut adducantur, quæ de ejus
utilitate notat, Zacutus Lusitanus de Medic.
Princip. libr. histor. 29. observ. 23. Mirabi-
lia sunt, quæ de nicotianæ utilitate referunt
authores, præsertim Monardus & Clusius,
sed mirabilius est, quod de ejus efficaciâ pro-
debel.

„debellando hoc morbo (epilepsiâ) expertus
 „sum. Plures natu grandes vidi, quibus plu-
 „rima auxilia, nec cauteria in capitis ambitu
 „aperta, diuque servata opitulari potuerunt,
 „immo malo in pejus ingravescente, vitam
 „cum morte commutassent, accessionibus sz-
 „vissimis epilepticis prehensi, nisi hoc excel-
 „lens, aut ut melius loquar, antidotum prae-
 „stantissimum, tantum malum extinxisset.
 „Fuit autem serapium ex melle & succo foli-
 „orum nicotianæ paratum, quo lambitivi mo-
 „do, bellè prius purgato corpore, tribus horis
 „post cœnam, quadraginta dierum spacio,
 „quantitate trium unciarum usi sunt. & nul-
 „lus unquam passus est recidivam.

Eadem confirmat Lazarus Riverius l.
 1. pract. cap. 8. ubi syrupum de Peto Querce-
 tani maximam vim ad curandam epilepsiam
 habere asserit; verum non nisi à prudente
 Medico usurpandum, quia vehementissimum
 est remedium.

Quantum nicotiana ad epilepsiz curati-
 onem contribuat, id D. D. Joh. Ludovici Han-
 nemanni observ. 5. 1. decur. annor. 2. seu 3.
 Ephimer. nat. curios. docet, in quâ recense-
 tur, quandam epilepticam per clyisma ex de-
 cocto foliorum nicotianæ in cerevisiâ secun-
 dariâ facto, tantâ efficacîâ alvum & vomitum
 concitante, ut ægra animam agere videretur,
 cum sanitate in gratiam rediisse.

Deco-

Decoctum tabaci cum saccharo, & illius fumus mirum est medicamentum ad rum-
pendam vomicam suppuratorum, seu em-
pyematicorum, & Deum testor, me anno e-
lapso à morte ad vitam revocasse quandam
meam vicinam filiam Lauræ Buffæ, quæ jam
per tres menses erat pleuritica, suppurata
cum febre hæctica, quæ ab hujus decocti
sumptione per tres vices, & ab hujus fumo
accepto tribus diebus plus sex libras puris
albissimi tussi evomit. Remedium ita præ-
paratur. R. fol. tabac ʒj. bulliant in aq. ion-
tan. libr. 2. ad medietatis consumptionem,
in fine adde fol. malv. branc. ursin. viol. ā.
man. i. coletur, & cum saccharo misceatur,
atque pluries calidè sumatur. Epiphanius
Ferdinandus histor. med 32. Qui histor. 45.
quandam virginem empyematicam per deco-
ctum nicotianæ & ejus fumum, nec non tere-
binthin. ʒj. in aq. hordei lotæ & bis sumptæ,
à quibus remediis secuta mira puris per tuf-
sim, & in multâ quantitate excretio, curatam,
hæcque remedia eum nunquam decepisse,
sed semper cum felicissimo successu se usum
fuisse, itidem testatur

Ad asthma laudat syrupum ex decocti-
one tabac. tussilag. ā. man. i. coquendo in
aqua ad tertiæ partis consumptionem, adden-
do sacchari parum.

Eosdem syropos in pleuritide, asthma-
te.

te, & empyemate præfert aliis omnibus remediis Joh. Michael. Prax. part. 1. libr. 3. cap. 6. & 7. Confer etiam Mich. Ettmüller comment. in Joh. Schröder. & Morell. de syrup. ubi syrupum de nicotiana in dispnoea & asthma infantum quoque commendat.

Hunc autem suum effectum nicotiana debet suæ virtuti vulnerariæ. Nam miram habet vim ulcera interna & externa ad consolidationem perducendi. Præterea crassos & viscosos humores incidit & attenuat.

Non minus oxymel suum de Peto extollit ipse Quercetanus Pharmac. Dogm. restit. libr. 1. cap. 10. descriptum. Ejus cochlearia aliquot usu postulante exhibeantur. Est purgatorium, inquit, mirabile, non solum pituitæ crassæ, sed & bilis flavæ, itemque nigre, anhelosos thoracis & ventriculi affectus juvans, & denique ad omnes morbos inveteratos laudatissimum remedium. In ejus usu cautione & diorismo opus est, augenda enim vel minuenda dosis pro ægrorum ætate & viribus. Aliquando vomitum ciet, qui contingit ratione Peti, quod in vomitu provocando pares vires cum helleboro & antimONIO habet, si solidarium, & per se exhiberetur. Sed alia purgantia, quæ admiscuntur cum aceto (quod primas dotes in corrigendo & demulcendo obtinet) vehementiam ejus remittunt, & eorum ope præstantissimum & efficacissimum remedium constituunt. Ex-

Externè multiplex est nicotianæ usus, vel enim in formâ pulveris pro sternutatorio naribus attrahitur, vel folia exsiccata mastican- tur pro apophlegmatizante, vel fumigatur, vel in cataplasmate, unguento, emplastro, deco- cto pro lotionè applicatur externis partibus.

Nicotianæ folia viridia oculis imposita, eorum inflammationem & incendium extin- guunt, atque cum cicutâ, solano, mandragorâ in oculorum doloribus similes habent vir- tutes ophthalmicas. vid. D. Joh. Dolæum, Encyclop. chirurg. libr. 1. cap. 10.

Eadem unguibus imposita, eorum in- flammationes extinguunt, exemplum hujus rei vide apud Fel. Platerum observ. p. m. 488.

D. D. Waldschmidt in tineâ laudat fucus cum aquâ calcis vivæ, vel ferratæ, in cujus ꝑxx. nicotian. man. ij. fuligin ꝑij. bullierint.

Nicotiana mammis imposita lac poten- ter discutit, authore Sandiez in observat. 5. Michael Ettmüller de lact. vitiis. p. m. 236. Et hoc nicotiana cum aliis herbis narcoticis commune habet.

Ejusdem folia cocta, & calidè collo impo- sita, strumas ejus resolvunt exemplo cujus- dam Centurionis militis Galli, qui in filio suo ingentem strumam ita dissipavit. Eadem in suggillatis â casu, contusione sanguinem extravasatum resolvunt. Lateri sinistro in regione lienis applicata scirrhus ejus duri- tiem

tiem dissipant, obstructions ejus referant. Bubones, anthraces pestilenciales ad maturitatem perducunt. Ventriculo imposita ejus dolorem gravativum auferunt, appetitum excitant. Calidè pubi imposita in mulieribus uterum earum calefaciunt; umbilico, vermes necant; membris podagricis, eorum dolores mitigant. In gargarismate calidè usurpata tumori uvulæ medentur. Decoctum foliorum, si eo caput lavetur, ejus ulcera sanat, si facies, ejus deformitates & pustulas dispellit, cutem scabie, impetigine, lichenibus, pathiriâsi, lepra, achoribus, favo, corruptam & deformatam sanat. Refert Petrus de Crâscen-
tiis exemplum mulieris, quæ intra decem dies à fœdis faciei ulceribus per decoctum nicotianæ restituta fuit, postquam eo partes affectas lavasset. Unde Dan. Isudovici pro scabiosis essentiam nicotianæ commendat.

Nicotianam calidè parti ambustæ impositam, eam sanare testatur Joh. Schroeder.

Prostat in officinis unguentum ex nicotianâ, cui Joubertus miram vim in scrophulis dissipandis adscribit. Quod etiam in ulceribus recentibus & antiquis persanandis celebratur. Adusta quoque juvat, morphæam delet, tineam capitis exterit, & cutem à scabie mundificat.

Eodem unguento in omnibus vulneribus consolidandis, tineâ capitis, ejusque scabie

bie curandâ, pediculis abigendis miram attribuit virtutem Mich. Ettmüller. Comment. in Schröder. & Morell. Nam notum esse, quod solum decoctum nicotianæ vulneribus infusum, vel si vulnera eo fuerint ablata, valde ad eorum consolidationem faciat. Decoctum guajacicum nicotianâ fistulis pro earum consolidatione injiciendum esse idem præcipit loc. cit.

Unguentum Nicotianæ sine quo nullus Chirurgus esse debet. *℞.* succi nicotian. vini albi, axung. human. *ā. q. s.* coquantur perpetuò agitando ad succorum consumptionem. Coletur, hujus unguent. libr. 1 adde Mercur. præcipit. *℥j.* plus minusve. Adde ceræ parum, & coque ad consistentiam. Si nimis sit validum, temperetur ovi vitello crudo agitato cum saccharo, addi quoque potest succus plantaginis, terebinthina, & resina colophoniz. Theod. Mayerne tract. 2. c. 2.

Heimici Scretæ à D. Rosino Lentilio part. 3, miscell. med. descripti tale est *℞.* succ. nicotian. *℥ij.* ceræ citrin. *℥ij.* resin. pini *℥ij.* terebinthin. *℥j.* ol. olivar. *q. s. s.* ceratum, quod adjectis *℥ij.* Mercur. præcipit. fortius reddi potest. Usus in ulceribus cacoethicis quæ mundat, consolidat.

Emplastrum antiquarium J. E. H. in thesauro Pharmac. Frider. Hoffmanni sect. 10. §. 12, describitur tale. *℞.* tabac. *q. vis.* affunde

de f. q. vini, coque ad ebullitionem per dimidium horæ spacium, postea coletur, colaturæ adde mellis communis, ceræ & olei de capparib. f. q. f. emplastrum, quod tepidè leni applicetur.

Nicotiana ingreditur etiam emplastrum D. D. C. ad scrophulosos, scirrhosos & nodosos tumores planè irresolubiles resolvendos, quod etiam loc. cit. §. 20. descriptum cap. de Cicutâ adducemus. Et hoc est certum in resolvendis & emolliendis tumoribus duris, scirrholis nicotianam esse potentissimam.

Communissimus usus tabaci est ejus fumigatio, Olim cum primum hæc planta nostris hominibus innotuisset, solum vilis plebecula hujus fumigationis studio tacta erat, melioris conditionis homines & nobiles horridum hunc & mephiticum odorem aspernabantur, donec tandem utilitate rem, ut fieri solet, commendante, etiam ad alios usus transfiret. Commoda enim, quæ ab istiusmodi suffitu in corpus nostrum promanant, non sunt contemnenda, quicquid hic dicant delicatuli, quibus hic fumus ingratus est, quicquid etiam illi, qui omnia vilia & communia remedia spernuunt.

Scorbuto hanc fumigationem mederi omnes Medici credunt, at quot sunt morbi, qui à scorbuticâ sanguinis dispositione oriri dicuntur?

Omnes affectus, quorum causam esse viscidum & lentum phlegma, vel atram bilem veteres Medici docebant, ii omnes à scorbuto provenire dicuntur, quales sunt catarrhi, obstructions, scirrhi, manix, melancholix, epilepsix, scabies, quartanæ, immò Bentekoe omnem morbum scorbutum esse pronunciavit.

Ridenda profectò res est, quod seculum nostrum sæpius citra necessitatem, suam doctrinam terminis & verbis inusitatis involutum eat, & se minus sapere credat, si artis terminos veteribus Medicis usitatos retineat, quasi altius rem penetret, eamque melius intelligat, qui dicit, morbos esse à scorbuto, quàm qui eos à pituitâ, atrâ bile provenire dicat. Mihi sanè hi termini probantur, qui quàm maxime ad usum practicum accommodari possunt. At modò dixi, plerosque morbos oriri à stagnatione succorum in vasis, quæ stagnatio potissimum phlegmati viscido, glutinoso, sanguinem incrassanti & inviscanti adscribenda est, quod phlegma viscidum & glutinosum egregie incidere & attenuare valet nicotiana herba acris & caustica, quo inciso & attenuato etiam, ipse sanguis suam debitam consistentiam adipiscitur, & fluxibilior redditur. Unde qui dentium, aurium, capitis, articulorum, renum, coli, doloribus, tussi, melancholiâ, maniâ, epilepsiâ

S

tentan-

tentantur, non sine maximo commodo nicotianam fumigant, vel ab his morbis se præservant, quia hi morbi à sero vel quantitate vel qualitate & crassitie peccante dependent, | ita enim non solum debita subsequetur pituitæ, & crassorum humorum attenuatio, sed etiam eorum concitata salivatione, quod etiam ab usu remedium mercurialium fit, evacuatio, atque comoda, quæ contra dictos morbos ab usu fonticulorum, qui etiam in istiusmodi casu inuri & incidi solent, proveniunt, à suffitu tabaci majora sunt, quia in eo non solum humores peccantes, quod in fonticulis etiam fit, evacuantur, sed etiam corriguntur, & attenuantur. Accedit, quod curatio per fonticulos multò molestior sit eâ, quæ per fumigationem tabaci perficitur. Quare miror mulieribus fumigationem tabaci non persuaderi posse, quæ tamen sæpius fonticulorum apertioni se subjiciunt. Nam si mihi optio daretur, malletm perferre fumum utcumque molestum, sed mox evanescentem, vel ex ore aquâ fontanâ eluendum, quàm exulcerationem cutis per incisionem vel caustica excitatam, & foetentem ex iis quotidie profluentem saniem.

Quantum fumigatio tabaci hysterica passioni resistat, curiosa observatio D. D. Michaelis Bernhards Valentini Ephim. Nat. Curios. Decur. 2. Anni 2. observ. 149. docere potest, quam virtutem huic herbæ etiam Joh. Schræderus, & alii adscribunt.

Circa

Circa modum suffiendi tabacum nihil monebo, cum ille omnibus notus sit, illud tantum mihi contra omnem rationem dictum esse videtur, quod Bentekoe præcipit, inter fumigationem non exspuendum esse. Nam quia nicotiana, dum fumigatur, multum salivæ ex glandulis oris & faucium elicere solet, tunc omnis ea saliva, si non exspuenda, certè deglutienda esset, quod verò ventriculum novâ saburrâ excrementitiâ infarciret.

Verum uti etiam alia nobilissima remedia non omnibus naturis conveniunt, ita etiam usus tabacitæ internus, quàm externus, & suffitus ejus non omnibus (in quo erravit Bentekoe) suaderi debet. Nam qui humoribus acris abundans, ad tabem proni sunt, item biliosi & sanguinei, usum tabaci non perferre poterunt.

Qui cibis crassis in dicta, aquis præcipue stagnantibus, & cerevisia pro potu utuntur, iis salubrior erit usus tabaci, quàm iis, qui vinum imprimis forte & generosum bibunt. Nam phlegma viscidum, quod ab istiusmodi cibo & potu in corpore accumulari solet, ac redine nicotianæ corrigitur, & evacuatur.

Nationes septentrionales, ut Angli, Belgæ, Germani, imprimis inferioris Germaniæ, Dani, Sueci, majore cum fructu tabacum fumigant, quàm Itali, Galli, Hispani, item populi qui paludes, maria accolunt, majore cum fru-

Et tabacum fumigant, quàm qui mediterranea incolunt.

Non minus communis est usus tabaci in pulveribus errhinis & sternutatoriis per nares attractus, neq; minorem utilitatem tabacum hoc modo usurpatum affert. Nam pituitam lentam, viscidam incidit attenuat herba acris & calida, eamque ad nares trahit, quæ secus in corpore & sanguine relicta posset graves morbos capitis progignere. Nam multa pituita sanguinem incrassat, spiritus vitales obruit, sanguinem ad motum suum circularem peragendum ineptum reddit, unde obstructions in cerebro, ex quibus apoplexiz, morbi comatosi, memoria læsa oriuntur.

Ad usum tabaci naribus attrahendum sufficiat unicum exemplum attulisse. Quidam amicorum meorum per Galliam iter faciens in viâ gravi morbo tentatur, & ferè omnibus sensibus orbatus ad hoc tantum valere videbatur, ut, cum loqui non posset, manus naribus admooveret, hoc ipso admonens adstantes, ut sibi tabaco errhino succurrerent, quod postquam factum, mensura dimidia seri ex naribus effluxit, ægerque levi remedio, quasi divino auxilio se sanatum fuisse prædicavit.

Nonnullis masticare nicotianam, ut Itali solent, consuetum est, neque id sine utilitate fit. ferosâ & superfluâ sanguinis parte ita evacuatâ,

Caput.

Caput XIV.

De Lithargyrio, Cerussâ, Bismutho, Minio, & aliis ex plumbo præparatis.

Plumbum, quod a Chymicis Saturnus appellatur, & omnia ex eo parata, venenosa esse, pauci admodum negant, quorum verò rationes non tanti sunt, ut operose reveilantur. Talia sunt plumbum ipsum, lithargyrium, cerussâ, minium, bismuthum, nec malignitatis expertia magisterium, saccharum, tinctura Saturni. Symptomata, quæ ex eorum usu oriuntur, sunt dolores & cruciatus colici, vomit⁹, alvi obstipationes, icterus, quæ insequuntur motus impotentia in artubus, sensu tamen superstite, quam paresin vocant, tremor artuum, corporis consumptio, pruritus totius corporis, convulsiones & tandem mors non subito, sed lento gradu superveniens, sunt enim hæc omnia frigidissimæ naturæ, omnia, autem frigida ventriculo, intestinis & nervoso generi sunt inimicissima, & si frigida alia intus sumpta, & extus applicata, dolores colicos, vomitus, paralyfes parere solent, quanto magis saturnina in summo gradu talia. Hoc experiuntur cum suo damno figuli, qui lithargyrio vasa terrea incrustant, & inde in colicas passiones, tremores artuum incidunt.

S ;

Hoc

Hoc quidam, cujus Petrus Borellus centur. 3. observation. 31. meminit, qui ab immodico sacchari Saturni usu in manibus & pedibus immobilis factus fuit, expertus est; nec non maniaca, quæ ab usu sacchari Saturni dolore colico fuit correpta, ut refert D.D. Vitus Riedlin lineâ 31. mens. Maj. ann. 1694. Hoc figulorum canes & feles, qui aquam in quâ lithargyrium est infusum, ebibentes inde contabescunt, & moriuntur, quod experimentum quilibet in canibus facere potest.

In hujus rei ulteriorem probationem paucis describemus historiam curiosam colicæ scorbuticæ, aliis spasmodicæ dictæ, quæ in nostris terris anno 1695 & anno 1696. multos pessimè habuit. Cum enim tunc temporis uvæ propter frigidam anni tempestatem non ad debitam maturitatem pervenissent, atque vina austera produxissent, Oenopolæ & Carpones nequam, quo vinis suis austeritatem adimerent, dulcorem iis conciliarent, eaque ad bibendum gratiora, & ad vendendum meliora redderent, instinctu Diaboli (ille enim est, qui tam noxia consilia hominibus suggerit) tincturâ quadam lithargyrina manganizare instituerunt. Tinctura parabatur ex lithargyrii pulveris ℥vj. bismuth. ℥ij. in aceti vini mensur. 1. vel libr. 3. infusis, & ad quartæ partis consumptionem decoctis, addito postea vini optimi, vel hispanici tantundem.

dem, & liquore per chartam emporeticam filtrato. Hujus liquoris libra una, vel pluris in dolium vini unius & dimidiæ amphoræ capax pro eo edulcorando indebatur, ad quod perficiendum lithargyrium admodum aptum erat. Nam videmus ex minii & aceti particulis invicem solutis, deinde combinatis, pulverem confici, qui ob dulcorem saccharum Saturni appellatur. Qui istiusmodi vinis pro potu quotidiano utebantur, ii omnibus gravissimis symptomatibus, quæ recensita fuerunt, corripiebantur, atque inde vel miseram vitam ducebant, vel moriebantur, prout scilicet cuique vel magis, vel minus, vel debilioris, vel fortioris hujus vini lithargyrini ad bibendum obvenit. In hujus vini usu etiam illud observatum fuit, quod qui illud ex diversoriis aut hospitibus publicis petebant, ab eo nullam læsionem notabilem sentirent; nam una vel altera vini ita corrupti mensura ebibita ad imprimendam corpori noxiam qualitatem non sufficiebat: qui verò istiusmodi vina in cellas suas recondabant, & quotidie inde bibebant, sanitatis & ipsius vitæ jacturam patiebantur, quod quia Monachi in cœnobiis facere solent, evenit ut vix unus vel duo eorum hac peste intacti evaserint. Pessimum fuit quod diu ignoratâ hujus mali causâ, nec remedium ei inveniri potuerit. Ceterum hic morbus tunc ita invalescens non erat inauditus, ut

quidam Medicus eum nominavit, sed jam ab aliis Medicis observatus & notatus, quod ex D. Joh. Wepfferi observ. 39. anni 8. Ephimer. Natur. Curios. patet. Inter alias personas, "recenset, & Monachi Dominicani colicâ cor-
 "repti, & convulsionibus mortui fuerunt, Pa-
 "tres enim vina alba, austera, Alfatica, & tznîâ
 "sulphurârâ, dulci appellatâ, aniso, coriandro,
 "cinamomo, & bismutho conspersa corrupta
 "biberunt, & vix unus & alter hoc malum e-
 "vitare potuit, quod hujus mali causam fuisse
 "se credo. Nam bismuthum jamdudum Jor-
 "danus tanquam causam hujus morbi in Mo-
 "raviâ condemnavit, & quem effectum plum-
 "bum pulverisatum, & in corpus sumptum
 "habeat, id ex Fernelio & Palmario sciri pot-
 "est.

"Similem colicam etiam delineavit Gre-
 "gorius Horstius. Item Oethzus apud Joh.
 "Schenckium libr. 3. observ. 184.

Quomodo Saturnina remedia immoderate sumpta inflammationes & incendia interna, licet sint frigida, excitent, in nostro tractatu de Paradoxis Medicis fuit ostensum.

Præter hæc etiam authoritates Sennerti, Schenkii, Foresti, & aliorum, Saturninorum malignitatem probant.

"Cerussa vires habet stipticas, sed ex vino
 "& aqua pota venenosa esse dicitur, ut libro
 "de simplic. Medic. Galeno adscripto p. m. 81.

Lithar-

Lithargyrium, spuma argenti, eademⁿ pręstat, quę pręstare cerussam diximus. l. c.ⁿ p. 20.

Licet autem Saturnina sint venenosa, si immoderatę usurpentur, non tamen eorum usus internę & externę in mediciną est contemnendus, si prudenter & moderatę iis utamur.

Saccharum & magisterium Saturni internę adhibitum chyli & massę sanguineę, lymphęque acidum mirificę compescit, fermenta febrilia extinguit, & internis viscerum inflammationibus medetur. Frider, Hoffm.ⁿ Clav. Schręder. libr. 3. cap. 13. §. 5. p.

In tincturis Saturni non minimi momenti arcana latitant in mania, melancholia, quartana, phthisi, melancholia hypochondriaca apprimę conducentia. Idem loc. cit. §. 16.

Etzlerus in sua Hsagoge, uti de eo Johan. Schręder, Pharmac. libr. 3. cap. 13. §. p. m. 392. ex plumbo confici medicamenta ad longevitatem facientia, quod judicium ego nimio in saturnina remedia favori tribuo.

Saccharum Saturni, ut & alumen, in dysenteria sunt egregia remedia. Joh. Dolzeus Encyclop. Med. Dogmat. libr. 3. cap. 5.

Species diasaturni Minfichthi arment. pharmac. sect. 5. p. m. 106. sunt sequentes.

℞. magist. Saturn. ʒj. succ. liquirit. purgat.
S 5

gat. lactis sulphur. compos. rad. chin. elect. ā. ziiij. sal. margar. orient. corall. rubr. panis tritic. ā. zij. boli rubr. orient. prap. benzoe sublim. oliban. ā. zij. croc. orient. cass. lign. ā. zß. misce f. pulvis subtiliss. cui adde sacchar. cand. ziiij. dosis manè & vesperi zß. ad zij. in aqua appropriata. Nescio quibus verbis incomparabilem compositionem extollam? Phthisis enim, quæ humana arte non curari potest, curatur sæpè hac medicina. Minfichth.

Rotulas refrigerantes, magisterium Saturni in se recipientes, ad cor & hepar supercalefactum alterandum, & omnes inflammationes tam internas, quàm externas modeste delendas idem describit. loc. cit. sect. 8.

"Saccharum Saturni est remedium polychrestum in malo & melancholia hypochondriaca, & beneficio ejus aliquot curatos novi in affectibus splenis, in scorbuto, colica, & aliis morbis. Michael Ettmüller. Schroeder. Dilucidat.

Ad sanguinem in hæmophthisi temperandum, ejusque impetum retundendum Theodor. Mayerne libr. cap. 4. Prax. sacchar. Saturn. gr. v. ad gr. x. cum conserva rosarum præscribit.

Tinctura antiphthisica Garmanni in Theod. Zwinger. tract. german. sine talis describitur. R. sacchar. Saturn. vitriol. Mart. ā. zij. spirit. vini acet. destill. ā. zß. misceantur, &

& per aliquot dies digerantur donec liquor rubicundus fiat, qui filtretur. Hæc tinctura pretiosissima est in apostematibus internis, hæmophthisi, phthisi, sudore nimio, fluxu alvi, dosis à guttis x. ad xxx. Etiam appetitum deperditum in his morbis reducit. Hanc tincturam etiam D. Medici Augustani dignam censuerant, ut eorum corpori Pharmaceutico iniceretur.

Ex saccharo Saturni & vitrioli Veneris² vel Martis mixtis, & affusione spiritus vini² fit tinctura illa admirabilis, quam tincturam² antiphthificam vocant, valde astringit, &² ingens habetur secretum in consolidandis² pulmonum & aliarum partium exulcerationibus. Ettmüller Schreeder, diluc.

Ut plurimum Medici Saturninis virtutem antiveneream attribuunt, quanquam Dan. Ludovic. Pharmac. modern. dissert. 1. de Robor. temperat & in frigid. p.m. 745. eam in Saturninis claudicare affirmet, attemperantem verò vix decimo ferventiorum hypochondriacorum aut tabidorum quadrare, phthificis autem perperam conferre, sæpe dejectos horum omnium ventriculos magis pervertere. Sunt enim hypochondriaci, phthifici ut plurimum ventriculo deboli, cujus robur intensa remedium Saturninorum frigiditas omnino exsolvit, quod ego ab usu eorum accidisse in quodam Comite hæmoptico vidi.

Qua-

Quapropter in exhibendis iis maximâ cautelâ opus est, atque ea solummodò iis, qui ventriculi, intestinorum, & nervorum robore præditi sunt, quales sunt maniaci &c. danda. Neque in dosi & quantitate excedendum est. Nam tria, quatuor, vel quinque grana ad summum sufficiunt pro unâ dosi, cavendum præterea, ne ob nimis diuturnum eorum usum, nervis indelebilis labes contrahatur, quod iis, qui nimis frequenter vina lithargyrio corrupta biberunt, accidisse diximus.

Externè major & tutior est Saturninorum usus & effectus.

Saccharum Saturni, seu ejus magisterium in aqua rosarum, euphrasiz, ciliis impositum oculorum inflammationi & rubedini confert. Johann. Schröder, Pharmac. libr. 3, cap. 12, p. m. 390.

Philipp. Grulingius curat: si rubedinem oculorum cum lacrumis acribus miraculosè curatam fuisse refert sequente. ℞. aq. rosar. ℥iiss. tutiz pp. ʒß. sacchar. Saturn. lapid. calaminar. ā. ℞j. m. f. aqua guttatim oculis instillanda.

Ab alio laudatur aqua rosar. ℥j. sal. armon. ℞j. tutiz pp. camphor. ā. ʒß. sacchar. Saturn. ℞ij. m.

Mira quoque præstat saccharum Saturni in ulceribus corrosivis, malignis, cancrofis, impetiginibus, ambustis, inflammationibus.

Ejus.

Ejusdem virtutis sunt cerussa, minium lithargyrium.

Ex lithargyrio non secus ac ex minio sal paratur, quod Paracelsus alumen Saturni nominat, quod internè in diarrhæis, dysenteriis, & reliquis morbis liquidis sanandis conferre asserit. Illud paratur lithargyrium in aceto solvendo, solutionem decantando, filtrando, ac inspissando.

Ad externos usus in officinis prostat unguentum album, de Cerussâ, album camphoratum, unguentum de Minio camphoratum, de lithargyrio. Hæc profunt scabiei & cutis vulneribus, pruritus & desquamata juvant, sine morfu siccant, sarcotica & epulotica sunt, ambustis & excoriationibus medentur. Unguento lithargyrino longè præstantius, & ad affectus denominatos efficacius fieri vult Zwælfserus, si lithargyrium, aut quod melius, minium in aceto solvatur, ad olei crassitiem inspissetur, & sub continuâ agitatione olei rosarum, quantum ad unguenti consistentiam sufficere videbitur, ammisceatur. Hoc unguentum Joh Schröder. Pharmac. Med. libr. 2. cap. 87. §. 11. Balsamum Saturni vocat.

Inter emplastra ad dictos affectus efficacissima & usitatissima, minium, cerussam lithargyrium in se recipientia, est emplastrum album coctum, emplastrum Ulmenium, diachylum simplex, gryseum de lapide calamiari,

nari, triapharmacum Mesue, Noribergensium.

ANtidotum venenorum & remediorum Saturninorum immoderatè sumptorum sunt, quæ amicâ calefaciendi virtute malignam frigiditatem nervis impactam corrigunt, qualia sunt imprimis terebinthinata, & ejus spiritus seu oleum, cujus guttæ aliquot internè sumi possunt, inservit etiam oleum destill. mastiches, cinamomi quàm maximè, si vomitus cum dolore colico sit conjunctus, quod ferè semper accidit, hæc remedia, quia in paucâ quantitate sumuntur, in morbo, qui remedia propter nauseam & propensionem ad vomitum in magnâ quantitate exhibita fastidit, ad usum sunt valdè accommodata. Laudatur etiam oleum ceræ destill. Hæc & istiusmodi fuisse proficua non semel ipse expertus sum, si enim in totâ rerum natura res quæpiam afflictum genus nervosum consolatur, est certè terebinthina, & illa quæ modò laudavi.


Nonnunquam vinum Malvaticum convenit. Venæsectiones nocentissimas esse in plurimis à vinis lithargyriatis decumbentibus observavi.

Conferunt etiam internè, quæ spasmodicam constrictionem intestinorum emendant, eaque relaxant, qualia sunt pingua, ut pingue.

pinguede anserina, si modò talia sumere nau-
sea ventriculi permittat. Hæc cuidam viro
colicâ spasmodicâ decumbenti admodum
profuisse scio.

Commodius verò talia in anum per cly-
steres infundi possunt, Ut clyster ex æqua-
libus partibus olei communis, vel liliorum al-
borum & lactis vaccini, vel alius ex decocto
emolliente, pinguedine & oleo quodam sine
sale & aliis acribus paratus, vel clyster ex solo
oleo olivarum,

Externè fots conveniunt, sed omnia
superant thermæ, ut Carolinæ potæ, vel pro
infectu, Piperinæ, Ferinæ, & nostratium Thal-
singenses, quarum usus præcipuè est, cum
malum in pæsin transierit.



Caput XV.

De Opio.

HActenus de iis venenis egimus, quæ
qualitate suâ caustica, corrosivâ, irrita-
tivâ non solum nocent ut venena, sed
etiam prosunt ut optima & generosa remedia,
sequuntur jam ea venena consideranda, quæ
hiscæ contrariam habent virtutem, & faculta-
tem corporis nostri animalelem obstupefaci-
unt; atq; uti priora humores in corpore no-
stro tenaces, viscidos pituitosos, obstructi-
onum

onum authores incidunt, attenuant, ita quædam horum humores nimium fluxiles incalescant, eorumque nimiam fluiditatem corrigunt; illa porro facultatem animalem torpidam excitant, hæc nimis vegetam torpidam reddunt; illa dolores faciunt, hæc eos tollunt; illa spiritus irritant, hæc irritatos demulcent, illa humorum acrimoniam augent, hæc mitigant, qualia sunt opium, hyosciamus, cicuta, mandragora, baccæ folia, cynoglossa, crocus. Hanc autem suam virtutem debent sulphuri narcotico, inebriativo, volatili, quo prædita sunt, quod ab opiatīs in corpus sumptis, exterius ei applicatis calore resolutum ad cerebrum & in nervos transmittitur, quod satis probat teter & gravis odor, qui ex iis exhalat, & qui etiam solum per respirationem in corpus receptus virtutem suam venenatam & medicam exerere potest. Sic opium, mandragora, gravissimum de se odorem spirant, sic cicutam viroso odore suam perniciem indicare dicit Frider. Hoffmann. Pharmac. Schröder. libr. 4. sect. 1. §. 109. Immo nec reliqua stupefacientia, licet non ita virulenta, huius odoris expertia sunt, ut vini spiritus, mustum ejus. Unde hæc venena omnia ex regno vegetabili sunt & petuntur, metallica verò & mineralia fixioris sunt naturæ, nec ea præstare possunt. Sulphur narcoticum, inebriativum dixi iis inesse, quia ea non secus ac

vinum,

vinum, spiritus vini copiosius hausta, sensibus torporem inducunt, & dementant.

Horum venenorum antesignanus est opium. Illud venenum esse nemo negabit, qui considerat, quantillum ejus in corpus sumptum hominem in sanitatis & vitæ periculum conjicere possit, & quod drachma dimidia, vel non tantum ad hominem occidendum sufficiat, dum sensibus omnibus lethalem torporem infert, & spiritus vitales in cerebro non secus ac fumus ignem, planè suffocat, & extinguit. Hunc effectum plerique Medici, & inter eos Exc. D. D. Georg. Wolfgang Wedelius tract. Opiol. libr. 1. sect. 1. cap. 1. rectè adscribunt effluviis ex opii corpore exhalantibus, & ad cerebrum ascendentibus, quod teter & abominabilis odor opii satis probat, tum quod recentis opii vires multò sunt vegetiores, quàm vetusti, in quo sensim & sensim exhalantibus sulphuris narcotici volatilis effluviis, simul etiam perit omnis vis narcotica, atque opium hanc suam virtutem per *ἀναθυμιάσιν* exserere cum modò laudato D. D. Wedelio tamdiu credemus, usque dum Helmontii affectæ suum sulphur vitrioli anodynum nobis demonstrant.

In tanto tamen veneno tot & tantas simul latere in morbis curandis virtutes medicas nemo faciliè credere posset, si non quotidiana praxis medica id sufficientissimè testetur.

T

retur.

retur, quas uti hodie nemo Medicorum in dubium vocat, sed potius omnes laudibus efferunt, ita nobis idipsum sentientibus cum nullo erit controversia. Hoc tantum admirari liceat, maximam partem Medicorum sibi contradicere, dum remedia ex classe venenorum desumpta abhorrent, ad eorum usum clamores sustollunt, dicendo, ea esse naturæ insensissima, balsamo vitæ inimica, peculiari qualitate spiritibus & cordi insensa, qui tamen non solum ad usum opii connivent, sed etiam ejus encomiis tota volumina replent, cum tamen opium in paulo largiore quantitate, vel imprudenter exhibiturum, tam formidandum sit venenum, quam aliud in totâ rerum naturâ reperiri potest. Nam si malignam qualitatem in aliis venenis abominantur, cur non eam etiam in opio fugiendam esse censent? Hic cum Dan. Sennerto Prax. libr. 6. part. 5. cap. 1. respondebunt multi in opio duplicem contineri qualitatem, unam venenatam, malignam, alteram medicam, salutarem, benignam, nec opium in usum medicum venire posse, priusquam per legitimam correctionem omnis ejus venenata qualitas ab alterâ salubri separata & sublata est. Unde Helmontius tit. de Duumvir. illum ægrotum felicem prædicat, cujus auxiliator Medicus scit lethalia à papavere separare, retento auxilio excitatore potestatis in Duumvirat. Alii sulphur

phur narcoticum venenositatis in opio accusabunt, in quo summovendo admodum solliciti sunt; unde quis Medicorum est, qui singularem & arcanam opii præparationem, quod laudanum opiatum vocant, & quo unusquisque ægrotorum sine periculo & incommodo uti queat, non sibi arroget? Ac mihi arduum non est probare, eam ipsam qualitatem, quæ venenata & narcotica est, esse salutarem, si in justâ dosi, & prudenter opio utamur. Nam tota antiquitas crudo opio usu fuerat, & tamen ea in doloribus sedandis, vigiliis tollendis, diarrhæis, dysenteriiis, hæmorrhagiis, catarrhis, tussi compescendis, & aliis morbis curandis non fuerat infeliciores, quàm moderni Medici, quod Philonia Mesue, Tharsense Galeni, pilulæ de cynoglossa, requies Nicolai, & aliæ in eorum libris annotatæ, & adhuc hodie à multis usurpatæ innumeræ compositiones probare possunt. Sin verò Medici moderni fidem detrahunt experimentis antiquorum Medicorum, digni sunt, ut nec fides habeatur suis. Quanquam nec omnes Medici recentiores opii crudi usum fugiant, inter quos sunt Viri nostro tempore clarissimi Zacutus Lusitanus, qui de Medic. Princip. libr. 1. histor. 40. quæst. 29. expresse affirmat, etiam opium incorrectum in usum medicum venire posse, & Dan. Ludovici differt. 1. de anodyn. & epicerastr. p. m. 662. opium

pium etiam crudum necessitatis tempore secure, modò (ceu ejus generis omnia) competenti subjecto, morbo, tempore dosique detur, exhiberi asserit. Quos sequitur Cornelius Bontekoe & alii. Præterea nonnullæ nobilissimæ remediorum sunt compositiones, quæ crudum opium in se admittunt, ut Diacordium Fracastorii, Philonium Nicolai Mirepsi, pilulæ de Cynoglossò, quibus experientissimi Medici etiam adhuc hodie contra morbos uti non dubitant, easque in virtute medicæ non inferiores quovis laudano opiato experiuntur. Quod non fieri posset, si opium duas, & sibi invicem contrarias qualitates in se foveret, quia venenata in crudo opio salutari semper impedimento esset. Si igitur in praxi medicæ accidat, ut à crudi opii sumptione ægrotis noxæ & pericula obveniant, id non tam intermissæ præparationi, quàm imprudenti opii usui, vel nimis ejus dosi adscribi meretur, ceu quoq; duplex ille effectus opii, nempe salutaris & venenatus, anodynus & narcoticus, non statim probat duplicem opio inesse qualitatem, cum ex solummodò ab imprudentiâ vel prudentiâ præscribentis Medici, & non ab ipso opio dependeant. Unde si quis in præparando opio qualitatem ejus venenatam & narcoticam auferre studeret, servata tamen ejus qualitate anodynâ & salutari, is laterem laveret, quia sublata narcoticâ qualitate certissime etiam

etiam periret anodyna, quæ, ut rectissimè sentit D. Georg. Wolfgang Wedelius tract. opiol. libr. 1. sect. 2. cap. 2. non specie, sed tantùm gradu differunt, & quia in qualitate venenatâ, narcoticâ ipsa virtus anodyna medicatrix residet.

Placet hoc illustrare exemplo vini. Illud qui moderatè bibunt, inde alacres & cordati evadunt, & ab usu vini eum effectum sentiunt, quem præstat nobilissimum remedium cordiale & corroborans; qui verò eo immoderatè utuntur, effectum ex eo sentiunt, quem dat trùculentissimum venenum. Nam deirant, vociferantur, rixantur, somno profundo obruuntur, vertigine, capitis dolore corripiuntur, vomitus instant, & alia pessima accidunt, quæ solent epoto veneno fieri. Si jam quis hunc diversissimum effectum à vino productum considerat, & judicaret duplicem vino inesse qualitatem, unam confortativam, salutarem, naturæ amicam, alteram venenatam, noxiam & naturæ inimicam, atque eam consistere in sulphure quodam impuro, volatili, narcotico inebriativo, atque vinum hoc suo sulphure orbare, & ita corrigere institueret, an non vinum etiam, simul privaret illâ alterâ salutari, & corroborante virtute? & si vino detraheretur suum sulphur & spiritus, quid amplius ei restaret, nisi inutilis lympba? Qui hoc non credit, consideret modò qualitates

tates spiritus vini, cui vinum ferè omnes, quos modò recensuimus, effectus debet. Nam is, si moderatè fumatur, cor confortat, calorem nativum suo amicabili calore auget, atque propter suas præstantes vires aqua vitæ vulgò nominatur. Sed is ipse spiritus, si immodicè ingurgitetur, deliria & narcosin inducit, & hoc modo veneni personam induit, multa noxia patrat, & ipsam mortem infert. Exinde ad oculum demonstrari potest, salutare & noxias vini virtutes ab uno ejus spiritu provenire, atque narcoticas & noxias ei non adimi posse, nisi etiam simul salutare pereant, & vinum non qualitate, sed quantitate venenum & noxium, & in ejus usu optimam cautelam fuisse, eo moderatè uti: Quod ipsum etiam circa venena narcotica, caustica, emetica, & purgantia observari debet, quæ intacta, & qualia natura produxit, relinquere, multò melius esset, quàm per irritas correctiones unâ & medicas salutare, & venenatas auferre, cum noxa eorum per moderatum usum evitari queat.

Quare multi hodie peccant, qui dum opium præparare & corrigere intendunt, illud omni suâ virtute per nimias vexationes spoliant, quod etiam in præparatione causticorum remedium fieri supra notavimus. Hujus culpæ rei sunt, qui cum Quercetano, Hartmanno, Brendelio, Zwelfero, opium
supra

supra patellam ferream igni imponunt, atque torrent, quo sulphur ejus narcoticum exhalet, qui verò modus admodum improbatur modò laudato D. Wedelio. Mirum, inquit, quod authores nonnulli liberare contendunt à sulphure suo narcotico opium, cum tamen illam ipsam intendunt, quærantque & expectent virtutem ex eo. Non castrandum est opium virtute narcoticâ, non sulphur narcoticum separandum, aliàs evanidum fiet, & nullarum virium, sed heterogenea sunt removenda. Nam opium si torreatur supra carbones, unde flamma excitetur, quomodo ero certus, quod non vis illa, quæ operationem narcoticam efficere debet, torrefactione pereat, & saltem noxia abeat, hâc illa scilicet, ut illa M. Maieri de sept. mundi planet. cap. 1. huc applicemus, ubi mirandum esse ait, quosdam promittere horum à se præparatorum medicamentorum, aliàs fortissimorum doses duplices, aut triplices, immò ut pro saccharo tutò assumi possint absque noxiâ, cum tamen ab innatis viribus multum spoli-entur, & destruantur.

Hic recordor cujusdam joci. Quidam videns virum à capite ad calcem cataphractus, miratus est, staturam hominis, eique dixit: Tibi tam probè munito, & undiquaque ferro incincto nullus nocere poterit, regessit vir cataphractus: Hoc est verum, at etiam ego nulli nocere possum, quippe tantum ferri

pondus me onerat, ut ferè corpus non move-
re queam, nedum defendere, si illud ab hoste
impeteretur. Huic viro cataphracto similia
sunt opiata, & alia venenosa remedia præpo-
sterè præparata. Nam verum est ea non nocere,
sed etiam verum est ea nihil juvare.

Quàm injustè sulphur narcoticum volatile malignitatis venenosæ accusetur porrò
probat, quod opium vetustum, & in quo per
longam moram illud sulphur omne exhalavit,
ad usum medicum iners esse putetur. Unde etiam ipsi
Medici ad multos casus & morbos sanandos theriacam recentem, in quâ opii
vires adhuc iintegre, præstantiorem esse judicant
vetere, in quâ vires opii jam evanuerunt.

Nec melior ille modus opium præparandi est,
qui fit per acida, Nos, ἐπεὶ οὐκ ἔστιν ἐ-
"jusdem D. Wedelii, in genere quidem luben-
"ter concedimus ab acidis obtundi opiata,
"figi eorum sal volatile, & hinc tutius ea assu-
"mi posse, sed an id fiat virtutibus & qualita-
"tibus, quas tamen exinde elicere animus est,
"illæsis, de eo mirum quantum dubitemus.
"Hinc ut illa ex Glasero vertamus Traitté de
"la Chymie libr. 2. cap. 11. 322. qui confide-
"rant in opio partem sulphuream volatilem,
"& salinam internam, quibus primariò suam
"debet virtutem, ea verò cum acidis habet con-
"trarietatem, tantum abest ut correctionem il-
lis

lis perfici credam, ut potius multum, si non totum, destruaturn & castretur. Deinde qui præparavit opiũ, seu ejus extractum conficit cum aceto, negare non poterit, remanere multum de salinis acidis aceti particulis, quæ nares odore constante abundè & mordicant, & feriunt, ut adeò imminui ex parte saltem, si non maximè ob acres acidosque humores vim leniter demulcendi dolentes partes, & poros cerebri occludendi, certo sit certius.

Ex hisce patet à Veterum Philoniis, & opiatorum compositionibus, utut ex multis Medicorum hodie inconcinnæ esse videantur, in morbis curandis majus auxilium impetrari posse, quàm à nonnullis nostratium laudanis opiatis; porrò patet falsò dici opium crudum semper esse noxium & venenatum, cujus malignitatem & effranem agendi vim per accisam ejus dosin, prudentem & tempestivam exhibitionem castigasse nobis sufficit, quia in crudi opii, vel (ne omnem opii correctionem & præparationem omninò sprevisse videamur) ejus purificati, vel cum spiritu vini optimè rectificato, uti Crollius vult, qualesque sunt pilulæ narcoticæ Plateri, extracti grano uno, tantas deprehendere vires licet, quantæ viæ in aliquot granis ejus ita miserabiliter vexati. Est enim spiritus vini cum opio homogeneæ naturæ, quicquid contra Crollium hîc dicat Hartmannus, Brendelius, Schroede-

Ius, Ettmüllerus, qui contendunt, per spiritum vini sulphur opii narcoticum naturæ inimicum ferocius reddi. Nam negatur illud sulphur naturæ semper inimicum esse, quandoque enim, si spiritus ferocientes, irritati sedandi sunt, est maximè amicum. Ad reliqua respondet D. D. Wedelius loc. cit.

Sed præter laudatum præparandi opii modum, etiam eum admittendum esse censeo, quo fœtor opii sumentibus admodum ingratus removetur, quod fit in præparatione laudani cydoniati Langelotti, cujus descriptio etiam in Pharmacopœiæ Augustanæ ultimâ editione extat. Vel qualem proponit Theod. Mayerne Prax. libr. 1. cap. 18. & pulchrum secretum non omnibus revelandum esse ait, & opii ʒj. illud docente Saladino cum duobus capitibus allii pistetur, deinde hæc mixtura per alembicum destilletur. Mirabiliter somnum provocat, & erit sine fœtore.

Crudi opii, vel extracti ejus simplicis, dosi grana tria non transcendere debet, uti nec in laudano quantitas major sit pro una dosi quàm ad summum grana quinque, quod probat laudanum opiatum, cui suas noxias qualitates omnes per sollicitam præparationem se adimisse, multi Medici & Chymici jactitant, nihilominus esse periculosum, summum cum cautione, & ferè non aliter ac crudum opium, remedium usurpandum esse, atque etiam

etiam illud non omnem venenositatem deposuisse, & non tam in separatione qualitatis noxiæ ab utili, quàm in fractione virtutis narcoticæ opii correctionem consistere. Nam si ut plurimi volunt, in laudano facta est separatio qualitatis noxiæ ab utili, quæ fit, quod ejus paulo largior dosis, aut intempestivus usus mortem inferat?

In quibus morbis opium conferat omnibus Medicis jam antea notum, nec opus est hic referre, uti nec formulas remediorum recensere est necessarium, quia omnes Medicorum libri compositionum opiatarum pleni sunt, ex quibus ex peti possunt.

Magis paucis dicendum venit, quibus naturis, morbisque opium non conveniat, quæ est altera cautela, quâ observatâ opium ex veneno in præstantissimum remedium evadit.

Et primò opium venenum & noxium esse credo omnibus, qui obstructionibus hypochondriacis, alvi, urinæ, mensium, hæmorrhoidum sunt obnoxii, item iis, qui cachexiâ, asthma, hydropè, laborant, & ad soporem, apoplexiam proni sunt. Nam in his morbis sanguis, chylus sunt crassi, tenaces, nec ope fibrillarum nervosarum sese contrahentium (uti in statu naturali fit) quibus viscera & partes omnes membranosæ præditæ sunt, propelli, nec excrementa per alvum, urinam, se-

gre-

gregari, & è corpore ritè eliminari possunt, quapropter absurdum esset, dictas partes nervosas, membranosas, quæ jam tum ad promovendos & excernendos humores, & officium suum præstandum non sufficiunt, datis remediis narcoticis magis affligere, cum potius ex istiusmodi remedia requirant, quæ iis calcar & stimulum addant, & segnem eorum torpidamque virtutem excitent.

Intutissimum etiam est remedium opium in morborum statu & fine, viribus naturæ jam à morbo prostratis exhibere, etenim medicamentum facultati animali insensum eam sine dubio proculcabit.

Neque virium summa debilitas in febribus malignis & peste opium admittit, licet vigilæ perpetuæ hos affectus sæpius comitari solitæ ejus usum suadere videantur.

In affectibus mulierum hystericis etiam cautè admodum cum opiatis est mercandum.

In pervigiliis infantum & eorum tussi melius est omittere usum opii, ceu remedii infantibus nimis fortis, atque ei substituere syrupum de papavere simplicem, diacodium Montani.

Hæ cautelæ si probe observentur, opium non erit venenum, sed laudatissimum remedium, sacra anchora, ultimum Medicorum & ægrotantium refugium, & omnes eas laudes explebit, quibuscum authores illud exornare consueverunt.

Opium

Opium, si cui per malitiam aut errorem in nimia quantitate, vel contra methodum medendi exhibitum peccat, quam optimè debellatur acidis. Castorium est & creditur specificum opii antidorum.

Nec segniora sunt facultatis animalis sopitæ excitatoria salia volatilia urinosa, caustica nonnulla, ut pyrethrum, euphorbium, quæ antiquitas Philoniis suis ammiscuit, quamque nos imitari possumus, non ut frigiditatem opii istiusmodi calidissimis, quod veteres statuebant, corrigamus, sed ut remediis acribus, & irritandi nervosum genus virtute præditis opii vis narcotica quodammodo temperaretur.

Similiter emetica, maximè in principio exhibita strenuam operam navant, tum quia venenum in ventriculo stabulans per vomitum ejiciunt, tum quia facultate suâ irritativâ facultatem animale[m] sopitam excitant.

Pessimè verò ab opio sumpto ægrotantibus consuli credo per theriacam, si sit recens, quia ea opium in suam compositionem admittit, cujus virtus in recente theriacâ adhuc permanet, nec verum est theriacam omnium venenorum universale antidotum esse.

Externè aceta possunt naribus admove-
ri, idque vel simplex, vel rutaceum, nec spiritus salis armoniaci vitro orificii angusti naribus admotus, & odoratus inconyeniens est
reme-

remedium, ut neque balsamus rutaceus, castoriatus. Suffumigium naribus excipiatur ab accenso ligno aloes.

Suppositoria acria, qualia in apoplexiâ solent usurpari, ano indantur.

Clysteres itidem in anum sunt injiciendi ex decoctis radicum & herbarum cephalicarum constantes, adjectis electuariis acribus, sale gemmæ copioso &c.

Vesicatoria cervici applicentur seu nucha.

Ustiones, punctiones, frictiones dolorificæ instituantur. Nam dolor spiritus commovet, humorum orgasmum excitat, & torporem nervoso generi inductum excutit.



Caput XVI.

De Hyosciamo.

HYosciamus ex genere plantarum est, cujus radix, folia, & præcipuè semen in usum veniunt.

Venenosum, immo deleterium eum esse probant gravia symptomata, quæ ab ejus intra corpus sumptione proveniunt, quorum præcipua sunt sensuum torpor, deliria, & nonnunquam mors.

An in remediorum numerum hyosciamus venire queat, inter Medicos adhuc controversatur.

Fride-

Friderico Hoffmanno Pharmac. hyosciamus ob pessima, quæ infert, symptomata, à venenatâ & narcoticâ ejus vi dependentia, internè exhibitus semper est suspectus.

Joh. Schrœderus Pharmac. hyosciami usum internum propter vim suam stupefactivam rarissimum esse ait.

Dan. Ludovici Pharmac. modern. differt. 1. de anodyn. hyosciamum quamvis alkalinis acidisque mitigari videatur, ob resistantem nihilominus turbulentiam consultius topicis nonnullis, efficacissimis inde anodynis, mollientibus & resolventibus destinari judicat.

Theophilus Bonnetus Mercur. Com-pitalit. libr. 19. Sylloge de anodyn, narcot. §. 9. hyosciamum ob impurum, indigestum, & naturæ inimicum sulphur internè propinari nefas esse statuit.

Horum sententiam sequitur Michael Ettmüller. comment. Ludov. de anodyn. ubi usum hyosciami internum acriter perstringit, eumque propter gravia symptomata, quæ in paulo majore dosi exhibitus excitat, potius externis usibus accommodandum, nec Helidzum Paduanum, & Heurnium, qui semen hyosciami contra hæmophthisin præscribunt, imitandos esse censet. Quanquam idem author cap. 1. theoretic puncto 1. hyosciamum, mandragoram, solanum, ipsumque

que salutiferum papaver vulgò quidem sub venenorum classem redigi, & tamen eorum legitimam præparationem & usum divinas manus medentibus porrigere, & nunquam satis de prædicandam opem ferre asserat.

Alii, interque eos Dan. Sennertus Prax. libr. 6. Part. 5. cap. 1. p. m. 533. 1 in hyosciammo, mandragorâ, opio, duplicem conjunctam qualitatem, unam salutarem, alteram verò venenatam, malignam inesse statuunt, quod verò quam falsum sit, de opio modò jam fuit dictum.

D. Casparus Hoffmannus de medicament. officin. libr. 2. cap. 3. §. 15. in hyosciammo duo se observare credit. Quorum unum est vis manifestâ refrigerans & siccans, non sine accidentali humiditate, alterum vis narcotica & deleteria. Si quis modicè illo utatur, exferere se tantùm manifestas qualitates refrigerandi & condensandi, si liberalius, jam etiam occultam, hoc est, cum condensatione etiam stupefieri partes, si amplius, occultam tam potentem esse, ut occidat.

Vult igitur Hoffmannus hyosciamum in modicâ dosi sumptum virtutem suam medicam, & ad sanandos morbos utilissimam exercere, si verò immoderatus sumatur, tunc eum exuere personam remedii, atque veneni induere, in quo quidem nobiscum sentit Hoffmannus; hoc verò ei non concedere possumus,

mus, quod ea à duplici qualitate, quæ hyosciamo inest, proveniant. Nam primò uti in aliis venenis, ut arsenico, opio, &c. ita etiam in hyosciamo, &c. qualitas ejus venenata & medica una & eadem est, atque tantum gradu invicem differunt, & quæ in justâ dosi ægrotum juvat, eadem in majore nocet, non aliter ac ignis calore suo blando partes fovet, & si modum excesserit, eas adurit & exulcerat; vel ut vinum, spiritus ejus, modice sumpta animum recreant, corroborant, quæ immodicè ingurgitata inebriant, torporem, & stupiditatem sensibus inducunt, qui diversi effectus tamen ab unâ causâ proveniunt. Deinde Hoffmannus cum totâ antiquitate, & plurimis recentiorum Medicorum errat, quod hyosciamum frigidum esse statuat, cum sit calidissimus, quod satis probant symptomata, quæ ab ejus immoderatâ exhibitione oriuntur, ceu ostendit historia quorundam Patrum Benedictinorum, quibus per imprudentiam hortulani pro obsonio radices hyosciami ad comedendum fuerant appositæ. Ii omnes labra & linguas torridas habebant, ventris tormina patiebantur, iisque fauces ardore ita tostæ fuerant, ut nullis gargarismis ardor extingui potuerit, ut cetera omittam symptomata (cei rectè concludit D. Joh. Jacob. Wepfferus tract. de cicut. aquat. cap. 18. in scholio) quæ facilius à calore, quàm à frigore derivantur. Nec

U

deliria

deliria & intemperies, quæ post mediam noctem quibusdam evenerunt, usque adeo erant torpida, ut frigori imputari possent, quæ neque ipse Dioscorides frigida diceret. Nam libr. 4. cap. 69. tam flavum, quam nigrum hyosciamum *μαυρόν* pronunciat, & Plinius apud Excell. D. Hoffmannum loc. cit. hyosciamum Altercum, ab altercando ex Scribonii L. nominat, scilicet non frigida & mitia, sed biliosa, martialia deliria excitantem. Denique similia symptomata etiam alia res, ut opium, crocus, nicotiana, vinum, spiritus vini, quæ nullo contradicente calidissima sunt, excitant. Quippe hæc omnia sulphur quoddam volatile, quo frigida destituuntur, ad cerebrum & nervos transmittunt, & ita ut hyosciamus, temulentiam, torporem & somnolentiam animali inducunt. Neque virtus medica hyosciami, quam in doloribus, destillationibus acerbis ad pectus delabentibus, & inde natâ tussi, tabe, sistendis, compescendis hæmorrhagiis exercet, alia docet, quæ non frigori remedii, sed virtuti ejus narcoticæ imputanda esse, etiam aliorum narcoticorum effectus demonstrat.

Non magis verum est, quod Hoffmannus hyosciamo condensandi virtutem attribuat, in quo quidam communem Medicorum imprimis antiquorum sententiam secutus esse videtur, qui omnibus narcoticis condensandi

sandi facultatem adscribebant, quæ opinio ab illâ, quâ omnia narcotica frigida esse judicabatur promanavit. Nam hyosciamus externè usurpatus est, uti quotidiana experientia testatur, potentissimum resolvens, atque ut deinde dicitur, in tumoribus duris, scirrhis, nodosis, præstantissimum remedium, quod iterum probat hyosciamum subtilibus & acerbis particulis, uti alia calida, præditum esse, quibus crassos, & viscidos humores, uti etiam in nicotianâ fuit ostensum, attenuare & incidere potest.

Neque probat hyosciamum frigidum esse, quod is calidis nonnullis morbis & tumoribus medeatur. Nam sæpius natura ab interioribus ad externas partes serum putre, excrementosum, erysipelatum vel inflammationum materiam, propellit, quod pro sui ablatione non remedium frigidum, repellens & condensans (quod admodum noxium esset) sed calidum & resolvens, quale est hyosciamus, poscit, quâ ratione etiam camphoram, calidis morbis mederi, atque ideò ab aliis nequicquam pro frigido remedio haberi in tractat. nostr. de Paradox. medic. fuit ostensum.

Alii cum Galeno distinguunt inter hyosciamum. Hyosciamus, verba sunt Galeni libr. 8. simplic. medic. cui semen atrum est, "insaniam ac soporem affert. Huic autem is," cui semen mediocriter flavum est, propin-

U 2

quam

"quam facultatem habet. Verum utrique
 "fugiendi, ut inutiles & venenosi, seu deleteri
 "terii, ceterum cujus semen ac flos candidus
 "est, ad sanationes vel maximè idoneus est,
 "ex tertio quodammodo ordine refrigerantium.
 "um. At cum his Medicis me duo committunt,
 "& primo nego hyosciamum semine nigro vel
 "flavo, tanquam venenosum, & quia insaniam
 "& torporem affert, in medicinâ fugiendum
 "esse. Ita enim multa adhuc alia, ut opium,
 "crocus, nicotiana, vinum, spiritus vini, quæ
 "non minus quàm hyosciamus, insaniam &
 "torporem afferunt, in remediis & victu exclu-
 "denda essent, qui verò venenatus effectus
 "magis immoderato eorum usui, quàm rebus
 "ipsis adscribendus est, atque nemo ea esse re-
 "media præstantissima, si ritè usurpentur, am-
 "bigit. Secundò nego hyosciamum semine
 "albo nullam vim noxiam obtinere, cum & il-
 "le, si eo abutamur, non minus quàm hyosci-
 "amus semine nigro & flavo venenatus sit, de-
 "mentiam & soporem afferat, atque ob id no-
 "stris Medicis suspectus sit, qui tamen ipso Ga-
 "leno affirmante ad sanationes morborum uti-
 "lis est. Ex quo iterum manifestum est, vir-
 "tutem venenosam non obstare medicæ.

Quare omne ab usu hyosciamæ periculum
 & noxa, quæ aliàs obveniunt, duobus potis-
 simum modis evitari potest, primò, si in mo-
 deratâ dosi & quantitate, secundò si conveni-
 enti

enti subiecto, modo & tempore remedia ex hyosciamo præscribantur. Tertius modus, qui fit per correctionem hyosciami, imprimis is qui fit per acida, nullius est momenti, immo noxius. Nam si ad morbos curandos virtus hyosciami narcotica confert, & salutaris est, inutilis labor erit, eam per acida infringere, aut plane auferre hanc qualitatem, & quod argumentum etiam contra opii per acida correctionem fuit à nobis allatum, illud etiam hic locum habet.

Sunt autem multi morbi in quibus sanandis hyosciami etiam crudi internè assumpti vires sunt suspiciendæ, & à magni nominis Medicis notatæ, qualis est præcipuè hæmopthisis.

Galenus de compos. medicament. sec. loc. p. m. 370. Ceterum, inquit, opium & hyosciamus, & cicutæ semen, maxime quidem iis, qui à tussi, aut etiam aliis lancinantur, apta sunt, quanquam omnibus, quomodo-
docunque sanguinem rejicientibus convellant.

Succus hyosciami etiam sanguinem exscreantibus, nidor quoque accensi tussientibus medetur. Plinius natur. histor. libr. 26. cap. 5.

Mercurialis in consultatione contra hæmopthisin, valdè comendat semen papaveris albi, vel hyosciami, si ejus ʒj. plus vel mi-

U ;

nus

nus cum faccharo rosato, vel syrupo de portulacâ, misceatur, & singulo mane sumatur.

Pulverem vel conservam ex semine hyosciami, papav. alb. ā. 3x. facchar. rosat. vel conservâ ejus antiquâ mixtis in hæmophthisi mirabile secretum nominat Claudius Deodatus Panthei hygiastic. libr. 3. cap. 22.

Pulvis Heurnii & Scaligeri contra hæmophthisin admodum celebris est, & constat ex semine hyosciami & papaveris albi, ut R. sem. hyosciam. papaver. alb. ā. 3j. lapid. hæmatitid. corall. rubr. ā. 3ß. camphor. ʒß. Misce, dosis 3ß. manè & vesperi, cum conservâ rosarum antiquâ sumatur in formâ boli.

"Ex semine hyosciami albi paratur pulvis contra sanguinis sputum, estque secretum Pardmari, quo etiam ego usus sum, sed in ejus usu non nimis diu continetur, cum soporem inducat. Joh. Michael not. in Schröder. cap. 16.

Qui tabellas desiderat, illi inservire poterunt illæ Riverianæ. R. sem. hyosciam. alb. subtiliss. pulveris. ʒij corall. rubr. 3ß gumi arabic. ʒj. viol. recent. nō. x. succ. berber. ʒij. facchari in aquâ rosarum & plantaginis solut. q. s. Vide Authorem libr. 7. cap. 6. Prax.

R. sem. hyosciam. 3j. papaver. alb. 3ij. terr. figill. bol. armen. lapid. hæmatitid. ā. 3ß. conserv. rosar. antiqu. ʒij. cum syrup. cydonior. contusis fiat electuarium, cuius dosis est

est zij. zijj. manè & serò. Johann. Forti^s consil. 7. cent. 2. tom. 1. Confer etiam libr. 3. consil. 7. Cratonis à Scholtzio edit. Felic. Plater. libr. 3. observ. p. m. 744. 745. &c. D. Georg. Wolfgang. Wedel. Ephim. nat. curios. observ. 21. anni 3.

Hoc electuarium efficacissimum experti sunt Crato, Fortis, Helidæus, quod melius redditur, si seminis hyosciami, & papaveris albi æqualis portio sumatur, uti ab Helidæo describitur, & tanquam arcanum in hæmophthisi laudatur.

Illud & electuarium Helidæi, olim in Germaniâ celeberrimum, & à Gesnero, Erasto, Cratone commendatum nominat Lazarus Riverius Prax. libr. 7. cap. 6.

Electuarii ex semine hyosciami & conservâ rosarum antiquâ confecti, tanquam optimi remedii contra hæmophthisin meminit Robertus Boile, uti ex eodem D. Joh. Dolæus libr. 2. cap. 5. Encyclop. dogmat. p. 270. 2.

Felix Platerus observ. 3. de hæmophthisi cuidam virgini hæmoptoicæ cum successu se dedisse scribit tabulas supra ex Riverio notatas, de quibus æger singulis noctibus, unam vel alteram in ore, ut spontè diffuant, contineat. Aliud exemplum ita curatæ vide loc. cit. Similia laudavit, & præscripsit Jurisconsulto ad præservationem, cui verò sanguinea spuitio per alia remedia fuit suppressa, si ea

non cessasset, inquit, ei dedissem pulverem ex semine hyosciami. Ex quo liquet hunc pulverem à Platero tanti fuisse habitum, ut eum ad extremos morbos reservaret.

Horum remediorum successum non ita diu ipse expertus sum in quadam muliere admodum tussiente, astmate, & dolore punctorio pectoris correptâ, item in ahâ, quæ ex visospectro, ut credebat, magnum terrorem conceperat.

Quidam anonymus Medicus valdè commendat mixturam ex aquâ urticæ destill. ciath. i. spirit. vitriol. q. f. ad gratam aciditatem, feminis hyosciami quantum cuspide cultelli sumi potest, cui addatur vini, vel aceti vini pars dimidia.

Ne catharrhus acris, serofus, calidus, à capite ad pectus delabatur, Petrus Forestus ex sententiâ Donati libr. 16. observat. 18. in scholio præscribit semen hyosciami, papaver. alb. ʒ. ʒss. semen. coriandr præp. ʒj. cortic. thuris gr ij. mastich gr. iiij. &c. dosis ʒss.

Hieronimus Mercurialis libr. 1. de morb. pueror. cap. notat à Rhazî & Avicennâ papaver & hyosciamum ad impinguenda corpora in tabidis affectibus idè laudari, quia cibum ipsis partibus affigunt, quod non est præter rationem. Nam ut partes ritè nutriantur, tempore & morâ aliquâ ad elaborationem opus est, at in morbis nonnullis tabidis, ut sudoribus

doribus colligativis, humores nimis sunt fluxiles & fugaces, ac antequam in partium nutrimentum convertuntur, e corpore dilabuntur, quia verò opiate nonnulla hanc humorum fugacitatem sistunt, vel eorum nimiam fluxibilitatem corrigunt, tunc ea etiam ad impinguenda corpora facere posse credendum est. Potest etiam dici in tabe peccare humores acres, in quibus corrigendis potens & efficax est semen hyosciami. In corporibus obesis contraria, viscida & lenta est humorum constitutio, unde ii ob lentorem suum partibus facile adhærescunt, & ferè plus quàm debet, eas nutriunt. Exindè etiam fit, ut qui in ocio vitam degunt, atque nullis curis & laboribus exercentur, facilius pinguescant, quia labor & curæ, spiritus & humores agitant, & eorum excretionem præproperam per transpirationem promovent.

In catharrhis acribus, serosis sistendis hyosciamus, utmodò dixi, unâ cum aliis opiatissimum potest, & nunquam officio suo deest. Unde ejus radix decantatissimas pilulas de cynoglossâ in Pharmacopoiâ Augustanâ descriptas ingreditur, quæ ideò à nonnullis catarrhales nuncupantur.

Galenus de compositis. pharmac. secund. loc. libr. c. 7. 2. p. m. 365. ad dolores sedandos, catarrhos sistendos, & vocem interceptam (à catarrho suffocante) tale præscribit Rec.

U s

opiâ

opii, myrrha, sem. hyosciam. ā. ʒ ij. singula in decocto cicutæ macerato, & diligenter terito, ex mixtis fiunt catapotia ervi magnitudine, quorum duo ante somnum exhibuit. Alia istiusmodi fortis remedia vide loc. cit.

Sequens est Sylvii. ℞. sem. hyosciam. alb. sem. papav. alb. ā. ʒβ. thuris mascul. myrrh. rubr. ā. ʒj. croci optim. ʒβ. succ. liquirit. in spiss. ʒj. sacchar. cum mucilagine althææ fact. ʒβ. gumm. tragacanth. in aq. rosar. dissol. ʒj. f. rotulæ exiguæ, quarum unam subinde in ore detineat, & sensim deglutiat.

Semen hyosciami est salinum acre ad ʒj. haustum singulare est ad retentionem urinæ experimentum auctore Fonscâ libr. 1. consil. 100. & libr. 2. consil. 96. Et ex eo Michael Ettmüller. Urin. secret. lxxf.

Semen hyosciami oboli pondere cum semine papaveris albi in aquâ mulsa exhibitum, utilissimum est remedium in abundantia mensium, & erumpentem aliunde sanguinem. vid. Dioscorid. libr. 4. cap. 64. Andr. Matthioli.

In pleuritide & nephritide summe efficax est, quod non inexpertus loquor, id quod describitur. ℞. sanguin. hirc. Helmont. ocul. cancr. ā. ʒj. spermat. Ceti recent. ʒj. sem. hyosciam. alb. sem. papaver. alb. ā. ʒβ. croc. ʒβ. m. f. pulvis cum sacchar. albiss. ʒiβ. pro tribus vicibus in aquâ petroselini, veronicæ & syrup. de althææ sumendus. In

In dispensatorio Augustano pulveres ad dolores nephriticos sopiendos, & contra calculum non inutiles describuntur, qui itidem semen hyosciami in se recipiunt.

Galenus libr. 10. cap. 1. de compos. pharmac. sec. loc. multos nephriticos ab affectione liberatos scribit hoc. ꝛ. nucum ponticar. purgat. amygdal. amarat. mundat sem. cucum. purgat. ā. ꝓij. sem. cicut. croc. sem. malv. opii, ā. ꝓvj. sem. hyosciam. alb. sem. apii ā. ꝓxij. cum melle fiant pastilli, dosis obul. 3. in aquâ mulsâ. In hujus remedii usu per multos dies perseverandum est, quod etiam contra calculum & colicam inservit. Habet enim semen hyosciami & papaveris vim anodynam & antispasmodicam, qualia remedia in doloribus nephriticis, qui ab irritato renum archæo oriuntur, utilissimè exhibentur. Confer Helmontium.

Intelligitur autem per nucem ponticam nux avellana, quarum nucum virtutem antinephriticam non solum Galenus, sed etiam alii insignes Medici suspiciunt, quod Lazari Riverii verba Prax med. libr. 14 cap. 1. p. m. 419. ostendunt. Ita autem ille: Non minoris efficaciz contra calculum sunt nuxes avellanæ ante pastum comestæ, quæ à Cratonie commendantur, dicente, se compertum habere, non paucos sævis cruciatibus calculi diu affectos, usu avellanarum liberatos.

Quod

Quod quidem disertè confirmat Amatus
 Lusitanus curat. 78. cent. 7. ita loquens:
 Vir qui nephritide laborabat, & de renibus
 non rarò capillos rubentes per virgam emit-
 tebat, multum querebatur; lumborum nam-
 que & iliorum, immò totius ventris dolores
 & rugitus sæpè sentiebat. Pro quibus abi-
 gendis symptomatis multis usus est remediis
 sed frustra. At cum præter spem ex cujus-
 dam commendatione avellanis in victu ute-
 retur, liber & sanus a tantis affectibus evasit.
 Consuluerat autem illi vir quidam, si mor-
 bum profligatum vellet, avellanas cum in-
 ternis suis membranulis comederet initio
 prandii & cœnæ. Ceterum ille remedium
 considerans familiare, non solum initio
 mensæ eas comedeat, sed medio & fine.
 Quarum assiduo usu ita valuit, ut nunquam
 postea morbum persenserit. Addit Ama-
 tus Lusitanus in Scholio: Non solum hic
 Vir de quo agimus, ex hac mala affectione
 fuit liberatus, sed etiam alii, sunt autem hæ
 avellanæ nuces vulgares ponticæ dictæ, quas
 Avicennas inter eas medicinas, quæ lapidis
 renum materiam absumunt, reponit. Sed
 quâ facultate operentur, dubium est. An
 fortè suâ siccitate & facultate in membranu-
 lâ interiore compertâ? sed non desunt alii,
 qui hoc operari suâ nuclei oleosâ parte con-
 tendunt.

Nam

Nam ex nucibus avellanis exprimi oleum virtutem anodynam habens affirmat D. Joh. Michael in notis ad Schroederi Pharmac. p. m. 618. 1. quod oleum etiam amygdalarum dulcium usum nephriticis commendat. Et Quercetanus Pharm. dogmat. libr. 1. cap. 7. avellanis rubris virtutem antipleuriticam attribuit.

Hæc de nucum avellanarum virtute nephriticâ præter meum propositum ideo afferre volui, quia Medici de hac re ferè omnes silent.

Ad epilepsiam remedium nobilissimum fit ex semine hyosciami ultra 40. dies usurpanti, incipiendo à granis vj. ad xxiiij. ex cochleari uno succi sempervivi recenter expressi. Theodor. Mayerne prax. libr. 1. c. 7. p. m. 23. Statuit enim Crato libr. 1. consil. 4. cerebrum in epilepsiâ *ευαίσθητον* esse, atque ideo accessionibus epilepticis exponi, quia nervorum & membranarum textura nimis rara minusque compacta ac densa est, atque hæc est ratio cur infantes & pueri convulsionibus ita obnoxii sunt. Hanc nimiam sensibilitatem corrigunt opiata, interque ea semen hyosciami, efficiuntque sensus obtundendo, ne nervosum genus ita facile à causâ morbificâ irritetur. Vel epilepsia est ab acrimoniâ feri nervosum genus irritante, in cujus acrimonia temperanda semen hyosciami nobiles habet virtutes.

In

In passione iliaca & colica Galenus libr. 9. cap. 4. de compos pharmac. sec. loc. antidotum Philonis describit, cujus inter alia remedia ingredientia sunt hyosciamus, papaver album, opium. Istius fortis remedia aliquot ibi descripta habentur.

Medicamenta contra fluxus dysentericos, quæ semen hyosciami recipiunt, in eodem Galeni libro 9. cap. 5. loc. cit. legi possunt, quorum potissimum tale est. R. sem apii hyosciam. ā. ℥iij. anis. ℥ij. succi hypocist. sem. rosar. a. ℥iβ. succi papaver. myrrh. crocomagmat. a. ℥j. dosis obul. ℥ij. ij. j. in aqua sumendi. Sistit internos fluores, quod etiam forinsecus cum melle impositum præstat.

Aquam ex hyosciamo destillatam, item extractum ejus in dysenteria epidemica expertissimum, latque non secus ac opium vim suam exferens, notat D. Clauderus Ephimer. nat. Curios. decur. 2. anni 6. observ. 377. Alias aquas narcoticas hypnoticas ex semine hyosciami & succo ejus prolektas vide in Antidot. Joh. Jacobi Weckeri, Armament. Minichthi.

In doloribus ab ulcere vesicæ removen-
dis certam opem expertus est Ambrosius Par-
rzus, ut Chirurg. libr. 12. cap. 18. scribit, si in
℥ij. aquæ plantag. seminis hyosciami quantum
cuspide cultelli sumi potest, exhibeatur, item
ab oleo expresso hyosciami externè applica-
to,

ro. Unde etiam alias nobiles remediorum compositiones contra ardorem urinæ, renum & vesicæ exulcerationes, aliosque ab acrimonia feri ortos morbos directas ingreditur semen hyosciami, quales sunt trochisci de Alkekingi, seu Halicacabo, aliis Diaphysalidon Mesue appellatis, & quales trochiscos contra mictionem dolorosam, renum & vesicæ exulcerationes; Felix Platerus Prax. cap. 10. de miction. curat. p. m. 853 860. 861. summe efficaces prædicat, in quorum nonnullis compositionibus hoc solum desidero, quod iis fructus amygdalarum dulcium, amararum, avellandarum, pistaciorum, pinearum, nucleorum persicorum, cerasorum &c. addantur, earumque molem nequicquam augeant. Nam quid opus est in remediis ad drachmas præscribere, quorum uncias in victu devorare possumus, vel quæ magis ad victum, quam pharmaciam nephriticorum referenda sunt. Exemplum autem potest esse tale. *℞. sem. 4. frigid. maj. a. 3 j. sem. papaver. alb. sem. hyosciam. alb. a. 3 ij. bol. armen, terr. sigillat. gumm. arabic. prunor. succ. liquirit. a. 3 j. cum mucilag. tragacanth. cum aqua rosar. extract. f. trochisci, quibus, si necesse sit, adde opii ʒss.* Dosis eorum est drachma dimidia, vel trochiscus unus & alter sæpius in die deglutendus vel in forma pulveris exhibendus. Hoc remedio etiam uti possumus in catarrhis salis, acribus

acribus, hæmophthifi, tussi, tabe, mictione cruenta, diarrhæis, dysenteriis, & aliis affectibus, in quibus serum acre, falsum, acidum peccat, in quo temperando & sistendo una cum semine hyosciami & papaveris etiam terræ omnes, quæ sigillari solent, ut terra Lemnia, Silesiaca, bolus armena &c. inserviunt, dum pinguibus suis particulis humores acres & acutos obtundunt, & invertunt. Unde ex etiam summo cum fructu trochiscis bechicis rubris, de alkekengi & aliis addi solent. Eas Mercurii sublimati, & præcipitati, & aliorum venenorum corrosivorum antidotum esse jam suo loco diximus. Earum virtutem feri acris mitigativam in mictione dolorosa & ardente quoque effert Platerus loc. cit.

Succus ex hyosciami radicibus recentibus expressus partem constituit laudani opiiati Crolliani, item Josephi Quercetani, & D. Medicorum Augustanorum, licet radices hyosciami aliàs virulentiores sint, quàm ejus semen, quod solum usuale est, nec censura Michael Ettmülleri accessum succi hyosciami in laudano opiato improbantis, ullum assensum meretur.

Hyosciami usum in nimio mensium fluxu commendat Joh. Michael in notis ad Schræder. Pharmac. cap. 73. atque pilulas de Castorio Avicennæ propter hyosciamum, qui unâ cum aliis eas componit, contra hunc morbum

morbum utiles esse judicat. At planè diversum his pilulis effectum tribuunt Avicennas & D. Augustani, qui hoc remedium impeditum mensium fluxum promoveri scribunt, quod etiam verum est, cum omnia reliqua harum pilularum ingredientia hac virtute polleant excepto hyosciamo, cujus verò tantilla dosis est, (nam grana tantum tria toti compositioni adduntur) ut reliquorum effectum non remorari queat. Si major hyosciami quantitas adjecta fuisset, potuisset compositio argui eam ex contrariis conflata esse.

Ex hisce constat authores citatos omnes Medicos famâ & experientia celebres hyosciamo non minores laudes quam ipsi opio deferre, atque eos eo in doloribus sopiendis, fluxionibus reprimendis crebrò usos fuisse, neque timuisse vim hyosciami venenatam, narcoticam, vel uti quidam loqui amant. sulphur ejus impurum, quod præter remedia jam recensita Philonium Romanum Nicolai Mirepsi, confectio Alexandri Nicolai, tam ob aurum ammixtum, quam vires nobiles, Aurea appellata, Philonium Mesue, electuarium Persicum Mesue, Philonium Tharsense, Galeni, confectio Nicolai, quæ propter suam virtutem anodynâ Reques Nicolai dicitur Tryphera magna Nicolai, & alia remedia in praxi medicâ usitatissima, non minus hyosciamo quam opio ei conjuncto suas medendi

X

vires

vires debentia, ulterius probant. Unde non satis admirari possum, Medicos in rebus tanti momenti tantoperè sibi invicem adversari, & multos eorum ea remedia contemnere, & conviciis lacerare audere, quorum tamen summam in morbis medendis utilitatem tot & tantorum in arte medicâ clarissimorum virorum autoritas & experientia sanxit, ad quod verò facinus eos, nil nisi quædam præconcepta opinio impellit. Nam si experientia nostra magistra est, cur ejus doctrinam contemnimus, cur tantum nostræ rationi confidimus ut ipsi experientiz obloqui non erubescamus?

Interim dolendum est juventutem, quæ se ad studium nostrum applicat, tot contradictionibus ita confundi, ut nesciat, cui se parti addicere debeat, miseris interim ægrotis nostram contumaciam luentibus, qui etiam si ea miseria non accederet, adhuc tamen satis miseri essent, cum tot nihilominus prohi dolor! morbi incurabiles supersint, in quibus ii nullum solatium, nullum auxilium à nobis sperare possunt.

Hactenus fuit dictum quibus hyosciamus proffit, sequitur dicendum quibus oblit. Ubi ferè ea cautela in ejus exhibitione est observanda quam capite de opio præscripsimus, quia hyosciamus ferè consimiles habet qualitates cum opio.

In

In asthma, ut rectè judicat Galenus libr. 7. cap. 6. de compos. medicam. secund. loc. narcotica, ut opium, semen hyosciami & cicuta &c. non, neque astringentia sunt danda.

Neque ii, qui obstructionibus mesenterii hypochondrii, mensium, hæmorrhoidum, alvi, urinæ obnoxii sunt, qui soporosis affectibus, apoplexiis, melancholiâ, hydrope, cachexiâ laborant, usum hyosciami impune ferent.

Externè hyosciamus utilissima remedia expromit.

In dysenteriâ si ea multum urgeat R. Radic. cynogloss. ℥iiij, hyosciam. ℥iij. tapf barbat. totius man. j. malv. totius man. iij. ol. commun. recent. libr. 4. coque addendo aquam spermat. ranæ, libr. 1. rosar. plantagin. 2. libr. 6. coque ad consumptionem aquæ, & herbarum putrilaginem. Exprime fortiter. & hujus olei purioris compos. libr. 1. adde mucilagin. sem. psyll. cydon. cum aquâ plantag. extract. ℥iiij. vitell. ovor. nō. ij m. f. clyster. Theodor. Mayerne Prax. libr. 3. cap. 3.

R. rad. hyosciam. tenell. verno tempore collect. libr. 1. optimæ lotæ scindantur in taleolas tenues, & in mortario marmoreo terantur in pulvem, huic affunde cerevisiæ Gedaniensis, vel aliæ fortioris recenter coctæ, non fermentatæ quartas ij. coque ad medietatem continuò agitando, stent in vase terreo per

2. 3. dies, deinde coletur per cataputium densum cum forti magmatis expressione. Liquori adde mellis libr. 1. supra ignem continuò agitando, & cavendo ab empyreumate, f. cataplasma calidè è linteo multiplici applicandum, vel perse, vel cum micâ panis & lacte. Est anodynum ad omnes dolores imprimis arthriticos. Theod. Mayerne tract. 3. de arthrit. Aliud vide apud eundem loc. cit.

℞. olei olivar. libr. 1. minii tenuiss. trit. ʒij. coque ad consistentiam mediocrem emplastr. adde ceræ citrin. libr. 1. semen. hyosciam. subtilissimè pulveris. colophon. terebinth. alb. a. ʒiiij. m. f. emplastrum ad sedandos dolores arthriticos & alios mirè conferens. Adrian. Minsichth. armament. sect. 37. Emplastrum in scrophulosis, scirrhis & nodosis tumoribus planè irresolubilibus D. D. C. ℞. fol. hyosciam. alb. recent. mandragor. cicut. nicotian. ver. ā. ʒj. rad. mandrag. alth. lilior. albor. a. ʒiij. incis. contus. coque in vini rhenan. aq. pluvial ā. q. s. ad debitam mollietiem, pistentur, per setaceum densum cribrentur. Cribratis adde capit. allior. cæpar sub cinerib. coctar. a. ʒj. ol. lilior. albor. ʒj. iterum ad ignem blandum coque continuò agitando cum spatulâ, adde farin. hordei vel tritic. sem. fœnugræc. a. ʒij. pulver. rad. aristoloch. long. ireos, florent a. ʒiij. resin abiet. ʒj. ceræ q. s. f. emplastrum, quod tanquam κοιμήλιον
preti-

pretiosum Frider. Hoffmannus in suum thesaurum pharmaceuticum reposuit sect. 10. §. 20.

Lenimentum resolvens istiusmodi tumores & inter alia corticem mandragor, rad. cicutæ cum toto, hyosciami recipiens. describit Mayerne Prax, libr. 1. cap. 19.

Felix Platerus ad ulcus sanandum emplastrum ex plantagine, solano, foliis hyosciami, farinâ fabarum, hordei, lentium, invicem contusis & coctis addito melle præscribit observat. libr. 2. p. m. § 17.

Joh. Jacob Wepffer, tract. de cicut. aquat. cap. 18. scholio 1. ab hyosciamo ad sedandos dolores tam certum remedium peti posse, ut quidam quasi divino beneficio ab illis fuerint liberati, & propterea hanc herbam non *ἰωσ-κύνανον* fabam suam, sed *Διὸς κύνανον* Jovis fabam appellandam esse censuerint, scribit. Unde unguentum Jovis in officinis prostat, quod paratur ex verben. recent. hyosciam. recent. ā. man. ij. buthyr. recent. ℥viiij. contundantur invicem, & sic maneant per 14. dies, deinde coque ad consumptionem humiditatis, & coletur. Inflammationes ac calidos quosvis tumores potenter reprimit, scroti præsertim incendiis salutare, vide Dispensator. Augustanorum.

Aliud unguentum Jovis magis compositum vide apud eosdem Augustanos.

Dan.

Dan. Ludovici dissert. 1. de anodyn. & epiceraft. fufficere, fi hyofciamī fummitates fimpliciter in buthyro frignantur, illudque unguentum de cynogloffa, anodynum Jovis utrumque, & famofiffimum Populeum fufficienter exprimere fcribit.

Paratur autem celebre illud unguentum Populeum Nicolai ex herba papaveris, mandragoræ, hyofciamī, folani, temporibus & fronti inunctum in febribus fomnum conciliat. vide Pharmac. Auguft. \mathcal{R} . olei rofat. unguent. populeon. falis \mathfrak{a} . $\mathfrak{z}\mathfrak{ss}$ philon. roman. $\mathfrak{z}\mathfrak{ij}$. opii, succ. hyofciam. \mathfrak{a} \mathfrak{Dj} m. cum ceræ q. s. f. lenimentum maximæ virtutis in doloribus arthriticis Mayerne tract. 3. de morb. extern.

Unguento populeoni Dan. Ludovici Pharmac. modern. ex oleo hyofciamī expreffo, & expreffo nucis mofchatæ balsamum hypnoticum fubftituit

Oleum hyofciamī expreffum hæmorrhoidibus dolentibus maxime confert. Oleum ex hyofciamī femine expreffum dolorem arthriticum, fi affectæ parti inungatur, illico fedat, Theod. Mayerne tract. de morb. extern.

D. D. Clauderus loc. fupra cit. facculum ex fol. hyofciamī, fl. chamomill. fummit. aneth. fem. cumin, baccis juniper. turgidum lacti incoquendum, & abdomini applicandum

dum esse monet, illudque in ejus doloribus â-
fero acci productis maxime conferre.

Patruus tuus recenset Langius epist. libr." 3. c. 6. Georgi consobrine in phrenesi, me-
lancholiâ, delirio & ardentibus febribus ubi "
somnia conciliatione opus est, non conferē-"
tibus mitioribus, nec Philonio romano, nec "
pilulis de Cynoglossâ, sacculum ex pulveri-"
bus foliorum & seminum Jusquiami albi pa-
rare & pulvinari, vel capiti dormituri suppo-
nere, aliquando etiam sanguisugas post au-
rem accommodare, & remotis iis granum u-
num opii vulneribus imponere, felici suc-
cessu solitus est, de quibus ipsius commen-
taria te docebunt,

Simili modo alii contra vigiliâs sacculos
crocatos infantibus substernere cap. de croco
retulimus. Verum probe sunt admonendi
Medici, ut ægrotis dormire incipientibus istius-
modi sacculos removendos præcipiant, ne
per nimiam eorum moram cerebrum lædatur,
eique stupiditas, vel somnus lethalis induca-
tur.

In ulceribus antiquis persanandis succi
& olei hyosciami vires nonnulli experti sunt,
quas verò quidam Medicus in dubium vocat,
dicendo: Se quidem talia tutò exhiberi posse
non dubitare, meritò tamen ob non rarò la-
tentem in iis malignitatem ab iis abstinere.
Quæ verba minimè invicem coherant, nec
X 4 quo-

quomodò ea conciliari possint, video. Nam si in remediis hyosciameis non rarò malignitas latitat, nego iis nos tutò uti posse, vel si iis tutò uti possumus, nego malignitatem in iis latitare, atq; ita vel unũ, vel alterum erit falsum. Verum magis credendum est hunc metum esse inanem. Nam si hyosciami usus etiam internus contra renum & vesicæ exulcerationes ab experientissimis Medicis Platero, Paræo & aliis tutus esse censetur, atque ipsi D. Augustani Medici in trochiscis de alkekingi in hunc finem inter alia etiam hyosciamum commendant, quo jure ejus usus externus in ulceribus propter malignitatem formidabilis esse meretur?

Succum hyosciami Iectisterniis inunctum cum cices necare scribit Frider. Hoffmannus libr. 4. sect. 4. §. 77. Pharmac. Schroeder.

HOc modo externe & interne prodest hyosciamus, ut nobilissimum remedium, si scilicet in debita quantitate, modo, tempore, & convenienti subjecto exhibeatur, & applicetur, sin verò vel per imprudentiam, vel malitiam exhibitus peccet, ejus antidota sunt omnia acida, quibus hyosciami malitiam refrnari ferè omnes Medici consentiunt, a quibus rectè D. Johann Screta & D. Joh. Jacob Wepffer, uti testatur tractat de Cicut. aquat. cap. 18. scholio unâ cum radicibus cichorii, hyosci-

hyosciami virulentiam correctam fuisse, pronuntiaverunt, quia horum beneficio exhalationes narcoticæ ab ejus sulphure in cerebrum ascendentes repressæ fuerunt in Patribus illis Benedictinis, qui radices hyosciami pro cibo sumpserunt. Nam etiam Dioscorides de Alexipharmacis cichorium inter hyosciami corrigentia nominat.

Vomitorium statim ab initio sumptum, uti in aliorum venenorum, sic etiam hyosciami exhibitione summè confert. Unde prudenter Clariss. Dan. Sennertus Prax. libr. 6. part. 7. cap. 6. alexipharmacis vomitorium præmittendum esse censet. Confer etiam Joh. Jacobi Wepfferi rationes, quibus tract. de Cicut. aquat. capit. ultim. vomitoriorum dignitatem asserit.

Quidam, uti ex Schroëdero patet, hyosciami antidotis etiam sinapi, raphanum, cæpam, allium accensent, quod non ut frigiditas veneni remediis calidis corrigatur, sed ut istiusmodi acris & irritantibus facultas animalis torpida excitetur, atque caligo à narcoticis remediis rationi inducta, quasi nebula. Sole discutatur, fieri debet, cui intentioni internè etiam inservit oxymel squilliticum. Licet autem deliria ab hyosciamo excitata non opus habere videantur istiusmodi remediis excitatoriis, atque ea solum contra affectus soporiferos conferre, credi possit, sciendum tamen

tamen est istiusmodi deliria non esse sine torpore, & quasi vigilantium somnia, qualia etiam alia narcotica excitare solent.

An theriaca hic usurpari possit meritò dubitamus, atque ejus virtutem suspectam reddit opium ei ammixtum.

Externè infervit acetum rutaceum.

Caput XVII.

De Papavere.

PApaver ex herbarum nostratium genere venenum est, cujus folia, capita & semen narcoticam seu stupefactivam vim obtinent, eum tamen venenositatis gradum non attingit, quem habet opium, succus ex papavere Thebaico prolectus. Hoc tamen non obstante in multis morbis curandis est excellentissimum remedium. Contra dolores & vigilias nimias ut plurimum à Medicis præscribitur. Non minus in catarrhis tenuibus, falsis, acribus sistendis, & inde natâ tabe, hæmophthisi, tussi, diarrhæis, dysenteriis, hæmorrhagiis coercendis, ardore urinæ, renum & vesicæ exulcerationibus curandis communis ejus usus est. Nam hi omnes morbi ab acredine & aciditate quadam lymphæ proveniunt, in qua mitiganda papaver magnis virtutibus præditum est.

Cete-

Ceterum ut multis papaveris usum demonstrem, atque ei ut aliis venenis Apologiam scribam, non opus. Nam licet qualitas narcotica in Medicinâ plerumque malè audiat, & Medicis exosa sit, hæc tamen eos ab usu papaveris, si paucos interque eos Franciscum Ranchinum excipio, qui tract. de morb. virgin. hyosciamum & papaver nullo modo in Medicinâ admittendum esse censet, non absterruit, quod etiam in usu opii factum fuisse dixi.

Unde communis papaveris usus in pulveribus, emulsionibus, syrupo de papavere simplici, diacodio Montani, aquis anodynis &c.

Sunt tamen nonnulli, ut Forestus, Schröder &c. qui soli papaveri albo locum inter remedia concedunt, nigrum verò venenositatis accusant. Verum neque hanc distinctionem magnopere attendendam, sed potius amplectendam esse censeo sententiam Friderici Hoffmanni libr. 4. sect. 1. §. 267. dicentis experimenta de hac re facta hunc metum de nihilo esse, probare, dum quilibet cuculi cantum canens assentire, quàm indagare mavult.

Ejusdem sententiæ est Dan. Ludovici Pharmac. dissert. 1. de anodyn. & epiceraft. Neque in papavere coloris rationem habet Hadr. Minnichthus, qui armam. med. chym. sect. 20. aquas hypnoticas tam ex papavere nigro quàm albo descriptas habet, quales a-
quas

quas etiam describit modò dictus Hoffman-
 nus in suo Thesaur. Pharmac. sect. 1. §. 17. 18.
 Aquas hypnoticas ex succo papaveris albi &
 nigri, item ex succo hyosciami utriusque con-
 stantes Antidot. spec. libr. 2. §. m. 461. 1.
 proponit Joh. Jacobus Weckerus. Similiter
 Dioscorides libr. 4. cap. 60. nigri papaveris
 semen tritum in vino contra citam alvum, &
 foëminarum profluvia exhibuit. Quod et-
 iam fecit Mesue suis trochiscis de charabe, de
 terrâ sigillatâ, papaver nigrum ammiscens.

Nec obstat papaveris nigri semen qui-
 busdam nocuisse, uti observatio 14. libr. 9.
 Petri Foresti testatur, cum etiam papaver al-
 bum, si intempestivè & in nimîâ dosi exhi-
 beatur, non minùs nocere possit, atque ideò
 eo non cum minore cautione, quàm nigro u-
 tendum sit.

Licet igitur tam in papavere, quàm hy-
 osciamo coloris discrimen in effectu medico
 nullum discrimen faciat, atque utrumque se-
 curè dari possit, non tamen illud sine summâ
 cautione fieri debet, in quo duo præcipue at-
 tendenda sunt, scilicet ut papaver in debitâ
 quantitate, deinde in morbis convenientibus,
 & debitis subjectis præscribatur.

Et imprimis in capitis affectibus remedia
 narcotica cautè admodum esse usurpanda re-
 ctè admonet Petrus Forestus in scholio ob-
 servat. 4. libr. 9. Nam narcotica cerebro sunt
 inimica

inimica, atque ei soporem, apoplexiam, stupiditatem & fatuitatem inducunt. Sic quandam mulierem capite dolentem ab usu seminis papaveris in periculosum soporem conjectam fuisse, recenset citata observatio Foresti. Nec in morbis melancholicis & maniacis, eorumque pervigiliis semper est tutus narcoticorum (quo opium, hyosciamum, mandragoram, solanum, papaver refero) imprimis internus usus. Qualia docet curiosa historia 4. libr. 2. Guilielm. Ballonii, in quâ refert quendam Medicum Virgini nobili capite dolenti decoctum capitum papaveris in vino, ut somnum arte conciliaret, parasse, & ægræ exhibuisse. Dum autem placidus somnus expectatur, ægrotans perturbatur, desipit, lecto exsilit, & mediâ areâ salit, sibi læsum, & quodammodo perversum caput queritur, ad æquitatem non adducitur, quicquam non veretur, absurda loquitur & facit. Ratio tam infau-
stæ curionis fuit, quia in nonnullis capitis doloribus, melancholicis & maniacis affectibus humores fursum ad caput & cerebrum rapiuntur, eaq; obsident, qui verò per usum remedium narcoticorum altius partibus affectis affiguntur, cum potius ab iis quocunq; modo revellendi essent. Unde Dan. Ludovici Pharmac. differt. 1. de anodyn. & epiceraft. p. m. 691. furores & inquietudines sine febre per spiritum urinæ, seu salis armoniaci interdum felicius

cius, quam per summam opiatorum dosin sopiri, verè pronunciat. Et Helmontius tit. Jus Duumvir. par. 56. sæpè per immania soporifera mania succurrere frustra tentatur, in quadruplo sui vix somnum conciliant, ideoque eorum exhibitio terrore plena est. Nam cerebrum jam tum ab humore peccante obsessum, ab exhalationibus narcoticis, sulphureis rerum narcoticarum ulterius repletur, & quia illud à causâ morbificâ læsum est, facile evenit, ut à remedio ei infesto magis lædatur.

Reliqua, quæ hîc observanda sunt, capite de opio, & hyosciamo fuerunt dicta.

Caput XVIII.

De Cicutâ.

Cicutâ herba est virulentissima, & cujus succum Socratem Philosophum confecisse antiquorum Historicorum monumenta produnt.

Eam esse narcoticam probat, quod immodicè sumpta eadem ferè symptomata excitet, qualia solent alia venena narcotica, ut papaver, solanum, mandragora, hyosciamus, nempe deliria, amentiam, sensuum torporem deglutiendi difficultatem, quod exempla à multis authoribus medicis annotata ostendunt, & refert Athanasius Kircherus scrutin. pestis

pestis p. 204. duos Monachos ex esu radicis cicutæ loco petroselinî in deliria incidisse, ut putarent se anseres & anates & propterea se in aquam præcipitarent, in quâ etiam tandem submersi interierunt. vide Mich Ettmüller, Schröder. diluc. de Cicut. Similia exempla etiam habet Joh Schenckius observ. 138 libr. 7. quæ omnia à sulphure narcotico volatili inebriativo, quo omnia narcotica abundant, proveniunt. Motus convulsivos ab esu ejus in pueris puellisque excitatos notavit celeberrimus Vir D. Joh. Jacob Wepfferus in peculiari de Cicutâ tractatu, in quo cicutam non esse frigidam, & sanguinem congelando vim suam exerere, uti antiqui & recentiores Medici crediderunt, sed calidam, acrisque particulis donatam, neque primario sanguinem afficere, sed acris suis particulis & acutis nervosam ventriculi membranam irritare, vellicare, per consensum totum nervosum genus convellere, & ita mortem inferre, solidis rationibus & experimentis demonstravit. Unde etiam Dan. Sennertus Med. Pract. lib. 6. part. 7. cap. 6. Cardanum non sine ratione cicutam calidam esse statuisse, quia sit amara, & quandoque furem inducat, affirmat. Verum non minus narcotica & dementandi qualitas, licet antiqui Medici contrarium statuerint, cicutam magis calidam quàm frigidam, uti etiam jam

capite

pite de hyosciamo fuit dictum, esse probat. Cur verò cicuta in pueris, puellisque magis convulsiones, quàm narcotici aliquid induxerit, rationem esse credo, quia nervosum genus in imbecilli ætate adhuc est imbecillum & facile irritabile, atque facile, evenire potuit, ut cicuta copiosius comesta in tenerâ ætate convulsiones excitet, quæ in adultiore ætate dementiam & deliria generasset. Porro cicutam narcoticam & calidam esse ejus virtus medica, quâ dolores sopit, fluxiones quas cunque sistit, tumores duros scirrhosos resolvit, sudorem movet, evincit.

An autem hæc nostra cicuta cum illâ antiquorum & in Græciâ pronascente ejusdem sit naturæ & virium, hîc non curiosè disputabo, quia facile potest esse, ut differant. Mihi tantum propositum est docere, eam ipsam cicutam, quæ à veteribus & recentioribus sævissimi veneni nomine insignitur, nihilominus, uti etiam alia venena, moderatè & methodicè exhibitam tutissimum & utilissimum remedium esse.

Nam cum generosis remediis ita est comparatum, uti cum hominibus generosi & fervidi animi. Illis suus animi impetus & sanguinis æstus, quo à naturâ pollent, ad fortia & reipublicæ utilissima præstanda inservit, verum is ipse ingenii impetus, si nullis prudentiæ moralis regulis, ceu habenis coercetur, homi-

hominem ad sava, temeraria, seditiosa, atque reipublicæ tam noxia, quàm fuerunt antea utilia, consilia urget. Non aliter etiam summæ activitatis remedia, si juxta regulas veræ methodi medendi exhibeantur, ægrotis summè utilia, sin verò imprudenter & temerariè, summè noxia fiunt.

Verùm de Cicutæ aquaticæ & terrestres virtute medicâ ferè omnes Medici hodie altum silent, nonnulli eorum eam in remedium censum planè non admittendam censent.

Cicutæ veræ, sive terrestres, sive aquaticæ nunquam fiderem, nec author essem, ut intra corpus humanum admitteretur, inquit Johan. Jacob Wepffer tract. de cicut. aquat. cap. 22. cum plurima securiora extent ad satisfaciendum cujuslibet scopis in medendo præ cicutâ.

Cicutæ usum internum etiam rejicit Dan. Ludovici Pharmac. modern. dissert. 1. de anodyn.

Theophilus Bonnettus Mercur. Compitalit. libr. 19. Syllog. de Anodyn. Narcot. §. 9. Cicutam, hyosciamum, mandragoram, interius propinare nefas, gaudent enim sulphure impuro, indigesto, naturæ inimico, non blando.

Cicutam meritò inter venena à totâ substantiâ agentia referendam esse censet Fredericus

ricus Hoffmannus Clav. Schroeder. Pharmac. libr. 4. sect. 1. §. 109. quo ipso nullo modo cicutam ad internum usum ægrotis præscribendum esse judicat, licet cicutæ externus usus ex ejus opinione non sit rejiciendus.

Hæc verò sententia multis modis revelari potest. Nam 1. in rebus naturalibus nullum dari istiusmodi venenum ex jam de aliis venenis dictis constat. 2. Si cicutæ esset venenum totâ substantiâ naturæ humanæ inimicum, sequeretur eam etiam externè applicatam nocituram esse, quia ex ipsorum Medicorum sententiâ venena totâ substantiâ agentia omnibus qualitatibus medicis carent, nec cum naturâ nostrâ ullo modo, sive internè sumpta, sive externè applicata conciliari possunt. Quia igitur cicutæ externè applicata utilissimum est remedium, uti etiam ipse Hoffmannus se expertum esse testatur, ex eo constat istiusmodi venenositatem naturæ humanæ irreconciliabilem cicutæ tantum affingi, atque externum ejus usum etiam internum recommendare. 3. Si cicutæ esset venenum totâ substantiâ agens, atque ob id ad usum medicum inutile, quantò magis esset tale opiū, cujus malitia & venenata qualitas multò major est, quàm cicutæ, & si ejus vim deleteriam averfantur Medici, cur non etiam eam in opio reformidant? Vel si nihilominus opium tam amplo honore in regnum remediorum recipi-

recipiendum esse duxerunt, cur eum hyosci-
amo . cicutâ, mandragorâ, itidem narcoticâ
qualitate præditis invident ? Ex quo iterum
constat hanc opinionem de cicutâ tantum su-
perstructam esse illi præconceptâ, quam ferè
omnes Medici de venenis foveant, quæ effecit,
ut ii hætenus ferè ab ejus usu abstinuerint,
quanquam in præscribendâ cicutâ Medici an-
tiqui, uti ex eorum remediis patet, non timi-
di fuerint.

Ita Hippocrates libr. de natur. mulier.
29. v. 5. 71. edit: Lindan, inter alia mensium
& lochiorum fluxum inhibentia etiam cicutâ
meminit, cujus pugillum in aquâ decoquen-
dum suadet: Theophrastus histor. Plantar.
libr. 9. cap. 17. locum Hippocratis corruptum
esse opinatur, & venerandum senem κόμηνον
pro κέντρον scripsisse autumat. Quæ verò con-
jectura, (ut rectè judicat Wepfferus cap. 22.
cit. loc.) non multum valet, quamvis ipse
Theophrastus hæsitare videatur loco citato,
dum cicutam diureticam, atque ita purgatori-
am, & cum Dioscoride refrigerantem, atque i-
ta nimium fluxum coercentem innuit.

Qui Galeni scripta, & imprimis libros de
composit. remed. secund. loc. - evolvit, ma-
gnam farraginem medicamentorum cicutam,
mandragoram, hyosciamum recipientium ibi
inveniet, quæ simplicia si veteres Medici in
praxi suâ tam noxia & venenata, uti recenti-

ores clamitant, esse deprehendissent, iis non tam crebro usi fuissent. Nec existimandum est antiqui seculi Medicos tam incuriosos rerum medicarum observatores fuisse, ut periculum & noxam, sicubi aliqua exinde provenisset, non deprehendissent, ut ita multò magis accusandi sint recentiores, qui veterum remedia sæpius citra necessitatem & re non satis examinata & perspecta, acri censurâ perstringunt.

In tussi & catarrhis medicamenta soporifera commendat Galenus libr. 7. cap. 3. composit. medicament. secund. loc. his verbis. "Postquam multas ad tussim Andromachus
"conscripsit confectiones, deinceps omnes
"soporem inducentes, & ob id soporiferas appellatas, tradidit. Ceterum hæ omnes fluxiones
"tenuës inspissare possunt, exsiccantes,
"simulque refrigerantes, & propterea aliquæ
"non tantum opium, sed & mandragoræ succum,
"aut corticem radicis, aut hyosciami semen,
"aliquæ earum etiam duo aut tria, aut omnia etiam hujusmodi habent. Quomodo
"alix styracem & crocum.

Idem Galenus libr. 7. cap. 4. p. m. 370. de compos. medicam. secund. loc. inquit, opium, hyosciamum, & cicutæ semen maxime iis, qui à tussi, aut etiam aliàs lancinantur, apta esse, quanquam omnibus, quomodo-
"cunq; sanguinem rejicientibus convenient.

In

In colicâ cicutam laudant & præscribunt veteres Medici, uti ex Galen. libr. 9. cap. 4. de composit. medicam. secund. loc. iterum constat.

Alia remedia inter narcotica etiam semen cicutæ recipientia, & contra colicam, dysenteriam, dolores nephriticos directâ, legere licet in ejusdem Galeni libris modo citatis.

Verum nec defunt Medicorum recentiorum exempla, qui in morbis nonnullis cicutâ usi fuerunt.

Quædam scemina quinquaginnaria Batava ad concinnandum somnum acetario cum pauculo cicutæ felicissime utitur, uti Wepffes tractat. de Cicut. aquat. p. m. 39 311. ex Nicolai Fontani respons. & curat. affert, qui Fontanus ideò cicutam non deleteriam suapte naturâ & substantiâ, sed solâ quantitate lethalem esse, in parvâ dosi non lædere asserit. Notabile est hanc mulierem vigilias laudano opiato non expugnare potuisse, quæ deinde per usum cicutæ fuerunt sublata.

Cicutæ modicâ sorbitione Sacerdotes Ægyptios impunè se castrasse ex Hieronymi epistolâ refert observatio centesima sexta D. Sebastiani Jungii Ephimer. natur. Curios. anni 4. & 5.

Idem Sacerdotes Athenienses factitasse, atque usu cicutæ libidinis incendia extinxisse, notat Franciscus Ranchinus tract. de morb. virgin.

virgin. sect. 3. cap. 2. p. m. 452. f. 2. Refert porro D. Basilium insignem Theologum & Medicum scripsisse, quod viderit quasdam mulieres, quæ rabiosas cupiditates potione cicutæ extinxerint, quanquam hæc omnia Ranchino incredibilia esse videantur, quia "inquit, cicuta præsentissimum venenum est" "non potest has virtutes obtinere, nec ejus usus internus, ut & hyoscyami, papaveris ullo modo admittendus est. Sunt enim hæc omnia remedia interne exhibita periculosa. Sed huic authori idem, quod aliis, evenit, qui, cujus rei causam ignorant, ejus effectum & virtutem in dubium vocant, vel planè impudenter negant. Quippe ignoravit Ranchinus rem aliquam remedium simulque venenum esse posse, & si remedia periculosa statim essent rejicienda, Medici optimo fanè & selectissimo remediorum apparatu carerent. An autem præcisè cicuta virtute æstus venereum reprimendi polleat, nec affirmare, nec negare possum, quia de hac re nihil mihi constat.

Johannes Raius histor. plantar. libr. 9. cap. 8. citante eum Joh. Jacobo Wepffero in fine scholii observationis 116. Ephimer. Natur. Curios. Decur. 2, Anni 6. cicutæ majoris radicem pulverisatam ad ʒj. in febribus malignis & quartanis datam omnibus diaphoreticis antecellere ex communicatione D. Bowle scribit.

Eandem cicutæ virtutem diaphoreticam etiam expertus est Renealmus, uti scribit observat. 3. p. 4. qui radicis cicutæ drachmas duas in decocto dedit, cujus beneficio æger in sudorem solutus melius habuit. Alii ægroto cicutæ in umbrâ exsiccatæ scrupulos duos in vino per duodecim horas infusos dedit, nullâ sequente appetitus dejectione, nullâ cardi-
algia: plus verò minxit, meliusque habuit ab obstructione in gippâ hepatis parte.

Cicutariz radices communiter sive coctas inscibis, sive crudas comestas, tanquam maximum arcanum in scorbuto commendat Fridericus Hoffmannus Pharmac. Schroeder. libr. 4. sect. 1. §. 109. Subjungit tamen & hisce quosdam è medio sublato experientiam testari. Quorum utrumque verum esse potest, his ex cicutâ moderate & methodicè exhibitæ usu reconvalescentibus, illis ex immoderate datæ abusu morientibus.

Semen cicutæ inter alia componit pilulas arthriticas Theodori Mayerne tract. de arthrit. 3. p. m. 236.

Quapropter non dubito, si istiusmodi remedia etiam in aliis affectibus sine præjudicio exhiberentur, ægros non minorem fructum ex iis percepturos esse, sed inani timori adscribendum est, quod ea hætenus à Medicis minùs fuerint usurpata. Atq; excusandus est Renealmus, qui in observatione

tertiâ & quartâ modò citatâ testatur se radice cicutæ internè in substantiâ à ℥j. ad ʒß. vel in infuso ad ʒij. felici cum successu in scirrhis lienis, hepatis & pancreatis gravissimis usum esse qui verò ob id factum à Michaelē Etmüllerō Phytol. Schröder. Dilucid. de Cicut. temeritatis, & qui solus eò audaciter accesserit, accusatur. Quantò magis injuria est accusare Medicum temeritatis propter remedium, quo ad salutem suorum & grotorum, & cum successu usus est, & quantò magis accusandus Etmüllerus, quod in re non ita periculosâ nequicquam trepidet. Nam cicutæ etiam internè in parva dosi data non est venenum, nec Renalmus eam in magnâ dosi exhibuit.

Hæc tamen remedia cautè sunt usurpanda, uti cetera istius sortis remedia. Maxima autem cautela est, ne peccetur in dosi. Nam hæc remedia in largâ dosi venena sunt, in parvâ verò utilissima remedia, quod itidem auctoritate Galeni confirmari potest. Ille libr. 1. de vict. ration. in morb. acut. Comment. 2. text. 12. dicit purgantium remediorum naturam corporum, quæ expurgantur, naturis esse contrariam, immò lethalem & deleteriam. Uti autem succi papaveris, mandragoræ, hyosciami, & aliorum istiusmodi multorum (uti cicutæ) quæ nobis & substantiâ & viribus adversa corpus perimere nata sunt, portionem exiguam sumentes magnam percipi-

ciant qualitatem, sic & purgantium medicamentorum, quorum natura corporibus nostris adversa est, exiguam aliquam præcidentes partem ad suppetias ferendas utimur. Est igitur Galeni mens & sententia, etiam quæ nobis naturâ & substantiâ deleteria sunt, quod contra nostrorum Medicorum opinionem, talia nullo modo in Medicinæ partem venire posse statuentium, est probe notandum) in parcâ dosi exhibita ad morbos sanandos esse utilissima; talia autem esse, hyosciamum succum papaveris, opium, mandragoram, cicutam, quæ tamen nostri Medici, excepto papavere & opio nullo modo in medicinâ tollerari posse clamitant, atque doctrinam Galeni Principis nostri re & experienciâ comprobata, verbis & ratiunculis destructum eunt. Notandum præterea est antiquos Medicos & Galenum hisce rebus in medendo usos fuisse, uti eos natura produxit, non, uti multi nostrorum prætendunt, præparatis, & venenatâ suâ qualitate spoliatis servatâ utili, quia hoc non est necessarium, & ea ipsa venenata qualitas servari, & non per inanem correctionem tolli necesse est, quia ea ipsa est, quæ methodicè in usum tracta, salutaris est, & ad medendum expetitur. Cui malè operam & sumptus collocarentur, si quis purgantia etiam valida suâ forti purgandi virtute per præparationem privare institueret,

eret, quia ea fortis purgandi virtus ad quosdam humores tenaces & viscidos, qui debilibus non parent, educendos, & alios humores contumaces corrigendos requiritur, quâ per superfluum correctionem nimis infractâ, vel planè sublatâ, etiam Medicus cum suis ægrotis suo voto & desiderio frustratur.

Altera cautela est, ut cicuta, uti alia narcotica, in convenientibus morbis, quales sunt vigilâ immodicâ, dolores, mania nonnullâ, catarrhi tenues, serofi, tabes, hæmophthysis, fluxiones alvi immoderatæ, dysentericæ, mensium fluxus immodicus, item justo tempore, & viribus adhuc integris exhibeatur. Minimè verò in asthmate, hydrope, cachexiâ, alvi obstructionibus, affectibus melancholicis, soporosis, apoplecticis, virium debilitate, & in morborum fine.

Externè in tumoribus duris, scirrhosis resolvendis cicuta est magnarum virium.

Ad scrophularum dissolutionem a D. Theodoro Zwîngero p. m. 458. lit. A. tit. Halskropflaudatur emplastrum è cicutâ Hildani.

Mayerne Prax. I. cap. 19. p. m. 143. emplastrum ex gummi ammoniaco in succo cynosbati & cicutæ dissoluto strumas dissolvere scribit.

Emplastrum spleneticum è cicutâ ad dissolvendos lienis tumores scirrhosos, duros omni-

omnibus notum est, & in officinis ad usum prostat.

Cicutam ad scirrhum mammarum resolvendum unâ cum galbano, ammoniaco, opanace, radice scrophulariæ, nicotianâ commendat D. Theodor. Zwingerus p. m. 272. Aliud emplastrum tumores scirrhosos virtute potissimum cicutæ resolvens, notat Joh. Schroederus, & ex eo D. Medici Augustani inedit, ultim. Pharmac. Augustan.

Ad cancrum mammarum occultum mitigandum egregiè conferre cataplasma ex cicutâ recenter impositum testatur Michael Ettmüller Chirurg. Medic.

Præstantius remedium ad scirrhos resolvendos non dari inquit Johann Agricola, quàm succum expressum cicut. mandragor. ā. ꝑ. v. gumm. galban. ammoniac. in acet. dissolut. ā. ꝑ. ij. fl. sal. armoniac. ꝑ. j. ol. tartar. ꝑ. iij. coque in tigillo continuo movendo ad evaporationem succorum, adde terebinthin. ꝑ. ij. croc. oriental. ꝑ. iij. emplastr. de melilot. diachil. simplic. ā. ꝑ. iij. ceræ q. s. pro emplastro corio dense obducendo. Impositum dolorem causatur, hoc non obstante per tres dies finatur, renovetur deinde, iterum novum imponatur, & ita scirrhus emolliatur.

Vel ꝑ. cicut. man. iij. fl. genist. man. i. gumm. ammoniac. libr iij. infunde in s. q. aceti deinde ebulliant, donec ammoniacum sit

fit solutum, postea cola,colato adde succi nicotian. ver. 3vj. succ. ebul. 3iiij. iterum ebulliant,tandem adde resin. pini, terebinthin. ā. 3iiij. styrac. calamith. ā. 3vj. mirrh. 3iβ. ol. coct. capar. cerā ā. q. s. f. emplastr.

Ex foliis hyosciami in aceto coctis, addito oleo de cicutā, amygdalar. amararum Joh. Fortis ad tumorem lienis discutiendum emplastrum parat.

"Urina plurimum habet salis armoniaci
"sive volatilis, immo ferè tota in salem certo
"artificio convertitur. Penetrantissima est
"istius salis facultas, estque ad attenuandas
"& dissipandas congelatas materias aptissimus.
"Ideo utiliter in urinā coquuntur, quæ
"ad rem faciunt simplicia, ut ꝙ. rad. bryon. sigill. B. Mariz, raphan. rustican. ā. 3ij. cyclamin. cucumer. asinin. ā. 3iβ. rasur. lign. sanct. cortic. ejus. ā. 3i. fol. tabac. Indic. man. ij. scordii, hyosciam. Peruvian. seu tabac. foemincicut. totius ā. man. iβ. f. decoctio in urinā profotu sæpius usurpando diu quavis vice, & per plurimos dies calidè. Theod. Mayerne tract. 4. cap. 6. de lue venereâ p. m. 380. emollit nodos venereos.

Ad dolores arthriticos sedandos & tophos resolvendos sæpius cum successu cicuta & aliis uti licet. ꝙ. rad. symphit. major. recent. libr. caulium virid. cicut. ā. man. iiij. rad. tabac. Anglic. 3vj. coque in lacte ad putrilaginem

ginem, pistentur, trajiciantur, trajectis adde micæ panis albi lacte macerat. medull. pomi tost. ā. libr. 1. flor. cassiæ ℥iiij. spermat. Ceti ℥iiij. medull. cruris bovis ℥v. groc. pulveris. 3 ij. m. f. cataplasma semel quotidie renovandum. Hoc Comitissam de Betfort statim levabat post omnia alia remedia frustra tentata. Mayerne tract. iiij. de arthritide.

Cicutam, mandragoram, ad oculorum dolores, rubores & inflammationes usurpâri in praxi medica non est infrequens, uti & radicem, folia, semen hyosciami, uti ex Dioscoride patet. Unde Theodorus de Mayerne tractat. de arthritid. Cicutâ oculis licet cerebro vicinis innoxie imponitur."

Remedia oculorum dolores & inflammationes sistunt, & ex mandragora, hyosciamo, cicuta constantia, ex Galeni libro de compositione medicament. secund. loc. haberi possunt.

Sedum majus, portulaca, folia hyosciami, mandragoræ, solani viridia, contusa, vel panno involuta, vel sub cineribus parum cocta apposita, valide dolorem oculorum compescunt. Felix Platerus de oculor. dolor. curat. p. m. 304.

Ad adstringendum, & simul dolorem leniendum. R. fol. plantagin. sedi major. solan. ā. man. β. fl. rosar. violar. a. p. β. sem. psyllii papaver. alb. a. 3 ij. coque in aquâ, si radic. mandragoræ 3 ij. additur, dolorem citius compescet. Idem p. m. 306. l. c, Non-

Nonnulli cicutam ad sororiantes & luxuriantes virginum & mulierum mammas coercendas, & lac in puerperarum mammis ejus succo suppressendum imponunt.

Ut mammae parvae & durae maneant novem diebus manè & vesperi eas cum succo cicuta fomentare, & herbam tritam iis superligare praecipit Petrus Forestus in schol. observat. 25. libr. 17. Quod verò D. D. Simeon Pauli & Fridericus Hoffmannus non tutum esse dicunt.

Hanc sententiam confirmare videtur observatio 3. centur. 2. Petri Borelli. In ea refertur mulierem quandam nobilem cum mammas minuere optasset, consilio cujusdam Medici eis cicutam imposuisse, & aliam, ut variolarum notas è mammis & summo thorace deleret, remedium ex arsenico aliisque venenis parato applicasse, & ambas inde mortuas esse. Cautè igitur hisce remediis, immò nunquam nisi in morbis desperatis, ut cancro, lue venerea, utendum esse censet. Ego verò cicutam mammis impositam cum D. D. Wepffero non ita periculosam esse statuo. Nam si esset, folia cicuta contusa & imposita, non tam multis tumoribus & doloribus eorum sine periculo fuissent applicata, nec Practici ad resolvendos mammarum tumores cicuta, & remediis ex ea confectis, quale est emplastrum de cicuta Hildani v. D. Joh. Dolai

Ency-

Encyclop. Chirurg. p. m. 646. 1. tam crebri-
 uterentur. Tale etiam cataplasma pro lactis
 coagulo resolvendo mammis calide appli-
 candum Theod. Mayerne sect. 7. de curat.
 gravid. ut ℞. fol. virid. vinc. pervinc. cherefol.
 apii, cicut. a. man. ij. contundantur in mor-
 tario, addendo acetum rosaceum, & olei rosa-
 cei a. pro æquo f. cataplasma. Vel ad lac in
 mammis non repellendum, uti quidam minus
 rectè credunt, sed resolvendum ℞. fol.
 menth. exsiccat. man. j. cicutar. man. ij. cori-
 andri præp. ʒß. m. & coque in aqua & aceti æ-
 quali portione pro epithemate.

Idem etiam de arsenico, quod remedium
 cicuta violentius, dici potest, quo can-
 cros mammarum tutò curatos fuisse, multa exem-
 pla loquuntur. Allatum verò exemplum ex
 Borello quod attinet, de eo nihil judicari po-
 test, quia reliquæ circumstantiæ scitu necessa-
 riæ in eo non referuntur. Ceterum venenis in
 medicina cautè utendum esse, ipse cum Bo-
 rello judico.

Præcipuus usus cicutæ ad cohiben-
 das epiphoras æstivas oculorumque dolores
 sedandos circumlitus miscetur collyriis, &
 alios omnes rheumatismos cohibet. Folia
 quoque omnem dolorem & tumorem & e-
 piphoras sedant. Anaxilaus author est mam-
 mas succo cicutæ illitas à virginitate semper
 staturas. Quod certum est, lac puerperarum
 mam-

"mammis imposita extinguit, veneremque
 "testibus illita. Plinius natur. histor. 25. cap.
 13. 36. Illud autem D. Wepfferus cicutam
 præstare credit non refrigerando, repellendo,
 & spiritus suffocando, quod credebant vete-
 res, sed resolvendo, attenuando & consu-
 mendo, cum particulis calidis sit prædita tract.
 de Cicut. aquat. cap. 22. Et Felix Platerus
 de extuberant. curat. p. m. 405. rectè sentit
 "cicutam lac extinguere, & mammarum in-
 "crementum sistere, docente Dioscoride uti
 "& alia narcotica non vi refrigerante, sed po-
 "tius discutiente, qualem ipsis inesse adeo, ut
 "etiam duros tumores resolvant, multoties
 "jam declaravimus.

Cicuta cataplasmatibus immixta in tol-
 lenda gangræna sæpius cum summo successu
 usurpatur. Barbette cap. 14. testante. Confer
 Stephan. Blanckhardum Chirurg. libr. 3. cap.
 25. Quod autem valde pugnat contra eos,
 qui cicutam calorem nativum extinguere af-
 ferunt. Nam si hoc verum esset, cicuta parti-
 bus imposita & illita gangrænam generaret,
 non tolleret.

"Quidam glandis inflationem maxi-
 "mam & lucidam, quam Lutetia crystallinam
 "vocant, incurrit cum insano penis dolore.
 "Huic immisso per patentem præputii hiatum
 "cicutæ folio leviter digitis trito, sedatus bre-
 "vi dolor, eo denique repetito tumor omnino
 discul-

discussus est, quod postea sæpius expertus " in secretis habui ad hanc diem. Henricus ab " Heer observ. medic. libr. 1. observ. 7.

Cicutæ ut veneni peccantis antidota sunt. quæ aliorum narcoticorum, ut opii, hyosciami, mandragoræ, solani, inter quæ excellent acidia. Unde Hieronymus Tragus libr. 1. cap. 159. histor. stirp. se vidisse refert mulierem quandam honestam, quæ cum inter pastinacas radice cicutæ fortè fortuna vesceretur, ebriam quasi & insanam redditam fuisse, ut in altum scandere, & subvolare conaretur, cui haustu aceti subventum est, ut ad mentem rediret. Nam uti sol nebulas, ita acidia exhalationes narcoticas sursum ad cerebrum ascendentes, & ei caliginem inducentes discutunt. Statim ab initio veneni assumpti emetica profunt. Dioscorides contra cicutam sumptam lac bubulum & asininum potandum offert, quod non est sine ratione. His enim acrimonia cicutæ nervosum genus irritans, obtunditur, tum exhalationes sulphuræ superiora capitis petentes reprimuntur. Quod etiam nitrum præstare, quod Aetius laudat, credo.



Caput XIX.

De Mandragorâ.

Mandragora herba est pomifera radicem habens, quæ hominis partes inferiores quodammodo repræsentat, Germanis Alraun nominata.

Eadem non in nostris terris nascitur, sed cortex radices ad nos aliunde & potissimum ex Italiâ asportatur.

Odore est, uti Matthioli in Dioscoridi, libr. 4. cap. 16. admodum gravi, nauseabundo, amaro, & injucundo gustu. Certa itidem cõpia & mensura ad lædendum requiritur.

Venenosam esse extra dubium est. Nam ejus potu facile ægrotantes in veternosum soporem delabuntur, quin & segnes, & languidi, & tristes, & exsoluti fiunt, adeò ut clamoribus & torsionibus excitati repente rursus tanquàm amentes recidant, & quantitas sumpti veneni largior, planè hominem occidit.

Duo igitur Mandragoræ intus sumptæ abusus consequuntur, sopor & delirium, quod hoc venenum cum opio, hyosciamo, solano commune habet.

An Mandragora morbis ut remedium opponi possit, adhuc inter Medicos controversatur.

Dan.

Dan. Ludovici dissert. 1. de anodyn-
mandragoram agyrtis relinquendam, atque
eo ipso eam remedium Medico indignum es-
se statuit.

Bonnettus mandragoram, ut hyosciamum
intus propinare nefas esse ducit, habere enim
ea sulphur impurum. naturæ inimicum.

Unde hujus remedii usus internus hodie
est rarissimus.

Quicquid autem nostri Medici de man-
dragoræ virtute medicâ statuunt, Veteres ta-
men eam in medicinâ non averfabantur, quod
ex Galeno patet, qui libr. 9. cap. 5. radicem
Mandragoræ ad fluxum dysentericum cohi-
bendum commendat. Idem cap. 4. loc. cit.
contra dolorem colicum eam præscribit, ubi
inquit, Andromachum etiam aliâ compositi-
one contra colicam usum fuisse, quæ etiam
alia quædam habet præter priora ejusdem
generis cum opio & hyosciami semine exi-
stentia, velut malorum mandragoræ suc-
cum, ut qui ex radice ejus expressus est, &
succum cicutæ: & paulò post; Colica Tullii,
id est remedium ejus succum Mandragoræ i-
tidem recipit. Colica Terentii Valentis con-
stat ex Senonis, piperis alb. sem. hyosciami
3xj. succ. papaver. 3xx. croc. 3viij. vel ut
alii, 3vj. cortic. rad. mandragor. 3iij. mellis q.
f. Colica Apollonii inter alia succum man-
dragoræ admittit. Alia, ut Nicostratus Isothe-

os appellata empta talentis duobus, faciens ad stomachicos, oculorum dolores & vexationes, vulvæ labores, ex aquâ mulsâ incoctâ rutâ usurpata succum mandragoræ admittit.

In pectoris affectibus, ut hæmophthisi, pleuritide, destillationibus, acribus, &c. ut magnus est usus remediorum narcoticorum, ita etiam radices corticis mandragoræ, uti ex Galeni libro 7. de compos. Pharmac. sec. loc. cap. 5. patet. quale est hoc ꝛ. rad. cortic. mandrag. sem. hyosciam. alb. ā. ʒiij. laur. cretic, ʒiij. thuris mascul. succi papav. croci myrrh. ā. ʒv. trita redige in pastillos obolares. Plura hujus fortis vide loc. cit.

"Aliqui, inquit Dioscorides libr. 4. cap. 71. radices Mandragoræ in vino ad tertias coquant, & defecatum jus servant, cyathoque uno utuntur in pervigiliis & doloribus, & ante sectiones & unctiones, ne sentiantur, & paulo post: loc. cit. Mandragoræ drachmam 1. in pane, offâ, obsonio devorata usum rationis intercipere aiunt, obdormiscit enim homo eo, quo comederit, statu, sensus impositus, senis, quaternisque, ex quo data est, horis. Hac Medici utuntur.

Ternæ minæ mandragoræ in vini dulcis metretam conjiciuntur, dantur ex eo terni cyathi iis, qui secari, aut amburi debent, ut ante dictum est, si quidem nullo tunc afficiuntur dolore. Idem

Mandra-

Mandragoræ tanta vis narcotica inest, ut etiam solum odorata, somnum inducat, uti accidit Levino Lemnio, qui hujus fructus stirpem negligenter in musæo reponens inde somnolentus est effectus, ut sopor ægre excuti potuerit. Joh. Schenk. observ. 165. libr. 7.

Mala mandragoræ soporem afferunt olfactu, & etiam si manducantur, item expressus ejus succus, cujus nimio odore percussi obmutescunt. Dioscorides loc. cit.

Quid veteres Medici de Mandragoræ temperie statuerint, id Galenus de compos. pharmac. secund. loc. libr. 7. cap. 5. docet, quando inquit, colicas confectiones stupefactoriam vim prædominantem habere ex multitudine refrigerantium pharmacorum. Quale est semen hyosciami. cicuta, & papaveris succus, & cortex radice mandragoræ. Quod verò mandragora calidæ naturæ sit, id probate ejus odor, sapor, atque fortis emolliendi & resolvendi virtus, de quâ paulo infra, & qualis etiam in aliis narcoticis calidis ut cicutâ, nicotianâ, hyosciamo, &c.prehenditur. Tum quoque effectus præternaturalis, & deliria, non aliter ac hyosciamus, producents.

Sed nec recentiores Medici usum mandragoræ internum omnino omittebant.

Tincturâ mandragoræ & hyosciami ad maniam curandam usus est Paracelsus, quod

ferè convenit cum doctrina Dioscoridis qui succum mandragoræ duobus obolis ex mulso potu, ut veratrum, per vomitiones atram bilem, pituitamque extrahere, verùm potu largiore vitam adimere loc. cit. scribit.

Michaelem Ettmüllerum usum mandragoræ magnificisse ex verbis ejus supra cap. de hyosciam. citat. liquet, quibus hyosciamum mandragoram, solanum, ipsumque salutiferum papaver vulgò sub venenorum classem redigi testatur, cum tamen horum legitima præparatio, & usus divinas manus medentibus porrigat, & nunquam satis deprædicandam opem ferant.

Quænam autem horum venenorum legitima præparatio, & in quò ea consistat, nec Ettmüllerus nec alii hæctenus docere potuerunt. Nam uti acida narcoticorum remedium vim infringere, atque fumosas eorum exhalationes à ventriculo ad caput ascendentes, non secus ac aqua in ignem injecta, repellere posse, non negari potest, ita nec hoc, quod ea, uti etiam jam de opio fuit notatum, simul etiam virtutem suam medicam & salutaris privent. At invenire tale corrigens, quod solum noxiam qualitatem, servatam utili, tollere queat, est valdè difficile, immò impossibile, quia qualitas remedium medica cum venenata eadem est, nisi quod ea in quantitate excedat. Quod iterum exemplo vini & ejus spiritus

spiritus demonstrari potest. Illud enim si sobrie bibatur, vim suam confortantem egregie exferit, sin verò largius & immodicè sumatur, veneni narcotici effectum edit, ejusque naturam æmulatur, dum corpori insaniam & torporem inducit. Qui igitur vinum, spiritum vini spagyricè ita resolvere, & latitantem in iis qualitatem confortantem & narcoticam ita separare potest, ut hâc sublatâ servetur altera, ille mihi erit magnus Apollo, ejusque subtili & arcano invento in corrigendis etiam aliis rebus narcoticis magnopere applaudam.

Externè remedia ex mandragorâ applicata multorum morborum medela sunt. & imprimis ea ocularibus affectibus destinantur.

Folia recentia convenienter oculorum inflammationibus & collectionibus, quas ulcera citant, cum polentâ illinuntur, duntaxat omnes, suppurationes, strumas & tubercula discutunt, stigmata sine exulceratione delent, si quinis, senisque diebus sensim perfricantur. Folia servantur in muria eosdem ad usus. Trita radix ignibus sacris ex aceto, & serpentium moribus ex melle aut oleo medetur. Strumas, atque tubercula cum aqua dissipat, articulorum cruciatus cum polenta sedat. Dioscorides loc. cit.

Mandragora, epiphoris, quod certum est, medetur, & oculorum dolori radix tusa cum rosaceo & vino. Plinius Natur. histor. lib.

"libr. 25. cap. 13. Nam succus multis oculo-
 "rum medicamentis admiscetur, & paulò
 "post. Odor mandragoræ gravis, sed radicis
 "& mali gravior, &c. Gravedinem affert etiam
 "olfactu, quanquam mala in aliquibus terris
 "mandantur, nimio tamen odore obmute-
 "scunt ignari. &c. ob hæc fatis est quibusdam
 "odore somnum quæsisse.

"Cicutam, mandragoram ad oculorum
 "dolores, rubores & inflammationes usurpa-
 "re, in praxi non est infrequens, uti & radi-
 "cem, folia & semen hyosciami, uti ex Di-
 "oscoride patet. Theod. Mayerne tractat.
 de arthritid.

Remedia loculorum dolores & inflam-
 mationes sistentia, & ex mandragora, cicuta,
 hyosciamo constantia (quibus nostrates jure
 folia nicotianæ adjicere possunt) ex Galeni
 libr. de composit. remedior. secund. locos
 haberi possunt.

"Sedum majus, portulaca, folia hyosci-
 "ami, mandragoræ solani viridis contusa, vel
 "panno involuta, vel sub cineribus parùm
 "cocta apposita validè dolorem oculorum
 "compescunt. Felix Platerus de oculor. do-
 "lor. curat. p. m. 304.

Ad astringendum, & simul dolorem le-
 njendum R. fol. plantag. sedi maj. solan. a.
 man. β. fl. rosar. viol. a. p. β. sem. psyll. papa-
 ver, alb. a. zij coque in aqua, si radic. mandra-
 gor.

gor. 3ij. addantur dolorem citius compeſcet.
loc. cit. p. 306.

In oculorum dolore ejus infuſum in aquâ appropriatâ adhiberi ſolet. Frider. Hoffmann. pharmac. libr. 4. ſect. 1. §. 212.

Extrinſecus uſus Mandragoræ eſt in oculorum rubore ac dolore, eryſipelate, in tumoribus duris, ſtrumâ. Joh. Schröder. Pharmac. libr. 4.

Cicutam, mandragoram, ſcirrhum mammarum reſolvere, atque unâ cum galbano, ammoniaco, opopanace, radice ſcrophulariæ, nicotianæ applicanda commendat Theodor. Zwinger p. m. 272.

Ad ſcirrhum lienis reſolvendum multi Præctici ſuccum mandragoræ non minus, quam cicutæ conferre ſtatuunt, cujus exempla & remedia paſſim in authoribus deſcripta extant.

Relatum mihi à quodam mercatore, Turcarum commercio utente Monſpelii, Lupiam ſive Ganglium ſatis amplæ magnitudinis fronte evanuiſſe applicatione ſæpius iteratâ pomorum mandragoræ per medium ſectorum. Theodor. Mayerne tract. 4. de Lue Venereâ,

Lenimentum ad ſcrophulas, quibus cortices Mandragoræ radicis ammixtæ ſunt, vide apud eundem Theod. Mayerne libr. 1. cap. 19. Prax.

Narcotica etiam ſi frigida ab omnibus cen-

seantur; attamen & viscerum & lienis, & he-
 „ patis, & ipsorum ossium duritiam emolli-
 „ unt. Mandragoræ radix ebur emollire fer-
 „ tur, quæ si senis horis cum eo decocta sit, ad
 „ accipiendam, quam effingere optaveris for-
 „ mam ipsum facile reddit. Dioscorid. libr. 4.
 cap. 64. Theod. Mayerne loc. cit.

Quæ verba Mayerniana ita accipienda
 sunt, ac si is dubitaret de frigiditate narcotico-
 rum, & mandragoræ, & voluisset dicere: nar-
 cotica quidem censeretur ab omnibus frigida, &
 tamen ea scirrhus viscerum emollire, qui mor-
 bi sunt frigidi, & ad sui curationem remedia
 calida poscunt, atque hanc virtutem narcoti-
 corum resolutoriam ea magis calida esse pro-
 bare, in quo quidem non erravit Mayerne.
 Nam scirrhus sæpius viscerum affectus frigi-
 dos esse omnes agnoscunt Practici, qui mor-
 borum causas probe sciunt. Ubi diligenter
 notanda sunt verba Galeni libr. 9. de compos.
 medicament. secund. loc. cap. 3. dicentis.
 Quæ verò ob frigidos & viscosos humores
 „ in solidis corporibus imbutos indu-
 „ rantur, ex necessitate frigidam habent affe-
 „ ctionem. Quare & calefacientibus, simul-
 „ que tenuium partium opus habent, hæc e-
 „ nim sufficientia sunt, & ad viscositatem hu-
 „ morum induratis partibus infarctorum ex-
 „ tergendam, & ad secandam crassitudinem, &
 „ discutiendos humores ita attenuatos &c.
 Quæ

Quæ sententia Galeni & Veterum, quàm multò verior est illâ recentiorum, qui dicunt illud humerum coagulum oriri ab acido? Nam acida, uti experientia id probat, sanguinem coagulatum resolvunt, sunt partium tenuium, & ad secandos crassos humores in tumoribus duris, eosque attenuandos aptarum, quæ virtus attenuatoria inter alia ex usu oxymelitis simplicis, squillitici, de Peto Quercetani, hel-leborati, item gummi ammoniaci in aceto soluti, & contra tumores duros, scirrhosos tam intra sumptorum, quàm extra applicatorum observari potest.

Sunt aliqui, qui in scirrho lienis acetum ferro candenti ignito superfundunt, atque vaporem ascendentem parte affectâ excipiunt, & ita induratum partem emolliunt.

Quia igitur hæc virtus remediorum narcoticorum, ut cicutæ, hyosciami, mandragoræ resolutoria & attenuatoria tumorum durorum & scirrhorum manifestè probat eorum caliditatem, ut aliarum rationum, quibus sæpius laudatus D. Joh. Jacob Wepfferus contrariam, sed falsam sententiam oppugnare conatur, quæque in ejus erudito tractatu de Cicut. aquat legi possunt, hîc non mentionem faciam, mirari licet, quomodo nihilominus Medici talia pro frigidis remediis habere potuerint. Non minus mirandum est vulgò narcoticis remediis condensandi virtutem

tem adscribi, quæ tamen tumorum scirrhorum attenuatoria esse, modò dicta probant. Quod non ignoravit Felix Platerus, ut ex ejus verbis prax. habit. corpor. dolor. curat. p. m. 732. constat, ubi ita : Narcotica ratione doloris admota, cum stupidiorem partem reddant, non solum præ ceteris dolorem compefcunt, sed & quia calore suo, quo consistare alibi jam sæpe ostendimus, humorem, simul resolvunt, proderunt, tutoque, nec ita cum periculo, uti creditur, usurpantur, ut hyosciami, mandragoræ, ac papaveris folia, recentia contusa, vel prius decocta admota, valdè juvant in dolore arthritico. Quibus verbis Platerus remediis narcoticis non solum calefaciendi & resolvendi virtutem attribuit, sed etiam timorem eorum arguit, qui narcotica in doloribus arthriticis sopiendis propter suam incrassandi vim periculosa esse censent. Eadem repetit prax. tract. 2. de superficiali corpor. dolor. curat. p. m. 814. ubi narcotica in tumoribus erysipelaceis duplici modo & stupefaciendo & digerendo prodesse, nec eorum usum extimiscendum esse, docet.

Sunt enim hæc omnia remedia acerbis, acutis particulis prædita, quibus tam suam virtutem medicam in attenuandis crassis humoribus, quam venenatam nervosi generis irritatricem, vel alteratricem exercent. Atque talia ea esse debere, etiam alia remedia contra tumo-

tumores duros, scirrhusos, obstructions, directæ ostendent, qualia sunt, gummi ammoniacum, bdellium, sagapenum, galbanum in aceto dissoluta, nicotiana, radix cyclaminis, bryonia, mercurialia, salia volatilia urinosa, martialia, quibus non sufficientibus veteres ad ipsa caustica, uti capite de arsenico diximus, immo ad ipsum ignem, nostrates Medici verò ad Mercurium sublimatum & præcipitatum rectissimè ascendebant, hæc enim omnia sunt tenuium partium, & ut cum Gale-
no loquar, ad secandos viscosos humores, tumorum scirrhorum authores, apta.

At inferat quis, scirrhum esse tumorem induratum, qui emollientia magis, quàm exsiccantia remedia, qualia sunt intensè calida, exigat, atque ideò calidissimorum remedium usum in curatione scirrhorum, & aliorum tumorum durorum à multis Medicis dissuaderi, quia summa caliditas necessariò & semper secum conjunctam habet qualitatem summè exsiccantem, quæ tumoribus duris minimè convenit. Ad quod responderi potest, emollientia duplicia esse, quædam enim humectando emolliunt ea, quæ à calidis fuerunt indurata, qualia sunt omnia humectantia, lenientia, refrigerantia, mucilaginosæ, ut aqua communis, lac & inde parata, mica panis albi cum lacte & paucò croco pro cataplasmate, & alia cataplasmata ex farinis hordei, tritici

tritici, lacte, radicibus mucilaginosi, ut althææ, herbis malvæ, parietariæ verbasci, composita, emulsiões arte paratæ, oleum expressum amygdalarum dulcium, liliorum alborum, olivarum, albumen ovi, oleum rosarum, violarum, pinguedines; alia sunt, quæ acribus, acutis & igneis suis particulis poros corporum subeunt, ea resolvunt, & ita emolliunt, qualia sunt omnia calidissima, immo ignis ipse, quem ferrum, aurum, argentum & omnia metalla liquare & emollire, omnibus notum est. Hæc licet exsiccantem naturam habeant, resolvendo tamen dura corpora effectum emollientem edunt.

Si jam quæritur, quænam species emollientium tumoribus duris, scirrhis resolvendis & curandis adaptanda sit, an ea quæ ut aqua, an quæ ut ignis emolliunt, dico propter jam ostensam rationem posteriora magis proficua esse, quàm priora, ut humectantia & refrigerantia, quæ tumores magis indurabunt, humores magis condensabunt, quàm solvent. Unde pessimè suis ægrotis consulunt illi Medici, qui ad emolliendos tumores duros in remediis & diætâ humectantia & refrigerantia præscribunt, è contrario vana est sollicitudo eorum, qui intensam caliditatem medicamentorum in curatione tumorum durorum, & scirrhorum timent, & credunt eorum usu & applicatione eos magis induratum iri. Nam
rem-

remedium, quo majorem caliditatem habet. eo majorem etiam vim resolvendi & emolliendi habebit. Si igitur Medici practici in scirrhis mammarum usum emollientium tanquam periculosum proscribunt, ut facit D. Dolzeus, Ettmüllerus, qui cap. 10. de lactis vitis tumores mammarum per suppurantia & emollientia propriè dicta in caneros degenerare docet, id non ita simpliciter, sed cum distinctione, nempe de humectantibus, mucilaginosi, oleosis, non verò de iis, qui particularum suarum acutie resolvunt, intelligendum est, qualia sunt cicuta, mandragora, &c. atque etiam hîc observari debet, commune dictum, qui benè distinguit, benè docet.

Nec video quî optatum effectum (hâc stante doctrinâ) remedia ex emollientibus seu humectantibus & simul dissipantibus & discutientibus composita, qualia contra scirrhos lienis præscribere nonnullis consuevit, edere possint. Quia istiusmodi pharmaca ex contrariis simplicibus constant. & quia summa curationis in resolutione & discussionem materiæ viscosæ consistit, quam humectantia impediunt, atque eapropter tantum nocent, quantum discutientia juvant. Ita acetum, ammoniacum, cicuta, hyosciamus, nicotiana, mandragora habent partes acutas pungentes dissolvendis & dividendis viscosis partibus idoneas, quas per ammixtionem humectan-

mectantium obtundere, est simul ea privare virtute sibi medicâ.

Quod mandragora epiphoris, inflammationibus externis, & ignibus sacris medeat, multi putant evincere eam frigidam esse, verum hanc rationem nullius momenti esse exemplo cicutæ, camphoræ, nicotianæ doceri potest. Nam hi affectus desiderant remedia calida, acria, serum putre excrementitium ardorem & inflammationum causam resolutiva & dissipantia, non verò frigida & humectantia, quæ ob eorum condensandi & repellendi vim non periculo carerent. Quare mandragora non suâ qualitate frigida sed calidâ, acri & dissipatoria dictos affectus tollit, & quotidie in morborum curatione evenire experimur, calida, acria remedia effectum frigidum edere ratione symptomatum, calidum verò ratione causæ morbificæ.

Ex pomis mandragoræ vel foliis hyoscyami in lacte decoctis addendo parum croci Rondeletius cataplasma stupefaciens parat.

Verum mandragoræ antidotum, si ut venenum peccet, est, quæ aliorum narcoticorum, nempe acetum, & alia acida, ut syrupus sibi, berberum, acetositis citri, granatorum acidorum, spiritus vitrioli, salis, nitri, sulphuris. Reliqua hîc conferentia ex prioribus haberi possunt.

Caput

Caput XX.

De Solano.

Solanum, quod nonnulli etiam Strammonium vocant, herba est baccifera, cujus radix, herba, & baccæ venenatæ sunt, & in narcoticorum classẽ vulgò à Medicis referuntur. Inprimis baccæ copiosius ingestæ somnum, deliria & alia gravia symptomata excitant, & quandoque mortem inferunt, unde hæc herba Germanis Dollkraut, Dollwurz, Schlafbeer, nominatur.

Hujus veneni noxii effectus exempla apud Joh. Schenkitum in observationibus, & D. Joh. Jacob Wepferum tract. de Cicut. aquat. & alios authores Medicos annotata extant.

Hoc unicum de hujus herbæ radicis mirâ vi ex Mathiol. comment. ad libr. 4. cap. 69. Dioscoridis adducam, scilicet, si quis hujus radicis drachmam pondere crassiusculè tritæ in vino per septem ad summum horas maceraverit, & vinum percolatum jejunus degustaverit, fiet, ut is nullo modo edere poterit, nisi epoto paulo post aceto. Hoc enim antidoto fucus statim eluditur, reditque qui sumpsit ad cibum. Jocus est magnus ubi quis gulosis parasitis hoc apposuerit venenum, cum mensis optimis cibis refertis assidentes nihil prorsus cibi ingerere queant.

A a

Similia

Similia de hujus radicis qualitate in vino macerata etiam notavit Gesnerus libr. 1. e. pistol. cap. 34.

Tale vinum bibens (inquit Joh. Baptista Porta magiæ natur. libr. 14. cap. 13.) post assumptum bolum cibi nullâ diligentia, conatu, aut labore deglutire poterit sine faucium læsione aut dolore, ut vix potum admit-
tat.

Hanc deglutiendi difficultatem etiam à baccis solani comestis ortam notat historia cujusdam pueri, quam describit D. Camerarius in Joh. Jacob Wepfferi tract. de Cicut. cap. 17.

Verùm nec defunt Medici, qui Solani virtutem medicam observarint, & annotaverint. Sic refert observatio 64. ephimer. Natur. Curios. decur. 2. anni 3. dysenteriam per vinum, cui infusæ erant bacca solani summo cum fructu & successu, quo enormis fluxus sistebatur, dolor demulcebatur, malignitas per sudorem resolvebatur, curata. Ex quibus constat Solanum easdem virtutes obtinere, quas opium, quod quantâ virtute in sistendo fluxu dysenterico, doloreque ejus sopiendo, sudore promovendo, præditum sit, nemo nescit.

In scholio ad citatam observationem meminit Exc. Lucas Schrœkii syrupi Gesneriani, quem Gesnerus libr. 1. epistol. ad Achill. Gasserum,

Gasserum, cap. 34. mirè effert. De solano syl-
vatico (si prius non scripsi, sum enim nimis
obliviosus) hoc à me accipe, & cela omninò
tanquam mysterium ; succum ex ejus fru-
ctibus (acinis, qui cerasa referunt) expres-
sum, & ad syrupi consistentiam cum pauco
saccharo decoctum, ita efficacem esse, ut vel
ligulæ, aut cochlearis parvi mensura somnū
inferat, fluxiones sistat, dolores tollat, dysen-
teriam curet, gratus est planè, sed cavendum.
ne amplius detur. Ego cum laude usus sum.
vide Joh. Schenckium libr. 7. observat. 164.
de Venen. Verùm de hoc syrupo Gesneri-
ano finistrè judicat Geörg. Hieron. Welsch,
atque Gasserum ab ejus usu merito eâ quâ e-
rat prudentiâ semper abstinuisse refert. Sed
magis est amplectendum judicium Exc. D.
Lucæ Schroeckii, qui loc. cit. usum hujus me-
dicamenti non reprobat. Nam si fortiora nar-
cotica, ut succum papaveris, & opium Gale-
no in quarto gradu frigida in Medicinâ non
formidamus, quod periculum timendum est
à debiliore, ut succo solani, quem Galenus
in tertio gradu frigidum constituit ?

In hoc Gesneri experimento multa sunt,
quæ ad confirmandam nostram opinionem
faciunt.

Nam primò remedium ex classe veneno-
rum desumptum, tanquàm summum arca-
num deprædicat, quod & nos ubique faci-

mus; secundo in exhibendo remedio intra parvam dosin subsistendum esse admonet, quod in exhibitione omnium venenorum sedulo admonemus, si ea remedii officio fungi velimus; tertio baccarum solani succum citra ulteriorem ejus preparationem in syrupum coquit. Nam remediorum venenatorum naturalem qualitatem per superfluas correctiones & preparationes non debilitandam & auferendam, sed sollicitè conservandam esse, jam sæpius probavimus.

Decoctum baccarum aliquot solani maniaci specificum contra hydrophobiam appellatur à Theodoro Mayerne tract. de morb. extern. 2. cap. 12. p. m. 136.

Pilulas de stramonio ad dulcem somnum, suaviaque insomnia concilianda commendat Bartholetus, uti de eo D. Joh. Michael Prax. clinic. part. 2. cap. 2.

De solani somniferi radice corticis facultate ex Galeni libr. 8. simplic. medicament. Matthiolus commentar. in Dioscor. libr. 4. cap. 69. 6. hæc habet. Solani somniferi cortex radice, si cum vino bibatur, somnum accersit drachmæ pondere sumptus, sed & ad cetera quoque papaveris succo persimilis est, nisi quod eousque imbecillior est, ut ipse tertii gradus habeatur refrigerantium, cum hic in quarto sit constitutus.

Verum uti Galenus, & cum eo veteres
Medic.

Medici omnes de opii temperamento errant, ita etiam solanum frigidum esse falso asserunt, licet eadem de solani temperamento opinio etiam aliorum Medicorum sit, quam verò firmis rationibus refutavit Joh. Jacob Wepffer tract. de Cicut. aquat. cap. 17. quia, uti etiam ille rectè infert, symptomata à solano excitata, nec non ejus virtus diaphoretica, modò supra notata, atque ita qualitas ejus venenata & medica, illud calidum esse demonstrat, & quia omnia hæcenus recensita & examinata venena narcotica calida esse probavimus, etiam valde probabile est solanum idem cum iis temperamentum obtinere.

Solani semen urinam ciendi vim habet, verùm si plus duodecim corymbis hauseris, dementiam furiamque asciscet. Dioscor.

Sunt, refert Andr. Matthioli loc. cit. qui hanc plantam in usum medicum, ut audio, trahant, siquidem, ut quidam promittunt experimentatores, aqua ex totâ plantâ destillata pota duorum, aut ad summum trium cochleariorum mensura internas viscerum inflammationes extinguit, nullo corporis incommodo, sed, ut illi ajunt, à copioso ore potu abstinendum. Idem præstat exterius admota ad erysipelas, sacros ignes, & alios calidos effectus. Contusa folia & illita oculorum palpebrarumque phlegmonas leniunt. Unde aqua solani etiam inter ophthalmica remedia à Medicis referri solet. Ex-

"Externè succus ex baccis solani tetra-
 "phylli (quod vulgo herba Paris) expressus
 "ad epiphoras & ophthalmiam præcellentif-
 "simum est remedium, ideoque anima ocu-
 "lorum appellatur. Georg. Hieron. Welsch
 Mictomimemat. 25. in Epimer. Nat. Curios.
 Anni 4.

In erysipelate, dolore capitis, in æstu fe-
 brili mitigando solanum capiti & pedibus ap-
 plicatum, in parotidibus confert. Joh. Schrœ-
 der. libr. 4. class. 1. § 328.

Solanum hæmorrhoidibus dolentibus,
 & tumentibus ex consilio D. Binningeri cen-
 tur. 4. observ. 58. impositum, eorum dolorem
 compescit, & tumorem sanat.

Succi solani communis usus est in un-
 guentis & cataplasmatibus contra cancrum
 ulceratum & non exulceratum mammarum
 uti Medicorum libri testantur.

Ceterum quia baccæ solani vires habent
 opii viribus persimiles, non dubitarem, si quis
 etiam in aliis affectibus, in quibus opium u-
 surpari solet, iis uteretur, eas eundem effe-
 ctum habituras esse.

In quibus morbis solanum non conveni-
 at, & quâ methodo exhibendum sit, ex capite
 de opio, & hyosciamo intelligi potest.

Si solanum ut venenum nocet, & corpus læ-
 dit, acetum commune omnium veneno-
 rum

rum narcoticorum alexiterium, ei opponendum est, cujus usum etiam commendat Gesnerus loc. cit.

Solani radicis particula, inquit, fortè dimidiæ drachmæ pondere, si in poculum vini injiciatur, & de illo vino alicui propinetur (id quod per jocum, & ad lusionem aliquos fecitasse scio) per horam aut dimidiam ante cœnam eum qui gustavit, in cœnâ ab omni cibo alienum futurum, &, cum nec ægrotet, nec doleat, edere tamen non posse, quod si cochleare aceti aut succi limonum biberit, statim liberatur, & edit. Hoc argumento contra alia etiam ejusmodi venena maximam aceti, aut limonis, succive citrei vim esse conjiceris.

Verum ante omnia videndum, ut dato emetico venenum in stomacho existens per vomitum eliminetur.

Theriaca contra solanum data magis noxia quàm proficua erit. Nam caliditas ejus, & acrimonia, solani vim acrem & virtutem calidam augebit. Accedit, quod si theriaca recens esset, ob adhuc fortem vim opii, quod theriacam ingreditur, veneni vis & vires magis intenderentur.



Caput XXI.

De Cynoglossa.

CYnoglossa herba est, cujus flores & folia sed præcipue radix in usum medicum veniunt.

Quamvis autem de hujus virulentia aucthores ferè fileant, sunt tamen aliqui, qui eam narcosis virulentæ suspectam in remediorum numero non tollerari volunt. Ego verò formidinem de innoxio remedio, si dextrè & methodicè usurpetur, supervacaneam esse judico, idque eo magis cum vis narcotica in aliis & cynoglossa fortioribus, ut opio, hyosciamo non timeatur, nec timeri debeat. Licet si nimis liberaliter & incongruè exhibeatur, in hominis sanitatem & vitam peccare posse non abnuerim, quod verò non sufficit ad eam è remediorum numero expungendam, cum experientia constet, eam etiam insignes habere virtutes medicas. Et si cynoglossa propter meram suspicionem narcoseos noxiæ exterminanda esset, tunc ipse crocus itidem narcoseos noxiæ, si ejus nimium exhibeatur, non expers, immò vinum & spiritus vini, in remediis & diætâ exulare deberent.

Unde Medici nihilominus ejus usum in multis morbis suadent, & extollunt.

In officinis prostant ad usum pilulæ de cyno-

cynoglossa Nicolai, vel Mesue, de cynoglossa cum castorio Augustan. quæ ad catarrhos tenues à capite ad pectus delabentes, & inde natam tussim sistendos, somnum conciliandum sunt usitatissimæ.

Neque harum pilularum usum impedire potest, quod tria venena cruda, ut opium, radices hyoscyami, semine ejus virulentiores, & radices cynoglossæ, omnia à Medicis malignitatis accusata, & suspecta ejus compositionem ingrediantur. Nam quod hæ pilulæ in Pharmacopoliis nostris inter usitatissima prostent, iisque quotidie cum fructu utamur, id invictum augmentum est, timorem de horum remediorum venenositate & malignâ narcosi conceptum vanum esse, atq; sinistra ab eorum exhibitione provenientia abusui attribuenda esse. Si enim hæc remedia sunt venenata, si correctione indiga, atque unum eorum crudum exhibitum magnam agroti malum causari posset, quanto majus proveniret ab eo remedio, in cuius compositione tria venena narcotica accumulata sunt. Sed, uti dixi, tantum abest ut illud noceat, ut potius ejus effectum & utilitatem augeant quatuor ad unum scopum collimantia simplicia.

In observatione 88. Ephimer. Nat. Curios. anni 1696. annotatur pilulas de cynoglossa in convulsionibus ipsum opium superasse, ubi etiam hæ pilulæ excellentissimum

audiunt antispasmodicum. In Ephimer. loc. cit. quædam convulsa à gr. x. pilularum de cynoglossa in aquâ flor. tilia solutis incantamenti instar liberatur, ex opio verò somni ferî nihil experitur. Pilulæ de cynoglossa ad gr. iij. unâ cum auri fulminantis gr. ij. etiam infantibus epilepticis commendantur.

Verùm, uti dixi, hunc suum effectum hæc pilulæ non solum radici cynoglossæ, sed etiam hyosciamo, opio, croco debent, quæ unâ cum hac harum compositionem ingrediuntur, & ejus virtutes augment.

Prostat etiam in officinis unguentum de cynoglossa, seu buthyrum ejus tam internè quàm externè usurpandum, quod exhibetur ad contusa, suggillata, sanguinem concretum dissolvendum, dolorem pleuriticum sedandum, dolores podagricos mitigandos. Est præterea anodynum præstantissimum, & variis casibus accommodatum. Augustani.

Hujus unguenti vices agere potest, quod etiam est consilium D. Dan. Ludovici dissert. x. pharmac. si loco radicis cynoglossæ hyosciami radix in buthyro coquatur, coletur & deinde sumatur, vel applicetur.

"Radix ficca pulverisata in vino rubro
"pota dysenteriam, gonorrhæam sanat, im-
"moderatum mensium fluxum sistit, & omnis
"generis vulnera & ulcera curat. Frider. Hoff-
mann, Clav. Schröder, sect. 1. libr. 4. §. 133.

℞. rad.

℞. rad. cynogloss. oliban. boli armen. ā.
 ʒj. tragacanth. ʒij. myrrh. ʒʒ. opii. spic. ā. ʒj.
 croc. ʒ. cum succo cynogloss. f. massa dosis ʒʒ.
 ad ʒij. Catarrhos, tusses, alvi fluxum certissimè
 sistunt. Joh. Langius libr. 3. cap. 8. p. m. 858.

An cynoglossa frigida sit, an calida, in-
 quiri meretur. Ego cum D. D. Wepfæro eam
 unâ cum opio, hyosciamo, mandragorâ, cicu-
 tâ calidam esse judico. Vulgò eam frigidam
 esse credunt. Errori occasionem dedit vis
 cynoglossæ narcotica, quam virtutem narco-
 ticam non nisi â frigiditate provenire posse o-
 pinabantur veteres. Quanquam autem his
 concedendum sit, quandam narcosin â fri-
 giditate oriri, qualis est illa, quæ â pituitâ san-
 guinis motum circulatorium ad cerebrum in-
 tercipiente & spirituum vitalium influxum in
 illud impediente, atque carum, & eum subse-
 quentem apoplexiam generante oritur, non
 tamen id de omni narcosi intelligendum est.
 Nam sunt multa narcotica calidissima, quæ co-
 piosum sulphur volatile ad cerebrum exha-
 lant, atq; spiritus vitales ibi degentes, non se-
 cus ac fumus ignem suffocant, vel eos inqui-
 nant, atq; in officio suo peragendo impediunt,
 inter quæ nonnulla sunt tantæ vehementiæ,
 ut vel soium odorata hunc effectum præstent,
 quod fieri de opio, mandragorâ, croco, expe-
 riri licet. Alias pro narcoticorum, ut opii, hy-
 osciami &c. caliditate pugnantes rationes

hic

hic repetere non est opus, quæ etiam apud alios authores legi possunt.

Externè radix cynoglossæ à Frider. Hoffmanno loc. cit. unâ cum herbâ laudatur ad ulcera inveterata, & maligna, item hujus aquam ad mariscas seu hæmorrhoides collutione & insperione esse efficacissimam, item ad ambusta, dolores, alopecias. Nec non pulverem & decoctum radice ad ulcera ex lue venereâ contracta pulvere insperso, decocto ulcera eluente, idem scribit.

"Componitur etiam inde emplastrum in
"vulneribus insignes virtutes emollientes &
"anodynas habens, licet rarissimè à Practicis
"adhibeatur, sed quæ rara, chara sunt. Idem loc. cit.

Nostrates mulieres ad abigendos & resolvendos tumores mammarum unguento de cynoglossa utuntur, cui, si fortius redere cupimus, spiritus vini crocatus addi potest.

Lixivio cynoglossæ capite abluto eique deinde pinguedinem natricum illinito, internè exhibito Mercurio dulci, item pulvere viperino in vino saccharato sæpius sumpto à tineâ & alopeciâ curatur generosissima Comes à Fleckenstein.

℞. rad. siccat. hyosciam. vel pomor. siccor.
mandrag. sigill. B. Mariz ā. ʒj. rad. cicut. ʒß.
cinnab. Mercur. dulc. capit. cerv. ā, ʒvj. gum.
ammo-

ammoniac. succo cicut. & mandragor. solut.
& inspissat. ℥ij. camphor. ℥ij. Terantur te-
renda in alkohol seorsim Deinde ℞. mass. em-
plastr. de Vigon. Mercur. quadruplicato 3vj.
emplastr. de mucilagin. ℥ij. Emolliantur ad
levem calorem cum paucō oleo lilior. alb &
quartâ parte axungię viperinę postea in cor-
porentur omnia exacte, & f. emplastrum mas-
sâ prius per aliquot dies in cellâ malaxatâ.
Loco pulveris rad. hyosciami præstat ecchy-
loma è succis præparare, & ad consistentiam
reducere, quod fieri potest ex aliis quoq; nar-
coticis, ut quoque e rad. bryon. cynogloss.
cortice median. ulm. &c. quæ omnia insigni-
ter emolliunt. Est præstantissimum ad tophos
arthriticos. Mayerne tract. 3. de morb. extern.

Hanc virtutem emollientem cynoglos-
sa unâ cum aliis narcoticis, ut mandragorâ,
cicutâ, hyosciamo communem habet. Unde
ad resolvendas scrophulas utilissimum est em-
plastrum gummi ammoniaci in succo cicutę
& cynoglossę dissoluti, & internè potus
ordinarius constans ex cerevisiâ radicibus
cynoglossę, scrophulariæ majoris, filipendu-
lę, graminis bulbosi medicatę, addita bona
quantitate guajaci admodum resinosi &
spongię bedegnaris, iuxta præceptum D.
Theod. Mayerne Prax. libr. 1. cap. 19. & ra-
mentis stanni Anglici.

Lienem recenter mactati bovis in tumo-
re

re & duritie lienis ejus regioni adhuc calidè applicatum multis proficuum fuisse scio, verum si juxta Mayerne prax. libr. 3. cap. 12. decoctum paratur, cui inter alia cortic. med. ulmi, sambucus, cicuta, & cynoglossa accedunt, eique immergantur duo lienes bovis, & calidè per horam applicentur, illud magis emolliet.

Virtus cynoglossæ narcotica si peccat, ea per acida est impugnanda. Reliqua dicenda vide in prioribus.



Caput XXII.

De Nuce vomicâ.

Nux vomica fructus est arboris in Indiâ orientali crescentis, & inde à Batavis per mare ad nos advecta, quæ verò veteribus planè fuit incognita. Sapore ejus est acris, & amaricantissimus, odor nullus.

Communitè inter venena refertur, & quidem non immeritò. Nam horrenda symptomata, ut convulsiones, cordis anxietas, rigore & torpore partium, atque ipsa morte subsequenter ab ejus usu interno proveniunt.

An tam atrox venenum in Medicinâ contra morbos locum habeat, de hoc authores Medici contrarias sœvent opiniones.

Primi

Primi Arabes nostris temporibus nucis vomicæ usum in Medicinam introduxerunt, & nullus dubito. si antiquioribus Medicis hæc nux fuisset cognita, quin etiam plura de hujus fructus utilitate & usu ex eorum monumentis producere possemus, ut qui in usu venenorum cordatiores fuerunt nostris Medicis, quibus ad infamandum remedium, & veneficii condemnandos eos, qui his utuntur, satis est audisse nomen veneni, quâ verò opinione nihil aliud perficitur, quàm quod materia medica insigniter mutiletur, & optimâ sui parte privetur. Quot enim hujus census remedia in pharmacopoliis irrita, rejecta, condemnata? Quod fatum etiam nux vomica experta est, cujus usum hodiè maxima pars Medicorum detestatur, atque tam crudelem vitæ nostræ hostem nullo modo in medicinâ tollerandum esse clamat.

Casparus Hoffmannus libr. 2. cap. 163. §. 149. scribit, se nolle tam temerarium esse ut eam ægrotis porrigat.

Ammannus in manu duct. ad materiam medic. 63. edit. Lips. añ. 1675. nucem vomicam ratione malignitatis admodum suspectam, & propterea à Medicis prudentioribus ex famoso electuario de ovo rejiciendam esse censet.

D. D. Daniel Ludovici dissertat. 1. de diaphoret. vegetab. p. m. 273. pharmac. modern.

dern. electuarius de ovo propter nucem vomicam suspectum quidem, sed innoxium & sat efficax nominat.

At nullus vehementius in hujus electuarii usum invehitur, quàm Franciscus Joel oper. medic. tr. 5. f. 3. p. 62. ut Samuel Polifius in suâ myrrhalog. cap. 2. Ephimer. Natur. Curios. Decur. 2. anni 6. appendic. testatur, Ille electuarius de ovo Maximiliani acri censurâ perstringit, & triplici nomine illud accusat. 1. compositionem ejus inconcinnam, ineptam, fatuam & omni *εὐταξία* carentem, 2. ex venenatis constantem, 3. ex extremè calidis & *ιδιόσυρροτα* corporis & spirituum destruentibus compositam, & ex cujus usu infiniti fuerint extincti, nominando.

Similiter D. D. Augustani nucem vomicam ex electuario de ovo rejiciendam esse judicarunt, quorum vestigia hodie fere omnes reliqui Medici sequuntur.

Mihi verò à parte eorum, qui nuce vomicâ usi sunt, & utendum esse censent, standum esse videtur, non obstante quod hæc opinio valdè paradoxologica habeatur, & parum me movet ratio, quæ infert, nucem vomicam venenum esse, ergo eam, locum remedii salubris nunquam tueri posse, cum etiam alia sint venena, quibus tamen optimo consilio tanquam remediis uti possimus. Sunt enim solum venena in nimia dosi & *ἀμετάωστος* præposterè

posterè usurpata, in debitâ verò quantitate, iusto tempore, & convenienti subjecto exhibita sunt præstantissima remedia, nec venenū hîc aliud notat, quàm summæ activitatis remedium, ceu quoque crocus in justâ & restrictâ dosi sumptus cordialis, alexipharmacus & anodynus est, qui verò in nimîâ dosi venenosus, & hominem enecare potest, quem tamen ideo nemo ex remediis exterminare conatur. Quod ipsum etiam de nuce vomicâ judicandum est, cujus, uti croci, iusta quantitas homini data non solum ei innoxia, sed etiam salutaris & alexipharmaca erit.

Quapropter illud famosissimum electuarium de ovo, in cuius compositione inter alia alexipharmaca non infimum locum sibi vindicat nux vomica, injustè damnatur.

Illius causam agit Theophilus Bonnetus Mercur. compital. libr. 19. de alexipharm. &c. 27. Suspectum quidem est quibusdam ait electuarium de ovo ob nucem vomicam, quæ canibus, vulpibus, corvis, lupis &c. venenum est, quâ de causa Augustani eam exclusere ab antidoto, innumeris tamen experimentis salutaris fuit illius usus.

Ipse D. Daniel Ludovici hoc electuarium quidem suspectum, sed innoxium, & sat efficax nominat; si igitur innoxium & sat efficax est, nec suspectum esse meretur.

Illud magnis laudibus celebrat in peste

Mindererus Loimiater expertissimus Augu-
 stanus in ejus tractat. de Pestilent. p. m. 217.
 "his verbis: Quantis porrò viribus polleat e-
 "lectuarium illud de croco & ovo ad Maximi-
 "lianum Imperatorem P. F. August. relatum,
 "usus persæpe docuit, in hoc enim præter a-
 "lia ingredientia myrrha, crocus & campho-
 "ra insigniter contra veneni, & putredinis
 "malitiam pugnant, imprimis si in constitu-
 "tionibus calidioribus ad calorem ejus non-
 "nihil contemperandum syrupus è succo ace-
 "tosæ, aut limonum ei commisceatur & por-
 rigatur.

Ejus salutarem effectum in seipso ex-
 pertus est D. D. Joh. Jacob Wepfferus. Cum
 enim, recenset de seipso tractat. de Cicut. a-
 quat. cap. 13. schol. 2. aliquando ipse peste
 "corruptus fuisset, atque morbum tanta viri-
 "um prostratio comitaretur, ut de me actum
 "esse creditum fuisset, Parens de salute meâ
 "solicitus, alio remedio bezoartico frustra
 „sumpto, & per vomitum rejecto, subsequen-
 "te magnâ anxietate, & summâ virium debili-
 „tate, portiunculan electuarii de ovo in ace-
 „to rosaceo solutam propinavit, mox obdor-
 "mivi, totâ nocte sudavi, manè vegetus sur-
 "rexi, emergente sub axillâ dextrâ bubone
 "parvo, qui citra suppurationem aut ulteri-
 "orem decubitum & usum medicamentorum
 "evanuit, pleneque per Dei gratiam convalui.

Quid

Quid autem ad commendandum usum hujus electuarii & nucis vomicæ præstantius proferri potuisset, quod in morbo acutissimo, incassum exhibito alio bezoartico, tam promptum & strenuum auxilium attulit, quàm hoc? Unde eo magis miror D D. Wepferum nihilominus ejus usum non approbare, velei fidere voluisse. Nam paulò anteloc. cit. se assentire iis inquit, qui nuce vomicâ non utendum esse censent, cum certa præmanibus sint, & quæ semel mala deprehensa fuerint, semper mala meritò præsumantur, aliis tamen medicamentis permixta, fortè minùs noxia, vel saltem ejus virulentia ita obtundatur, ne possit damno aliquo afficere. Se meminisse, pergit, Empiricam quandam tabellâ cephalicas carè vendidisse, quarum ingredientium numerum nux vomica implevit, ne moque inde læsus fuit, quamvis plures utriusque sexus, imprimis provectioris ætatis illis manè jejuno stomacho vescerentur. Ad quam verò objectionem viri aliàs celeberrimi reponi potest, ad rejiciendum aliquod remedium non sufficere, id quandoque malum deprehendi, cum remedia sæpius peccent, non culpa sui, sed aliorum qui iis abutuntur, atque commune dictum est, rei abusum, non tollere ejus usum. Sic purgationes, venæsectiones, opiata, cortex chin de chinâ, & alia innumera sæpius mala fuerunt deprehensa, &

ab eorum abusu multi homines perierunt, quis verò ea semper mala meritò præsumat, aut eorum usum abroget? cum quæ culpa & noxa sinistrè remediis utentibus imputanda est, injustè remediis imputetur, quæ prudentem Medicum si adepta fuerint, salutaria erunt, atque in eorum remedium numero etiam nucem vomicam esse, inter alia etiam ipsum exemplum D. Wepfferi probat, qui nucem vomicam in electuario de ovo se usum, atque ab eo se servatum, nec non tabellas cephalicas mulieris empiricæ à multis devoratas nemini nocuisse ipse fatetur. Ceterum periculosum esse remedium nucem vomicam concedo, quod verò periculum peritiæ & prudentiæ Medici facile evitari potest.

Multò minùs dici & probari potest aliorum alexipharmacorum effectum perperam nuci vomicæ attribui, vel ejus noxam aliorum virtute obliterari, cum ille effectus salutaris nucis vomicæ, etiam si sola, & sine accessu aliorum remedium, vel cum nonnullis paucis ab ægrotis sumitur, se exserat, præterea ille effectus non solum in electuario de ovo sed etiam in aliis compositionibus deprehenditur. Ita gentianæ radicem cum tantillo nucis vomicæ sumptam contra febres intermittentes, cortice chinæ de chinâ præstantiorem esse asserit D. Joh. Dolæus Encyclop. medic. libr. 4. cap. 8. p. m. 169. 1.

Non-

Nonnulli, teste Hartmanno, ex nucis vomicæ 3 j. & vini absinthii f. q. infusum antiquarium parant. D. D. Wedelius Amœnit. mal. medic. p. m. 337. se novisse recenset, factorem empiricum, qui nucis vomicæ usu non paucos à febre tertianâ liberavit, uti ex eo D. D. Matth. Seutter in disput. inaugurali suâ profert.

Raimundus Mindérerus tractat. de Pestilent. cap. 3. non paucos ex plebe nucis vomicæ partem magno suo commodo ad sudorem eliciendum devorasse testatur.

Quid in aliis compositionibus nux vomica possit mox dicemus, quæ verò ut & electuarium de ovo non tantæ virtutis & efficacitæ essent si nux vomica in debita quantitate iis addita esset venenosa, quia illa sine dubio vires aliorum alexipharmacorum vel remedium infringeret, & remoraretur, dum alexipharmaca non solum cum causâ morbifica, sed etiam cum veneno loco remedii exhibito pugnare cogerentur, atque electuarium ex sibi invicem contrariis compositum inutile redderetur. Quapropter magis credendum est, nucem vomicam in electuario de ovo, & aliis compositionibus cum alexipharmacis ei associatis suas vires ad debellandam malignitatem conferre, quàm iis repugnare. Cui rei nobis fidem facit, insignis illa amarities, & acerrimum alkali causticum

Bb 3

quid

quid præ se ferens, quod nuci vomicæ inest, quodque mumialem, utralia amaricantia, virtutem possidet, atque fermento putredinali pestis & febrium malignarum potentissime resistit, tum quoque cruditatem & viscositatem illam humorum in febribus intermittentibus peccantem egregie corrigit & dissipat, ceu quoque alia venena naturalia venenis morbofis, præternaturalibus, & ex corruptione & putredine humorum ortis è diametro contraria esse experimur, uti cap. de arsenic. mercurio sublimat. præcipitat. dictum fuit.

Unde debole est argumentum, quod affirmat venenum, ut neque nucem vomicam munere alexipharmacæ fungi posse, cum sit spiritibus inimicum. Nam ad virtutem alexipharmacæ exerendam sufficit, ut remedium causam pestis, malignarum febrium, nec non aliorum venenatorum morborum expugnet, nullo habito respectu ad spiritus nostros, quod etiam de purgantibus supra notavi, & licet nux vomica & alia venena per se naturæ & spiritibus sint adversa, quia verò causam morborum validè oppugnant, à quâ spiritus oppressi sunt, per accidens spiritibus & naturæ nostræ redduntur amica, eisque utilem operam præstant. Quo etiam referenda sunt verba Thom. Willisii censentis remedia contra pestem directæ ejusmodi esse oportere, ut eorum particulæ potius miasmati vene-

venenato, quàm sanguini aut spiritibus sint congeneres. Uti autem Willisio ea remedia pestis, quæ nullam planè cum sanguine & spiritibus nostris congeneitatem, ut ita loquar, habent, ne, ut ipse statuit, à calore nostro subigantur & superentur, ad debellandum virus aliis aptiora esse facile concedi potest, ita minimè assensum meretur, quod curationem & præsertionem in peste ab alexipharmacis ob similitudinem eorum cum causa morificâ perfici statuatur, cum alexipharmaca pleræq; præstantissima non solum sanguini & spiritibus nostris, sed etiam causæ pestis planè sint dissimilia, immo è diametro ei opposita. Nam in peste & morbis malignis peccat fermentum putredinale, corruptivum, quod contrariis suis qualitatibus omnia alexipharmaca oppugnant, uti alibi ostendi, atq; ejus census remedium, unâ cum aliis venenis naturalibus etiam nucem vomicam esse, non ambiget, qui summam ejus amaritiam & acredinem ad extinguendum quodcunque miasma putredinale maxime aptum considerat.

Quare nux vomica summâ cum ratione electuario de ovo additur, verùm in quantitate debitâ, & non excessiva, ita enim omnes suas vires in causam morificam convertet, quæ in largiore dosi sine dubio corpus aggrediretur, & contra illud suas venenosas qualitates exfereret. Nec hoc electuarium

nuce vomica spoliandum esse censeo, quia hoc præcipuum ejus ingrediens est, & cui multum illius virtutis, qua præditum est, debet, & cum etiam reliqua simplicia sint alexipharmaca selectissima, non mirum est hoc electuarium virtutes theriacæ superare. Quomagus miror Franciscum Joëlem hujus electuarii compositionem in concinam, ineptam fatuam appellare, ex extremè calidis constare, & hujus usu infinitos fuisse extinctos, cum tamen observationes Medicorum passim annotatæ contrarium, & innumeros ab ejus usu servatos, in eo nullum simplex esse, quod non expertissimorum Medicorum calculo sit summum alexiterium, testentur. Nam primò crocus ovo inditur, & cum vitello ejus affatur, ut pulverisari queat. De croci cordiali alexipharmaca, & in multis morbis malignis, ubi diaphorisi opus est, polychrestâ virtute omnes Medici testari possunt. An luteum ovi alexipharmacum sit, non equidem liquidò mihi constat, neque id certò asseram, illud tamen non negari potest, vitellum ovi in affatione croci virtute imbui, atque ei corpus præbere, & si etiam supervacanea ejus additio esset, non tamen ob tantillam rem tantos clamores sustollere oporteret. Semen sinapi gaudet acredine aromatica, qua miasma putredinale consumit & dissipat, & si est calidissimum, quid exinde? Crocus, camphora, Zedoaria, allium,

allium, myrrha, angelica, spiritus & salia volatilia urinosa, spiritus vini atque cum eo parata tinctura, elixires, spiritus & aqua alexipharmacæ, prophylacticæ, bezoarticæ sunt calidissimæ, immò nonnulla eorum naturæ causticæ & inflammantis, ut piper, Zingiber, euphorbium, & tamen in alexipharmacorum agmine consistunt, & maximam partem nobilissimorum antidotorum constituunt, & quidem merito suo. Nam quid fermenti putredinalis vires melius sistet, quàm ignis, & quæ ejus vires æmulantur. Reliqua electuarii ingredientia sunt folia dictamni albi, radix tormentillæ, myrrha, cornu cervi, radix angelicæ, pimpinellæ, grana juniperi, Zedoaria, omnia malignitati resistentia remedia, & quæ omnia reliqua ferè virtute superat, camphora, de qua verissimè judicavit D. D. Joh. Dolæus; remedium in peste & malignis sine camphora esse militem sine gladio. Longè aliter quàm D. Joëlius de hoc electuario judicavit Joseph. Quercetanus lib. r. cap. 22. p. m. 169. ubi se compositionem electuarii de ovo non contemnere, nec primam inventionis gloriam suis authoribus invidere fatetur.

Quomodo igitur de hoc remedio dici potest, quod ab ejus usu infiniti fuerint extincti, quos magis vi morbi, quàm ob usum remedii mortuos fuisse multò magis credendum est.

Sed præter electuarium de ovo etiam alia sunt remedia, quæ nucem vomicam, & quidem in sat largâ dosi admittunt, inter quæ est celebre electuarium camphoratum Kegleri, ut R. rad. dictamn. alb. tormentill. ā. ℥ij. Zingiber. alb. ℥ij. rectius ℥ss. sacchar. cand. ℥ij. margarit. præpar ℥ss. nucis vomic. ossis de corde cerv. ā. ℥ij. camphor. ℥j. theriac. Andromach. ℥iiij. sacchar. alb. in aqua acetositat. citri solut. q. s. f. electuarium. dosis 3j. ad ℥ij.

Aliud. R. rad. dictamn. tormentill. Zedoar. ā. ℥ss. Zingiber ℥ij. herb. cardui bened. ℥ss. turpeth. alb. gummos. nucis vomic. ā. ℥ss. rhabarb. ossis de cord. cerv. ocul. cancr. ā. ℥j. camphor. ℥j. sacchar. cand. ℥j. theriac. Andromach. ℥vj. misce f. electuarium. dosis ut superioris.

R. croc. orient. 3j. rad. Zedoar. tormentill. nucis vomic. ā. 3ij. camphor. ℥j. fem. eruc. rad. dictamn. alb. angelic. ā. ℥ij. petasit. ℥iiij. theriac. Venet. veter. ℥vj. mitridat. ℥vj. f. electuarium. Alexipharmacum est Kegleriano nihil aut parum cedens. Joh. Schröder. Pharmac. libr. 2. cap. 58. §. 10.

Frider. Hoffmannus thesaur. pharmac. sect. 6. §. 15. p. m. 45. in peste pro tribus vicibus præscribit sequentem potionem. R. electuar. de ovo, theriac. Andromach. ā. ℥ij. aq. scordii, gentian. galang. ā. ℥ij. in mortario supra ignem dissolutis, deinde colatis ammi-

sce

ſce ſyrup. acetofit. citr. ſcord. a. ꝑvj mixtur. ſimplic. ʒj. miſce. Idem Hoffmannus loc. cit. 3. 9. 12. electuarius bezoarticus deſcribit, quod etiam ex nuce vomica concinnatur.

Confer etiam D. Reichardum Morton. de febr. p. 348. 349.

Iſtiusmodi electuaria nucem vomicam, & quidem in magna doſi recipientia in peſte ultima Viennenſi uſurpata fuiſſe author eſt Paulus de Sorbait. conſil. medic. de Peſt. quæſt. 23. p. 30. Sed notat eos, qui hiſce uſi ſunt, inde temulentos redditos, & vomitum iis conſecutum fuiſſe, quod ſine dubio ab immoderato remedii uſu accidit.

Ad præſervationem à peſte fuiſſe ſumptum hunc pulverem. R. ſacchar. cand. ʒiſ. nucis vomic. ſeu myriſtic. ʒß. ʒij. cubebæ. ʒß. ſalv. ſcord. rut. rad. ſcorzoner. anif. granor. juniper. herb. carduib. cereſol. coriandr. fœnicul. a. ʒj. miſce f. pulvis, cujus manè tantum ſumatur, quantum bis cuſpide cultelli ſumi poteſt.

Cur verò in hoc pulvere nuci vomicæ, nux myriſtica ſubſtituatur nullam video rationem. Nam nux myriſtica non tantas virtutes miasmati peſtifero reſiſtendi obtinet, quantas nux vomica.

Nonnulli ad præſervationem à peſte nucem vomicam linguæ ſubdunt notante Frider. Hoffmanno Clav. Schræder. loc. cit. quod

quod aliis fabulosum esse videtur, verum sine ratione. Fit enim contagium, quando ex infecto corpore miasma putredinale, viscidum & lentum exhalat; quod ob suum lentorem & visciditatem alteri corpori facile adhæret, & similem fermentationem putredinalem in eo suscitât; in nuce vomica vero est acerrimum alkali, quod non secus ac arsenicum, mercurius sublimatus, cantharides immò ipso ignis illud miasma lentum incidit; attenuat, consumit, & quasi devorat, & ita contagium arcet, & à peste præservat.

Quod non ignotum fuit Zacuto Lusitano. Nam libr. de Medic. Princip. 2. ad histor. 28. quæst. 27. ita differit: Calida venena contagium non inducunt; quoniam in sicco sunt constituta; & seminarium ab iis elevatum ad adurendum magis, quàm ad putrefaciendum est accommodum. Qui locus iterum acerrimè pugnat contra eos, qui pestem ab exhalationibus venenatis arsenicalibus & mercurialibus ex cryptis terræ provenientibus & aerem inficientibus oriri statuunt. Nam si venena caustica non sunt accommodata ad putrefaciendum, neque erunt accommodata ad pestem generandam, quæ à putredine est, & per contagium propagatur.

Qui acidum fermentationis putredinalis authorem esse in peste & morbis contagiosis statuunt, dicere possent, acidum in peste peccans.

cans ab suo inimico sale alkalino, quo nux vomica prädita est, debellari, at nos acidum, pestis causam agnoscere non possumus, qui non ignoramus acida in peste & febribus malignis exhibita efficacissima esse remedia, atque fermentationi putredinali potentissime resistere, non verò eam excitare. Nam quicquid habet particulas acutas, penetrantes, atque miasma pestis & morborum malignorum lentum, viscidum, contagiosum dissecare aptas, illud horum morborum curationi infervit, at alia sunt acida non minus ac multa alkalia. Ergo tam acidum quam alkali acre est pestis remedium. Confer quæ de spiritu vitrioli capite de Arsenic. ex Menderero produxi. Verum de hac re prolixius egi tractat. de Paradox. 8.

Extractum nucis vomicæ ingreditur pilulas pestilenciales de Euphorbio Jos. Quercetan. libr. 1. cap. 14. p. m. 122. 1. descriptas.

Idem Quercetanus loc. cit. cap. 22. p. m. 168. 2. aliud electuarium de ovo pro gregariis commune substituit, quod etiam nucem vomicam admittit, quodque ad præservationem & curationem pestis pretiosum antidotum esse, sudorem movere, omne venenum ab interioribus & profundis partibus ad externas propellere, cor roborare, illudque ab omni veneno vindicare atque tueri asserit.

Nucem vomicam contra morsum canis rabidi

rabidi, & inde pronascentem hydrophobiam specificum esse, author est Theod. Mayerne tract. 2. cap. 12. de mors. canis rabid. Ibidem etiam electuarium de ovo cum diaphoretico Joviali commendat.

Ex relatione D. Christophori Mayeri Pharmacopœi nostri habeo, quendam nobilem Luneburgensem nomine Haxhausen contra lue veneream ex præscripto Medici decoctum quoddam, in quo nucis vomicæ ʒiſs. decoquendum erat, usurpasse. Quod conferre in dictis morbis eo magis credendum est, quia etiam in morſu canis rabidi, & lue venereâ peccat fermentum putredinale, corruptivum, quod amarities mumialis quæ nuci vomicæ inest, expugnare valet. Non minus acredo nucis vomicæ humores crassos, pituitosos, qui in lue venereâ nunquam desunt, incidit, & attenuat & quæcunque colocynchidem ejusque usum in lue venereâ, eadem etiam nucem vomicam commendant.

Virtutem nucis vomicæ antifebrilem ex quibusdam authoribus jam notavimus, quam etiam contra quartanam à nonnullis Medicis & Chirurgis unâ cum radice gentianæ dari observatio 96. decur. 2. anni 2. Ephimer. Nat. curios. tradit.

Theodorus Mayerne tractat. de febrib. cap. 4. in febre tertianâ ad alliciendum sudorem sal. absinth. ʒß. electuar. de ovo ʒj. aq. card.

card. bened. ℥iij. horâ ante paroxysmum sumendum præscribit. Rationem effectus reddere non est difficile. Nam acris & caustica remedii amarities spondet etiam ab ea cruditate humorum in febribus intermittentibus dominantem correctum iri.

In Anonymi cujusdam scriptis nux vomica in pulvere seu rasurâ ad foetum mortuum ejiciendum commendatur. Quamquam nucem vomicam non solum foetum mortuum ejicere, sed etiam eum adhuc vivum interimere valde probabile sit. Nam amara remedia at fortia, qualia sunt cucumeris agrestis, seu elaterium, colocynthis, myrrha, & alia foetui nocere Galen. l. 8. conceptis verbis affirmavit. Talis etiam est nux vomica, quam aliquando puellæ à stupratore suo oblâtam scio, puella tamen remedium sumere recusante, & rem ad Magistratum deferente, qui Collegium nostrum de hac re sententiam ferre jussit. v. Joh. Baptistæ Sylvatici controvers. 85. p. m. 381.

Vomitivum Nicolai ex nuce vomicâ constat, & in Antidot. Joh. Jacob Weckeri libr. 2. sect. 21. p. m. 814. annotatum extat.

Tabellarum cephalicarum inter alia etiam ex nuce vomica constantium supra ex D. Wepffero mentionem fecimus.

Quidam Anonymus Medicus p. m. 823. asserit rasuram nucis vomic. 3j. pro tribus vicibus exhibitam insaniam dispellere.

Ex

Ex Quercetano Weckerus sequentem potionem vulnerariam describit *℞.* macis, oculor. cancr. Zedoar. *℥ā.* *ʒiij.* mumix, galang. minor. *ā.* *ʒij.* nucis vomic. *ʒiſſ.* Crasse contusis in vitro affunde vini albi mens. *iſſ.* maceretur lentissimo calore per biduum. Huius potionis vulnerariæ tanta vis, ut ejus cochlear unum pro unâ vice sumptum vix laudari queat.

Decoctum vulnerarium, quo se ad ulcus ab aliis incurabile in brachio pistoris cujusdam existens, scrupulis flavum fundens manifestissimo cum emolumento usum, quoque ulcus intra sex septimanas ad consolidationem perduxisse testatur Joh. Agricola ex sequentibus constat. *Rec.* lign. fassiafr. *ʒſſ.* rad. farsaparil. *ʒj.* rad. Zedoar. galang. *ā* *ʒiij.* ocul. cancr. contus. *ʒij.* mumix transmar. *ʒj.* nucis vomic. *ʒj.* incisa infunde in vini generosi libr. *3.* stent. in digestionem per *4.* dies. deinde coque ad tertiæ partis consumptionem. Colaturæ adde spirit. nitr. *ʒj.* Bibantur inde quotidie tres boni haustus. vid. tractat. ejus cum annot. D. Jenckins de Mercur. viv. p. 154.

Hic nota nucem vomicam in decocto vel infuso usurpatam minus noxiam & venenatam deprehendi, quam in substantia exhibitam, quod etiam de elleboro albo, colocynthide verum est.

Similis

Similis potio vulneraria etiam in Adriani Minfichthi armament. Medic. Chym. sect. 21. p. m. 336. 337. describitur. *℞.* rad. galang. min. Zedoar. oculor. cancr. mac. *ā.* *℥*℔. mumia transmarin. *℥*ij. nucis vomic. gr. xv. crassiuscule contusa infunde in vini generosi libr. 1. stent in loco tepido. Cujus mixturæ cochlear unum manè & vesperi adeò efficaciter operatur, ut si quid infixum in profundo corporis hæreat, illud propellat, sed in vulneribus capitis nox vomica omittatur.

Deinde notandum istiusmodi potiones vulnerarias non in principio vulnationis, exhibendas esse, ne iis exhibitis vulnus in febrem exardescat, sed solum in fine, & ut vulnus iis ad consolidationem perducatur. Ceterum hanc vim vulnerariam à virtute nucis vomicæ mumiali, quæ ad vulnere curacionem requiritur, dependere, etiam alii morbi contagiosi, & à miasmate putredinali pronati, in quorum curatione hæc nux non minus egregiam operam navat, credendum est.

Externè Indi, teste Hermanno, nucem vomicam cum aceto tritam parti capitis dolenti imponunt ad ejus dolorem sedandum. Nam licet nux vomica propriè non sit inter venena narcotica referenda, ei tamen à Frid. Hoffmanno (uti Clav. Schröder. Pharmac. p. m. 515. affirmat. virtus narcotica attribuitur. Ibi etiam hanc nucem, ut & cocculos pediculos

C c

necare

necare & pisces infatuare dicitur, unde etiam in phthiriasi usurpari potest.

Vel. *κ.* herb. verben. beton. ζj . rad. hel-lebor. nigr. rasur. nuc. vomic. α . ζij . aristol. rot. ver. ζiij . m. f. pulvis, cum vino vel fermento acriparetur cataplasma intra duo lin-teamenta calidè capiti pro dolore ejus appli-candum,

Homines ab ejus usu temulentos fuisse, redditos modò ex Sorbaitio attulimus, quod arguit vim narcoticam & inebriativam huic veneno non deesse, atque etiam in aliis mor-bis, in quibus opiata & narcotica solent, usur-pari posse. Gaudet etiam acredine summa amaricante humorum crassorum incisiva, at-tenuativa, & fermenti putredinalis destru-ctiva, quales humores crassos, putridos in lepra, melancholiâ, lue venereâ, tumoribus & scir-rhis lienis, obstructionibus, scabie, ulceribus malignis &c. peccare certum est. Quapro-pter utilis & curiosus labor erit, qui in inqui-rendis ulterioribus nucis vomicæ qualitati-bus, & quid ea etiam in aliis morbis possit, im-penditur.

Hiscè omnibus demonstratum fuit, nucis vomicæ venenosam qualitatem non impedi-re, quo minùs ea strenui remedii officio fun-gatur, eamque solummodò in magna quanti-tate exhibitam esse venenum. Tunc enim acris suis & nervoso generi inimicis parti-culis

culis tunicam ventriculi nervosam vellicabit, irritabit, atque per consensum totum nervosum genus in motus anomalicos concitabit & mortem inferet. Sunt enim nervi nihil aliud quam solida ipsius cerebri & membranarum ejus substantia, atque ab eo non secus ac funiculi dependentes, non autem (ut falso haectenus fuisse creditum tractatu nostro de Paradoxis docuimus) spirituum peculiarium canales. Unde facile fieri potest, ut uno nervo vehementer attracto, irritato (levis attractio non sufficeret) etiam tota machina & systema attrahatur, & irritetur. Si verò nuxvomica in parvâ quantitate exhibeatur, tunc ei adimitur potentia & licentia in nervosum genus peccandi, atq; ejus particulæ, acres, alkalicæ aliâs corpus nostrum offensuræ, causam morbificam aggredientur, & in eâ debellandâ vires suas confument.

Demonstratur porro exemplo nucis vomicæ venena etiam cruda & incorrecta facultatibus salutaribus nihilominus prædita esse, venenatam & medicam qualitatem ab unâ causâ procedere, quâ per inutilem correctionem infractâ, necessario etiam medica infringitur, & ad causam morbi tollendam infirmior redditur.

Refutatur etiam simul opinio eorum, qui nucem vomicam soli homini alexiteriam, ei-que nullam inferre noxam, canibus verò, fe-

libus, lupis & avibus venenosam esse statuunt, qualia etiam inter alios opinatus est. Joh. Michael in Notis in Schröderum cap. xi. & rectè monuit Casparus Hoffmannus loc. cit. talibus experimentatoribus non esse fidem habendam quia sine dubio nux vomica in larga dosi data etiam homini est venenum, quod inter alia etiam observatio D. D. Mattæi Seutteri in suâ disputat. inaug. Leidæ habitâ adducta docet, qua se vidisse refert foeminam Belgicam ab exhibitâ nuce vomicâ, & radice gentianæ pro scopo antifebrili periculosis horrendisque convulsionibus correptam, cum subsequente rigore & stupore ferè omnium partium, quæ tamen alexipharmacis debitis & in tempore exhibitis iterum fuit refocillata & restituta, & nisi alexipharmaca maturius propinata, aut si nuces vomicæ in largiore dosi exhibitæ fuissent, æternum sic loquendo forsan somnum obdormivisset.

Sed forsitan non solum liberalior nucis vomicæ dosi, verum etiam nimis delicata hujus mulieris corporis constitutio eam in hoc malum præcipitavit. Nam hæc altera est cautela, quæ in exhibenda nuce vomica observari debet, & si quis subtile & εὐαίσθητον, ut cum Cratone loquar, genus nervosum habet, ei nux vomica paulò largius data periculosa est. quales sunt infantes, pueri & foeminæ delicatæ & molles carnes, ut Hippocrates loquitur, haben-

habentes. Securius remedium nux vomica erit adultis viris, & robusto corpore præditis, & nondum aliis morbis extenuatis, item iis, qui humoribus viscidis & pituitosis abundant, quæ methodus in exhibitione omnium fortium remediorum observanda est.

NUcis vomicæ ut veneni peccantis remedia sunt, quæcunque venenum eliminant, simulque ejus acredinem nervosi generis irritatricem obtundunt. In quem finem Joh. Jacob Wepfferus tract. de Cicut. aquat. cap. 13. scholio 4. lac, vel aquam tepidam cum oleo infundere jubet, creditque, si canibus quibus nux vomica ingesta fuit antequam eorum vires prostratæ fuissent, ita vomitus prolectus, & eliminatum venenum fuisset, eos potuisse servari. Ita enim clarius constitisset, convulsionum authorem in ventriculo latere, quod experimentum aliis, qui dubitant, faciendum relinquit, non ignarus horum vegetabilium vim etiam ab aquâ valdè obtundi.

Reliqua istiusmodi remedia in prioribus capitibus annotavimus.



*Caput XXIII.**De Croco.*

Colophonis loco tandem de Croco nonnulla proferemus, non tam ut ejus usum in Medicinam multis probemus, quod non est necessarium, cum nullus Medicorum sit, qui eum in dubium vocet, quam ut exemplo croci reliquorum venenosorum usus novo argumento stabiliatur, cum & ille venenosus sit, & tamen præstantissimas virtutes medicas obtineat. Nam si venenositas croci ejus fidei nihil derogat, quo minus in dicta & medicina utilissimus esse ob omnibus credatur, ea neque in aliis rebus suspecta esse debet.

Audiamus primum Avicennam de croci noxiis qualitatibus cap. de croc. (ut eum Zacutus Lusitanus Prax. admirabil. lib. 3. observ. 144. citat.) Multitudo comestitionis croci inquit, superflua dilatat spiritum, & movet ad extra donec accidat, ut propter hoc discedat à nutritivæ materia, & sequatur inde mors: Et lib. 1. tract. 2. cap. 129. ait quod tres aurei de ipso interficiant lætificando. Et ipse Zacutus Lusitanus loc. cit. à croci nimio usu pallorem, capitis dolorem, caliginem oculorum, & demum insaniam maximè lætandam oriri asserit.

Nimia croci quantitas lethalis esse censetur.

setur. Joh. Schröder. Pharmac. libr. 4. Class.
1. §. 110.

Exemplum mulieris, cui nimia croci quantitas condimenti loco exhibita mortem attulit, refert Zacutus Lusitanus loc. cit.

Obtinet autem crocus qualitatem narcoticam inebriativam opio, & spiritui vini similem, quod odor ejus gravis, quem de se spirat, satis ostendit, & qui nimium inspiratus solo odore hominem interficere potest.

Hujus rei exemplum ex Amat. Lusitan. adducit Joh. Schenckius libr. 7. observ. 147. de florib. & plantis venenat. in Agasone quodam supra croci duabus sarcinis sedentis & inde dormientis & mortui, qui author etiam ideo crocum inter plantas venenatas refert.

Aliam historiam cujusdam famuli Mercatoris, qui juxta magnam croci quantitatem decubuit, dormivit, & ab ejus vaporibus suffocatus fuit, recenset Petrus Borellus centur. 4. observ. 35.

Quosdam ex nimio odore & usu croci in temulentiam incidisse, quotidiana experientia testatur. Frider. Hoffmann. libr. 4. sect. 1. §. 123. Pharmac. Schröder.

Crocum equis maxime exitialem esse à Veterinatoribus accepi, qui referunt modicam quantitatem croci etiam validissimo equo exhibitam ei lethale urinæ profluvium causari. Dafs Pferdt muß sich zu todt stellen.

Immo crocum etiam externè equis nocere, & eis ejus copiâ merentibus, vel eum supra tergum gerentibus mictum sanguinis inducere, recenset observatio 88. cent. 2. Petr. Borelli.

Verùm hæc damna & noxæ, quæ à croci abusu proveniunt, recompensantur summa utilitate, quam in dicta & medicina moderatus hujus floris usus affert, quorum utrumq; refert Galenus libr. 2. de composit. remed. secundum locos. Crocus suo odore caput ferit & mentem tentat modo Peucedani & Lentisci fructuum. Lætitiâ affert & ob id adiditur utiliter medicamentis ad cor facientibus. Si Galenus dixisset crocum hoc præstare modo vini, spiritus vini adhuc melius naturam croci descripsisset. Nam ut vini, spiritus vini moderata quantitas epota cor confortat, lætitiâ, animositatem affert, nimia verò ebrietatem, capitis dolorem, vertiginem, deliria, somnum causatur, ita etiam croci. Similia referuntur etiam de opio, quod ipsum homines animosos reddere scribunt.

Tantæ autem & tam insignes sunt croci virtutes ut à quibusdam Philosophorum aroma, ab aliis Rex vegetabilis, Panacæa vegetabilis, appelletur. Cephalicus est, quare ad melancholiam, vertiginem, phrenitidem, catarrhos nobilis est energię ac virtutis. Hystericus est, stomachicus &c. & si quod anodynum, certe crocus est. Hinc ejus usus frequens

frequens in fyncope, hyſtericis affectibus, ſtomachi debilitate, cetero, peſte, aſtmate cum moſchi grano uno vel altero. Menſes obſtructos reſerat, foetum pellit, ſomnum conciliat. Verum præ aliis qualitatibus ſe virtus alexipharmaca exerit, cardiaca. Unde à Kinnelm Digby in examine antidoti Walteri Rawleigts parva panacæa contra morbos contagioſos & venenatos ſoluitur, & vix eſt nobile antidotum, quod non in ſe recipiat crocum. In electuario de ovo Maximiliani ſanè triumviratum cum camphora & nuce vomica gerit crocus. Nobiliſſimum eſt electuarium de Croco, & remedium in peſte, morbis contagioſis etiam præſtantiſſimis æquiparandum, quod juxta deſcriptionem à Joh. Schröder. pharmac. med. chym. libr. 1. cap. § 1. 10. ita concinnatur. R. croc. oriental. ʒj. rad. Zedoar. tormentill. nuc. vomic. ā. ʒij. camphor. ʒj. ſem. eruc. rad. diptamn. alb. rad. angelic. ā. ʒij. rad. petafitid. ʒiij. theriac. veter. Venet. ʒvj. mitridat. ʒvj. miſce f. electuarium.

Qui ſimplicius remedium deſiderat, poteſt illud parare in hunc modum R. camphor. gr. iiij. croc. gr. v. nucis vomic. ras. gr. iiij. m. f. pulvis, vel cum theriaca pilulæ pro una vice in ſequente potione ſumendæ R. aq. fumar. carduib. a. ʒj. vini ſublim. cochleari ij. ſyrup. acetofit. citr ʒß. m. f. potio, quæ valentiſſima eſt in morbis malignis, febribus Ungaricis,

& ipsa peste. Potio hæc sæpius est repetenda, & inde sudandum, ægro stragulis coperto. Similem pulverem præscribit in febribus malignis. Clar. Joh. Dolæus Encyclop. med. chym. cap. de peste & febrib. malign.

Mihi tanquam summum arcanum, & quo integri pagi ægrotantium, & febribus malignis & contagiosis decumbentium fuerunt restituti, fuit recomendatum sequens R. aq. rosar. cum albumine ovi recent. agit. cochlear. ij. croc. pug. 1. probe mixtis adde spirit. vini cochlear ij. camphor. pulveris. magnitudine avellanæ nucis minoris. m. d. manè & vesperi. Loco spiritus vini potest tinctura aliqua bezoartica substitui, quæ verò non nimis avara manu, & ad guttas tantum, quam negligentiam etiam alii observarunt, sed ad drachmas & cochleatim est præbenda. vel R. albumin. ovi nō. j. spirit. vini cochlear. iiij. croc. oriental. ℥j. camphor. gr. ij. m. d. Gregor. Horstius lib. 1. de febrib. observat. 29. p. m. 55. 2.

Camphora & crocus in spiritu vini dissoluta sine detrimento etiam in malignissimis febribus dari possunt, ut recte sentit Heinric. Sæcra lib. 3. cap. 4. p. m. 256. quia una cum spiritu cornu cervi, salis armoniaci, & eorum salibus volatilibus inflammationes magnopere tollunt.

Theod. Zwingerus p. m. 330. spiritum
vini

vinī cum croco & camphora tanquam summum alexipharma cum laudat. Quæ si inflammationes externas tollunt, cur non etiam internas. vel

R. albumin. ovi i. vel ij. vehementer & in spumam agitatorum, croci minutissime pulveris. ʒß. vel ʒj. (quæ verò dosis mihi nimia videtur) spirit. vini ʒij. vel hoc potentius succ. express. sedi major. flor. salis armoniac. ʒj. camphoræ non nihil. Detur in aquæ sextario, etiam in potu utilissime sumitur. Joh. Schenckius observat. medic. 119. libr. 6. Valet in febre ungarica petechiali.

Crocum autem antidotis & alexipharma cum remediis addendum esse, & summam utilitatem in febribus malignis exhiberi, non una ratio probat. Nam primò in febribus malignis & peste timore & terrore nihil nocentius est, è contrario, quæ timorem & terrorem dispellunt, in iis summopere conducunt. Unde Helmontius & Willisius ambo viri celeberrimi ad præservationem à peste valde commendant ea, quæ hilaritatem & animositatem homini conciliant, atque, uti illi loquuntur, Archæum confortant. vide Helmont. de Tumul. Pestis. In quem finem non solum ille, sed etiam alii expertissimi Medici vini generosi & spiritus vini usum, grassante peste suadent, atque theriacam in vino vel spiritu vini sine metu caloris exhibendam, præ-

præscribunt. Et Joh. Zwelffer. in animadversis in pharmac. Augustan. theriacam potissimum virtute opii suam virtutem exserere credit, quia illud præter vim narcoticam etiam virtute quasi dementatrice pollet, quâ ipsâ imprægnatæ theriacæ ægrotantibus, atque etiam salubriter adhuc degentibus, qui præservandi causa illâ utuntur, ac firmam fiduciam in illa collocant, veluti animositatem quandam tempore infectionis summè necessariam addit, sicque nonnullos quandoque immanes conservat. Quod emolumentum quanto magis à croco expectandū est? Nam ille non solum ut opium, dementandi & inebriandi virtute gaudet, sed magis quàm opium naturæ nostræ familiaris est, cum ejus spiritibus confortio ejus gaudentibus affinitatem habet, hilaritatem animo conciliat, tristitiam abigit, & ideò etiam nonnullis melancholicis affectibus medetur. Secundò crocus summam obtinet penetrandi virtutem, atque particulas habet volatiles, subtiles, quod ex fragrantè ejus odore satis colligi potest, atque ideo una cum aliis volatilibus virtute præpollet iis, quæ fixiora sunt. Nam qui febrium malignarum & pestis naturam accuratius rimati sunt, agnoverunt, volatilibus & spirituosius remediis, ut camphoratis, salibus volatilibus urinosis eorumque spiritibus, tincturis, & aquis bezoarticis destillatis miasma malignum in

in peste &c. multò felicius dispelli, atque ad exteriora eliminari, quàm fixioribus, hîc ut plurimum debilioribus, qualia sunt terra sigillata, bolus armena, lapides pretiosi, lapis bezoar, c. cervi ustrum, philosophicè calcinatum, unicornu fossile, quibus nonnulli accensent lapillos cancri, antimonium diaphoreticum, bezoarticum minerale.

Tertiò venenositas croci usum in peste, & aliis morbis commendat, ita enim docere instituimus, ut quod alios ab usu remedium absterreat, nos ad usum eorum incitet. Nam venenositas rei nihil aliud denotat, quàm summam ejus activitatem & agilitatem, quæ verò in usu ejus tam utilis, quàm in abusu noxia est.

Joh. Fortis contra palpitationem cordis in usu habuit aquam melissæ, borraginis, in quibus crocus fuit maceratus, quod frequenter manè sumatur. Nam cor delectatur croco ejusque odore. Crocus, inquit Hier. Cardanus, pulmōni plurimum confert, & ego sanavi deploratos ab aliis solo ejus usu ab orthopnoia. v. Joh. Schenk centur. 7. observ. 66.

In cardialgia seu dolore ventriculi specificum remedium est crocus propter suam virtutem cordialem & anodynam.

Crocomagmatis Damocratis compositionem ex Galeno describunt D. D. Augustani.

Non

Non minus in dysenteria imprimis maligna cohibenda est insignis croci utilitas, atque præsentis humorum vitiosorum orgasmo non dari præsentius remedium, quàm essentiam seu extractum croci testatur Frider. Hoffmannus. loc. cit. Et Jacobus Bontius de Medicina Indorum perhibet hoc remedio nullam humanam rationem ad dysenteriam in India vehementius quàm in aliis regionibus gliscentem excogitare potuisse! exquisitius, & verissimum esse hujus morbi sæpè etiam venenati antidotum.

Hunc autem effectum croci virtuti narcoticæ attribuendum esse nobiscum nemo negabit, qui considerat in dysenteria peccare orgasmum humorum, in quo compescendo remedia anodyna multum possunt, ceu quoque in hoc casu opiata imprimis ab initio data excellentissima remedia sunt. Unde summa cum ratione in laudanis opiatis crocus combinatur opio, & vix est laudanum opiatum, cujus basis non est opium & crocus, seu eorum extracta, quibus deinde magisterium perlarum, seu pulvis eorum, ut & coralliorum, lapis bezoar, & alii nonnulli pretiosi lapides, quandoque cum aliquot guttis olei destillati cinamomi, garyophyllorum adjunguntur. Ita præparatur laudanum Quercetani, Crollii, Angeli Salæ, Sennerti, Schröderi, Wedelii, qui in tractat. de Opiolog. etiam ex tempore in

In remedium formulis crocum opio ad-
gi præcipit. Ex tempore potest parari tale
℞. opii cum spirit. vini, vel aqua extract. &
inspissat. gr. ij. vel iij. extract. croc. gr. v. ma-
gister. perlar. lapid. bezoar. ā. gr. ij. ol. destill.
garyophyll. aromat. gt. i. m.

Aquam dysentericam Jos. Quercetani
non sine judicio crocum admittere judicat
Frider. Hoffmannus loc. cit.

Aquas hypnoticas & narcoticas crocum
quandoque in sat largâ quantitate recipientes
describit Adrianus Minfichth. Armament.
Medic. Chymic. sect. 20.

Aliam ad arcendas vigilias aptissimam
per destillationem parari docet Frider. Hoff-
mann. loc. cit. Ejus dosis ℥ij. ℥iiij.

In tussi imprimis infantum & puerorum
polycrestum est sequens ℞. spermat. ceti re-
cent. ℥ss. croc. orient. gr. i. Si sit infans u-
nius anni; si duorum aut trium ℞. spermat.
Ceti recent, ℥j. croc. orient. gr. ij. Adultiori
& puero potest spermat. Ceti recent. 3℥. cum
tribus granis croci exhiberi, detur in jusculo
calido. Tussim sedat, resolvit, digerit, quan-
doque sudorem movisse scio.

Ingreditur etiam crocus decantatissimum
& polycrestum elixir proprietatis Paracelsi.
elixir uterinum Crollii, elixir sulphuris Min-
fichthi, elixir pectorale D. Michaelis.

Ex croco varia parantur medicamenta,
ut

ut aqua, spiritus, essentia, extractum, de quo hoc tantum monendum est, minus congruè illud, ut fecit Jos. Quercetanus, cum acetoso liquore parari. Nam ut rectè monet D. Ludovici Pharmac. Modern. tenerrimus flosculus duram tractationem non suffert, melior est præparatio, quæ cum aqua vel spiritu vini perficitur, ita enim croci virtus anodyna conservatur, quæ ab acidis pervertitur.

Michael Ettmüllerus Schræder, dilucid. tincturam croci cum spiritu vini minus rectè parari putat, quia spiritus vini ipse est narcoticus & inebriativus, uti etiam est crocus, quæ verò ratio nullius est momenti. Nam uti dixi, vis narcotica non solum in opio, hyosciamo, mandragora, &c. sed etiam in croco non est auferenda, vel per contraria pervertenda, sed per similia & homogenea conservanda.

Similiter contra vigilias, dysenteriam crocus per clysteres ad ℞j. potest infundi.

Ex croco cum pane vino madefacto, in vase clauso per aliquot dies in fimum equinum posito, & tandem destillato, Aroph Paracelsi, quod Helmontius ad lithiasin tractat. de lithiasi cap. 7. §. 14. deprædicat, & propter auream tincturam Aroph seu aroma Philosophorum nominat, parari voluit Fridericus Hoffmannus Pharmac.

Externè crocus sedat dolores, tumores
resol-

resolvit, emollit, discutit, idque non humectando, sed resolvendo, attenuando, discutendo, uti etiam alia remedia narcotica solent.

Communiter mulierculæ infantibus pro corrigendis vigiliis solent supponere sacculum, in quo crocus fuit asservatus, observante D. Georg Wolfgang Wedelio tract. de opio-
log. libr. 1. sect. 1. cap. 11. quod vero alii periculosum esse judicant. Sed monendum est, si infans dormire incipit, sacculum subtrahendum esse, quod etiam supra de hyosciamo monui.

Ex nucis mosch. oleo express. unguento populeonis, croco & opio parantur balsama hypnotica, quæ temporibus inungi solent.

In epithematis creber usus est croci. ut in capitis dolore R. aq. beton verben sambuc. ā. ʒj. pulveris Zedoar. ʒß. puleg. ʒj. croc. gr. viij. camphor. gr. iiij. m. f. epithema tepide applicandum.

Epithema ex spiritu vini, camphorâ & croco confectum resistit gangrænæ partium, & est remedium multis familiare.

Pro vigiliis R. aq. nymph. solan. ā. ʒj. aq. rosar. ʒij. croc. austriac. ʒß. opii gr. iiij. misce f. epithema. Somnum reducit, dolores sedat.

Similia epithemata ex croco, camphorâ, aquis, tincturis, & spiritibus bezoarticis cum panno scarlatino in febribus malignis, peste, possunt fronti, carpis, temporibus, regioni cordis applicari.

D d

Ad

Ad oculos in collyriis ℞. albumin. ovor. q. s. conquassatis cum aq. rosarum aut lacte materno adde croci parum, & impone oculis dolentibus.

Crocus gestatus supra cor quandam mulierem à mœrore & perpetuo flendi desiderio curavit, referente Petro Borello centur. **2. observ. 99.**

A croco in sacculo supra ventriculum gestato stomachi dolorem & molestiam navigantibus familiarem curatam notat Franciscus Baconus de Verulamio in histor. vitæ & necis. Eundem ita applicatum tanquam egregium stomachicum laudat Michael Ettmüllerus Schröder. dilucid. phytolog.

In cataplasmatibus ad dolores sedandos, tumores resolvendos itidem **frequentissimus** usus est croci. Exempla remedium passim in libris Medicorum annotata extant.

Non minùs in emplastris anodynis, solventibus, discutientibus crocus suum **offici-**um præstat, quod emplastrum oxycroceum officinarum, emplastrum de galbano crocatum Minsichthi, armament. Medic. sect. 37. descriptum, testantur ut ℞. gumm. galban. in acet. dissolut. ʒvj. emplastr. de **mell.** diach. simpl. a. ʒiij. ceræ citr. ʒij. tereb. alb ʒj. croc. orient. ʒvj. m. **f.** emplastrum, quod expertissimum usuque celeberrimum in emolliendis, resolvendis tumoribus **duris**, scirrhis, sedandis

dandis & mitigandis doloribus vehementibus & lethalibus partium, ut pectoris, scapularum, mammarum, hypochondriorum, laterum, ventriculi, lienis, hepatis, renum, uteri à crudis humoribus, flatu crasso, aut aliâ intemperie calidâ ortis. Insuper omnes strumas tam recentes quàm inveteratas emollit, lenit, concoquit, digerit, incidit, dissolvit. Convenit etiam in singultu, convulsione.

Lintheum crocatum in Minfichthi armam. sect. 38. descriptum est tale.

℞. crudum ex cannabe lintheum, ablue quinquies vel sexies in spermate ranarum in Martio collecto & filtrato, ut grana illa sive oculi nigri inde separentur. idemque toties in umbrâ per se, non in calore sive ad solem arefcere sine. Postea ℞. acet. fl. sambuc. croc. orient. ā. q. s. fiat tinctura, in quâ illud ex cannabe confectum lintheum coquatur, donec sublimem à croco colorem imbibat, tumque unâ refrigescere sine, & pannum illum crocatum exprime, in umbrâ sicca, ad usum serva.

Loco affecto pannus ille impositus, prius tamen sapone veneto inunctus sistit dolores, in cruciatibus arthriticis & erysipelate est remedium planè divinum.


In quibus morbis crocus non conveniat ex supra de opio & hyosciamo dictis sciri potest, & ante omnia in apoplexiâ, soporiferisque affectibus croci usum propter vim suam

D d 2

narcoti-

narcoticam fingendum esse cenſeo, licet iſ a quibusdam ad tales morbos commende- tur. Minus congrue uti alia narcotica, ita etiam crocus contra maniam exhibetur, uti cenſet Ettmüllerus, rationem de opio attuli.

CRoci ut veneni antidotum eſt acidum quodcunque, quod etiam contra alia ve- nena narcotica pugnare ſæpius jam dictum fuit.



Caput XXIV.

De remediorum venenato- rum neceſſitate.

HActenus experimentis rationibus & au- thoritatibus celeberrimorum in arte me- dicâ Virorum (nifi forte ignobilia ſunt nomi- na Hippocratis, Galeni, Avicennæ, Plateri, Mayerne, Sylvii, Miſſichthi, Willii &c.) virtus medica venenorum, eorumque in mor- bis curandis inſignis utilitas ſatis ſuperque fuiſſet demonſtrata, ſi modò homines eruditi nonnulli à ſua ſemel concepta opinione di- moveri poſſent, quos ſæpius mera ambitio in- tuenda ſuâ ſententia obſtinatos reddit. Quip- pe credimus exiſtimationi noſtræ aliquid de- cedere, ſi alienæ ſententiæ nos obſequentes reddimus, pudet etiam errores noſtros agno- ſcere,

fcere. cum tamen errare humanum, nec pudendum sit, aliquid humani non alienum à se putare. Quantomagis pudendum est odisse veritatem & eos, qui illam sectantur. Superest ut quzdam de venenatorum remedium necessitate proferamus, quam in dubium vocant ii, qui remediis tutioribus & infamiz minus obnoxiiis idem, quod venenatis efficitur, præstari posse credunt. Nam si, ut illi opinantur, verum est, quod tuta & usitata remedia idem quod venenata in medendo efficiunt, facile periculorum & infamiz obnoxiorum usufructu carere possumus, neque ulla necessitas nos ad talia remedia in morbis confugere cogit. Unde D. Joh. Jacob Wepfferus tract. de Cicut. aquat. cap. 22. Hæc quomodocunque se habeant non excutio, ego, inquit, cicutæ nunquam fiderem, nec auctor essem ut intra corpus admitteretur, cum plurima securiora existent ad satisfaciendum quibuslibet scopis in medendo præ cicutâ. Eadem admonitionem repetit loc. cit. schol. 2. ad caput 13. ubi inquit se assentire iis, qui nucem vomicâ in medendo non utendum esse censent, cum certa præ manibus sint &c. Argumentum igitur Wepfferi est, posito cicutam, nucem vomicam, in morbis curandis esse proficua, non tamen necesse est ad ea recurrere, quia remedia certa, tuta & usitata in medendo idem, quod cicutæ, nux vomicæ, præstant. Quæ

verba ad exterminanda ex Medicina etiam alia venenata applicari possent. Verum si remedium periculum & noxa ab eorum exhibitione timenda statim eorum usum in medicinâ prohiberent, certe etiam aliorum usitassimorum remedium usu, quæ non carent periculo, privaremur, qualia sunt venæsectiones & purgationes, quos infinitis periculum & mortem creasse, observationes Medicorum passim testantur. Deinde responderi potest, si venenatorum remedium virtus & operandi modus accuratius indagetur, eum effectum à remediis tutioribus & usitatis, quem à venenatis habemus, non impetrari, neque Medicum sine insigni materiæ medicæ mutilatione iis carere posse.

Hoc ut probem, propter jam adductas rationes mihi concedendum esse suppono 1. Unumquodq; venenum duobus potissimum modis animali nocere, vel sanguinem & humores corrumpendo, inficiendo, quod faciunt propriè venena præternaturalia, morbosa, contagiosa pestis, febrium malignarum, luis venereæ, morsus animalium rabidorum, lepræ, scabiei malignæ, dysenterię &c. qui morbi omnes lentum & viscidum, fermento corruptivo imbutum miasma de se spargunt, quod alteri corpori adhaerens, similem in eo morbum excitat, atque fermentatione corruptivâ humores in suam naturam convertit, sibi que
assimi-

assimilat; vel, quod faciunt venena naturalia, partes nervosas & membranosas corporis sensu indicatas, citra ullam notabilem (notabilem dico) sanguini & humoribus illatam noxam, lædendo, & animal interficiendo. 2. Ea venena non occulto modo & ratione, sed manifestâ suam vim deleteriam exserere, atque, uti venena præternaturalia putrido lento & viscido miasmate sanguinem inficiunt, & corrumpunt, ita naturalia partim acutis & pungentibus suis particulis, quibus prædita sunt, partes nervosas & membranosas pun gere, lancinare, irritare, inflammare, corrodere, quam verò vim in humores & reliquas sensu carentes partes corporis vix exserere possunt; partim fumosis suis exhalationibus cerebrum & nervos opplere, eosque torpidos reddere. 3. Eandem vim venenarum noxiam nervoso generi infestam utilem & medicam reddi, si vis illa â corpore in causam mor bificam convertatur, si â veneni virtute cau stica & corrosiva lentum & viscidum sanguinis coagulum, tot morborum nobis causa, incidatur, & resolvatur, vel si vis venenarum narcotica vel potius anodyna partes membra nosas & nervosas irritatas, dolentes ita torpi das reddat, ut non amplius injurias sibi â re noxiâ illatas sentiant. 4. Easdem particulas acutas, pungentes, venenarum multò pene trantiores & efficaciores, ut & vim narcoticam

in iis multò majorem, quàm aliis rebus esse, atque ea nocendo ostendere, quantò magis, si ritè usurpentur, prodesse possint. 5. Sæpius humorum lentorem & coagulationem ita contumacem esse, vel irritatorum spirituum ferociam tantam, ut debilioribus cæterum tutioribus remediis non resolvi, vel eorum virtute anodynâ cicurari queat, atque ideò 6. meritò remedia venenata destinari extremis morbis, eaque esse instar sacræ anchoræ, ad quam nihil conferentibus aliis Medici & ægroti in extremâ necessitate confugere possunt, quod observationes & exempla quotidie in praxi medica occurrentia, & in hoc tractu passim annotata sufficientissimè demonstrant. 7. Venenatorum remediorum noxam per methodicam eorum exhibitionem, & acicisam dosin evitari posse, quia venena naturalia (naturalia dico, nam præternaturalium venenorum minima portio in corpore & sanguine relicta illud contaminare & corrumpere valet) ut nocere possint, certâ & determinatâ quantitate opus habent, infra quam constituta corpus non lædere valent, manente nihilominus salva virtute eorum medicatrice; ut ita venena sint, & dici mereantur solum in majore, quàm debet dosi, & ægrotis intempestivè exhibita, remedia verò præstantissima in parvâ quantitate, convenienti subjecto, justo modo & tempore usurpata, ubi ante omnia

omnia monendum, & instar Canonis sanctè observandum esse duco, ut remedia talia corporibus robustis, non verò debilibus, vel viscerum quadam imbecillitate laborantibus præscribantur.

Ut res exemplis illustretur & probetur, ad examen producemus arsenicum. Illud cerebro & nervis infestissimum esse horrenda symptomata ab ejus usu excitata satis loquuntur, idque præstat particularum suarum acutie, quæ partes stomachi & intestinorum irritat, vellicat, inflamat, corrodit, damnum verò, quod per se sanguini & spiritibus infert, vel nullum est, vel non ita magnum, ut jam supra fuit ostensum. Sed eadem arsenici particulæ acutæ, pungentes, & nervoso generi tantopere noxiæ, utiles & medicatrices evadunt, dum sanguinis coagulum lentum, viscidum, vel simplex tale, ut in obstructionibus, asthma, tumoribus duris, scirrhis &c. vel cum malignitate aliquali in febribus intermittentibus, vehementiore in peste, febribus malignis, leprâ, lue venereâ conjunctum incidunt, resolvunt, atque sanguinem ab inquinamento venereo, pestilentiali, febrili repurgant. Ne autem arsenicum noceat præcave-ri potest, si in modicâ dosi, & corporibus robustis exhibeatur. Hæc eutem virtus in arsenico & sui similibus resolutoria & emolliens major est, quàm in remediis aliis commu-

Dd ;

nibus

nibus & tutis , quia particulæ arsenici sunt valdè acutæ & penetrantes , & si alia acria ad pituitam viscidam , lentam resolvendam inferviunt , quantò magis id efficient ea , quæ in summo gradu sunt talia , qualia sunt caustica , corrosiva , inter quæ non infimum locum tenet arsenicum ? Quia igitur sæpissimè accidit , ut causa morbi nimis sit contumax , quàm ut vulgaribus remediis evinci possit , ideò etiam evenit , ut sæpius necessitas Medicos juxta & ægrotos ad petendum ab istiusmodi remediis fortibus , quale arsenicum , auxilium cogat , quæ non sine prudente consilio ad morbos desperatos reservari solent. Hoc observari potest in tumoribus duris , scirrhis , in quibus resolvendis , ut non diffiteor , magnæ sunt vires salium volatilium , martialium , essentiarum & tincturarum antiscorbuticarum , gummatum ammoniaci , galbani in aceto dissolutorum , & aliorum remediorum internè & externè adhibitorum , ea tamen omnia non æquant efficaciam arsenici & mercurialium , & quis ab emplastro , exempli gratia , gummi ammoniaci , galbani , diaphoretici æquè feliciter emollitos vidit tumores duros , quàm ab usu arsenicalium , & mercurialium ? Unde si istiusmodi emplastro resolventi addatur arsenicale vel mercuriale aliquod , sine dubio illud multò potentius reddetur.

Par effectus arsenici etiam spectatur in morbis

morbis internis. Admiratione & stupore dignum est tantulam arsenici crudi dosin contumacissimos febris quartanæ paroxismos protelare, renitentissimas obstructions reserare. In asthma sæpius circa cor & pulmones reperiuntur corpora callosa, glutinosa, polyposa, cursum sanguinis circularem remorantia, & intercipientia, ob quam causam Hippocraticus Medicus ut apoplexiam, ita etiam asthma, catarrhum suffocativum, non inepte fieri pronuntiaret ab ἀπολήψει τῶν φλεβῶν, interceptione venarum circa cor & pulmones. In his corporibus duris resolvendis nemo sanus nos reprehendere potest, si antea aliis remediis communibus, ut spiritu salis armoniaci simplici, vel anisato, cum gummi ammonico destillato, oxymelide simplici & squillitico, sulphureis, benzoinis, & aliis frustra contra morbum assumptis ex antiquis Medicis Avicennæ Medicorum Principis, vel ex recentioribus Georgii Wirthii Archiatri Regii vestigia premamus, & ad usum arsenici recurramus. Neque noxa ulla ab hoc remedio timenda est, quia eam per moderatam dosin & usum prudentem, iustoque tempore, morbo, & convenienti subjecto applicatum, facile declinare licet.

In lue venerea sanguinis serum miasmate corruptivo, putrefactivo imbui, contaminari, coagulari & spissum reddi, omnia hujus morbi

morbi symptomata & phænomena, ut ulcera
 partium, ossium caries, capillorum defluvia,
 fœtores, contagium, individuus fermenti pu-
 tredinalis comes, nodi, tophi, in ossibus ex-
 ostoses à pituitâ viscidâ, coagulâtâ orti, eâque
 si dissecantur, turgidi, abundè comprobant.
 Et Nicolaus Massa epistol. 30. tom. 1. uti ex
 eo Joh. Schenckius libr. 6. observ. 210. notat,
 in lue venerea laborantium & demortuorum
 cadaveribus dissectis se invenisse materiam
 albam pituitosam in venis sanguinem longè
 superantem. Similiter Ambros. Paræus Chi-
 surg. libr. 18. cap. 3. p. m. 533. venenum luis
 veneræ in pituitâ squadam viscida. crassâ,
 malignâ consistere, egregiis rationibus evin-
 cit. Exinde fit, quod quæcunque remedia
 pituitam crassam, viscidam sive per alvum,
 vomitum, sive per salivationem expurgant,
 incidunt, attenuant, in hoc morbo curando
 multum possint. Verum hanc lympham sæ-
 pius ita tenacem, atq; spissiore & lentiore
 esse, (quod imprimis in populis septemtri-
 onalibus lue venereâ laborantibus, minùs ve-
 rò in Italis, Gallis & Hispanis accidere notant
 nonnulli Practici) quàm ut debilioribus &
 vulgaribus ceterum tutis remediis evinci
 queat, atque ideo remedia fortia, licet pericu-
 losa & venenosa exigere, vel in vulgus notum
 est. Atque hoc certum est venenum venere-
 um in corporibus serosis & pituitosis, qualia fun-

fun

sunt Germanorum, Batavorum, Anglorum fortius suum caracterem imprimere, quàm Italarum, Gallorum, qui multo spirituosio sanguine abundant, atque eapropter etiam venesectiones largiores melius, quàm Germani &c. sustinent. Unde quia sæpius vana sunt hujus luis curationis tentamina per decoctum ligni guajaci, sassafras, radicis china, sarsaparilla, & aliorum, ideò ad fortiora progrediendum est, qualia sunt præ aliis mercurialia, principalissima feri visceri, & miasmate corruptivo inquinati incisiva, attenuativa & correctiva. Hæc autem sunt Mercurius sublimatus, præcipitatus communis, Solaris, Arcanum corallinum, Hercules Bovii, turpith minerale, Mercurius dulcificatus, inunctiones mercuriales. Nec impedit eorum usum quod sint venenosa & periculosa, omne periculum methodicâ eorum præscriptione amoliente. Quod verò quædam eorum, ut Arcanum corallinum, Mercurius dulcis omni suâ corrosivitate & venenositate per sollicitam præparationem spoliata esse dicantur, ea vanissima est, uti jam fuit suprâ dictum, quorundam jactantia, quanquam certos quosdam venenositatis gradus inter ea constitui, & unum præ alio minùs periculosum esse, nemo negare possit. Ita Mercurius dulcificatus in lue venerea est quidem inter remedia mercurialia venenosus & corrosivus, sed

sed in inferiore gradu, quàm alia mercurialia, & si in moderatâ quantitate exhibeatur, vel semel, bis, damnum nullum affert, sin. verò in largiore, & sæpius iterata dosi offeratur, quod sæpius necessarium est, nam in morbis magnis & refractariis, qualis est lues venerea, quid una, alterave Mercurii dulcis exhibitio ad exterminandum venenum, & morbum curandum posset? tunc eum maximum periculum & mortem ægrotis attulisse non semel mihi observare licuit. Neque tamen fortiora & periculosiora mercurialia in curatione luis ab usu secludenda sunt, quod inter aliorum Medicorum etiam Zacuti Lusitani de Medic. princip. libr. 1. item Prax. admirabil. libr. 2. observ. 133. autoritate probari potest, ubi, si-
 "perhibet, robustos & viribus constantes un-
 "guentis Mercurialibus incurabiles, buccellâ
 "ex Præcipitati granis v. rhodofaccharo inyo-
 "lutis, & pulveribus cardiacis se sanasse.

Lui venereæ morbus quoad causam & quædam symptomata adeò similis est lepra & elephantiasis, ut nonnulli leprosi pro venereis, & vice versa venerei pro leprosis fuerint curati. His morbis affectis sanguinem per venam incisam eductum, in pixide servatum, postmodum præcipuè circa superiora ita concretum majore ex parte crassam pituitam undique repræsentantem conspectum esse, ut

VIX

vix sexta illius pars sanguinis colore donata in fundo matulæ resideret, ita ut reliquum glutin viscidissimum videretur, vixque cultro scindi & lacerari posset. Nec ullum, cui talis sanguis eductus fuit, à morbo liberatum notavit Marcellus Donatus libr. 1. cap. 4. *histor. medic. mirabil.*

Huiusmodi spississimum feri coagulum etiam aliquando in febribus malignis observare licet, qualem ipse observavi in sanguine per venæ sectionem educto Leonhardi Glaseri Lanionis febre malignâ demortui, quod feri spissamentum ego summæ malignitatis indicium esse judico.

Causam hujus in feri lentoris & aliorum in leprâ & hinc venereâ symptomatum multi ex recentioribus Medicis acido corrosivo, mercuriali, arsenicali, adscribunt, quod quam falsum sit, probat, quod acidum imprimis mercuriale, arsenicale hunc lentorem & spissitudinem feri resolvit, & attenuat, quodque etiam celeberrimi Medici hisce morbis curandis acida mercurialia, arsenicalia remedia opponunt. Et quid contra has hydras morbosas fortius pugnat, quàm Mercurius sale acido armatus? dum suis particulis acutis, pungentibus sese intra feri corpus gummatosum & glutinosum insinuat, ejusque coagulum resolvit.

Unde Theodorus Mayerne tract. Prolego-

legomen. de lue vener. p. m. 298. In lepra purgato strenuè cum & sine Mercurio. Mercurium elephantiasis domitorem appellat Guilielmus Ballonius, Petrus Forestus libr. 32. observ. 19. schol. pilulas Mercuriales in vetere pudendagra-feris gummositatibus, sordidis ulceribus & elephantico ferè habitu nonnullis mirabiliter profuisse expertus est, quos etiam alii sequuntur Medici.

Absurdum igitur est eandem rem & causam morbi & remedium simul statuere. Et si lepra, lues venerea essent ab acido, multo magis in his morbis læderet, quàm utilis esset mercurius sale acido conjunctus.

Est igitur fermentum putredinale corruptivum, lentum, viscidum, atque contagiosum potius in lepra & lue venerea accusandum, quàm ulla alia res, quod miasma viscidum etiam in sero similem effectum producit, illudque viscosum reddit, vel coagulat. Nam qualis est causa, talis est effectus. Ita similiter absurdum contagium, putredinem & corruptionem in his affectibus imputare acido, cum acidum corruptioni putredinali fortiter resistat, omnis contagii expers sit, idque arceat & impediat magis, quàm promoveat. Nec sufficit dicere, acidum corrodere, corrumpere, ergo in leprâ, lue venereâ corruptiones partium esse ab acido. Nam corrumpere, exedere, corrodere non sunt actiones solius acidi, sed

sed etiam fermenti putredinalis extra acidum positi. Neque est humorum adustio causa horum morborum, ut quæ effectus potius quam causa est, atque à fermentatione putredinali in his morbis humoribus inducitur.

Ceu quoque absonum esset, si quis statueret, incalescentiam à rebus putrescentibus excitatam esse putredinis causam, quia incalescentia & adustio à putredine oritur, non verò hæc ab illâ.

Quapropter meritò his morbis opponuntur omnia ea, quæ fortiter fermento putredinali resistunt, inter quæ palmam aliis omnibus præripiunt Mercurii corrosivi, caustici, quanquam hîc nec alia venenosa suo defint officio, externè & internè usurpata, ut arsenicalia, colocynthis, & ex eâ præparata confectio Hamech, helleborus albus & niger, & ex iis composita oxymella helleborata.

At quod jam de Arsenico, Mercurialibus diximus illud etiam de aliis venenis causticis, purgantibus & opiatis dici potest, atque remedia ex iis constantia sæpius à celeberrimis Medicis arcanorum titulo efferuntur, eorumque usus solum morbis desperatis curandis reservatur, quo ipso nihil aliud volunt, quam morborum quorundam contumaciam aliis remediis insuperabilem eorum virtute frangi posse. Apud Medicos nihil vulgarius est hoc axioma: **Extremis morbis extrema reme-**
Ec media

media esse opponenda. Quænam autem sunt extrema? certè non vulgaria, & tuta, sed generosa, quæ nunquam carent periculo, & si curationes per tuta & vulgaria semper absolvi possent, quid opus esset à remediis extremis auxilium poscere? Exempli gratia in lue venereâ, leprâ, à Mercurialibus, in apoplexiâ, caro, paralyfi, ab euphorbio, colocynthide, in hydrope ab elaterio, in melancholiâ à veratro albo, in hæmorrhagiâ ab hyosciamo. Mercurium corrosivum inter alia remedia Mercurialia quidem periculosiorem, sed etiam efficaciorē judicat de le Boe Sylvius, quod etiam de veratro albo dici, supra retuli. Quo ipso quid aliquid innuitur, quàm periculosa remedia in medendo tutorum virtutem superare, vel in curatione morborum tutis non tantum effici, quantum periculosis, atque ideo usum venenatorum & periculosorum sæpius necessarium esse.

In summis doloribus, aliis remediis nihil efficientibus ad narcotica & laudanum opatum, præparatum quidem, sed nihilominus periculosum, vel si hoc non sufficit, ad crudum opium, & ex eo parata remedia, periculosiora quidem, sed etiam efficaciora confugimus. Nec me ab usu horum remediorum absterret, quod infamiz sint obnoxia, quod Medicus talibus utens facilè famæ & existimationis suæ jacturam pati possit. Ceu nuper

Medicus

Medicus quidam in scripto suo propalavit :
"Medicum venenatis remediis utentem viri
"boni nomen non tueri posse. Nam si sunt in-
famia, sciendum est non culpam propriam, sed
vel nimiam quorundam timiditatem, & sini-
stram de iis opinionem, vel aliorum iis abu-
tentium temeritatem ea diffamasse.

Si verò ii, qui remediis venenatis utun-
tur, viri boni nomen non tueri possunt, omnes
ii Medici, quorum magnus in nostro tractatu
catalogus extat, erunt infames, & nequam.
Et quomodo ab infamiz notâ se liberare pote-
runt Hippocrates, Galenus, Avicennas, qui in
curatione morborum sæpius cantharidibus,
arsenico, cicutâ, opio hyosciamo, euphorbio,
& aliis usi fuerunt? Quomodo multi nostræ
ætatis Medici, quibus ad morbos sanandos
Mercurius dulcificatus, præcipitatus solaris,
corallinus in frequente usu est? Nam licet in
his omnis qualitas noxia, venenata, arsenica-
lis per diligentem præparationem sublata esse
jactetur, eam tamen mansisse, loquuntur tra-
gica exempla eorum, quibus intempestivus,
& immoderatus usus horum remediorum
summe noxius fuit, quæque ideò non minùs
quàm alia remedia venenosa, periculosa, &
non cum minore cautione exhibenda sunt.
Immò ipsi D. Medici Augustani, & imprimis
Veteres non erunt ab hac culpâ immunes,
quia nonnulla remedia, quæ manifestè vene-
nosa

noſa ſunt, ſuo Diſpenſatorio inſerta habent, atque aliis ad uſum commendant, qualia ſunt pilulæ de euphorbio, colocynthide, de cynogloſſa tria venena, eaque cruda in ſe continentes, oxymel helleboratum, electuarium de ovo, quorum hoc nucem vomicam, illud helleborum album & eſulam admittit.

Nec melioris fortis remedia ſunt Philonium Romanum Nic. Mirepſi, Meſue, quæ ex crudo, nec ſubſulphure venenato ſpoliato opio, ut & ex ſemine hyoſciami, atque euphorbio compoſita ſunt, & tamen in Diſpenſatorio Auguſtano deſcripta extant.

Quamquam certo modo concedi poſſit Virum bonum contra morbos ſalvâ conſcientiâ rebus venenatis non uti poſſe. Atque etiam ego dico, Medicum nequiſſimum eſſe, qui ægrotis ſuis loco medicamenti venena porrigit. Negatur enim hætenus à nobis commendata, ſi ritè & methodicè uſurpentur, eſſe venena. Nam ſolùm pro venenis, at falſò, fuerunt habita, quod ſi adhuc præfractè negaretur, experientiam teſtem appello.

Verùm ſola neceſſitas uſum remediorum venenorum & periculoſorum excuſet, neque iis, ſi curatio tutioribus perfici poteſt, utendum eſſe cenſeo, nec eorum conſilium, qui ad eorum uſum nimium properant, approbo. Ubi verò unica ſalutis via eſt, ea, ut rectè admonet Zacutus, licet cum periculo tentan-

tentanda, & melius tunc est, anceps remedium, quàm nullum experiri. Hoc etiam non nego venena, vel potius remedia ex venenis petita, majore cum cautione, quàm alia remedia esse administranda, & si in totâ Medicinâ, certè hic observandum esse illud Terentianum: Ne quid nimis. Nam usus & applicatio istiusmodi remediorum exactum Medici judicium, atque inter timiditatem & temeritatem ambigens, causam morbi, ægri vires probè cognoscens & trutinans requirit. Unde non reprobo cujusdam Medici mihi amici censuram de hoc tractatu, qui benè factum credit, quod is in linguâ latinâ fuerit conscriptus. Nam, inquit, si in linguâ vulgari & germanicâ ederetur, & ab artis imperitis legeretur, temerariis posset occasionem nocendi præbere. Verùm quantò melius factum, & Medicorum existimationi & rei consultum fuisset, si non solum hic tractatus medicus, sed etiam alii de morborum curatione agentes non in linguâ germanicâ & vulgari fuissent editi, si Doctores Medicinæ solum linguâ doctâ, id est latinâ loquerentur & scriberent, atque suam doctrinam, quantum possibile, oculis vulgi subducerent, ita enim arti nostræ suus honos, sua reverentia conservaretur, quæ nunc planè ruit, dum Medici integros tractatus de curatione morborum in linguâ vulgari conscriptos edunt, & eo ipso nihil

aliud agunt, quàm ut impudenti Empiricorum gregi occasionem Medicis quocunque modo nocendi suggerant, atque jam intollerabilem eorum arrogantiam ulterius inflent. Et quæso, quomodo inter se conveniunt, quod Medici Empiricorum temeritatem, imperitiam, impudentiam ubique in scriptis suis exagitent, & detestentur, at eos nihilominus modum & rationem, quomodo inconconsultis Doctoribus ægros tractare possint, doceant? Nam quod nonnulli Medici in linguis vulgaribus sua animi sensa proponant, illud eos in gratiam Empiricorum factitasse mihi videtur. Nesciunt etiam hi Medici remedium dignitatem, si arcana maneant, conservari, ea verò postquam ad plurimorum notitiam perveniunt, subito evilesce. Sin verò adhuc suum institutum defendere pergant, saltèm non ægrè ferent, Empiricos cum Medicis pari honore & dignitate, ad quam iis ipsi viam straverunt, haberi. Mihi sanè nunquam placuit hæc nimia bonitas in eos, qui nos plus quàm Vatiniano odio prosequuntur, & quamvis adhuc nesciam, quod fatum hic meus tractatus subiturus, & num Medicis placiturus sit, cum probè sciam paradoxa multis displicere, atque ipsam scribendi libertatem ingratham esse, & si quis etiam vere aliquid scripserit, vel dixerit, non tamen semper sibi propitiam famam promittere

tere possit, sæpiusque obsequium amicos, veritas odium pariat, mei voti tamen summa est, ut is non solum Doctoribus approbetur, sed etiam ut intra eorum manus maneat, ne remedia à me, sed bona & ad praxin medicam necessaria judicata, si ab indoctâ manu exhibita & directa fuerint, ægrotis periculum & malum causentur, atque ipsa mea doctrina calumniis & criminationibus aliorum objiciatur.



INDEX CAPITUM

Caput I.

De venenis in genere pag. 6.

Caput II.

De Arsenico pag. 30.

Caput III.

De venenis Mercurialibus pag. 97.

Caput IV.

De Napello & Aconito pag. 147.

Caput V.

De Cantharidibus, Scarabæis &c. p. 161.

Caput VI.

De Purgantibus in genere pag. 182.

Caput VII.

De Euphorbio pag. 189.

Caput VIII.

De Esula pag. 190.

Caput IX.

De Elaterio pag. 192.

Caput

Index capitum.

- Caput X,
De Colocynthide pag. 198.
Caput XI.
De Helleboro albo pag. 207.
Caput XII.
De Lapide Lazuli pag. 242.
Caput XIII.
De Nicotianâ pag. 252.
Caput XIV.
De Lihargyrio & aliis Saturninis pag. 265.
Caput XV.
De opio pag. 275.
Caput XVI.
De Hyosciamno pag. 290.
Caput XVII.
De Papavere pag. 318.
Caput XVIII.
De Cicutâ pag. 322.
Caput XIX.
De Mandragorâ pag. 342.
Caput XX.
De Solano pag. 357.
Caput XXI.
De Cynoglossâ pag. 364.
Caput XXII.
De Nuce vomicâ pag. 370.
Caput XXIII.
De Croco pag. 394.
Caput XXIV.
De Remediorum venenatorum necessitate
pag. 408.

FINIS.

61

62



